















△

S. PUFENDORFII<sup>o</sup>  
DE  
OFFICIO  
HOMINIS & CIVIS  
JUXTA  
Legem Naturalem  
LIBRI DUO.

Selectis VARIORUM Notis, maximeq; propriis  
illustravit, celeberrimi BUDDEI Historiam

*Buddeus  
Johann Frang.*

Juris Naturalis Notis adauctam præ-  
misit, Indicemq; rerum subjunxit

*[mas]*

*via Stadthampton*

THO. JOHNSON, A. M.

COLL. MAGD. CANT. SOC.

Editio Tertia longe auctior & emendatior.


AZ 774



L O N D I N I

Impensis GUL. THURLBOURN, Bibliopolæ Cantab.  
Prostant apud I. BEECROFT P. VAILLANT & I.  
NOURSE, Londini; & FLETCHER, & CLEMENTS,  
Oxonii, 1748.





S. - 3.

---

---

# PRÆFATIO EDITORIS.

**N**olumus multa præfando, ut  
moris est, lectorem diutius  
in limine morari; cum ne patien-  
tia ejus & otio abutamur, tum ne  
liber, qui jam satis pinguescit, in  
majorem quam par est molem ex-  
crescat. Nolumus vel in laudi-  
bus auctoris longe celeberrimi e-  
narrandis, vel in disciplinæ quam  
tradit præstantia & utilitate præ-  
dicandis tempus conterere. Notis-  
sima hæc omnia, & fere quoti-  
dianæ operæ. Attamen pauca sunt,  
quæ de ratione & instituto nos-

A

tro

tro in libro hoc edendo forsan scire  
avebit lēctor, & nostrā intererit  
dicere; ne miretur aliquis qua fi-  
ducia & spe, quo consilio & men-  
te post toties iteratas editiones à  
viris celeberrimis TITIO, BAR-  
BEYRACCIO, OTTONE, WE-  
BERO, TREVERO, CARMICHAE-  
LE, LEHMANNO aliisq; adorna-  
tas & commentationibus satis su-  
perque illustratas, ipse alteram pa-  
raverim. Non est nostri alienos  
labores sinistris sermonibus carpere  
& lacerare, etsi votis & desideriis  
nostris haud prorsus satisfaciant.  
Nemo inficias ibit viros illos doc-  
tissimos in PUFENDORFIO ador-  
dando utilissimas operas præstitisse:  
plane injustus essem, si illos præ-  
clare (proculdubio longe supra meas  
vires & moduli rationem) in hac  
palæstra se exercuisse haud luben-  
ter



ter agnoscerem, ex quibus uberri-  
mos ipse fructus percepi. Sed plus  
vident oculi quam oculus; & si  
priorum hominum laboribus adju-  
tus ipse his longe inferior opuscu-  
lum *Pufendorfsianum* meliori forma  
& habitu è prelo exire jussero, minus  
tamen laudis & gloriolæ (quam  
ex hac re nequaquam capto) mihi  
exinde accreverit, non minus ta-  
men commodi & fructus percipiet  
lector novitius, & in hisce rebus  
parum exercitatus. Etenim non est  
nostri instituti aut expectationis,  
ut doctis & harum rerum peritis  
prosim; hoc solum in votis est,  
ut tyronibus quiddam adjumenti  
afferre possim; & Juventuti, Aca-  
demicae præsertim, quæ *Juri Na-*  
*turali* operam dat, notitiam ejus  
faciliorem reddam.

F A T E O R equidem affatim scriptorum reperiri posse, qui hanc materiam cum laude tractarunt : inter quos primas partes tenere GROTIUM & PUFENDORFIUM nemo est in hisce literis mediocriter versatus, qui non ultro agnoscit. Ille vero eruditis scribens, tyronibus se minus utilem præbuit, quippe quod stylus brevis & terminis scholasticis impeditus haud facile intelligatur, & testimoniis veterum perpetuo refertus non nisi adultis & his literis imbutis tentandus sit. Præterea tota ejus hypothesis falso fundamento nititur : in his præcipue claudicans, primum quod *Jus Naturale* ab abstractis rerum naturis, seposita Dei voluntate, derivet ; deinde quod *Jus Gentium* à Jure Naturæ prorsus distinctum & diversum, idque

que ex moribus gentium Proteo mutabilioribus quodammodo exsculptum, sibi in mente fingat: ob quas causas multis ambagibus & difficultatibus sæpe sæpius implicatur. Noster vero PUFENDORFIUS, in gratiam tyronum  
 “ brevi & perspicuo compendio  
 “ (verbis ipsius utor) præcipua  
 “ juris naturalis capita exposuit;  
 “ ne si citra cognitionem velut  
 “ elementarem in diffusa ejus disciplinæ spatia sese immiserint,  
 “ copia & difficultate rerum protelentur.<sup>1</sup>” Certis & firmissimis principiis Systema adstruxit; legis naturalis originem & auctoritatem ab ipso naturæ auctore deduxit; officia hominis ab ipsius indole & natura sociali profluere docuit;

---

<sup>1</sup> Vid. Præfat. Auctoris, § 1.

omnia denique (paucissimis minoris momenti exceptis) subactō ingenio & acri judicio construxit, & si minus copiose & ornate, vere tamen apteque dixit.

CUM igitur Juventutem, quæ in nostro Collegio bonarum literarum fatagit, erudiendi instituendique mihi demandatum sit munus ; id vero maxime necessarium habui, ut Jurisprudentia & Philosophia Moralis, in quarum studio omnium artium, quæ ad rectam vivendi viam pertinent, ratio & disciplina continetur, in Pupillorum gratiam illustrentur : hunc ad finem PUFENDORFIUM mihi ducem selegi, & ex eo quæ ad *Jus Naturale* & *Mores* spectant, docere & exponere suscepi ; Juventutem nostram bonum exinde fructum percepturam esse

esse sperans: nec ut opinor spes me fefellit. Sed cum plurima in hoc libello præclara & bonæ frugis invenerim, facile tamen sensi eum non omnibus numeris absolutum esse; multa perquam necessaria extremis tantum labiis attingere; nonnulla prorsus omittere; pauca denique (quod humanum est) perperam tradere. Omnia hæc in libro exponendo auditorum gratia mihi notanda esse duxi: ideoque memoriæ causa animadversiones, quæ vel legendo vel cogitando mihi occurrebant, chartis commisi, quas singulis libelli foliis interposui. Ex hoc fonte & origine PUFENDORFIUS jam hac nova facie & ornatu in publicum prodit. Nihil tale meditabar, cum notas exscripsi, quæ nostris omnino & Pupillorum paucorum usibus des-

tinatæ fuerunt: sed cum *privatis* meis commodis eas inservire expertus sim, aliis etiam haud prorsus inutiles esse posse speravi; ideoque animus utilitatis publicæ, præsertim academicæ, studiosus in propriis scriniis eas diutius delitescere haud passus est. Neque causam vidi, quare me ab hoc instituto deterrent aliorum in eadem palæstrâ labores; cum facile perciperim tantam esse hujusce doctrinæ ubertatem, ut locus sit pluribus idem argumentum tractare, & plurima bonæ frugis addi posse iis, quæ ab aliis in commentariis suis edisseruntur; præsertim cum nemo inter nostrates reperiatur qui ullam hujusce libri editionem emisit; iisque editionibus, quæ in *Germania* evulgatæ fuerint, haud tam facilis in Bibliopolarum nostrorum officinas

officinas pateat aditus. Quænam verò in hâc nostrâ editione adornandâ præstitimus, & in quibus præcipuè utilis esse possit, paucis accipiat lector.

CUM plurima ab ipso auctore penitus omittantur, alia vero nimis concise tradantur (ut supra monuimus) id præcipue laboravi, ut ea supplerentur, quorum accessione ipse liber una cum notis justum systema tum Jurisprudentiæ naturalis, tum Philosophiæ moralis conficere posset. Hæc autem vel ex proprio penu, vel ex aliorum Editorum, præcipuè verò cl. BARBEYRACCII Gallicanis commentariis, vel ex probatissimis auctoribus, quales sunt GROTIUS, SANDERSONUS, BUDDEUS, &c. subministravi. Nolui sane illa  
unquam

## P R Æ F A T I O

unquam dicere, quæ magis apte  
& ornatè alius quisquam prius  
dixerat. Spero itaque me lectoris  
veniam impetrare posse, quod cum  
deficit auctor, ex aliis scriptoribus  
ea, quæ ad rem propositam perti-  
nere maxime videbantur, identi-  
dem allegavi: nequit illi fraus esse,  
cum ipsorum nomina semper sub-  
jeci. Sæpe etiam exemplis singu-  
laribus generalia auctoris præcepta  
illustravi; modo ex jure *Romano*,  
modo ex veterum Philosophorum,  
ARISTOTELIS, CICERONIS, SE-  
NECÆ, &c. scriptis, iis, quæ ma-  
gis recondita & obscura sunt, lu-  
cem affundere conatus fui. Erro-  
res item, in quos nonnunquam  
labitur auctor (ecquis autem non  
aliquando dormitat?) diligenter no-  
tandos esse duxi. Deinde in grati-  
am illorum, qui eandem materiam  
fufius



fufius & prolixius tractatam videre velint ; parallela loca GROTH & PUFENDORFII in opere majori femper aduiffim indicavi \* : adeo ut duos iftos auctores, fi quis velit, pro perpetuo commentario ad hoc opufculum fibi comites habeat.

IN fecunda hac editione ut nihil deficiat, quod Juventutis commodis infervire poffit, non tantum notas auctiores feci, fed & *Historiam Juris Naturalis* à viro doctiffimo J. FR. BUDDEO confcriptam, lectu digniffimam præmiffi, quam notis adauxi eo fine ut perfectior evaderet & ad hanc ufque ætatem perduceretur.

---

\* Numeri, quos a principio ad finem libri in margine adfcriptos videbit Lector, parallela PUFENDORFII loca indicant.

# PRÆFATIO.

DENIQUE *Indicem rerum*, tam  
quæ in textu, quam quæ in notis  
occurrunt, subjunxi. Nil aliud  
restat, quod lectorem monendum  
esse volui, nisi quod conatibus  
nostris faveat, & si quæ maculæ  
irrepperint,

— *Quas aut incuria fudit,  
'Aut humana parum cavit natura* —

nobis eas humaniter condonet.



## TABULA

---

T A B U L A  
CONTENTORUM.

BUDDEI <i>Historia Juris Naturalis.</i>	Pag. 3
PUFENDORFII <i>Dedicatio.</i>	p. 91
<i>Ejusdem Præfatio ad LECTOREM.</i>	p. 97

---

De Officio Hominis & Civis.

LIBER PRIMUS.

I. <i>DE Actione humana.</i>	p. 113
II. <i>De Norma actionum humanarum, seu de Lege in genere.</i>	p. 149
III. <i>De Lege Naturali.</i>	p. 169
IV. <i>De Officio Hominis erga Deum, seu de Religione Naturali.</i>	p. 187
V. <i>De Officio Hominis erga Seipsum.</i>	p. 217
VI. <i>De</i>	

- VI. *De Officio quorumlibet erga quoslibet; & primo, de non lœdendis aliis.* p. 246
- VII. *De agnoscenda Naturali Humanum æqualitate.* p. 258
- VIII. *De promiscuis Officiis Humanitatis.* p. 265
- IX. *De Officio Paciscentium in genere.* p. 274
- X. *De Officio Sermocinantium.* p. 299
- XI. *De Officio Jurantium.* p. 308
- XII. *De Officio circa acquirendum rerum dominium.* p. 318
- XIII. *De Officiis, quæ ex Dominio rerum per se resultant.* p. 339
- XIV. *De Pretio.* p. 343
- XV. *De Contractibus, qui pretia rerum præsupponunt, & fluentibus inde Officiis,* p. 352
- XVI. *Quibus Modis solvantur Obligationes, quæ ex Pactis oriuntur.* p. 369
- XVII. *De Interpretatione.* p. 374

## LIBER SECUNDUS.

- I. *DE Statu hominum naturali.*  
p. 381
- II. *De Officiis conjugalibus.* p. 393
- III. *De Officiis Parentum & Libero-  
rum.* p. 403
- IV. *De Officiis Dominorum & Ser-  
vorum.* p. 413
- V. *De Causa impulsiva constituenda  
Civitatis.* p. 417
- VI. *De interna Civitatum Structura.*  
p. 423
- VII. *De partibus summi imperii.* p. 430
- VIII. *De Formis Rerumpublicarum.*  
p. 438
- IX. *De Affectionibus imperii civilis.*  
p. 444
- X. *De modis acquirendi Imperium,  
imprimis Monarchicum.* p. 448
- XI. *De Officio summorum Imperan-  
tium.* p. 453
- XII. *De Legibus civilibus in specie.*  
p. 460
- XIII. *De*

- XIII. *De jure Vitæ & Necis.* p. 463  
XIV. *De Existimatione.* p. 473  
XV. *De Potestate summi imperiæ in  
bona Civitate contenta.* p. 480  
XVI. *De Bello & Pace.* p. 489  
XVII. *De Fœderibus.* p. 491  
XVIII. *De Officiis Civium.* p. 494





VIRI CL.


*Joan. Francisci Buddei*

Theol. D. et P. P. O.

Apud JENENSES

HISTORIA JURIS NATURALIS.

Notis EDITORIS adaucta.









# HISTORIA<sup>1</sup> JURIS NATURALIS.

---

## I.



U I eam philosophiæ partem, *Jus Na-  
turæ cum  
hominibus  
natum.*  
quæ de officiis hominum ad om-  
nem honestatem componendis  
præcipit, quam plerique re-  
centiorum *jus naturæ* appelli-  
tant, cum ipsis hominibus natam esse asse-  
runt<sup>2</sup>;  
B 2

---

<sup>1</sup> Hæc literaria Historia *Juris Naturæ* primâ vice  
prodiit *Lugd. Bat.* 1692. PHIL. REINH. VITRIARI  
*Institutionibus Naturæ & Gentium* adjecta. Postea auctor  
ipse eam longe auctiorem reddens & ad suam usque  
ætatem perducens in lucem emisit inter *selecta quædam*  
*Juris Naturæ & Gentium.* Halæ. 1704.

Si quis Historiam *Juris Naturalis* plenius cognoscere  
voluerit, plurimi sunt libri huic usui inservientes, quos  
hic recensetimus.

JOAN. BALTH. WERNHERI Dissertatio de præcipuis  
nonnullis *Juris Naturæ* scriptoribus. *Lipsiæ.* 1699. 4to.  
JOAN.

runt<sup>2</sup>; ita ut par est, utque doctrinæ hujus & ratio & antiquitas exigit, sentiunt. Quod enim nonnulli,

JOAN. GROENINGII Præfatio ad *Pufendorfum de Officio Hominis & Civis*. *Holmiæ*. 1701. 12mo. *Ejusdem Bibliotheca Juris Gentium Exotica*. *Hamb.* 1703. 8vo.

JAC. FRID. LUDOVICI Delineatio Historiæ Juris divini naturalis & positivi universalis. *Halæ*. 1701. 4to. Recusa auctius, 1714, 8vo.

JOAN. NIC. HERTII Commentatio de Jurisprudentia universalis, quæ *Opusculis* inserta legitur. *Franc.* 1700.

CHR. THOMASII Historia Juris Naturæ paulo plenior. *Halæ*. 1709. 4to.

GOTTL. STOLLII Introductio in Historiam literariam latinè versa à *Langio*. P. 3. c. 2. *Jenæ*, 1728. 4to.

JO. FR. BUDDEI Compendium Historiæ Philosophicæ, à *Walchio*. cap. 6. *Halæ*. 1731. 12mo.

REIMMANNI Historia literaria. Vol. 6. 1718.

EPHR. GERHARDI Prolegomena ad delineationem Juris Naturæ. *Jenæ*. 1712. 8vo.

BURC. GOTT. STRUVII Bibliotheca Juris selecta. Cap. 7. *Jenæ*. 1725. *Ejusdem Bibliotheca Philosophica*. cap. 8. *Jenæ*. 1721.

DAN. GEORG. MORHOFII Polyhistor Literarius. Tom. 3. L. 6. *Lubecæ*. 1732. 4to.

Denique qui instar omnium est, JOAN. BARBEYRACII Historica Præfatio ad versionem Gallicam *Pufendorfi de Jure Naturæ & Gentium*. *Amstel.* 1706. 4to. & sæpius posthac recusa.

<sup>2</sup> In quo sensu vult auctor *Jus naturæ cum ipsis hominibus natum esse*, haud certe perspectum habeo: sed vehementer suspicor eum notitiam quandam à naturâ insitam & ingentam innuere: quippe qui in alio opere [*sc. Philos. Moral.* P. 2. c. 2. p. 398.] *innata* quædam esse *Principia Practica* ex professo docet, eaque contra LOCKIUM acerrimè propugnat. Hanc autem Hypothesin esse ab omni verâ Philosophiâ longè alienam, vix quisquam inveniri potest, si modo Philosophiam vel summis labris attigerit, qui ignoret. Jus naturæ

nonnulli, interque eos C. CORN. TACITUS<sup>3</sup> rerum suarum longe consultissimus scriptor, tradidere, *vetustissimos mortalium, nulla adhuc mala libidine, sine probro, scelere, eoque sine pœna, aut coercionibus egisse, & sponte sua, sine lege, fidem rectumque coluisse*; id ejusmodi est, ut aut a fide abhorreat penitus, aut principum jussis, tabulisque legum, scriptisque eos saltem caruisse monumentis, evincat condoceatque.

II. Parentes vero suos erudivisse liberos, rectique & honesti non minus imbuisse elementis, quam vero de Numine sensu, id si quis in dubium vocaverit, nœ! is simplicium proborumque, & sanctiorum, quibus præditi erant cordatissimi mortalium, morum, haud sane æquus est æstimator. Ast, cum aut alienæ potentiæ metus, aut alia quævis ratio jungeret homines, & in majores coetus, quos *civitates* deinceps appellarunt, coire juberet; pristinis moribus eousque vixerint, ut a parentibus, quid jus fasque & nefas esset, acciperent liberi; rectores autem civitatum rerumque domini, saltem quæ e re civitatis essent, sancirent statuerentque. Erumpete inde in ævum omne nefas, hominum pravitas

*A Parentibus inculcatum liberis;*

---

naturæ eo sensu naturale & innatum esse profiteamur, quo ipsa Ratio vel Lingua à naturâ insita dici potest: sed non alio. Natura facultatem, Usus & Institutionem ipsam sive habitum concessit. Vid. Tractatum anonym. *De morali Obligatione.*

<sup>3</sup> *Annal.* III. 26. add. OVID. *Metam.* I. 1. & LUCRETIVS, Lib. V.

B 3

magis

magis magisque se prodere, fraudibus, dolis se invicem convenire, sceleribus injuriisque nec modum nec finem statuere.. Qui itaque rerum summam tenebant, ruere præcipiti casu & collabascere civitates, intelligebant, nî vitia hominum suis circumscriberentur limitibus, pœnisque coacerentur.

*Deinde ab  
imperanti-  
bus, civi-  
bus.*

III. Nimirum & spernere rationis imperium, & domesticam disciplinam negligere, ut rebus deperditis ac profligatis non aliud quid remedio esset, quam publica auctoritate sanctionibusque, ad observanda ea, quæ honesta sunt, turpia fugienda, homines rationis rectæ contemptores compellere. Sed vero & tunc ut credo patuit, quod nunquam fere non experientia est comprobatum, clarissimum illud fulgentissimumque lumen, infusum a sapientissimo Numine, insitumque mortalium pectoribus, velut nubibus quibusdam obductis abscondi, nec cuivis quid pulchrum honestumque sit, quid turpe foedumve, semper perspicui. Quæ ergo præeunte ac prælucente ratione quilibet facere debebat, ad ea civilibus sanctionibus adigi cœpere. Cumprimis quæ ut homo homini exhiberet, fas erat, sedulo erant inculcanda, cum proclives valde pronique sint mortales ad se invicem lædendos; unde lites contentionesque & infinita quibuscum civitatibus conflictandum est, mala enascuntur.

*Leges civi-  
les præci-  
pua ejus  
capita con-  
tinent.*

IV. Sic itaque arbitror, quod gentium aut omnium, aut plerarumque leges, quæ civiles vocantur, præstantiora simul juris naturalis capita complectantur, id non aliunde magis esse

esse arcessendum. Faciet pretium operæ, quæ gentium tum veterum, tum recentiorum, & inter illas earum quam maxime, quæ nostram incoluere *Germaniam*, leges, quæ ceu servatæ ex naufragio tabulæ magnorum virorum ope ad nos pervenere, excusserit; & hujus, quod ratio omnes docet, juris vestigia luculentissima subinde deprehendet. *Romanas* enim leges lubens prætereo, quippe in quibus *naturales* illæ tanto manifestius quandoque se conspiciendas præbent, quanto ceterarum gentium institutis & sanctionibus, eruditissimorum virorum confessione atque judicio præstant<sup>4</sup>. *Attici* quoque *juris*, quod secundum a *Romano*, suo merito occupat locum, non minor est præstantia, nec obscuriora hujus sententiæ nostræ suppeditat documenta, id quod ne quenquam fugeret, JOANNIS MEURSIJ atque SAMUELIS PETITI e tenebris illud strenue eruentium opera, æternis laudibus digna effecit.

V. Hunc proinde in modum naturæ leges *Nec facile positivarum*, ut vocari solent, involucris vestitæ & circumseptæ, quandoque & per legumlatorum inscientiam obscuratæ aut everstæ, *ab iis discernuntur*, longe quidem lateque, per civitatum omnium jura dispersæ sunt atque diffusæ; simul tamen civiles & naturales inter se confusæ ita

<sup>4</sup> Conf. de Jure Naturæ & Gentium, Romanorum speciatim Jureconsultorum, JOANNES GROENINGIUS in *Bibliotheca Juris Gentium juxta disciplinam Europæorum*, Lib. II. c. 1. seqq. qui & cap. 6. de Jure universalij secundum doctrinam Germanorum & Borealium agit.

atque commixtæ, ut has ab illis secernere, res summi & desperati fere laboris, doctissimis quoque viris visa fuerit<sup>5</sup>. Intellexit hoc probe, si quis alius, JOANNES SELDENUS, *Britanniæ* illud immortale decus. Namque perplexa rite extricare, confusa invicem distinguere, veri ac falsi confinia, horumque finuosos anfractus satis habere exploratos, & demum ex eis quæ superstruuntur, de fundamentis seu principiis recte conjicere (qui illis utique subeundus est labor, qui naturales civilesque leges inter se permixtas secernere rite ac sejungere volunt) rem perquam arduam, pene inaccessam, & mortalium paucissimorum esse, diserte profitetur<sup>6</sup>. Jam ergo mirari desino tot effluxisse secula, feracia quidem doctissimorum virorum legumque civilium interpretum sapientissimorum, quibus ingenium æque ac industria adeo non defuit, ut commentationum, quas seduli assiduique homines in lucem protulere, mole jam pridem orbis eruditus laboret; sed recentiori demum ætate extitisse, qui præclarum istud pulcherrimumque opus, ex involucris suis, tegumentisque evolvendi naturæ effata, ingenti animo, labore incredibili, sed successu felicissimo, aggrederentur.

*Item Theologiae immixtum;*

VI. Ceterum ut civilibus legibus (id quod commonstratum hætenus comprobatumque

---

<sup>5</sup> Vid. SAMUEL RACHELIUS in Prolegom. ad *Officia* CICERONIS. § XXIV.

<sup>6</sup> De Jure Naturæ & Gentium secundum disciplinam Ebræorum, Lib. 1. c. 3.

est)

est) ita & sanctiori illi reconditæque disciplinæ, quam *Theologiam* nuncupant, non minus interspersa fuerunt, & intermixta rationis dictata, tanto majori inde industria eruenda & colligenda, quanto acrius sacri antistites in campo, in quo illis nec meti nec feri videbatur, ingenii exercuere vires. Utrique ita est, non ultimam in hac arte sedem occupant officia, quibus sanctum & iminortale Numen ex luminis naturalis præscripto colunt mortales. Dum igitur nondum in civitates coaluissent homines, unumquemque patrem familias sacra rite faciendo, & exemplum præivisse suis, & quid de Numine sentire, quo pacto istud venerari fas esset, eos edocuisset arbitror. Conditis autem rebuspublicis, ut viris morum integritate, & puritate, & sanctitate præditis illud munus demandaretur, publica auctoritate, bonorum omnium principum maxime, & ipsarum civitatum intererat. Si enim forte quosdam parentes negligentius suo munere fungi contingeret (contingere autem facile poterat) feroces homines legumque contemptores inde prodire necesse erat, qui exemplo alios, ut ad quævis scelera ita ad impietatem invitant, civitatesque non raro in maximam salutis discrimina adducunt. Venenum istud si simul quorundam mentes afflavit, longe lateque serpit, viresque eundo fumit, & incrementa inopinata. Sanctioris itaque disciplinæ antistites, præter ea, quæ de ratione Deum sacrificiis placandi, aut crimina expiandi, & quæ de Numine quemque sentire oporteret, exponebant solerter; &

cum

cum probe scirent, mente pura scelerumque experti Deum coli quam rectissime, subinde & de morum sanctitate pariter ac iustitia, multa præcepere. Laudo hoc proboque, idque eo magis, quod juris naturalis scientia, quam ita sibi vindicaverunt sacrorum præfecti, istorum cura & vigilantia immunis ab labe ac errore, ad posteros & ultima secula transferri, & propagari potuisset; nisi infernalis genii fraude abrepti, non tam rationis rectæ dictamina, aut doctrinam a maioribus acceptam, quam inepta ingenii commenta, hominibus propinare maluissent.

*Et Mythologiae Gentilium.*

VII. Ex quo enim cœlestem divinamque veritatem erroribus polluere, & commaculare coeperunt gentiles, in ipso quoque naturæ jure nihil sanum, nihil integrum fuit, cuncta corrupta, depravata, tenebrisque plus quam Cimmeriis involuta<sup>7</sup>. Hoc vero nomine nescio an doctas istas, eruditasque veterum theologorum ac poetarum fabulas redarguere debeam. Fuere quippe & tum, si quibusdam credimus, qui rectius saperent, quibus ne non desipere fraudi esset, aut involucris imaginibusque occultarunt veritatem, aut certe in ipsis figmentis vestigia ejus quæsierunt. Nec vero naturalis saltem scientiæ mysteria,

<sup>7</sup> Culpam hanc veterum Gentilium hoc modo reprehendit LACTANTIUS. "Nihil ibi differitur, quod proficiat ad mōres excolendos, vitamque formandam: nec habet inquisitionem aliquam veritatis, sed tantummodo ritum colendi, quod non officio mentis, sed ministerio corporis constat". *Instit. Divin.* Lib. IV. c. 3.



sed moralis civilisque philosophiæ cum primis, jurisque adeo naturalis capita longe præstantissima, hisce sub tegumentis latitare putant, quod cum ab aliis doctissimis in hoc literarum genere viris, GERHARDO JOANNE VOSIO<sup>8</sup>, FABIO PLACIADAE FULGENTIO<sup>9</sup>, JOANNE BOCATIO<sup>10</sup>, NATALI COMITE<sup>11</sup>, PICTORIO VILL<sup>12</sup>, tum maxime a FRANCISCO BACONE *de Verulamio*<sup>13</sup>, quam luculentissime evictum est & commonstratum.

VIII. Disputa autem quæ orbi universo incumberebat caligine, orta que denuo post *na-* *A Theolo-*  
*giachristi-*  
*ana resti-*  
*tutum.*  
*tum.* CHRISTUM servatorem cœlesti veritate, redditus est & naturali juri pristinus splendor, restituta puritas, superstitio denique æque ac impietas subinde proscripta ac profligata. Sublimiora fateor longeque sanctiora sunt, quæ a viris divino afflatu percussis proficisciebantur, quæ tamen & recta quoque ratio honesta esse dictabat; tantum abest, ut ab illis rejecta sint, ut potius egregie stabilita & confirmata, servatore ipso subinde ad rationis dictamen provocante. Ea utique christianæ doctrinæ est indoles, ut præter fidem, vitam quoque ad omnem honestatem compositam, ab hominibus exigat, modo quidem & ratione longe excellentiori, quam ut ad mores christianos formandos sola sufficiat ratio; in-

<sup>8</sup> De Idololatria Gentilium. <sup>9</sup> In libris III de Mythologia. <sup>10</sup> In Libris XV, de Genealog. Deorum.

<sup>11</sup> Mythologiarum libro X. <sup>12</sup> In Theologia Mytholog.

<sup>13</sup> De sapientia veterum. Add. *Buddei* Dissertatio de usu Fabularum in Philosophia.

terim

terim tali profecto, ut, quæ ex rationis præscripto honesta sunt, neutiquam habeat pro turpibus, quin ut ceteras virtutes propria Christianis, ita & illas, quæ omnibus communes sunt, commendet.

*A patribus  
ecclesiæ  
cultum;*

IX. Sæpius igitur antiquissimis etiam ecclesiæ doctoribus, de juris naturalis capitibus haud perfunctorie sermo instituitur <sup>14</sup>. BASILIUM MAGNUM, GREGORIUM NAZIANZENUM, ipsumque CHRYSOSTOMUM non tantum græcæ, sed universæ quacunque patet ecclesiæ, summum decus, evolvat, legat, scrutetur, cui dubium forte ambiguumque, id quod a me asseritur, videtur. Hos, ingenio acri, judicio singulari, juris hujus quæstiones, quoties eas attingerent, (attigerunt autem sæpius) expeditivisse constat, ut ipse HUGO GROTIUS, restaurator hujus philosophiæ felicissimus, tum demum & pondus & robur, & lucem insignem, se assertis suis conciliare posse, si præsum horum auctoritate, sententiam suam muniret, fuerit opinatus <sup>15</sup>. AMBROSIIUS, qui plane ad TULLII exemplum tres *de officiis* libros

---

<sup>14</sup> Ad. MICHAELIS FOERTSCHII dissertatio de philosophia morali & jurisprudentia naturali christiana veterum ecclesiæ doctorum, subjuncta AMBROSIO de officiis, ab illo edito, in qua jurisprudentiam naturalem CLEMENTIS ALEXANDRINI, GEORGII NYSSENI, LACTANTII, & AUGUSTINI exhibet.

<sup>15</sup> Longe ab hac sententia recedit cl. BARBERACCIUS, qui in Historicâ Præfatione, quam operi Pufendorffiano *de Jure Nat. & Gent.* præmisit, de morali *Patrum Theologiâ* copiosè verba fecit, eorumque errores,

libros composuit <sup>16</sup>, quanta solertia in hac doctrinæ parte fuerit versatus, nemo puto ignorat; aut si quis ignorat, JOANNEM HENRICUM BOECLERUM adeat velim, qui in Præfatione ad hosce AMBROSII libros, quanti istius viri labor sit faciendus, omnes edocuit.

X. Hi ipsi autem ecclesiæ doctores, officia hominis & christiani, (id quod non est dis-

*Sed cum  
Theologia  
moralis im-  
mixtum.*

errores, quotquot reperiri possunt, acriter perstrinxit. Adversarium nactus est REMIGIUM CEILLIER, qui patrum causam egit in Libro cui titulus; *Apologie de la Morale des Peres de l'Eglise, contre les injustes Accusations du Sieur Jean Barbeyrac*. Paris. 1718. 4to. Cui respondit Barbeyraccius in, *Traité de la Morale des Peres*. 1728. Noster BUDDEUS hujusce controversiæ merita summam tradidit in *Isagoge Historico-Theologica*. L. 2. c. 4. Lipsiæ. 1727. Quædam nuper contra BARBEYRACCIIUM in Angliâ strictim dicuntur a viro doctissimo DAN. WATERLAND, S. T. P. in libro cui titulus: *The Importance of the H. Trinity asserted*, Cap. 7. Lond. 1734. Quæ BARBEYRACCIO stomachum moverunt in Præfatione ad quintam editionem Gallicæ versionis libelli Pusendorphani *de officio hominis & civis*. Amst. 1735. Sunt & alii duo libelli in linguâ Anglicanâ conscripti, ad hunc locum spectantes. 1. *The Spirit of Ecclesiasticks, of all Sects and Ages, detected*. Lond. 1722. Auctor hic nihil aliud egit, quam ea, quæ a BARBEYRACCIO contra Ethicam Patrum dicuntur, anglicè transtulit. 2. *The Spirit of Infidelity detected*. Lond. 1722. Auctore ZACH. GREY, L. L. D. qui iterum longe auctorior prodijt. Lond. 1735. De meritis hujusce controversiæ nil dicemus; non nostri est tantas componere lites.

<sup>16</sup> Recusi sunt A. MDCXCIX. Stuttgartiæ, opera & studio MICHAELIS FOERTSCHII, qui & dissertationes quasdam subjunxit.

simulandum)

simulandum) multo minus principia, diversa utique & admodum inter se differentia, non ita ut par est, fecernendo, quæ tamen fecernenda esse ipsi sine dubio quidem perspectum habuere & exploratum; aliis ut in eundem errorem inciderent, ac, quod & hodie non adeo infrequens est, *theologiam moralem* cum *jure naturæ* confunderent, suppeditavere occasionem. Quod ut excusemus quam lubentissime, admiremur autem, si imitari non licet, quæ recte sapienterque ab optimis viris dicta factaque sunt, nostrarum quidem erit partium.

*A Scholasticis obscuratum;*

XI. Et utinam non duriora fata, & theologiam & jus insimul naturæ, exceperissent! Ecquis ignorat, fuisse tempus, cum fæda & tristis ignorantia orbi universo incumberet, & superstitionis regnum magnis undique viribus stabiliretur<sup>17</sup>? Deplorent alii cladem puriori doctrinæ cœlesti illatam. Id ego nunc non ago. Philosophiam moralem quoque cum ceteris artibus incultam, squalore & rubigine oblitam jacuisse, ut proscriptam velut profugamque avolasse, & mortalium deseruisse sedes, censere ejus artis homines potuissent, neminem fugit. Non quidem defuerunt, cum *scholasticorum*, ut vocant, barbaris vocibus literarum sedes & sapientiæ sacra perfonarent; ex ipsis etiam theologis, qui hanc doctrinæ partem sub incudem revocarent, ast adeo infelicitur, ut nullus dubitem,

<sup>17</sup> Conf. BUDDÆI inst. Phil. eccl. T. I. Part. I. Cap. V. §. IV. seqq.

multos

multos in eam ituros sententiam, fatius hosce homines & sibi, & optimæ arti consulturos fuisse, si hæc sacra non contrectassent <sup>18</sup>.

XII. Qui vero in horum successerunt locum, ejusdem disciplinæ alumni aliquanto retentiores, industriam profecto & ingenium <sup>19</sup>, ad scientiam hanc excolendam, quod non diffiteor, attulerunt, & subtili ac spinoso dicendi genere, quæ fere propria illorum hominum laus est, multa juris naturalis excusserunt capita; sine ordine tamen cuncta tradunt, infirmo aut lubrico fundamento, quæ docent, superstruunt, divina humanaque jura miscent, rationum momenta aut plane non, aut jejuna quandoquæ & ridicula afferunt, sæpissime contra ad patrum auctoritatem, ad conciliorum canones, ad Romanorum præsulum decreta, intempestive provocant. Sunt tamen, quæ indefesso horum hominum studio, id quod æquus rerum existimator non abnuet, atque labori incredibili debentur. Nec tamen ab erroribus variis, iisque gravissimis fuerunt immunes, quos tantum abest, ut Romanæ ecclesiæ theologi, qui horum ceu majorum suorum se premere vestigia gloriantur, emendaverint correxerintque, ut auxerint etiam, hereditatem novis commentis locupletatam ad posteros transmissuri.

<sup>18</sup> Plenior Philosophiæ Scholasticæ Historiam videre erit, si cui voluptas esse possit, apud BUDDEI *Hist. Philos.* cap. 5. vel ejusdem *Isagog. Theolog.* P. 2. c. 4. §. 6.

<sup>19</sup> Conf. GROTIUS in Prolegom. operis de J. B. & P. §. 52. add. BOECLER. *ad loc.* p. 22.

*Exemplum  
ex proba-  
bilis opini-  
onis usu.*

XIII. Certe veteres illos minus desipu-  
isse, contendere ausim, adeo aut ignorantia,  
aut, quod credere malim, malitia, quosdam  
eorum in transvorsum agit. Fidem faciunt  
illepida ista de *probabilis opinionis usu*, unde,  
judice LUDOVICO MONTALTIO, vel potius  
BLASIO PASCHALI, (hunc enim MONTAL-  
TII nomine tegi accepimus) ceu ex vitiatō  
fonte, cetera doctrinæ flagitia fluxerunt, ut  
& de *peccato*, ut vocant, *philosophico*, commen-  
ta. Hujusmodi figmentorum, utut jam in  
antiquioribus illis THOMA, BONAVENTURA,  
VASQUESIO, SANCHEZIO, CARENA, NA-  
VARRO, CORDUBA, AZORIO, RAMIREZIO,  
CASTANNEGIO, ESCOBARIO, LEDESMÁ,  
VALENTIA, CASTRO PALAO, MEDINA,  
SANCTIO, ARRAGONIO, LOPEZIO, MAR-  
TINEZIO, ZARANDO, VILLABOLOSIO, aliis-  
que, cum primis vero DIANA, vestigia quæ-  
dam deprehendantur: recentiores tamen,  
HONORATUM FABRI<sup>20</sup>, ANTONIUM TE-  
RILIIUM<sup>21</sup>, AMADEUM GUIMEDIUM<sup>22</sup>,  
& plures, audacia eousque provexit, ut non  
tantum assererent, sed & scriptis publicis con-  
tenderent fas esse, eligere sententiam, vel u-  
nius viri doctrina inclyti auctoritate munitam,  
utut ceteroquin legi plane repugnantem.

*Quod con-  
fidentur  
quidam  
Remanen-  
ses.*

XIV. Cui quidem temeritati an addi ali-  
quid possit, vehementer dubito. Idque in-  
tellexerunt cordatiores, sanioresque ex ipsis

---

<sup>20</sup> In Apol. doctrinæ moral. Jesuit. <sup>21</sup> In regulā  
morum contra *Elcaldum*. <sup>22</sup> In sing. theolog. moral.  
&c.

*ecclesiæ Romanensis* propugnatoribus, VINCENTIUS BARONIUS<sup>23</sup>, GONETUS<sup>24</sup>, ESCLAPEZIUS<sup>25</sup>, ANTONIUS MERENDA<sup>26</sup>, STEPHANUS GRADIUS<sup>27</sup>, JOANNES SINNICHIUS<sup>28</sup>, ANTONIUS CELLADEUS<sup>29</sup>, alique. Quin *Jesuitici* ordinis viri ægerrime jam ferre incipiunt, tam lepidi foetus parentes inter suos quæri. Certe THYRSUS GONZALEZ, in *Salmanticensi* quondam *Academia* Theologiæ Professor, deinde Præpositus generalis *societatis Jesu*, commentum hujus primum excogitati gloriam adeo non suo ordini vindicat, ut ceu crimen ab illo amoliri, quin hanc ipsam sententiam a societati huic addictis, FERDINANDO REBELLO videlicet & PAULO COMITOLO, primum impugnatam fuisse, contendere non ita pridem ausus fuerit<sup>30</sup>. Ipse vero, etsi probabilium opinionum non plane rejiciat usum, ita tamen eundem temperat, ut longe honestiorem sententia ista induisse faciem videatur. Quæ tamen affert, sintne veritati consentanea, ab aliis discussum iri, nullus fere dubito.

XV. Mea quidem parum refert, sintne *Jesuitæ* an alii figmenti hujus auctores: nunquam tamen a me quisquam impetrabit, ut non cladem, quam aliis erroribus suis, &

*A Jesuitis corruptum.*

<sup>23</sup> In theolog. moral. advers. probabil. <sup>24</sup> In disert. de probabilismo. <sup>25</sup> Contra probabil. <sup>26</sup> In disput. de consil. <sup>27</sup> De opinione probabil. <sup>28</sup> In tractat. de probabil. <sup>29</sup> Contra probabil. Jesuit. <sup>30</sup> In fundament. theologiæ moralis, h. e. tractatu theologiæ de recto usu opin. probab.

theologiæ & philosophiæ morali, quidam ex societatis Jesu sacerdotibus (omnes enim eodem loco habere nefas esset) intulerunt, tantam esse censeam, ut dubitem, an ullis, quantumvis præclaris istorum in literas bonasque artes meritis, possit pensari. Sed acceperint hunc errorem ab aliis: fortissimos tamen, pertinacissimosque ejus defensores, hæc ipsa societas subministravit. Ab ea vero periculossimas opiniones subinde in moralem doctrinam invectas fuisse evictum, ut alios taceam, jam pridem est a CASSIANO a S. ELIA <sup>31</sup>. Theologis *Nemausensibus* <sup>32</sup>, atque ARNALDO <sup>33</sup>. Et nonne profanum istud de peccato philosophico commentum annitentibus societatis hujus doctoribus in scenam prodiit? Aut, si antiquus error est, quod non plane abnuo, a STEPHANO BAUNIO <sup>34</sup> tamen eundem maxime ab orco revocatum, exceptum ab ESTRIXIO <sup>35</sup>, defensum & propugnatum ab ANTONIO BURGUNDO <sup>36</sup>, JACOBO PLATELLO <sup>37</sup>, TERILLO <sup>38</sup>, præsertim *Divionensibus Jesuitis* fuisse, palam est; si quis vero inficiari ausit, cum rectiora ANTONIUS ARNALDUS <sup>39</sup> docebit.

<sup>31</sup> In theologia morali a corruptelis Jesuitarum repurgata. <sup>32</sup> Kemnitio, Boquino, Gotuifio in doctrinæ Jesuitarum capitibus retextis. <sup>33</sup> Dans la morale pratique des Jésuites. add. auctor libri: Religion des Jésuites; item, quæ de utriusque libri historia diximus, in dissertatione, de superstitioso mortuorum apud Chineses cultu. <sup>34</sup> In sum. peccat. <sup>35</sup> In thesibus A. 1688. die 23. Jul. prop. <sup>36</sup> In thesibus A. 1670 editis. <sup>37</sup> In Synopsi theol. <sup>38</sup> In regula morum.

<sup>39</sup> In nova hæresi episcopis & principibus denunciata. add. ejus denunciatio secunda, & tertia.



XVI. Ita moralis doctrina, optima nobilissimaque philosophiæ pars, profuga velut & extorris, modo per jureconsultorum, modo theologorum castra oberrans, mitius profecto ab illis, quam his habita est, quippe quibus parum fuit, non ita ut decebat illi litare, sed corrumpere insuper & depravare, pulchrum visum fuit. Nec alia eam temere excipere fata potuerunt, ex quo a philosophis neglecta, quin ejecta in exilium, & penitus proscripta fuit. Rem omnem a primis, quod aiunt, arcessere fontibus juvat.

*A Philosophis neglectum,*

XVII. Fuerunt, res nota est, olim homines, qui rerum omnium scrutabantur & investigabant causas. Hos sapientes ab initio, deinde post PYTHAGORAM philosophos appellabant. Cum vero in naturalium maxime rerum contemplatione ætatem agerent, SOCRATES tandem <sup>40</sup> eam veram sapientiam esse intellexit, quæ homines non tantum doctiores, sed & meliores redderet; adeoque de formandis ad omnem honestatem hominum moribus fuit sollicitus. Permulti ejus fuerunt disci-

*Philosophiæ moralis origo a SOCRATE repetitur.*

---

<sup>40</sup> Nec tamen reliqui philosophi, qui *Socratem* antecesserunt, hujus doctrinæ fuere expertes. conf. de jure naturali ad mentem Græciæ Poetarum, itemque septem sapientum ac *Pythagoræ*, JOANNES GRONINGIUS in Bibliotheca Juris gentium Europæa, lib. I. cap. 2, 3, 4. De septem Græciæ sapientibus, & horum philosophia, & nos egimus in peculiari commentatione, cui titulus: Sapientia veterum. De *Socratis*, *Cynicorum*, *Democriti*, ceterorumque philosophorum jurisprudentia naturali idem agit l. c. cap. 5, 6. BUDÆUS.

puli, qui varias iterum condiderunt sectas, quarum illæ demum quam proxime ad sapientissimi viri disciplinam accedere videbantur, quæ in moribus emendandis, in vitæ integritate & puritate tuenda, plurimum studii atque operæ collocabant.

Deinde a  
Platonicis  
colitur.

XVIII. *Platonicorum* cumprimis, & *Aristotelicorum* celebre olim fuit nomen. Et PLATO quidem de *moralis* philosophia, ipsoque adeo *jure naturæ* subinde præcepit<sup>41</sup>, præsertim vero in *apologia Socratis*, in *Critone*, *Philebo*, *Menone*, *Alcibiade primo & secundo*, *Charmide*; hi enim sunt dialogorum tituli. Sunt qui fundamento certo ubique non inniti, quæ differit, contendunt, nonnulla etiam dissimulasse aiunt; unde multæ ejus de gravissimis quæstionibus sententiæ nemini sint perspectæ. Quicquid vero hujus sit, præclara admodum ejus extare effata constat, quibus jus naturæ exornari haud mediocriter possit. *Platonici*, quorum ad nos pervenere scripta, sunt PHILO JUDÆUS, (modo recte *Platonicis* annumeretur) PLOTINUS, APULEIUS, MAXIMUS TYRIUS, CHALCIDIUS, JAMBlichus, PROCLUS, ALCINOUS, qui cum de officiis præcipiunt, ejusmodi ea sunt, ut de plurimis

---

<sup>41</sup> Conf. Jo. JOACHIMI ZENTGRVALLI specimen juris naturalis secundum doctrinam *Platonicam*, 1679. editum. add. de philosophia juris *Platonica* præter alios etiam Jo. Nicolaus HERTIUS de jurisprudentia universali sect. I. §. XXXI. T. I. opuscul. Sed & FLEURI legi meretur dissertatio de *Platone*, libro ejus de selectu & methodo studiorum subnexa.

juris naturæ capitibus recte eos sensisse inde edoceamur, doctrinæque adeo morali lucem haud contemnendam affundunt.

XIX. ARISTOTELES itidem in hac philosophiæ parte ingenium exercuit <sup>42</sup> : nec contemnenda sunt *Peripateticorum*, THEOPHRASTI ERESII, ANDRONICI RHODII, ALEXANDRI APHRODISÆI, ceterorumque opera. Ego tamen ita arbitror, *Stoicos Socraticæ* disciplinæ alumnos in hoc literarum genere ita excelluisse, ut *Peripateticis* pariter ac *Epicuræis* <sup>43</sup> dubiam reddiderint palmam, licet & ipsi subinde a recto abberrarint tramite <sup>44</sup>. Extat Epistola NAZIANZENI ad *Eudoxium Rhetorem* <sup>45</sup>, in qua cum ceteris philosophis ita contendit Stoicos, ut his principem tribuat inter omnes locum ; cujus judicio eous-

Et ab  
Aristote-  
licis.

<sup>42</sup> Conf. de philosophia juris *Aristotelica*, HERTIUS l. c. & reliqui ejusdem generis scriptores, quibus addenda SAMUELIS RACHELII ad Philosophiam moralem *Aristotelis* introductio, itemque JOANNIS EISENHARTI institutionum Juris Naturalis in Moralis Philosophiæ Doctrina repræsentatio.

<sup>43</sup> Horum doctrinam moralem exhibet GASSENDUS in systemate *philosophiæ Epicurææ*, & alibi : item BERNIER *Abregé de la Philosophie de Gassendi* : add. GATAKERUS præloquio in *M. Aurelii Antonini* librum de se ipso ad se ipsum.

<sup>44</sup> Hoc ipse ostendi in quatuor dissertationibus *de erroribus Stoicorum* in philosophia morali. Ipsam illorum doctrinam moralem ex recentioribus JUSTUS LIPSIUS, & CASPAR SCIOPPIUS, dederunt, & DU VAIR, dans la *philosophie des Stoiques*. Add. GATAKERUS in præloquio ad *Antoninum*, & de Jurisprudencia illorum naturali ; HERTIUS, &c. BUDDIUS.

<sup>45</sup> Apud *Basil.* 1618.

que subscribo, quod in morum doctrina non temere occurrant inter veteres, qui *Stoicos* superaverint. Non spernenda, fateor, sunt *Pythagoræorum* effata, quæ præter SCHALLERUM, vel potius MARCUM MAPPUM <sup>46</sup>, aliosque, e tenebris produxit Magnus DANIEL OMEISIUS <sup>47</sup>. *Stoicorum* tamen in quibusdam, si non pluris, cerre non minoris ego fecerim decreta. Utinam veræ multo præstantissimorum virorum, qui strenue in porticu militarunt, pulcherrimæque de officiis hominum, quæ periire, commentationes ad nos pervenissent! Sane tum demum posset intelligi, quantum jus naturæ deberet *Stoicis*. Præclara quidem sunt, quæ SENECA, *Stoicis* utique, non *Epicuræis*, ut SCALIGER censet, aut *Cynicis* annumerandus <sup>48</sup>, EPICTETUS, & qui, iudice DACERIO <sup>49</sup>, utrumque superat, M. AURELIUS ANTONINUS *Imperator & Philosophus* præcepere; iis tamen, quæ æternis tenebris obruta sunt, *Stoicorum* operibus hæc cedere puto.

*Itemque a  
Stoicis.*

XX. Non leviter autem *Stoicos* jus naturæ attigisse, nec intra *paræneses* substituisse, vel CICERONIS *de officiis libri* testantur. Utut enim *Academicorum* subinde illi probentur placita; in *moralis* tamen *philosophia* ex *Stoi-*

<sup>46</sup> In Dissert. de Ethica Pythagor.

<sup>47</sup> In Ethica Pythagoræa. add. auctores hætenus laudati.

<sup>48</sup> Vid. JONSIUS de scriptoribus *Histor. Philos.* lib. iii. cap. xx.

<sup>49</sup> In Præfat. ad *M. Aurelii Antonini* versionem Gallicam.

*corum*

*corum* fontibus sua ut plurimum irrigavit arva <sup>50</sup>. Hæc vero quoties mecum reputo, mirari subit, qui factum, ut non christiani veteres manibus pedibusque in Stoicorum philosophiam iverint. Errores enim illorum haud difficulter potuissent refecari. **HIERONYMUS** quidem a christianorum de moribus placitis quam proxime abesse Stoicos profiteretur diserte <sup>51</sup>: Nihilofecius plerique veterum *Platoniorum* sectati sunt dogmata, sæpius etiam incautius cum christiana religione ea conjungendo in gravissimos errores præcipitati. Si conjiciendo hic proficeretur ad rei summam, quæ tamen ceteroquin lubrica admodum via est, præterquam quod ipsa *Platonice* quoque & *Christiane* doctrinæ convenientia multos inducere ad hoc potuerit; haud adeo displiceret mihi eorum sententia, qui multitudine sua christianis quam maxime nocuisse Stoicos, præsertim cum moribus integris vitæque honestissime acta magnam sibi parassent auctoritatem, indeque adeo odio illis fuisse opinantur. Sane Stoicos sua ætate omnes ceterarum *hæresium* philosophos numero superasse, **SEXTUS EMPIRICUS** <sup>52</sup> locuples mihi testis est. Prior tamen apud me potior est ratio, cum existimem, in quibusdam sanctiorem adhuc esse **PLATONIS** & **PYTHAGORÆ** philosophiam, quam *Stoicorum*, & huic multis nominibus præferendam; cujus

<sup>50</sup> Vid. **HENRICUS JULIUS SCHEURLIUS** in *Bibliotheca morali*, § xxix.

<sup>51</sup> In cap. viii. *Esaia*.

<sup>52</sup> Lib. i. de Philos.

causam facile perspiciat, qui secum expenderit longe plura utrumque a barbaris gentibus, forte & ab ipsis Ebræis per traditionem accepta, retinuisse, quam reliquos philosophos. Quicquid hujus sit, neglexerunt *Stoicam* philosophiam; & *Platonicam* initio, deinceps vero *Aristotelicam* inito quasi certamine amplexi sunt, eo quidem eventu ut parum abfuerit, quin moralis doctrinæ jacturam fecerint.

*Peripateticorum  
commentationes  
jejunæ.*

XXI. Enimvero ut illorum, qui se *Peripateticos* aut *Aristotelicos* esse gloriantur, de undecim virtutibus commentationes quandoque satis jejunas, dignas esse quæ hoc titulo superbiant, credam, vix a me impetrare queo. Non is sum, qui de gloria & exultatione istius Philosophi aliquid detractum cupiam. Scio multos tum demum sapientiæ se litasse credere, si in *Stagiritam* acriter insurgant: inter quos FRANCISCUS ille PATRITIUS primum obtinet locum<sup>53</sup>; sed nec illud me fugit hominem fuisse ARISTOTELEM, & eum excellenti quidem ingenio præditum, multis tamen iisque gravissimis & vitiis & erroribus fuisse obnoxium: quæ vero de *moralis philosophia* scripsit, ad *civilem* rectius referri<sup>54</sup>,

<sup>53</sup> In discussionibus *Peripateticis*: add. PETRUS GASSENDUS in exercitationibus paradoxicis contra *Aristoteles*.

<sup>54</sup> Genuinum *Ethicæ Aristotelicæ* systema, civilem potius quam moralem doctrinam exhibens paucis delineavi T. I. *Instit. Philos. Ecclæ.* part. I. c. IV. § XXXIII. De nævis etiam *Ethicæ Aristotelicæ* meo ductu dissertationem juvenis quidam scripsit. Defectum agnoscunt, qui ceteroquin communem sententiam sequuntur. vid. OMEISII theatrum virtutum ab *Aristotele* ommissarum. BUDDEUS.

& cum iis, quæ aut PLATO, aut *Stoici* de ea præceperunt, neutiquam esse comparanda; saltem veris & genuinis doctrinæ moralis fontibus recludendis non sufficere: tantum abest, ut omnem ejus ambitum exhauriant. Et nihilofecius per aliquot secula, ex quo scholas occupavit *Stagirita*, intra hosce terminos morum doctrina substitit. Quin aliud adhuc malum græci sermonis imperitia accedebat, unde hi ipsi, qui peripateticæ philosophiæ præclari audiebant interpretes, ne mentem quidem *Stagirita* satis assequebantur, ludicraque adeo commenta suis propinavere discipulis. Sed huic quidem malo præter alios PETRUS VICTORIUS eruditissimus vir obviam ivit.

XXII. Atque de ARISTOTELE quidem multi præclare meriti sunt, moralis tamen doctrina non alia inde incrementa sumisit, quam ut nunc demum, quid ARISTOTELES *Jus Naturæ a GROTIO restauratum.* senserit, neminem facile latere posset<sup>55</sup>. Fata tandem

---

<sup>55</sup> De NICHOLAO MACHIAVELLO, qui in hoc argumento multa præclara, licet non omnia calculo nostro notanda, scripsit, nihil hic dixit auctor. Igitur quæ ad hanc rem necessaria videntur, ex ipsius BUDDEI *Historiâ Philosophicâ*, p. 502, Edit. *Walchii* hic supplebimus. "Inter scripta hujus loci sunt *Princeps* ejus cum animadversionibus politicis *Herm. Conringii* editus Helmstad. 1686. 4to. Et *Disputationes de Republica*, 1620. 8vo. In hisce, præsertim in priori, sive *Principe*, talia docuit, quæ non omnibus placuerunt: cum primis id vitio datum, quod Principem suum ita instruxerit, ut quæcumque ratione dominatum aut consequi aut tueri minimè nefas censendum sit; imo  
" eundem

tandem dedere HUGONEM GROTIUM, illum  
*juris naturæ* restauratorem felicissimum, qui

“ eundem non tantum cuncta ad suum commodum in-  
 “ super habitâ populi salute, referre docuerit; sed ei-  
 “ dem pro virtute solida simulationem virtutis commen-  
 “ daverit, imo à virtutis regiâ viâ deflectendum isti  
 “ suaserit, si sua salva esse velit. Sunt & alii, qui alia  
 “ in MACHIAVELLO culpant; quemadmodum nec de-  
 “ sunt, qui eum aut defendunt aut excusant. Sed ob  
 “ ea, quæ recitavimus, dogmata, *Florentinum* huncce  
 “ Politicum non sine ratione male audire, *Herm. Conrin-*  
 “ *gius* æquissimus MACHIAVELLI censor pronunciat, in  
 “ præfatione ejusdem *Principi* præmissa. Interim cer-  
 “ tum, MACHIAVELLUM revera nihil novi docuisse.  
 “ Ipsum *Aristotelem*, ne quid de aliis tum Philosophis  
 “ tum Historicis, & inter hos de *C. Cornelio Tacito* dicam,  
 “ jampridem eadem docuisse, MACHIAVELLUMQUE  
 “ sua ex *Aristotele* desumpsisse idem, quem jam laudavi-  
 “ mus, *Herm. Conringius* pronuntiat. [Introd. in Polit.  
 “ *Aristot.* c. 3. p. 683.] Multos MACHIAVELLUM de-  
 “ testari qui revera nihil aliud agunt, quàm quod MA-  
 “ CHIAVELLUS docuit, imo hunc nihil aliud docuisse,  
 “ quam quod plerique Principes rerumq; Domini agunt,  
 “ experientia docuit — Inter censores, quos MA-  
 “ CHIAVELLUS nactus est, eminent *Innoc. Gentiletus*,  
 “ *Antonius Posssevinus*, *Tho. Bozius*, *Petrus Ribadeneira*,  
 “ *Hieron. Osorius*, *Joan. Laur. Luccheseinus*: uti autem  
 “ omnibus, qui contra MACHIAVELLUM scripserunt,  
 “ citra controversiam præferendus est *HERM. CONRIN-*  
 “ *GIUS* in *animadversionibus politicis* in ejusdem *Principem*;  
 “ ita idem vir doctissimus in *Præfatione* observat non-  
 “ nullos ex MACHIAVELLI censoribus scripta ejus non  
 “ legisse, aut si legerunt non intellexisse; speciatim ab  
 “ *Antonio Posssevino* Jesuitâ haud incelebri, cujus in-  
 “ stinctu maximè à Romanâ inquisitione MACHIA-  
 “ VELLI *Princeps* damnatus fuit, huncce librum ne  
 “ quidem lectum fuisse luculenter ostendit. Inter illos,  
 “ qui MACHIAVELLUM defenderunt, præcipuus est  
 “ *CASP. SCIOPIUS* in *pædia Politices*.

restitutæ



restitutæ suo nitori hujus philosophiæ moralis partis gloriam apud literatum, quacunque patet, orbem jam pridem retulit. Reprehenduntur, fateor, in ejus *de belli & pacis jure* libris singulares quædam sententiæ, quas tamen facile declinabit peritus lector, neque, propter aliquem nævum, totius corporis pulchritudinem despiciet. Hic signum aliquod ad bene de jure naturali sperandum fustulit, viamque primum ingressus est, quam clarissimi deinceps solertissimique viri suis signarunt vestigiis.

XXIII. Non speranda equidem jam ante GROTIIUM in medium attulere PHILIPPUS MELANCHTHON<sup>56</sup>, atque BENEDICTUS WINCKLERUS<sup>57</sup>; ille quidem in sua *philosophiæ moralis epitome*, hic autem in *commentatione de principiis juris*. Sed dispellendis tam crassis, quæ orbi incumbabant tenebris, lux tenuis non sufficebat: cum post MELANCHTHONIS ætatem omnes, præeunte Theologorum ordine, in scholasticorum commentis postliminio reducendis, immo augendis atque stabiliendis, certatim elaborarent. GROTIUS demum ingenium, & tanta inter

*In eodem laborarunt Melanchthon & Wincklerus.*

<sup>56</sup> Omisit Auctor, qui inter *Melanchthonem & Wincklerum* inferi debet, NIC. HEMMINGIUM; cujus Methodus apodictica *de lege naturæ* prodiit, Wittenberg. 1562.

<sup>57</sup> WINCKLERI PRINCIPIA JURIS in lucem prodierunt, A. D. 1615. Constat hoc opus ex quinque libris, quorum I, agit de lege omnia primo movente ac gubernante. II, De Jure primo ac proprie dicto. III, De Jure Naturali. IV, De Jure Gentium. V, De Jure positivo ac civili.

eruditos

eruditos obtigerat auctoritas, ut vel hoc nomine, si quisquam alius, ille sane par esse tan arduo operi merito crederetur. Nec tamen constitutum illi quicquam aliud fuit, quam gentium integrarum controversiis hanc juris accommodare tractationem; ut *juris gentium* quoque nomine appellare illos libros voluerit, quos de *belli pacisque jure* deinceps inscripsit. Hoc ipsum vero cum ita exequeretur, ut certis ex gentium, immo ex humani generis natura, constitutis principiis reliqua ordine inde derivaret, exemplum prævit reliquis præclarum utique & omnino imitandum, quod in universo naturæ jure, qua singulorum etiam officia spectat, hunc in modum adornando sequerentur.

*Grotius ab  
Inquisitione Romæ  
damnatus.*

XXIV. Prodiisse hos HUGONIS GROTII libros primum *Parisiis* A. M. DC. XXV. constat, quos suasu summi viri PEIRESCII composuit, cujus singulari in litteras earumque cultores favori, egregios quos orbis eruditus inde percepit fructus, merito haud ingrata imputat posteritas. Nec quisquam, quam diu ipse vixit GROTIUS, contra eos quicquam movere ausus est: nisi quod tertio, ab eo tempore quo prodierunt, anno, M. DC. XXVII. die quarto Februarii, ab inquisitionis, quod Romæ est, officio nota *Hærofeos* illis inureretur. Quam severitatem forte non expectasset GROTIUS, qui multa Romanæ ecclesiæ placita etiam hoc ipso in opere, non sine aliorum indignatione, comprobavit. Ceteros ut auctoritate forte famaue a censura, quam diu vixit, deterruit; ita erumpente liberius

berius post mortem invidia celebrari contra magis hi libri cœperunt, passimque eruditum commentariis illustrari, ut tum demum, quid GROTIUS sibi voluisset, intelligi videretur.

XXV. Sed JOANNES tamen SELDENUS *Hunc ex-*  
actus gloriæ cupiditate in transvorsum vide-*cepit Sel-*  
tur, si standum illorum judicio est, qui GRO-*denus.*  
TII æmulatione incensum putant virum doctissimum, eruditum illud *de jure naturæ & gentium, juxta disciplinam Ebræorum* opus<sup>58</sup>, in lucem emisisse. Certe hoc sua industria effecit, ut quæ *Ebræorum* de gravissimis juris naturæ capitibus sententia sit, neminem fugere possit. Exstitisse autem in hac gente, qui & ingenio, & doctrina cum quibusvis certare queant, vel MOSIS MAIMONIDIS, doctissimi utique viri & juris peritissimi, exemplo constat. Accedit, quod quæ a majoribus suis acceperunt, diligentia qua possunt maxima referant *Ebræi* doctores, ut vel hoc nomine; de hac moralis doctrinæ parte, non male meriti videantur. Et SELDENUS quidem, *Noachidarum* decantatis *præceptis* fundamenti loco substratis, longe lateque per varia non juris modo sed antiquitatis capita procurrit, in *Ebræis, Græcis, Latinis, Arabicis*, scriptoribus, immo ipsis *Scholasticis*; nihil

<sup>58</sup> Primâ vice prodiit Lond. 1640. Fol. Postea vero Argentorati 1665. 4to. Natus est ipse Auctor Dec. 26. 1584. Mortuus Nov. 30. 1654. Conf. Vitam ejus erudite conscriptam a Viro Cl. JOAN. WILKINS, S.T.P. quam præmisit SELDENI operibus ab ipso editis 6 Vol. Fol. Lond. 1726.

intactum

intactum relinquens, quod suo quodammodo instituto inservire putavit. Hoc ipsum vero est, quod nonnulli in eo reprehendunt, qui suo cum comprobasse exemplo aiunt, quam facile nimia eruditionis consecratione iudicii vim obtundant viri docti. JOANNEM SELDENUM hac ratione sua ita perturbasse studia, ut eodem tempore de rebus toto genere diversis cogitaret. Digressiones, enim, inquit, captat adeo remotas & interdum tam longas, ut nisi ita studia instituisset, (hæc enim mali istius, quod eruditos vexat origo) non potuisset tantam ordinis & rerum perturbationem ferre. Ac sane dum ordinem & perspicuitatem negligit, non parum tædii lectoribus creat; quæ vera ac utilia habet, longe plurima minus facile intelliguntur, & sicubi in errorem delabitur, vix origo erroris deprehendi potest <sup>59</sup>.

XXVI. Mortuo HUGONE GROTIŒ, in illortum numero, qui lucem juri naturæ affundere annitebantur, comparuit THOMAS HOBBIUS, *Malmesburiensis*, vir omnium

*Proxime sequebatur Hobbesius, quem refutarunt Cumberlandius, Bramhallus, Cockius, Sharrockius, Filmerus, Schaftus, Strimefius, aliiq;*

---

59 Isthæc de SELDENO scripsit JOAN. CLERICUS in *Arte Criticâ*, P. I. c. 5. § 5. Quæ prolixius a SELDENO scripta fuerunt, operæ pretium sibi duxit noster *Buddens* in compendium mittere; ut in eo citra ambages, sine cultu, sine ornatu (verbis ipsius utor) moralem Hebræorum Doctrinam eruditorum oculis subjiceret, & ipsius ut plurimum SELDENI verbis exponeret. Aliorum etiam scriptorum præsertim accuratius jus naturæ interpretantium subinde indicavit loca, usui futura illis qui revocare ad Examen Ebraicæ gentis placita cupiunt. Prodiit ad calcem VITRIARIJ *Institut.* Lug. Bat. 1734. judicio

judicio ingenii subtilissimi. Is si tantam ad litterarum studia attulisset probitatem, quantum attulit ingenium, ingens ab eo emolumentum cum omnes litteræ tum maxime juris naturalis disciplina capere potuisset. Jam vero suam quam excogitavit de statu naturali fabulam, ceteraque quæ eidem superstruxit, eo comparatam voluit, CAROLO *secundo* ut placeret *Angliæ Regi*: Plane ac si imperantium in tuto collocari majestas nequeat, nisi advocatis in subsidium figmentis. Is vero etiam dum pius in regem videri voluit, parum abest, quin impius in Deum ipsam religionem imperantium arbitrio subjiendo, injuriusque in cives servili prorsus conditioni eos addicendo, extiterit. Videre vero & hic licuit, quam difficile sit mediam tenere viam, quoties civium libertas auctoritasque Principum inter se committuntur. HOBBSIUS vero suæ audaciæ pœnas abunde dedit RICHARDO CUMBERLANDIO <sup>60</sup>, JO. BRAMHALLO <sup>61</sup>, GISBERTO COCQUIO <sup>62</sup>, ROBERTO SHARROCKIO <sup>63</sup>, ROBERTO FILMER <sup>64</sup>, JO. SCHAFTO, SAMUELI STRIMESIO, aliisque <sup>65</sup>, qui ingenium calamosque contra

<sup>60</sup> *Disquisitio de Leg. Naturæ*, 1672. 4to.

<sup>61</sup> *Vindicatio veræ Libertatis*. 1675.

<sup>62</sup> *In Vindiciis pro Lege & Imperio, & Anatome Hobbesianismi*.

<sup>63</sup> *De Officiis secundum Jus Naturæ*. 1660. 8vo.

<sup>64</sup> *Observat. ad HOBBSII Leviathan*. 1679.

<sup>65</sup> Scil. CLARENDON. contra *Hobbesii Leviath.* PARKERO in *Disputationibus de Deo*. 1678. Et *De Legibus Naturæ*

contra eum acuerunt : quorum ut idem scopus, ita nescio, an idem fuerit successus : ne quid nunc de iis dicam, qui non quidem ex instituto, sed data occasione, & ὡς ἐν παρόδῳ illum aggressi sunt. Nec tamen defuerunt qui patrocinium ejus susciperent, ejusque philosophiam defenderent, quos inter LAMBERTUS VELTHUYSIUS eminet <sup>66</sup>, ingenio profecto & acumine ipsi HOBBSIO comparandus <sup>67</sup>. DANIELIS SCARGILI enim conatus, cujus auctor vitæ Hobbesianæ meminit, in ipsa, quod ajunt, herba suppressi sunt <sup>68</sup>.

Et

---

*Naturæ*. 1681. SETH WARD *Exercitatio Epistolica*, 1656. Et qui instar omnium est, RAD. CUDWORTH in *System. Intellect.* & de æterna & immutabili Moralitate; qui nuper prodierunt latinè versi à Doctiss. MOSHEMIO. 2 Vol. Fol. *Lenæ* 1733.

<sup>66</sup> In disquisitione epistolica *de principiis justis & decori*, primo seorsim, deinde cum reliquis ejus operibus edita. 2 Vol. 4to. *Roterod.* 1680.

<sup>67</sup> Non tamen ita defendebat HOBBSIUM, ut in verba magistri juraret, vel eum per fas & nefas vindicaret. Studium seipsum conservandi pro fundamento moralis obligationis, omnisq; istius quod justum & decorum haberi solet, cum multis viris cordatissimis posuit; sed principiis istis nefandis *de Statu Naturæ Statu Belli, de Jure omnium in omnia, de pacis fonte Obligationis*, & ejusmodi, neutiquam patrocিনatus est.

<sup>68</sup> Paucos alios nactus est HOBBSIUS defensores. NIC. HIERON. GUNDLINGIUS eum ab Atheismi crimine vindicare annititur. *Observat. Sel.* Tom. I. p. 37. Item *de Statu Naturali HOBBSII defenso & defendendo*. Eisdem partes suscepit RAD. BATHURST in *Vita Hobbesii* ejusq; auctario. 1681. Quædam HOBBSII placita JO. CHR. BECMANNUS calculo suo comprobavit in *Meditationibus politicis*, itemq; in *politica parallela*. Sed &

PETRUS

Et HOBBSII quidem *de cive elementa* A. M. DC. XLVI. lucem primum adspexerunt, quæ aliquot post annos videlicet M. DC. LI. alter ejus fœtus, cui *Leviathan* titulum fecit, excepit <sup>69</sup>.

XXVII. Sed GROTII tamen nondum ita oblitterata memoria erat, ut non quosdam ejus *de belli & pacis jure* libri occuparent. Et hoc ipso sane tempore JOANNES A FELDEN vir juris pariter ac matheseos callentissimus, pro eo quem erga *Aristotelem* animo conceperat favore insurgere in Grotium, ejusque dicta, in quibus a tanto sapientiæ magistro dissenferat, atro notare lapillo in animum induxit. Cujus conatus non displicebant illis, qui famam & gloriam GROTII ægris intuebantur oculis. Quos inter & CLAUDIUS SALMASIUS

Grotio *ad-*  
*versatur*  
Feldenus,  
*tuetur*  
Graßwin-  
kelius.

PETRUS GASSENDUS, dum Juris & Justitiæ originem ex pactis derivat, aliaq; *Epicuri* dogmata tuetur, ne latum unguem ab Hobbesio discedit. Vid. *Syntagma Philos. Epicur.* P. 3. c. 26. PUFENDORFIUS noster HOBBSII vestigia in quibusdam premit, in iis Scil. quæ sana sunt & Philosopho digna; nonnulla tamen impia ejus dogmata solidè et præclarè refellit.

<sup>69</sup> Pauca hujus libri exemplaria prius evulgata sunt *Parisiis* 1642. Deinde auctior prodiit *Amst.* 1647. De hoc HOBBSII Opusculo hanc sententiam profert PUFENDORFIUS. *Etsi quid profani sapiat, pleraque tamen cætera satis arguta ac sana.* Præfat. ad Elem. Jurisprud. Ineunte anno 1650 publicatum est HOBBSII opus, linguâ vernaculâ conscriptum, de naturâ humanâ; sicut etiam anno vertente liber *de corpore Politico Londini* impressus est. A. D. 1655 prodiit latinè liber *de corpore*, et proximo anno vernaculè. A. D. 1658 in lucem emissus est Liber *de Homine*. Qui plura vult de HOBBSIO, adeat BÆLII *Diction. Histor. et Crit. vel vitam Hobbesii* à RAD. BATHURST. 1681.

D

fuit

fuit, qui suæ invidiæ præclarum hoc extare  
 voluit monumentum in quadam epistola,  
 quam e tenebris produxit vir clarissimus  
 THOMAS CRENIUS <sup>7º</sup>: “ in philosophicis,  
 “ si disputandi solertia spectetur, vix me-  
 “ diocribus par est: nec unquam vidi, qui  
 “ minori cum vi ratiocinetur: id quod testan-  
 “ tur scripta ejus, quibus RIVETUS & MA-  
 “ RESIUS rescripserunt: in studio literarum  
 “ multos habet pares, & plurimos superiores.  
 “ In jure quantum excelluerit, ostendit spar-  
 “ sio florum ad *jus Justinianæum*. Librum  
 “ ejus *de jure belli ac pacis* refutandum suscepit  
 “ quidam Professor *almæ Juliæ*, qui amicis  
 “ aliquot, quos vidi, adfirmavit se ostensu-  
 “ rum esse, nullam paginam vacare insigni-  
 “ bus erratis”. Nullus dubito quin FELDE-  
 NUM designet SALMASIUS, qui quo animo  
 ad hanc censuram accesserit, vel ex hoc ipso in-  
 telligere licet, quod nullam paginam erratis  
 vacare se ostensurum pollicitus sit. Prodie-  
 runt vero tandem annotata ista M. DC. LIII.  
 quibus THEODORUS GRASWINKELIUS, vir  
 doctus & civilium rerum haud imperitus, anno  
 sequenti strictiones suas opposuit, quas duobus  
 HUGONIS GROTII filiis sacras esse voluit.  
 Non equidem sibi defuit FELDENUS, sed re-  
 sponsum ad istas strictiones edidit, tacente  
 quidem GRASWINKELIO, forte quod per-  
 spexisset optimam hanc esse vincendi litigio-  
 fos homines rationem; si res suas sibi habere  
 jubeantur.

---

<sup>7º</sup> T. I. Animadvers. Philolog. & Hister. p. 22.



XXVIII. Sed juvabit, observata quantum fieri potest annorum serie, quæ naturalis juris doctrina subierit fata, porro pertexere. Anno itaque M.DC. LIX. MARTINI SCHOOKII, viri in quo alia omnia potius quam diligentiam desideraveris, prodiit *de jure naturæ* liber in quo tamen nihil eximii admodum & non quotidianum attulisse visus est : quamquam idem & aliis scriptis ad civilem moralemque doctrinam spectantibus ingenii periclitatus sit vires. Quæ inter de *imperio maritimo* eminet commentatio. Qui vero illum in hoc ordine excepit JO. HENRICUS BOECLERUS, majorem doctrinæ copiam vimque ingenii exquisitiorem ad hoc attulisse opus traditur. Anno namque M. DC. LXIII. commentarius ejus in librum primum, & septem priora capita libri secundi lucem adspexit, cui selectæ aliquot, *de insignibus juris naturalis capitibus*, dissertationes adjunctæ sunt. Multis utique præfidiis instructus hunc adgressus est laborem BOECLERUS : civilis doctrinæ peritia in eo haud vulgaris, veteris recentiorisque historiæ cognitio, fontesque, ex quibus sua hauserat GROTIUS, perspecti penitus. Anfractus tamen nescio quos, & ambages in eo vituperant nonnulli, & impeditum dicendi genus, quo plura ubique polliceri videtur, quam præstare : cui doctrinæ ad illorum, quos offendere nolebat accomodatio, in plerisque viri doctissimi scriptis manifesto se prodens accedit. Morte autem præpeditus perducere ad finem cœpta non poterat non sine insigni, ut creditur, litterati orbis damno.

Schookii  
& Boecler.  
ri *merita*  
in *jus natura*.

Compendia  
Grotii à  
Mullero  
& Klen-  
kio.

XXIX. JOANNES PHILIPPUS MULLERUS sequenti anno M. DC. LXIV. in tabulas redegit GROTH de belli & pacis jure libros. Etenim ut studiis atque moribus, ita ingeniis maxime differunt homines; videasque alios fastidire libros, quos non contextus rationum succulenta & plena oratione ornatus commendat, alios contra sceletis illis, ut nunc cum medicorum filiis mihi loqui liceat, maximo-pere delectari. Mercatores itaque si imitentur eruditi, quid mirum? quos tum demum a sapientia commendari novimus, si merces gustui & indoli emptorum diversimode attemperatas exponant. Hinc tam diversus etiam in jure naturæ ad ingenium mortalium aptando & instruendo labor. Hinc præter tabulas compendia, quorum ni fallor primum a JANO KLENKIO concinnatum est, quod sub titulo *institutiones juris naturæ, gentium, & publici*, A. M. DC. LXV. lucem adspexit.

Zieglerus  
in Grotii  
um com-  
mentator.  
Gul. Gro-  
tius cum  
suis com-  
mentatori-  
bus.

XXX. Crescere tum indies existimatio cœpit de utilitate librorum GROTH, ut passim, in academiis viri docti juvenibus eosdem prælegere & interpretari consultum ducerent. In his summus quoque vir, isque non minus juris quam omnium literarum consultissimus fuit, CASPAR ZIEGLERUS, cujus in istos *Hugonis Grotii* libros animadversiones M. DC. LXVI. prodierunt. Libertatem modestia temperatam in eo laudant omnes. Nec eruditionem in iis, nec judicium desideraveris; meliora tamen & exactiora ab isto viro proficisci potuisse, si ingenii sui vires intendere aut voluisset

isset, aut per temporis rationes potuisset, omnes judicant, quibus res ejus cognitæ fuere ac exploratæ. Utilem tamen illis operam præstitit, qui a singularibus in religione opinionibus, quas more suo & huic operi passim insperfit GROTIUS, sibi cavere cupiunt. Has enim non temere prætermisit, quin notaret eas & pro re nata refelleret. ZIEGLERO jungamus jureconsultum, & doctrina, & modestia eo non inferiorem, eumque ipsius Hugonis fratrem, GULIELMUM GROTIUM, qui *de principiis juris naturalis enchiridion*, quod vocat, edidit. Is in compendio tradere, quæ prolixiori ambitu complexus est frater, instituit; nec tamen, quæ sibi constituerat, stadia prorsus emensus est. Agnoscas facile virum elegantioribus literis innutritum & civilis juris peritia imbutum, a scholasticis minutiis abhorrentem minusque adeo placentem illis, quibus pulchrum nihil est, nisi quod ineptis vocibus conditum, ineptiori methodo adstrictum, sub nescio cujus *angustias* specie illis adblanditur. Academicis tamen studiis cum inservire voluit GEORGIUS GOEZIUS, disertissimus quondam *Jenensium* antistes; cujus exemplum secuti sunt, qui deinceps suis hoc enchiridium commentationibus illustrarunt JO. GEORGIUS SIMON, & JO. JACOBUS MULLERUS.

XXXI. Eodem circiter tempore nova ad Mevii hanc doctrinam facta est accessio, per *prodromum jurisprudentiæ communis*, DAVIDIS MEVII, in tribunali Suecico, quod *Wismariæ* est vice-præsidis, qui in altera editione, nu-  
Mevii  
Prodromus  
Jurispru-  
dentiæ.

*clei juris naturalis & gentium*, titulum gerit. Vel ex fronte libri constat, alterius longe majoris operis hunc velut esse præcurforem : id quod & ex ipsa tractatione ea, quæ generatim de naturali jurisprudentia disceptari solent, exhibente perspicitur. Et fama, & ingenium auctoris, & eruditio singularis, nihil nisi eximium de ipso opere sperare omnes jubebant, desideriumque vehemens illud videndi & usurpandi in multorum excitavit animis ; irrita tamen hæcenus eruditorum fuere vota. Id quod quo fato contigerit nescio, cum maximam saltem libri partem jam tum perfectam a se testaretur auctor, cum prodromum emitteret in lucem. Est tamen non diffidendum, & in ipso hocce prodromo non omnium promeruisse calculum MEVIUM. Parumque abfuit, quin ad agendas causas quam profundioris juris naturæ inquisitionem, aptiorem eum nonnulli censerent. Id tamen, quod maxime in illo reprehenditur, quod ex statu integritatis principium ac normam juris naturæ repetierit, cum multis ei commune est : diceturque ea de re suo loco. De mutabilitate autem juris naturæ quæ dixit, censuram non admodum benignam SAMUELIS RACHELII 70 provocavit. Nec difficile foret & alia in eo reprehendere, si quis erroribus aliorum in lucem producendis se natum crederet.

Osiandri  
commenta-  
rius ad  
Grotium;

XXXII. MEVIUM excepit *Tubingensium Theologus* JOANNES ADAMUS OSIANDER,

---

70 De jure naturæ thes. LVI.

cujus

cujus observationes maximam partem theologicas in *Hugonem Grotium*, M. DC. LXXI. orbis eruditus primum vidit; *Tubingæ* quippe eodem anno impressas. Exemplo ZIEGLERI incitatum virum dicas ad ea & notanda & consignanda, quæ offendere aliquem ecclesiæ *Lutheranæ* scitis innutritum poterant. Nec negaverit fecisse utrumque quod operæ præstium sit, qui cogitaverit subinde asserere Grotium talia, quæ castigantur reprehendunturque merito. Nimium rigorem facile condonabunt OSIANDRO, qui theologum fuisse recordantur, qui, cum ardua semper tractant, nec minutias, quæ periculum asserre possunt, prætermittere solent. De fatis autem GROTHII, quod suo quædam operi præmisit, id magis historiæ causa, quam ut ullam inde illi conflaret invidiam, eum fecisse arbitror. Scholasticorum vero quod subinde placita advocavit, id ejusmodi quidem est, ut elegantioribus multum displiceat, qui vellent tandem ab hisce quisquiliis moralem doctrinam repurgatam penitus: sed a viro, qui omnem his in studiis ætatem egit, expectandum aliud nihil fuit. Prætermittenda itaque hæc sunt, & in ceteris, quæ recte dicta & observata sunt, sua non defraudandus laude. Idemque existimare omnes velim de altero ejus opere, qui *typus legis naturalis* inscribitur, quodve itidem ad ejus juris, quod ex natura omnibus constat, studium promovendum comparatum esse voluit.

XXXIII. Longe aliam viam ingressus est SAMUEL PUFENDORFIUS, ad quem nunc

D 4                      temporis

Pasendor-  
fius, alter  
restaura-  
tor juris  
naturæ.

temporis nos deducit ordo. Facile vidit vir perspicacissimus, commentariis, annotationibus, stricturis, censurisque in *Hugonem Grotium*, parum in naturalis juris doctrina profici; eo namque tandem rem redire, ut quid *Grotius* senserit, intelligatur; modo intelligatur, cum commentariis facilius obscurantur auctores, quam illustrentur. Comprobaturum nimirum & *Grotii* exemplo est perpetuis velut circulis literarum studia circumagi, ut quandoque existant, qui ex ipsa rerum natura, non ex solis libris sapere gestientes, eo usque provehantur in rerum perscrutatione, ut supra communem hominum sortem positi penetrasse in istos recessus videantur, ad quos ceteris aditus sit interclusus. Hos mirari, quæ mortaliū est ignavia, quam imitari plerique malunt: remque prorsus egregiam se suscepisse putant, si & ipsi dicant, quod heros ejusmodi dixit, & novitatis specie se commendent. Hinc novorum systematum, compendiorum, tabularum, uberrimus proventus: hinc commentationum & adnotationum florentissima seges, in quibus ex obsoletis denuo conferunt & convectant, quæ auctor spreverat, ostensuri, & alios ea dixisse, quæ ipse asseruit, aut dubiola movent, aut simile quid quisque pro ingenii sui modulo agunt. Hæc *Aristoteles*, hæc *Plato*, hæc *Thomas de Aquino*, hæc *Cartesius*, hæc *Grotius*, expertus est fata. Hæc quotidie luditur fabula. Postquam ejusmodi librorum pertæsum, surgit iterum aliquis, qui magno impetu prostratis & rejectis quotidianis istis nova consecratur, eandem commenta-  
torum

torum & adnotatorum turbam post se tracturus. PUFENDORFIUS itaque *Grotii* vestigia premens facile vidit hoc in illo laudandum, quod ex ipsa hominum natura accuratioreque ejus consideratione novum aliquod juris naturæ ædificium extruxerit. Hoc unicum esse, quo reliquis *Grotius* præstet, hoc ergo & sibi faciendum: præsertim cum exquisita illa humani ingenii meditatio nunquam sine fructu instituat, ut non detegat aliquid, quod perspectum cognitumque neutiquam fuit aliis. Hæc magnorum virorum vestigia feliciter premens PUFENDORFIUS, parum abfuit quin superaret ipsum *Grotium*, exemplum saltem longe clarius una cum *Hobbessio* præiret ceteris, quæ vera ratio esset perficiendi perpoliendique juris naturalis. Hujus sui instituti specimen equidem jam dederat in *elementis jurisprudentiæ universalis*: sed illud demum opus, quod plenam doctrinæ ejus faciem exhibet, omniumque oculos animosque in se convertit, M. DC. LXXII. prodiit.<sup>72</sup> Quod deinceps ipse in compendium misit, ti-

---

<sup>72</sup> Scil. *De Jure Naturæ & Gentium*, quod prodiit *Lundini Scanorum*, 4to, 1672, & sæpius deinde recusum; tandem vero cum adnotationibus JOAN. NIC. HERTII, *Francf.* 1704. Versiones ejus *Germanicam*, *Gallicam*, *Anglicanam* commemorat auctor *Bibliothecæ Juris Imper.* c. 1. p. 31. Sed Gallica JOAN. BARBEYRACCII cum primis commendanda, summo quippe studio confecta, & doctissima Præfatione, & notis exquisitissimis exornata & locupletata, quibus præcipua Juris naturalis capita copiosius illustrantur. PUFENDORFIUM cum cl. BARBEYRACCII notis anglicana versione donavit BASIL KENNET. *Lond.* 1729. Fol. Ed. 4ta.

tulo *de officiis hominis & civis* indito <sup>73</sup> : sed ita, ut & compendia confici, quæ a scholasticorum barbarie aliena essent, posse ipso hocce exemplo comprobaret.

<sup>73</sup> In gratiam eorum, qui PUFENDORFII Historiam desiderant, brevem vitæ ejus narratiunculam, quam nobis suppeditat STOLLIUS in *Histor. Liter.* p. 764, hic subjungemus. SAMUEL PUFENDORFIUS *Lipsiæ* commilitonem habuit *Valentinum Alberti*, & postea *Jenæ* cum celeberrimo *Weigelio* amicitiam contraxerat, qui suam *Ethicæ Euclidæ* liberæ ejus voluntati tradidit, quâ & in *Elem. Jurisprud. Univ.* Hag. 1660. editis nonnullis in locis usus est. Eruditus ille Palatinatûs Princeps Elector *Carolus Ludovicus*, cujus nomine illa præscripserat, Professorem eum *Juris Naturæ & Gentium Heidelbergæ* constituit. A. D. 1668 *Lundini* in *Scandia* Professor factus est, ibidemque 1672 opus suum *de Jure Naturæ & Gentium* in 4to edidit. Quod verò in eo ulterius quidem ac *Grotius* progressus fuerat, scholasticorumque nugæ penitus rejecerat, multos equidem experiebatur adversarios, in quorum acre tamen non diu fuerat. Interea Consiliarius Regius, & Historiographus *Holmiensis* factus, nobilitatisque insignibus ornatus est. Conscripsit hinc opera illa *de Rebus Suecicis sub Gustavo Adolpho usque ad abdicationem Christianæ*, & *de Rebus a Carolo Gustavo gestis*. Ita hæc suscipiebantur benignè, ut non multum post res *Friderici Gulielmi* Principis Electoris *Brandenburgensis* describere juberetur. Ornabatur simul officio Consilarii intimi *Electoris Brandenburgici*. Rex *Sueciæ* CAROLUS XI. liberum Baronem eum pronuntiabat, juraque ipsi ea concedebat; immo ipsemet Imperator *Leopoldus* magnis eum pollicitationibus conatus est ad vitam suam describendam persuadere, quod nunquam tamen in se suscepit. Mortuus est Oct. 26. 1694, ætatis 63; postquam & alia publicârat scripta, *jusque suum feciale divinum* reliquerat in MSco; quod postea typis exaratum erat, & tum latine tum anglice in lucem emissum.

XXXIV. Per



XXXIV. Per istam autem, quam tenuit, philosophandi rationem, PUFENDORFIUS non potuit non a receptis scholasticorum decretis, in quibusdam dissentire. *Ægre istud tulerunt quidam ex theologorum ordine viri, qui introducta semel ista sentiendi libertate, nihil tam sanctum, tam inviolabile fore autumabant, quod non convellere auderet hominum nova confectantium profana libido. Lutheri namque jam pridem relicta simplicitate, scholasticorum postliminio reduxerant commenta, his ecclesiæ purioris dogmata ita involverant, ut his salvis, profligari illa posse, non crederent. Integra itaque ad Pufendorfiū impugnandum coorta est cohors, in qua principes Josua Swartzius, Nicolaus Bekmannus, Jo. Adamus Scherzerus, Valentinus Veltbemi-  
us, Valentinus Alberti, Jo. Joachimus Zentgravius, Samuel Strimesius, Fridericus Gesenius, notissima nomina, totam fere Germaniam nobilissimamque in ea academias suo strepitu complevere. Nec rationibus magis quam convitiis certatum strenue, ut tanto præclariorem quisque retulisse victoriam sibi videretur, quanto acrius ingenium in convitiis exco-  
gitandis probasset. Omnibus vero, quod mireris, unus sufficebat PUFENDORFIUS, si ab infelici ejus hyperaspiste Klingero discedas, qui sub nomine Rolleti latitare dicitur, & læsæ majestatis scholasticæ pœnas in academia Jenensi dedit. Nemini namque, quicumque is esset, aut ingenio aut eruditione aut promptitudine aut mordaci & aculeato scribendi genere se inferiorem demonstrabat.* *Eris Scandica*

dica PUFENDORFII, & alia ejusdem generis scripta utrinque eo tempore, haud exiguo numero edita, docere & hæc quæ diximus, & totam belli istius umbratici seriem possunt, si quis accuratius hæc nosse sua interesse putat.

*De Con-  
troverfiis  
istis judi-  
cium.*

XXXV. Ejusmodi utique erant, supra quibus magnis tum animorum motibus concertabatur, ut aut tuto ignorari aut facile, si mens non læva fuisset, componi potuissent. De statu enim naturali, quem ab *Hobbesio*, sed sacris literis magis attemperatum, acceperat PUFENDORFIUS, de *fundamentali propositione legis naturalis*, de *origine moralitatis*, & *indifferentia motus physici in actione humana*, similibusque disceptabatur acerrime. Eoque effectum, ut magno equidem strepitu passim in academiis jus naturæ doceretur, cum non temere litis materiam dimittant, qui in scholis & academiis vivunt, & infiniti libelli, & dissertationes innumeræ hac de re conscriberentur: sed ut omnis labor in speculationes inutiles de *principio juris naturæ*, similibusque doctrinæ scholasticæ capitibus abiret. Et qui de hisce verba facere didicerant, pulchre sibi sapere, jurisque naturæ consultissimi videbantur, cum ejus essent ignarissimi. Ita infelici ista concertatione evenit, ut nobilissima ista philosophiæ pars a viris cordatis & ad majora natis, quippe quos scholasticarum ejusmodi quisquiliarum pudebat, neglecta; occupata contra ab hominibus, a quibus multum obscuritatis parum lucis aut dignitatis accipere poterat, suo pretio excideret, & succo nervoque spoliata jejunisque quæstionibus ob-

ruta

nita eodem apud sapientiores loco, quo istud ineptiarum chaos, quod *metaphysicam* vocant, haberetur. Sed juvat tamen, ne quid desit, languentis & tantum non agentis animam fata porro perfequi.

XXXVI. Inter præcipuos PUFENDORFII adversarios VALENTINUS ALBERTI fuit, Alberti, Mevius, Seckendorffius  
vir nec elegantioris doctrinæ rudis, & ceteris multum ingenio præstans. Is non tantum  
variis scriptis controversa PUFENDORFII placita impugnavit: sed novum quoque juris naturæ systema, suæ quam elegit hypothesi, superstructum condidit. Vocavit illud *compendium orthodoxæ theologiæ conformatum*, inque eo illud potissimum egit, ut ex statu integritatis, in quo conditus homo initio fuerat, regulam normamque officiorum omnium, quæ lex naturæ ab omnibus exigit, derivaret accerferetque. Qua in re non sacri modo ordinis viros plerosque, sed ex jureconsultis quoque DAVIDEM MEVIUM, quem supra laudavimus, & VITUM LUDOVICUM SECKENDORFIUM sibi adstipulantes habuit. Et hujus quidem cum hæud obscure niteretur auctoritate, aliterque sentientibus ea objiceretur, oportuit SECKENDORFIUM PUFENDORFII quoque experiri aculeos, liberrimumque judicium, non adlitiæ ullius estimatione, sed unice rationibus suffultum. Ego vero maximopere miror, potuisse inter viros doctissimos ullam hac super re existere dissensionem. *Pufendorfius* illorum exponebat officia, qui christianæ religionis sunt expertes: horum contra instruunt vitam & theologi, aut quotquot naturæ

naturæ aut integræ aut restitutæ conditionem considerant. Alio itaque fundamento illum, alio hos niti oportet. Recte utique hæc a se invicem discernuntur, cum multa sint, quæ rationis captum superant, & quæ frustra illis obtruseris, qui religionis christianæ scitis non sunt imbuti. Cum ejusmodi vero hominibus cum raro nobis commercium intercedat, rursus dissimulandum non est, si a principum negotiis discedas, in privatæ vitæ institutione longe ampliorem, imo unicum illius juris usum esse, quod ad christianam disciplinam hominum mores exigit. Ut ergo errant, qui jus naturæ non aliud agnoscunt, quam quod ex scitis christianæ religionis aut statu naturæ vel integræ vel restitutæ derivatur, nec satis, quæ ratio dicitur, discernunt ab iis, quæ ex revelatione constant: ita rursus decipiuntur, qui ubique jus naturæ crepant, & christianorum etiam ad illud componi actiones volunt, qui tamen longe excellentiori jure, quod naturæ scilicet restitutæ est, utuntur; id quod plerisque PUFENDORFII sectatoribus contigit.

*Hunc laudant et  
seclantur  
plurimi.*

XXXVII. Superiorem ex hoc certamine discessisse PUFENDORFIUM multa evincunt. Namque ut alia taceam, in iis ipsis academiis, in quibus tam acriter impugnata fuit ejus philosophia, eadem recepta & propagata sola fere regnat; explosis & confepultis adversariorum ejus decretis. Cum dignitatibus etiam, quibus a magnis principibus ornatus fuit, auctoritas ejus crevit, ut ad eam passim provocetur, multisque pro ratione sit. Nec quidquam

quidquā defuit, quo minus *Grotio* tandem æquaretur, quam ut commentarii & adnotationes ad illius opus conscriberentur. Compendium ex eo fecit quidam, sub titulo *juris prudentiæ universalis*, tironibus non prorsus spernendum. Placita ejus cumprimis sectatur ADAMUS RECHENBERGIUS in *Lipsiensi* academia Theologus longe clarissimus, qui mira brevitate & exquisito judicio in lineamentis philosophiæ suæ civilis cuncta complexus est, additis ex suo fundo quæ ad integrum civilis doctrinæ complexum deesse videbantur. Ad libellum etiam *de officiis hominis ac civis*, observationes scripsit GOTTLIEB GERHARD TITIUS<sup>74</sup>.

## XXXVIII.

---

<sup>74</sup> Fuerunt & plurimi alii inter eruditos, qui Opusculum hoc *Pufendorfanum* dignum judicarunt, in quo edendo & commentando operam suam rectè collocare possent: inter quos ultimum ordine, non meritis, locum occupat TREVERUS; quid id adnotationibus illustratum in lucem emisit, *Lipsiæ*, 1734. cujus Historiam horum editorum & commentatorum, qui ei præcesserunt, haud inutilem operam agam, si in medium proferam. “ Licet  
 “ (inquit, in *Præfat. adnotationum*) varii in eundem librum sunt commentati, illorum tamen intentio, methodus & tractationis materia ita inter se differunt,  
 “ ut nemo alterius limites attingisse dicendus sit. TITIUS definitiones, divisiones & terminos maximam  
 “ partem examinavit, minutias nonnunquam sectatus, methodi *Pufendorfianæ* acerrimus ubique censor.  
 “ HOCHSTETTERUS in *Collegio Pufendorfano* non tam librum hunc respexit, quàm locos communes Juris  
 “ Naturæ condidit, Theologiam moralem admisit,  
 “ & Theologiæ revelatæ principiis in Juris Naturæ placitis firmandis usus est. WEBERUS textum fere tantum

Quid in  
Jure na-  
turæ præ-  
stiterunt  
Hennin-  
ges, Si-  
mon, Ra-  
chelius,  
Velthe-  
mius.

XXXVIII. Ut redeam, unde digressus  
sum, cum *Pufendorfius* suum luci exponeret  
opus

“ tantum brevissime declarat, & omnia ad usum præ-  
“ cipue juridicum dirigit. KEMMERICHUS in Apho-  
“ rismos librum hunc commodissime resolvit, inter-  
“ sperfis iis, quæ à *Pufendorfo* omissa fuerunt. JAS-  
“ TER duabus plagulis in tabellas redegit. WALD-  
“ KIRCH exemplis Juridicis, nonnunquam Historicis  
“ illustravit, vix in ullius sententiæ veritatem inquisi-  
“ vit. BARBEYRACIUS in Gallicam linguam ele-  
“ gantissimè transtulit, notis paucissimis adjectis quum  
“ omnia vastissimo suo commentario ad majus *Pufen-*  
“ *dorfi* opus complexus esset. PRÆLEUS omnia Juris  
“ Naturæ Dogmata ex conservatione sui immediate  
“ deducens hunc librum principio isti, majori quidem  
“ ordine & ratiociniorum nexu, accommodavit, lima-  
“ teque Judicio proposuit : sed principia justî & ho-  
“ nesti non satis distinxit. PAGENSTECHEER edidit qui-  
“ dem denuo libellum *Pufendorfi*, sed promissas in  
“ eum observationes, quantum mihi constat, nondum  
“ in lucem protraxit. His accesserunt LEHMANNI ad-  
“ notationes, qui variorum sententias ex diversâ sæpe  
“ hypothesi exortas congeffit, placitaque sua interjecta  
“ collustrare magis voluit, quam demonstrare. Jo.  
“ BALTH. WERNHERI *Analecta* ad hunc librum valde  
“ extemporaria sunt & jejuna, soliditatem hujus doc-  
“ trinæ parum juvantia”. Hisce addendi sunt CAR-  
MICHAEL Philosophiæ Professor in academia *Glasgowi-*  
“ *ensi*, cujus præcipuus est scopus (teste *Ottone*) ut Phi-  
“ losophiam moralem ex ipsis naturæ principiis deductam  
“ legisque naturalis obligationem atque præcepta ex per-  
“ fectione supremi numinis demonstraret, totamque mo-  
“ ralem disciplinam ordine naturali delinearet ; & EVER-  
“ ARDUS OTTO Jâtus & Antecessor, cui illud adhuc super-  
“ esse videbatur, ut Juris naturalis doctrina magis ad  
“ usum & intellectum Legum Civilium v. gr. Hebræarum  
“ & Græcarum sed maxime Romanarum applicaretur,  
“ quo plenius tandem apparere posset eas non vana homi-

opus, alii adhuc in ornando explicandoque *Grotio* elaborarunt. Etenim M. DC. LXXII. observationes suas prodire jussit HENRICUS HENNINGES, in quibus id operam dedit, ut defenderet *Grotium*, & contra censores ejus tueretur. Eodemque fere tempore JO. GEORGIUS SIMON, qui initio in *Jenensi*, postea in *Hallensi* academia docuit, recudi *Grotii* opus fecit, additis itidem notis, eruditis iis quidem, ast non semper ad rem facientibus, nec naturali juri insignem affundentibus lucem. In hoc laudandus, quod subinde ad *publicum*, quod vocant, *jus*, naturalis juris decreta accommodaverit. *Grotium*, ad rem ipsam quod attinet, quandoque sequitur, quandoque deferit, interdum & cum *Feldeno* contra *Grotium* facit. Qui his M. DC. LXXVI. accessit, SAMUEL RACHELIUS, *juris in academia Kiiloniensi Professor*, in dissertationibus *de jure naturæ & gentium*, *Aristotelis* legit vestigia, nec facile quicquam, quod alibi obvium non

---

num existimatione, sed ratione arteque constare. Hunc ad finem tendunt propriæ ipsius adnotationes, quibus accedunt *Titii* ad hunc librum *Observationes*. Prodiit *Trajecti ad Rhen.* 1728. Sic alii alios in hoc libro edendo sibi proposuerunt fines; ipsius vero TREVERI institutum est, sicut ipse profitetur, Juris naturalis dogmata exponere, præjudicia quæ circa eadem oriri solent remove, justum ab honesto & decore secernere, in recentiorum sententias & thesium veritatem inquirere, rationibus pro virili omnia fulcire, & explicatiora auditoribus suis exhibere. Post tot eruditorum labores in hac palæstrâ, si quis mirabitur, quo fine et instituto ipse eundem librum iterum prodire jusserim, hunc ad Præfationem meam remitto.

E

fit,

fit, affert : idem tamen jam antea sua *in Ciceronis officia* commentatione, eidemque de natura honesti præmissa dissertatione, suæ doctrinæ specimen dederat. VALENTINI VELTHEMII autem, quæ eodem anno comparuit, ad *Hugonis Grotii* sæpius laudatos libros introductio, cujusmodi sit, ex dictis facile conjectura quis assequatur. Laudaveris diligentiam viri, conatusque rem literariam juvandi ; scholasticis tamen nimis eum indulgisse tricus res ipsa docet. Ista vero tractandi jus naturæ ratione, si alio seculo vixisset, ingentem promereri potuisset laudem : sed hac ætate, qua multi jam scholasticam istam fuliginem animo detergere instituebant, placere paucis poterat.

Gronovii  
& Kulpi-  
fii Com-  
mentarii in  
Grotium.

XXXIX. Jureconsultis hucusque & theologis negotium facessiverat *Grotius* : nunc vero & criticorum diligentiam provocavit. GRONOVIVM innuo, qui M. DC. LXXX. cum notis suis *Grotii* opus recudi curavit. Sunt istæ, uti constat, diversi prorsus generis, quam quibus vexatus laceratusque a ceteris fuerat *Grotius*. Non de rebus ipsis, sed sensu *Grotii* sollicitus est, quem ut recte percipiat lector, anniti debet ; hinc obscurius dictis lucem affundit, quod nemo rectius facere poterat GRONOVIO <sup>75</sup>. Nec interea defuerunt, qui

---

<sup>75</sup> Elegantem hujusce operis editionem, omniumque quæ hætenus prodierunt, emendatissimam, cum *annotatis* auctoris, ejusdemque dissertatione de *mari libero*, ac libello singulari de *aquitate, indulgentia & facilitate*, necnon *Joan. Fr. Gronovii* Notis, suas quoque notulas addens,



qui consuetam viam tererent, licet non eodem omnes successu. JO. GEORGIUS KULPISIUS M. DC. LXXXII. his annumerari voluit, edito *collegio* isto *Grotiano*, quod maximum eruditi orbis adplausum promeruit. Brevitate enim & judicio, & moderatione omnibus se commendat <sup>76</sup>. Optima ex omnibus feligit, ut multis commentariis carere facile queat, qui eo uti voluerit, cum, quod eximium in omnibus est, hic unico fasce comprehensum videas. Est, ubi receptas scholæ sententias non prorsus exuere potuit: ast hosce qualescunque nævos magnis virtutibus compensat.

XL. Ceterum *Grotii* nomine cum orbis ita personaret; & in aulis, in scholis, in circo, in trivio, *Grotius* aut celebraretur aut damneretur, quid mirum, si & homines latinæ linguæ imperitos cupido legendi tam præclarum opus incenderet? Horum inservire desideriis CURTINUS voluit gallica versione, eleganti & perspicua, ut eadem & commentarii vicem sustinere posse credatur <sup>77</sup>. In indice accu-

Curtini  
Versio Gal-  
lica Operis  
Grotiani.

E 2

rato

---

addens, summâ curâ ornavit cl. JOAN. BARBEYRAC, & in lucem emisit, *Amstel.* 1728, iterumque 1736. 2 Vol. 8vo. Ejusdem quoque viri doctissimi & Jurisprudentiæ Professoris celeberrimi versio gallica cum commentariis copiosissimis pariter ac præstantissimis lucem aspexit, *Amst.* 1724. 2 Vol. 4to.

<sup>76</sup> Post KULPISIUM prodiit JOAN. SCHEFFERI *Grotius Enucleatus*. Helmstad. 1712. 8vo.

<sup>77</sup> Longe aliter sentit BARBEYRACCIUS, qui CURTINI versionem acriter reprehendit, cum *Grotii* mentem haud recte tenuisse innumeris in locis asserens, & nihil

rato, quem addidit, cuncta velut in compendium misit, novamque lucem, additis observatiunculis, locis Grotii difficilioribus conciliavit. Prodiit ista versio M. DC. LXXXVIII. & hoc ipso anno, quo hæc scribo, M. DCC. III. recusa est. Ex quo facile documentum capias, eruditis eam haud prorsus ingratam fuisse.

Pufendor-  
fium vin-  
dicat Tho-  
masius.

XLI. Interim in academiis præcipuis *Germaniæ* controversiæ *Pufendorfianæ* adhuc fervebant, & magnis animorum motibus agitantur. Præsertim in *Lipsiensi* causam *Pufendorfi* contra acerrimos ejus censores tuendam susceperat CHRISTIANUS THOMASIUS, vir ingenii acutissimi, ipsique *Pufendorfo*, ut paucis omnia dicam, comparandus. Is animadvertit, recte equidem, *Pufendorsum* Grotii vestigiis insistentem, ex societatis custodia officia hominum secundum naturæ legem derivare, & hanc viam premendo multa ceteris neglecta detexisse, aut accuratius & clarius explicasse, sed nondum omnia eum exhaustisse. Multa etenim adhuc superesse in jure naturali, cum illo, quod *Pufendorfius* ponebat, principio, clariori & evidentiori ratione connec-tenda. Hoc ergo sibi datum credidit. Hinc

---

stilum ejus barbarum, horridum & obscurum, notasque falsas, imperfectas, & confusas appellitans, adeo ut quæ illustrari debent, obscuriora fiant. Vid. *Præfat. Histor. Sect. 31.* Neque, ut opinor, BUDDEUS ipse tam magnificè de *Curtino* sensit, postquam Versionem & Notas BARBEYRACII viderat, quippe quas pro meritis suis laudat in *Hist. Philos.* p. 517; eumque reliquis omnibus, qui hosce GROTII libros illustrare aggressi sunt, dubiam reddidisse palmam disertè asserit.

istud

istud *Pufendorffii de societatis custodia* principium suis limitibus circumscripsit, & quæ inde derivari possent, accurate ostendit, quæ vero non possent, ea juris naturæ esse, intrepide negavit. Simul tamen ut illis, qui quæ juris naturæ non sunt, statim licita esse, inferre possent, occurreret, non tantum commonstrat, ex alio fonte officia hominis erga Deum & seipsum fluere, sed de legibus etiam *positivis universalibus* accuratiorem quam huc usque factum inquisitionem instituit, & in *matrimonialibus* rebus præcipue, ubi naturæ leges non sufficerent, ad divinas positivas recurrendum statuit.

XLII. Apertius itaque cum multa theologorum & jureconsultorum scita, quam ab ullo ante eum factum, impugnaret, non potuit non multorum in se concitare odia. Hinc acriter subinde *de cultu Dei externo*, quem juris naturalis esse ille negabat, *de gradibus affinitatis & consanguinitatis*, impurisque & illicitis cominixtionum generibus, disputatum fuit. Maxime autem cum opposita hæc philosophia illorum sententiæ esset, qui in rationis locum revelationem substituentes, ex *statu*, quem vocant *integritatis*, & disciplina christianorum jus naturæ derivabant, non poterat non, tum ab aliis tum a clarissimo jureconsulto eodemque elegantiorum quoque literarum pertissimo JO. LUDOVICO PRASCHIO dissentire, qui in sua *de lege charitatis* commentatione, itemque in designatione juris naturalis secundum disciplinam christianorum, in eadem se versari opinione demonstrabat.

*Hinc novæ  
lis de Pufendorffii  
Doctrina.*

Recruduit ergo inter illos hoc certamen, PRASCHIO quidem cum suis, imperfectionem huius juris, quod ex socialitate, prælucente ratione derivatur, urgente: THOMASIO contra naturalis juris a theologia, quam *moralem* vocant, observandum discrimen, nec rationis revelationisque confundendos limites, contentente. Et hæc quidem aliaque disputata acriter sunt, eo tempore, cum hîc prima vice *jurisprudentiam* suam *divinam* in lucem emitteret, id quod M. DC. LXXXVIII. factum. Recusa vero eadem fuit, non sine accessione, M. DC. XCIV <sup>78</sup>.

Controversia de  
legibus Dei  
positivis  
universalibus.

XLIII. Legum divinarum, quas positivas universales nonnulli vocant, quia antea injecimus mentionem, quid viros doctos, ut eas in scenam producerent, impulerit, paulo explicatius hic tradere operæ pretium fuerit. Ipse, ut rem a prima origine repetam, *Hugo Grotius* præter naturæ leges alias adhuc esse, quæ universo hominum generi a Deo latæ

---

<sup>78</sup> Sed deinceps prodit Editio 4ta præcedentibus auctior, *Halæ* 1718. 4to. in qua vir doctissimus suam non tantum de *legibus positivis universalibus*, sed generatim quoque de *Jure Naturæ* mutavit sententiam, & ejusmodi excogitavit systema, quod illi soli proprium esset, & ex quo nemo quidquam sibi vindicare posset. In eam nimirum ingressus est sententiam, *Leges Naturæ* propriè dictas *leges* non esse, sed tantum *consilia*, quæ obligatione quidem, sed internâ tantum, id est, improprie sic dictâ, gaudeant; quemadmodum nec pœnæ propriè sic dictæ, seu *positivæ* dentur, sed tantum *naturales*, hoc est, quæ per consequutionem naturalem ex hominum vitiis fluant. Vid. *BUPPEI, Hist. Philos. c. 6. p. 525.*

sint, subinnuit, a libera quidem Numinis voluntate profectas, eas tamen utiles adprime omnibus valdeque necessarias. Non equidem istas leges diserte designat, nec rationem a naturalibus luculenter illas discernendi monstrat: aliis tamen, accuratiori meditatione hoc prosequendi, occasionem suppeditavit. Nec displicuit id discrimen *Zieglero Kulpisio*, aliisque, licet non deessent, qui rejicerent, ut fastidire nonnulli, quæ novitatis speciem habent, assolent. Ex theologorum tamen ordine Jo. CONRADUM DANHAVERUM, Jo. ADAMUM SCHERZERUM, aliosque, ejusmodi leges quæ naturales non sint ad omnes tamen pertineant, agnovisse, observatum jam nobis ipsis alibi <sup>79</sup> est. Ut vero accuratiori studio in eas nonnulli inquirerent, id, quæ de *Polygamia* ortæ sunt deceptiones, effecerunt. Etenim circa annum M. DC. LXX. & sequentibus, quidam Jo. LYSERUS, mox sub *Sinceri Wabrenbergii*, mox sub *Theophili Alethæi* nomine latitans, variis scriptis polygamie causam agebat, quam & vir quidam illustris & insigni eruditione clarus *Daphinæi Arcuarii* nomine tectus defendendam susceperat. Hunc certatim refutabant Jo. MUSEUS, DIECMARUS, FELTMANNUS, BRUNSMANNUS GESENIUS, alique; sed juris naturalis scitis insistentes, vix tollere cuncta quæ opponebantur poterant, ut non dubitandi rationes superesse crederent, qui præ ceteris

---

<sup>79</sup> In dissertatione de eo, quod abominabile Deo est, seu *charactere legis moralis*

perspicaciores videri volebant. Nec defuit, qui sub *Albanasii Vincentii* nomine polygamiam triumphatricem scriberet, sive *LYSERUS* is sit, sive alius. Aliam itaq; viam sibi ingrediendam censuit is, quem laudavimus *CHRISTIANUS THOMASIVS*, defensoribusque polygamiae id dedit, naturae lege non esse nefas, plures ducere uxores; sed aliis Numinis legibus, quas *positivas universales* vocavit. Id vero ne lubricum videretur fundamentum, ut indolem legum istarum explicaret, omnesque scrupulos removeret, omni elaboravit opera. Celebrari inde passim istae leges, & a quibusdam admitti, rejici ab aliis. Utique, ut mihi videtur, ad ἀνομίαν illarum actionum, quae naturae lege prohibitaemonstrari nequeunt, nihil accommodatius: unde & ipse non dubitavi huic subscribere sententiae, & naturalibus divinas istas positivas, quae omnes tamen homines obstringant, adjungere. Ne quid tamen dissimulem, remanet semper circa originem & promulgationem istarum dubium, quam positam in aprico oportebat, si mortalium ad eas exigere actiones, fas ducimus. Nec tanta nunc earum mihi apparet necessitas, disciplinam christianam non respuant, qui de his officiis disputant: haec autem abunde expleat, quae naturali jure deesse videntur. Esto ergo, naturae lege non haberi nefas, plures una ducere uxores: ducant, qui tantum naturae lege vivunt, sed sciant etiam, sibi inter christianos locum non esse; his enim, quod idem non liceat, divinae literae quarum iis, qui christiani

christiani videri cupiunt, non potest non sacra & inviolabilis esse auctoritas, nos ignorare non sinunt. Hoc vero est, quod & ipse alibi monui, recte inter naturæ jus & christianam disciplinam, quam theologia moralis tradit, discrimen constitui: & ubi de actionibus privatae fortis hominum disceptatur, ad hanc, non ad aliud, eas exigendas. Proinde & si in hisce naturæ leges deficient, recurrendum omnino ad disciplinam christianam esse, quæ naturam restitutam, & ad integri status indolem componendam supponit, & hinc longe perfectiora hominum officia, quam quæ juris naturæ sunt, describit.

XLIV. Ad temporis ordinem revertimur. Etenim M.DC. LXXXIX. SIM. HENRICI MUSEI *jus paradisiacum*, & Jo. JACOBI A RYssel *de jure naturæ & gentium* liber, uterque non adeo magni momenti, lucem adspexit. Hic *Pufendorffii* vestigia legit; ille contrariam viam ingreditur, ut vel titulus libri indicat. Ne quid nunc de ECKII principiis juris naturalis, quæ identidem eodem anno edita sunt, commemorem. Hisce enim non diu admodum immorandum. M. DC. XC. autem HENRICUS BODINUS, tunc *Rintbelen-sis*, nunc *Hallen-sis* Jureconsultus longe celeberrimus, suam *de jure mundi* dissertationem dedit, M. DC. XCVIII, *Halæ* recusam, & vel hoc nomine laudandam, quod, diversam ab aliis viam sectans, ex ordine creaturarum cuncta juris naturalis capita derivari posse, demonstraverit. Majoris autem expectationis opus anno sequenti aggressus est, & M.DC. XCI. ad

Musei,  
Ryffelii,  
Eckii,  
Bodini,  
Becmanni,  
Spinæi,  
*labores in  
hac palæ-  
stra.*

ad finem perduxit JOANN. CHRISTOPHORUS BECMANNUS. Illorum namque exemplum, qui veteres scriptores variorum criticorum notis ornatos dederunt, imitatus, *Hugonis Grotii de jure belli & pacis* opus eadem ratione recudi curavit, additis *Gronovii* ceu maxime ad *Grotium* intelligendum necessariis, *Ziegleri*, *Osiandri*, *Simonis*, aliorumque notis selectis quidem & magna cum industria ex ipsis horum virorum commentariis excerptis. Laudanda, quicquid alii dicant, illorum diligentia, qui non tam suæ gloriæ, quam illorum, qui literarum sacris operantur utilitati consultum cupiunt; Quod profecto & illi faciunt, qui vasta aliorum volumina in compendium mittunt, magno illorum commodo, qui & tempori, & sumptibus parcere cupiunt. Difficillimum autem hic est omnium satisfacere votis, cum ut moribus ita judiciis maximopere a se dissideant mortales, & necessarium religendumque præ ceteris existimet unus, quod supervacaneum & omnino prætermittendum alii arbitrantur. BECMANNUS autem sollicitè hoc labore perfunctus est, adeo ut neque *Curtini* gallicam versionem prætermitteret, si quid forte & ex ea lucis *Grotio* affundere posset. Imitatus equidem hoc institutum in *Belgio* SPINÆUS quidam est, itidem cum notis variorum *Grotii* opus edens, sed minori, quam BECMANNUS, ut ego quidem judico, successu.

Vitriarii,  
Schefferi,  
Dethlevi,  
Compendia  
operis Gro-  
tiani.

XLV. Ita ergo *Grotius* semper præ ceteris eminebat, ut nondum desinerent viri eruditi, aut commentarios in eum scribere, aut

cx



ex eo compendia concinnare. Principem in his locum merito obtinet PHILIPPUS REINHARDUS VITRIARIUS, qui serenissimo principi *Christiano Ludovico, Marchioni Brandenburgico*, naturæ leges explicaturus, *Hugonem Grotium* in quæstiones luculentas redegit, summa juris naturalis capita iis ita complexus, ut, quod optimum in præcipuis commentatoribus, simul infereret; subinde etiam ad statum imperii *Germanici* respiceret, *Grotio* autem ita inhæreret, ut nec ab eo dissentire sibi religionem duceret. Edidit has quæstiones titulo, *institutiones juris naturæ & gentium, ad methodum Hugonis Grotii conscriptæ*, M. DC. XCII. *Lugduni Batavorum*; quas jam duabus vicibus heic loci, addita hac ipsa historia juris naturalis, quam nunc auctiorem damus, itemque synopsi juris naturæ & gentium *Seldemiana*, recudi curavimus. VITRIARIO autem comitem damus, quem sibi adjungi haud ægre puto feret, summum virum JOANNEM SCHEFFERUM, ex tot præclaris ingenii monumentis orbi erudito haud incognitum. Is in gratiam *Gustavi Adolphi Comitis de la Gardie*, summam succinctis propositionibus *Grotii* opus complexus fuit, mira & brevitate & perspicuitate: indeque enatus est *Hugo ille Grotius* enucleatus, quem DETHLEFUS MARCUS *Friesse*, M. DC. XCIII. luci exposuit. Aut me omnia fallunt, aut dubiam libellus hic reliquis compendiis palmam reddit. Tanta fide, tam accurate, simulque tam breviter *Grotii* mentem reddit, ut dubitem, an ipse *Grotius* mentem exprimere aptius

tius potuerit, si breviori uti sermone voluisset: simul tam perspicue, ut & pro *commentario* esse queat. Exigua, scio, laus est mittere in compendium alterius laborem; accurate mittere, profecto non cuiusvis est.

Van Der  
Muelen,  
Tefmari,  
& O-  
brechti  
*commen-  
tarii ad  
eundem.*

XLVI. A compendiis iterum ad splendidi-  
ora opera convertimur. Anno namque  
M. DC. XCVI. GULIELMUS VAN DER MUE-  
LEN, & JOANNES TESMARUS in hoc ordine  
comparuerunt, quorum commentationibus  
illustratus est *Grotius*. Illius opus *Ultrajeſti*  
impressum est, tribus constans tomis, quorum  
ultimus demum hoc ipso, quo hæc scribo,  
anno M. DCC. III. prodiit. Vastum equidem  
opus, & varia eruditione refertum, sed quod  
sine lectoris, ut puto, damno minore constare  
mole potuisset. Ingenii sui specimen ceteroquin  
hac in doctrinæ parte idem auctor dedit in con-  
tentione, *de jure naturæ paradisiaco*, cum SI-  
MONE HENRICO MUSÆO. Hujus enim  
sententiam cum ille in dissertatione *de juris  
naturæ origine* impugnasset, MUSÆUS qui-  
dem vindicias juris naturæ scripsit, quibus  
MUELENIUS suæ dissertationis defensionem,  
ut huic iterum MUSÆUS responsionem  
opposuit. Sed hæc jam ante M. DC. LXXIV.  
sequentibusque acta sunt. Alter vero, JO-  
ANNES TESMARUS, de augendo potius *Gro-  
tio*, quam jure naturæ explicando, sollicitus  
fuit. Id enim præcipue agit, ut ex historicis,  
aliisque veterum monumentis, testimonia &  
exempla congerat quibus dicta confirmet at-  
que illustret. Haud credo perpendit etiam  
res optimas, cum nimis sunt, noxias esse:

Planeque

Planeque suffragor *Joanni Henrico Boeclero* <sup>80</sup>, exquisitam juris naturæ notitiam ex iisdem petendam fontibus, ex quibus eam ipse hausit *Grotius*: sed ita etiam legendos ejusmodi auctores, ut lecta rite digeramus ad exemplum *Grotii*, addi velim. Philosophos ille consuluit omnium sectarum, consuluit & historicos, oratores, & poetas, qui haud raro cum philosophis paria faciunt. Certe ex hujusmodi scriptoribus, quantum roboris aut præsidii, aut subsidii auxiliique, aut cultus ac ornamenti accedat juri naturæ, ex uno incomparabili *Grotii* de jure belli ac pacis opere intelligi posse, *Jo. Andreas Bofius* <sup>81</sup> pronuntiavit. Recte equidem, modo in his omnibus selectus instituatur, nec judicii vim infringat imminuatque rerum, quas ubivis sectamur, copia. Sed ad **TESMARUM** redeo, cujus commentationi satis prolixæ accedunt etiam observationes summi viri, & harum rerum longe peritissimi, **ULRICI OBRECHTI**. Ego sic arbitror, si quis aliquid *Grotio* dignum proferre potuisset, hunc esse **OBRECHTUM**: id quod dissertationes ejus, *de sponsore pacis* & *ratione belli*, condocent. Hæ tamen observationes opinioni, quam omnes de viri istius exquisita doctrina animo conceperunt, non respondent: idque ideo, quod ipso invito, quas juvenes docendo prout in mentem venerant posuerat, impressæ, & **TESMARI** com-

---

<sup>80</sup> In Præf. Comment. ad *Grot.*

<sup>81</sup> De comparanda prudent. civil. §. CVI.

mentationi

mentationi ut pretium inde accederet, annexæ sint.

*Controver-*  
*sie inter*  
*Cocceium*  
*aliosque de*  
*fundamen-*  
*tali Prin-*  
*cipio Juris*  
*Naturæ.*

XLVII. OBRECHTI interim constitit exemplo, cum hanc doctrinam cura sua indignam non reputasse, licet hucusque scholasticis disputationibus valde esset commaculata. Et unica hæc est ratio, ut pristino nitori restituatur, si viri non prudentia minus, quam doctrina pollentes, in ea percolenda operam studiumque collocent. Quo nomine & laudandus illustris vir HENRICUS COCCÆIUS, cujus maxima in rem literariam merita nemo nisi omnium rerum rudis ignorare potest; qui magna cum laude in *naturali* quoque *jurisprudencia* versatus est. Id cum passim juvenes testarentur, qui ejus in *Hugonem Grotium* prælectiones frequentaverant, & ex positionibus quoque ejus pro explicatione juris gentium illucesceret, HENRICUS tandem ERNESTUS KESTNERUS, *juris in academia Rintbellensi Professor*, quæ ab illo acceperat, additis de suo nonnullis, uberiori commentatione, in lucem COCCÆII placita protulit, edita M. DC. XCVII. *prudentia juris naturalis* sex disputationibus exposita. Biennio post M. DC. XCIX. ipse illustris vir, suam in dissertatione, de *principio juris naturæ unico, vero & adæquato*, mentem de hoc jurisprudentiæ capite, de quo tamdiu, tamque acriter concertatum, aperuit, doctrinæque suæ summam complexus est. Ex eo vero intelligebatur, quod & aliunde constabat, *voluntatem Dei* pro vero & unico juris naturæ & obligationis principio, ex mente viri summi, habendam esse. Hanc vero, qua  
jus

jus permissivum, a facultate & libertate agendi a creatore nobis concessa, qua jus præceptivum, aliunde cognosci atque nobis innotescere. Abire ea in re quam longissime a receptis hactenus opinionibus videbatur, ut nec temperare sibi hinc inde viri quidam docti possent, anonymus scilicet quidam, <sup>82</sup> Jo. NICOLAUS HERTIUS, <sup>83</sup> & JACOBUS FRIDERICUS LUDOVICI noster, <sup>84</sup> quin sua contra hanc sententiam dubia exponerent. Eas res occasionem dedit SAMUELI COCCIO magni parentis haud degeneri filio, ut tractatum, quem vocat, *juris gentium*, de principio juris naturalis unico, vero, & adæquato, M. DCCII. in lucem emitteret, in cujus parte altera suam parentisque sui sententiam clare & perspicue edisserit, in altera a dubiis doctorum virorum & objectionibus eam vindicat. Summa doctrinæ, quam uterque eruditissimus vir, & pater & filius tuetur, eo redit; primum juris naturalis, uti & antea indicavimus, principium esse ipsam *Numinis voluntatem*; cum ad id demum obstricti homines sint, quod Deus velit, id possunt, quod ille non prohibeat; id autem quod Deus permittat, vel ex ipsa libertate & facultate mortalibus a Deo concessa intelligi, cum nefas sit cogitare concedi a Deo facultatem agendi, quam exeri nolit.

---

<sup>82</sup> In dissertatione peculiari, *Ephemeridibus literariis Hannoveranis* mense Julio M. DCC. inserta.

<sup>83</sup> In dissert. *de socialitate*, primo juris naturalis principio.

<sup>84</sup> In delineatione *historiæ juris divini*.

Quoties autem illa libertas naturalisque facultas a Deo restringatur & certis circumscribatur limitibus, tum inde oriri illud jus quod *præceptivum* vocant. Hoc vero intelligi atque cognosci ex verbis Dei, ex motibus a Deo creatis, ex actionibus creatoris, ex fine actionis necessario vel probabili, ex medii necessitate, & denique ex natura perfectissimi creatoris, qui nihil frustra fecerit. Eleganter hæc ita & accurate docentur. Nec enim mihi persuadere possum, a præstantissimis juris naturæ magistris eorumque decretis, immo ipso *Puffendorfio* hæc magnopere dissentire, ut prima quidem fronte videri poterant. Dei enim voluntatem esse juris naturalis causam, quam efficientem, itemque *principium essendi*, in scholis barbære vocare solent, nemo puto temere negaverit. Eamque rem, cum *Grotii* dubitatio statim explosa a cordationibus sit, multis comprobari, quod nulla de ea lis esset, forte supervacaneum quibusdam videri poterat. Ea vero Numinis voluntas recte quidem ex iis, qui ~~allati~~ sunt, fontibus intelligitur, facultate scilicet libertateque agendi a creatore nobis concessa, ceterisque; sed & ex societatis custodia, quam alii urgent recte intelligitur. Huc ergo omnis tandem ista contentio redit, quidnam in hominis natura deprehendatur, quod quam facillime, quam evidentissime illam Numinis nobis patefaciat voluntatem? Fateor, multa in homine sunt, quæ accuratiore consideratione expensa hanc nos edoceant. Ideoque mirum non est diversas doctorum virorum de primo juris naturalis

turalis principio, quod *cognoscendi* in scholis vocant, esse sententias. Multiplici enim ratione homo considerari potest, multique adeo inde nascuntur conceptus, ex quibus hominum derivare officia primum est. Nec tamen inde ulla juris naturalis colligenda est incertitudo : cum non ad ipsas naturæ leges, sed ad modum accuratius eas cognoscendi, & interpretandi, tota ea pertineat disputatio ; quæ profecto, si rem, uti est, efferre licet, & ipsa non adeo magni momenti est, in *logicorum* potius quam *jureconsultorum* commentationibus ventilanda. Ergo ex istis utriusque COCCENII criteriis voluntas Numinis intelligitur, & etiam ex socialitate : sed ex hac tamen ea saltem officia, quæ ad alios homines pertinent. In officiis namque hominis erga Deum & erga seipsum, alium nostræ cognitionis fontem quærendum constituendumque esse, lubens fateor. Suis autem limitibus circumscripta societatis custodia, cum, quæ aliis debemus, & apte satis & plene & luculenter exhibeat ; non video, cur respuere eam debeamus, & in ejus vicem alios conceptus & quidem plures substituere, qui ne quidem universi nostram cognitionem æque ac socialitatis adjuvent ; tantum abest, ut singuli hoc efficere valeant. Nec evinci potest exemplis, omnibus officiis erga alios hunc non sufficere fontem, cum ea aut omnino juris naturalis non sint, aut saltem ad officia erga alios non pertineant. Possunt autem omnino quædam juris naturalis esse, licet ad alios non spectent homines : modo id observetur, duplici subinde acceptatione vocem juris

ris venire, quæ subinde inter se misceantur. Nam cum quis ab alio exigere aliquid potest, id *jus* vocamus; & etiam leges generatim, quibus homo obstringitur, hoc nomine comprehendimus. Ad priorem, nisi me omnia fallunt, significationem illustres illi viri, de quibus hic sermo instituitur, subinde respiciunt: & ita etiam non potest non illud, quod inter jus & virtutem constituunt, discrimen inde fluere. Altera autem apud plerumque significatio obtinuit; quam adeo qui sequuntur, facile intelligunt jus ac virtutem æquale patere, positumque in eo saltem discrimen, quod jus obligationem *perfectam* pariter ac *imperfectam* inferat, animi autem dispositionem designet virtus <sup>85</sup>.

---

<sup>85</sup> Ejusmodi his nuper in Angliâ mota est, in quâ fundamentale Principium moralis obligationis *ex voluntate Dei* pendere contendunt nonnulli, alii vicissim *ex abstractis rerum relationibus*, seposito prorsus ad præmia & pœnas respectu, derivant; adeo ut virtus omnino eadem maneat, utrum existentiam Dei supponamus necne. Hujusce controversiæ origo ex eo petenda est, quod Dr. WATERLAND eandem Auctoritatem & obligandi vim secum ferre præcepta Dei tum positiva tum moralia contra CLARKIUM asseruit. Vid. Tractatum ejus *de Naturâ & Efficaciâ Sacramentorum*, cum ejusdem *Supplemento*. Lond. 1730. Adversarios expertus est Dr. SYKES, NICHOLLS, CHUBB, quibus responsum dedit *Anonymus*, in uno tractatulo, cui titulus; *an Essay on Moral Obligation*. Lond. 1731. Per id tempus multa de fundamento moralis obligationis in lucem emissâ sunt scripta; uti videre erit, cui libet, in *Questionibus nostris Philosophicis*, cap. 11. Cant. 1735.

XLVIII. Jure.



**XLVIII.** Jureconsultos excipiunt adhuc Zentgrafi theologi duo clarissimi, qui identidem sua <sup>& Fort-</sup> extare <sup>schii scrip-</sup> de jure naturali monumenta voluerunt. <sup>ta de hac</sup> Alter *Argentoratensium* est, JOANNES JOA-

CHIMUS ZENTGRAFIUS; *Tubingensium* alter, MICHAEL FORTSCHIUS. Hic *Ambrosii de Officiis* libros tres dum, ut supra diximus, recudi fecit, quinque adjecit dissertationes, primam analyticam de *officiis Ambrosii*, alteram de *patrum philosophia* morali historico-analyticam, tertiam de natura & indole *officii* secundum *disciplinam christianam*, de *officii efficientia* quartam, & quintam denique de *officiorum comparatione*. Ostendit vero ubique intimiores doctrinæ moralis recessus sibi non esse ignotos; eaque affert, quæ profundiorē facile provocare meditationem queant. Ille vero notus jam ex aliis, hujus argumenti, ingenii monumentis, præsertim disquisitione illa de origine, veritate, & immutabili rectitudine juris naturalis, secundum disciplinam christianam, ad gentilium tamen captum instituta, & *Pufendorffio* M.DC.LXXVIII. opposita: itemque vindiciis originum suarum, contra *Pufendorffum* & *Strimesium*, A.M.DC.LXXXI. editis, summam juris divini, sive *isagogicam*, ut vocat, *institutionem, de justitia & jure*, A.M.DC.XCIX. emisit. Conjunxit, ut vel ex fronte libri patet, rationem cum scriptura sacra; nec adeo tantum jus naturæ, sed & haud contemnendam theologiæ moralis partem tradit, exemplo non quidem vituperando, caute tamen, ne per-

F 2

XLIX. Et

*Reliquo-  
rum scrip-  
ta summa-  
tim indi-  
cantur.*

XLIX. Et hæc quidem juris *naturalis*, ad nostram usque ætatem, fuere fata, æqua, iniqua, communia omnino cum reliquis literarum generibus. Nunquam enim ullam doctrinæ partem excellentium ingeniorum monumentis perfici insigniter contigit, ut *non* mox eadem, intempestiva ut plurimum, illorum, qui ejus se cultores profitentur, *diligentia* novis involveretur tenebris: quibus discutiendis dum alii iterum incumbunt, idem semper volvitur saxum, vicesque aut illustratæ aut obscuratæ disciplinæ ejusdem recurrunt. Nec adeo mihi placeo, ut existimem omnes omnium in jure naturæ me recensuisse labores. Scio multorum adhuc superesse scripta, quorum injicere me oportuisset mentionem. Namque in ipsum *Grotium* *SUICERI* quoque extare *compendium Grotianum* memini, & *WACHTLERI* lectiones *Grotianas*, & *JOANNIS REINHARDI HEDINGERI* *scilimenta philosophica juris*, ex illustris *Grotii* libris *de jure belli ac pacis*, & si qui alii sunt ejusdem commatis libri. Ex illis autem, qui sui ingenii ductum secuti sunt, *HUGO DE ROY de eo quod justum est*, *CYRIACUS LENTULUS de jure belli ac pacis*, *FELDENI elementa*, *LUÆ OPALENII de officiis* libri tres, *HENRICI MICHAELIS vinculum juris universalis*, circa naturalia, moralia & politica, *LANGII conceptus juris naturalis*, & plurimæ aliæ aliorum commemorandæ mihi fuissent commentationes, si cuncta exequi animus tulisset. Addendæ quoque fuissent dissertationes doctorum vi-

rorum,

rorum, de selectis naturalis juris argumentis. Has enim plurimi facio, cum quæ levi ut plurimum brachio attinguntur in generali ista totius disciplinæ pertractatione, exquisitiori studio, cum de singulis ejus argumentis tractatio suscipitur, evolvi soleant. Cujus rei illustre documentum, ut nunc alios taceam, JOANNES NICOLAUS HERTIUS & JOANNES WERLHOFIUS præbent, quorum ille in *Gissensi*, hic in *Helmstadiensi*, academia, prudentiam juris magna cum laude docent. Et HERTII quidem integer exstat ejusmodi dissertationum fasciculus, in commentationibus ejus ac opusculis, M. DCC. conjunctim editis, videlicet *de jurisprudentia universali, de socialitate primo juris naturalis principio, de com-  
meatu literarum, de matrimonio putativo, de modo constituendi civitates, an summa rerum  
semper sit penes populum, deque tutela regni.* WERLHOFFII autem sparsim exierunt dissertationes exquisitissima eruditione refertæ, *de usu juris Romani*, aliorumque privatorum jurium, *de decidendis controversiis liberarum gentium, de genuinis fontibus recte decidendi controversias publicas* & illustres, *vindiciæ Grotiani dogmatis de præscriptione inter gentes liberae contra Petrum Puteanum*, & quæ aliæ sunt ejusdem generis. Sed hisce aliisque immorari diutius consultum non duxi, cum per illustria & maxime necessaria saltem historiæ hujus ire capita animus fuerit. Manebit etiam suum cuique libro pretium, si vel maxime mihi non innotuerit, aut isto loco, quo memorari debuisset, a me non sit collocatus.

Scriptores  
de jure  
Gentium.

L. Ast nimis incurius rerum mearum meique instituti immemor videri possem, si de illis non aliquid adderem, qui de *gentium*, ut vocant, *jure* commentati, simul de naturæ jure haud male meriti sunt. Qualecunque enim gentium jus comminiscantur, ad rem ipsam cum veniunt, aut mores gentium pro jure venditant, aut recurrendum ad ipsas naturæ leges est, quod & plerique faciunt, qui jus gentium se docere profitentur. Ipsum quidem *Grotium* ad integras magis gentes, quam singulos homines, cum suum de jure belli & pacis opus scripsit, se retulisse constat. RICHARDUS deinde ZOUCHÆUS hoc exemplum secutus est, in *juris*, ut vocat, *judicii fecialis*, sive juris inter gentes, & questionum de eodem explicatione: qui liber *Hagæ Comitum* A. M. DC. LIX. impressus est, & deinceps *Moguntia* recusus. In hoc laudandus, quod ex historiarum monumentis dicta subinde illustret. WOLFGANGUS TEXTOR in *synopsi juris gentium*, itidem quæ diversa a jure naturæ sint, non tradit. In naturam & indolem hujus juris, quod *gentium* dicitur, accuratius inquirunt JOANNES LUDOVICUS PRASCHIUS, & JO. JOACHIMUS ZENTGRAVIUS: ille in disquisitione de *jure gentium*, hic in commentatione de *origine, veritate & obligatione juris gentium*. Sed falluntur omnes magnopere, qui gentium jus a jure naturæ distinctum fingunt, & leges aut cum moribus, aut cum pactis turpiter confundunt. JOANNES JACOBUS MULLERUS, in sua *jurisprudencia gentium*, *Grotii* vestigiis accurate

accurate infistit, immo ipsum *Grotium* alia methodo exhibet. JOANNES GROENINGIUS in *bibliotheca juris gentium* communi, europæa & exotica, haud ita pridem editis, gentium de rebus ad mores spectantibus præsertim philosophorum placita collegit. De ceteris dicere nihil attinet. Unicus tamen mihi commemorandus adhuc est, ULRICUS HUBERUS, qui *institutionum* suarum *historicarum* tomo primo, jurisprudentiæ historicæ, sive observationum ad superiores libros historiæ civilis, ex jure publico potissimum universali, specimen addidit. Quod quidem viri institutum nemo, nisi rerum harum ignarissimus, reprehendet: mirorque neminem extitisse, quî monstratam ab eò viam ingrederetur. Uti enim historiarum monumenta & lucem affundunt juri naturali, & rationem applicandi ad ipsos actus civiles monstrant; ita historias is demum recte colere censetur, qui prudenter de omnibus, quid jus fasque aut nefas, quid utile, quidve noxium, existimare didicit.

LI. Atque huc gentium etiam integrarum *Lites de Jure Gentium.* imperantiumque, tum inter se tum cum civibus controversiæ pertinent. In his enim demum maxima jurisprudentiæ naturalis sese exerit utilitas, quum non aliis, quam naturæ legibus, in ejusmodi litibus componendis locus sit. Et eas quidem, quibus imperantium civiumque mutua jura & officia diriguntur, diligenter quidam viri eruditi, de structura & indole civitatis agentes, explicarunt, nobilissimamque juris naturalis partem hoc ipso illustrarunt egregie. Locum inter

eos haud extremum occupat Jo. FRIDERICUS HORNIIUS, in *politica*, quam vocat, *architectonica*, ceteris omnibus in hoc genere præferenda, nisi in quibusdam per nimiam sentiendi libertatem in devia se abripi passus esset vir ceteroquin acutissimus. Cujusmodi illud est, quod de imperii civilis per naturalem consecutionem origine commentus est, & de majestate solis imperiis monarchicis propria, & quæ forte alia sunt ejusdem generis. De ULRICI HUBERI autem *jure civitatis* non est ut dicam, cum nemo facile egregium opus ignoret, quamvis & in eo nonnulla post tam accuratam juris naturalis inquisitionem utique emendanda aliiprehenderint. Generatim autem omnes, qui de *juribus* quæ vocant *majestaticis* commentantur, in hunc ordinem redigendi sunt, quibus haud contemnenda jus naturæ incrementa imputat. Quos inter HENNINGEM ARNISÆUM strenuum *monarchomachicorum* impugnatorem, & CASPAREM ZIEGLERUM, utrumque in opere de *juribus majestaticis* eminere nemo nescit, ut reliquos silentio prætermittam. Acrius hæc agitari solent, cum ipsa partium jura defendenda sunt, quæ scriptorum genera, uti neutiquam negligenda, ita in naturali jure consulenda cum primis; cum non tam scholæ quam aulæ inserviant, & eruditorum meditationes velut in aciem deducant. Omnia quæ possem, si recensere vellem, rem susceperem, non quidem a meo, qui juris naturæ historiam condo, instituto alienam, infiniti tamen laboris, & a nobis heic non perficiendam.

endam. Pauca speciminis loco adferre satis erit. *Belgæ*, cum *Hispanorum* jugum excuterent, armis non minus quam scriptis, illi pro libertate, hi pro imperio pugnarunt. Horum causam quidam *Armacanus*, sub quo nomine CORNELIUM JANSENIUM latitare fama est, egit, & in academia *Lovanienſi* NICOLAUS VERNULÆIUS: illorum, MARTINUS SCHOOCKIUS *de justitia belli*, quod *federati Belgæ* ob perpetuam pacem cum *Hispanorum* Rege geſſerunt. Similis vero, si a nonnullis disceſſeris, & *Lusitanorum* causa fuit contra *Hispanos*, cum horum imperio illi se subtraherent. Nec utrisque aut argumenta defuerunt, quibus causam suam ornarent, nec defensores. Ut enim CARAMUEL LOBKOWIZ in *Philippo prudente*, itemque in *responsione ad manifestum regni Lusitanici Hispanorum*, ita ANTONIUS DE SOUSA, in *Hispania liberata*, & AGEYRA *de successione Portugallica Lusitanorum* partes tuendas suscepit. In *Anglia*, quæ inter *Carolus I. Regem*, populumque Anglicanum orta est dissensio Regi admodum funesta, longe alterius indolis est; eruditum tamen provocavit calamos, ingeniaque ad imperantium & populi jura excutienda, & certos utrisque limites constituendos, excitavit. Vel JOANNIS MILTONI, *pro populo Anglicano*, & CLAUDII SALMASII *pro Rege*, impari & expectatione, & eventu edita scripta hoc satis superque testantur <sup>86</sup>.

## LII. Ea

---

<sup>86</sup> De Origine civilis Imperii adeoque de Principum Sanctitate & Auctoritate inviolabili plurima apud nostrates

*Lites de  
monar-  
chiâ.*

LII. Ea res in memoriam mihi revocat varias illas contentiones, quæ subinde inter eruditos de *imperantium populique juribus* fuere agitatae, ut *Monarchomachicorum & Antimonarchomachicorum* quoque nomina inde sint enata. Illustre ubique juris naturalis caput & maxima sollicitudine definiendum, ne aut pro principibus tyrannos obtrudamus populo, aut illos infimæ plebis potestati submittamus. Vix reperies tamen, qui mediam teneant viam, nec cum alterius detrimento consultum alteri cupiant; idque eo magis, quod affectus studiumque partium, si unquam, huic certe doctrinæ generi sese immisceat. GEORGIUM BUCHANANUM Scotum, poëtam sæculi sui facile principem, in dialogo *de jure regni Scotiæ*, populo præ Regibus favere constat. Ast facere aliter non poterat, qui totus ab illis pendebat, qui dejecta MARIA STUARTA, Scotiæ regina, rerum ad se trahere summam annitebantur. Quid MARIUM SALAMO-

---

trates versata fuit controversia. Sunt qui a Deo per *Patriarchas* id ducendum esse profitentur. FILMERI *Patriarcha*, Lond. 1680. 8vo. LESLY *de origine civilis Imperii*. BEDFORD *de Jure Principum hereditario*. Lond. 1713. Sunt vicissim, qui idem a populi consensu & pactis oriundum esse volunt. LOCKE *de civili Imperio*. Lond. 1698. SIDNEY de eodem. HOADLEY *de orig. & Instit. civilis Imperii*. Lond. 1710. Hinc in diversas abeunt opiniones de supremi magistratus Potestate, quam sanctam esse & inviolabilem prorsus contendunt divinæ ejus originis assertores, dum qui ex parte populi sunt, isti resistere licere in supremo Reipublicæ discrimine doceant. Plures ex utraque parte scriptores vid. in *Question. Philosoph. Cap. II. S. 3.*

NIUM



NIUM in libro *de principatu*; personatum illum STEPHANUM JUNIUM BRUTUM, sive PHILIPPUS MORNÆUS juxta *Hugonem Grotium*, sive HUEERTUS LANGUETUS, juxta *Boeclerum*, sive alius sub hoc nomine latitet, in *vindictiis contra tyrannos*; quid JOANNEM BOUCHERIUM in *justa Henrici III. abdicatione a regno Francorum*; quid FRANCISCUM HOTTOMANNUM in *Franco-gallia*, & in libro *de jure regni gallici* impulerit, ad noxias imperantium auctoritati opiniones defendendas nemo puto ignorabit, qui temporum & regnorum, in quibus vivere, reputaverit conditionem. JOANNES ALTHUSIUS, an peculiare, quæ in hanc eum induxerint sententiam, habuerit rationes, nescio: hoc scio, acrius nimis de eo censuisse HERMANNUM CONRINGIUM, quod pestilenti velut sidere afflatus eo impudentiæ progressus sit, ut illa ipsa seditiosorum hominum deliramenta in formam artis redigere, scripturæ sacræ testimoniis incrustare non erubuerit. Ego ALTHUSIUM non defendam: hoc tamen fateor, multa vere & cordate ab illo dicta, quæ hodie forte assentatoribus principum, ut plerique sunt, qui se politicos jactitant, maxime in academiis, dura nimis aspera videntur. Nec dubito, quin multa monarchomachicorum effata commodam admittant interpretationem, & ideo saltem displiceant, quod aperte nimis veritatem prodant. Æquitati ubique studendum, præsertim in scriptis eruditorum censendis: ast mirifice ab ea alieni sunt, qui affectibus præpediti ad hæc sacra accedunt.

Quæ

Quæ dicta ab his contra sanctitatem principum sunt, merito rejicienda: sed an dicta sint, diligenter prius dispiciendum. Juxta hanc regulam de reliquis etiam pronuncian- dum, qui in hujus criminis suspicionem veni- unt, uti PHILIPPUS HÆNONIUS in *disputa- tionibus politicis*: GULIELMUS ROSSÆUS, sive potius WILHELMUS GIFFORDUS, in libro de *vindicta reipublicæ christianæ*, adversus re- ges impios & hæreticos, & denique auctor libri, de *regimine civili*, qui ex anglicana lin- gua in gallicam est translatus.

*Lites de  
Dominio  
Eminentis.*

LIII. Cum autem principum imperium subinde cum civium libertate collidatur, duo tamen præ reliquis momenta sunt, in quibus sine summo vix hoc fieri posse periculo merito censeretur; religio, & bonorum, quæ cui- que obtigerunt, secura possessio. Hic ergo, ut imperii rite definirentur, per naturæ quo- que leges, limites, eruditi recte dedere ope- ram: nec tamen ita definivere, ut non sub- inde super iis disceptatio oriatur. Idem, quos supra notavi, & hic recurrunt affectus, prout quisque aut principi aut populo suas, quas composuit, placere voluit fabulas. Et ad bonorum quidem possessionem quod at- tinet, nata est, superiori seculo, agitata de *dominio eminenti* controversia. Afferuit hoc HUGO GROTIUS, primusque hanc vocem usurpavit, quanquam alii hanc gloriam HU- GONI CARDINALI vindicent. Secuti GROTII exemplum sunt JACOBUS ANDREAS CRU- SIUS, in peculiari de hoc argumento com- mentatione, itemque quidam HELENUS PO-

LITANUS

LITANUS, in dissertatione *de dominio eminenti in imperio Romano*, aliique. Sed limites istius facultatis extendere, ultra quam par est, multis visus est, is quem supra laudavimus JO. FRIDERICUS HORNIUS, in dissertatione *de dominio supereminenti*, in academia *Wittebergensi* M.DC.LVIII. habita, cui mox theses quasdam opposuit WILHELMUS LYSERUS, in eadem academia tunc juris professor. Nec defuit sibi HORNIUS, sed in *politica*, quam *architectonicam* vocat, denuo hoc argumentum sub incudem revocavit, suamque sententiam contra LYSERUM defendit; LYSERO demum, HORNIO jam mortuo, dissertationem *pro imperio*, contra dominium eminens, M.DC.LXXIII. eidem opponente. In eo autem facile consentiunt, nefas esse imperantibus citra necessitatem utilitatemque manifestam reipublicæ privatorum invadere bona: saltem imperiumne, an dominium, imperantis in bona civium facultas dicenda sit, disquiritur. *Dominium* vocat HORNIUS; *imperium* mavult LYSERUS, quod ex dominio ita imperantibus propria forent civium bona, ut iis semper ex arbitrio uti possent. At pone posse & aliam domini esse significationem, & facile inter eos conveniet. Utique facultas ipsa, justis limitibus circumscripta, quod imperantibus competat, constat: imperium vero an dominium quis eam vocare velit, perinde fuerit.

LIV. De potestate principum circa sacra, *Lites de potestate principum circa sacra.* & acrius & sæpius, magnis animorum motibus concertatum fuit. Namque non tantum civium omnium interest, ne imperantes limites suæ

suæ potestatis hic migrent; sed accedunt etiam sacri ordinis viri sibi ea haud raro vindicantes, quæ rerum debentur dominis. Hinc mox cives conquerentes audias sævire principes in conscientias, & id, quod soli Deo proprium est, nefando ausu involare; mox verbi divini ministros, conculcari pedibus potestatem & auctoritatem divinitus sibi concessam; mox principes a clericis sacrilega impietate, erepto sacrorum jure, suam imminui majestatem. Ergo omni tempore utrum ex scriptura sacra, tum ex naturæ legibus hoc jus definiretur, strenuè fuit elaboratum. Nihil dicam de jure *regaliæ*, de quo inter *Galliæ* reges & *pontifices* toties fuit disputatum, immo & inter Imperatores *germanicos* atque *pontifices*; <sup>37</sup> uti vel *Henrici IV.* Imperatoris fata testantur. Sub *Ludovico Bavaro*, ut alibi à me ostensum, vindicata egregie imperantium auctoritas fuit contra insultus pontificis, multorum eruditissimorum virorum monumentis, quæ in unum collecta conservavit nobis MELCHIOR GOLDASTUS ab *Haimensfeld*, in *Monarchia sacri Romani Imperii*. LUTHERI opera, quam egregie proculcata hæcenus imperantium potestas restituta sit, & aliunde constat, & BALTHASAR etiam BABELIUS in dissertatione, *de beneficiis magistratui politico beati LUTHERI ministerio exhibitis*, demonstravit. Nec minimum illud reformationis à LUTHERO insti-

<sup>37</sup> Conf. hac de re præ ceteris JOANNES SCHIETTERUS in præclaro *de Libert. Eccles. Germ.* opere,

tutæ est momentum, ut imperantium & decentium ordo justis limitibus circumscriberetur. Sed postea quoque subinde de hac re disputatum, nescio tamen, an acrius unquam, & majori eruditionis adparatu, quam in *Belgio*. Cum etiam *Remonstrantes* faventes sibi haberent imperantium animos, perque eos suam posse promoveri causam crederent, strenui assertores potestatis civilis circa sacra existebant. Imprimis hoc VYTENBOGARDUS egit, in libro Belgica lingua conscripto; quem tamen ex iis, quas olim defendit, sententiis, refellere adgressus est RUARDUS ACRONIUS. Tum vero BOGERMANNUS, SI BRANDUS LUBBERTUS, capita *Contra-remonstrantium*, alique, acriter *Statuum Belgii* circa sacra potestatem impugnabant, eam quod causæ suæ nocere arbitrabantur: quibus tamen *pietatem ordinum Hollandiæ* opposuit HUGO GROTIUS. Et hic quidem in alia commutatione, *de imperio summarum potestatum circa sacra*, erudite hoc argumentum pertractavit, quod & NICOLAUS VEDELIUS fecit, in libro *de episcopatu Constantini Magni*. Sed eadem alibi passim instructa fuit scena; eruntque semper, qui hac super re disputent, & mox potestatis hujus, quam principes circa sacra sibi asserunt, limites extendant, mox restringant & coarctent, prout suis institutis aut faventes aut reluctantes principes habebunt. Id illæ, quæ non ita pridem apud nos, inter JOANNEM BENEDICTUM CARPZOVIVM, aliosque ex sacro ordine, viros & CHRISTIANUM THOMASIVM agitatæ controversiæ

fiæ sunt, condocent. Hic vero, ut ubique de naturæ jure præclare meritis est, ita in aliquot etiam scriptis, latino & germanico idiomate *de jure principis circa sacra* editis, in hoc argumento enodando multum studii collocavit<sup>88</sup>.

LV. Dum

---

<sup>88</sup> De Potestate Principum circa sacra pleniorē Historiam exhibuit auctor noster in *Ilagoge Histor. Theologicæ*. l. 2. c. 5. § 10. sed caute legendus; quoniam Ecclesiæ *Lutheranæ* additō Regimen Ecclesiæ Episcopale huic neutiquam arridet. Inter eos, qui in *Angliā* Jura Episcopalia asseruerunt, præcipue eminet HENR. DODWELLUS, qui hoc ex instituto agit in *Parænesi ad exteros de nupero schismate anglicano*. Lond. 1704. 8vo. cui responsum dedit ipse BUDDEUS in *Dissertatione de origine & potestate Episcoporum*. Sunt & hodie plurimi, qui disciplinam omnem ecclesiasticam rejiciunt & impugnant, quos non opus est ut hic recenseam. Sed quoniam *Erastianorum* vestigiis præcipue insistant, de horum doctrina pauca subjungam, quæ nobis præbuit vir doctissimus JOAN. HENR. HEIDEGGERUS in *Corpore Theol. Christianæ*. Loc. 28. Sect. 1. “Horum ante-signanus fuit THOMAS ERASTUS, *Heidelbergensis* Medicus. “Censent illi, ecclesiæ nullum regimen, nullam sententiæ dictionem, nullum forum, nullam potestatem verbum Dei per censuras, excommunicationem imprimis, applicandi à Christo datam esse; potestatem clavium in solo verbi præconio consistere; & ecclesiam magistratui Christiano, omnem quam usurpat disciplinæ auctoritatem ex mera magistratus delegatione usurpare, cum omnis Politia externa, omne regimen & omnis cœtuum minorum potestas in republicâ à summâ majestate derivari & in eandem refundi debeat. Proin etiam magistratuum fasces censuris ecclesiæ obnoxios esse iidem pernegant; & a sententiis ecclesiasticis ad magistratuum tribunalia, utpote quibus ultimum. & “supre-

LV. Dum vero in eo sum, facere non possum, quin & illud addam, solere subinde juris naturalis decreta, & ad religionis, quam quisque

*Utrum æ-  
quum sit  
Jus natu-  
rale ad Re-  
ligionis &  
Reip. Sta-  
tum accom-  
modare?*

“supremum rerum omnium in republica judicium  
“conveniat, provocationem permittunt. . . . Horum  
“sententiam, in *Anglia* gliscentibus *Presbyterianos*  
“inter & *Independentes* controversiis, quidam COL-  
“MANNUS Londinensis Pastor incrustavit; qui Poli-  
“ticorum instinctu & vanâ prurigine motus in concii-  
“one Londini *Parlamento* coram habitâ Regimen  
“Ecclesiæ magistratui obtulit: cui se G. GILLESPIUS  
“& SAM. RHETERFOORDIUS doctissimis dissertatio-  
“nibus, quibus omnem *Erasiani* commenti iniquita-  
“tem aperuerunt, oppugnatum iverunt. . . . In *Bel-*  
“gio GROTIUS & *Remonstrantes* (quos peculiari libro  
“VYTENBOGARDUS defendit magistratui architecto-  
“nicam in Ecclesiam potestatem adserens) *Erasmo* secun-  
“das fecerunt. Sed *Remonstrantes* qui quamdiu magi-  
“stratum sibi faventem & propitium experti sunt, mirè  
“potestatis ejus peristromata dilatarunt: conversa for-  
“tuna, velificationem sinuare cœperunt.” Horum  
partes tuendas suscepit LUDOVICUS MOLINÆUS in  
*Parænese ad ædificatores Imperii in Imperio*, Lond. 1656.  
4to. De hoc libro sic pronuntiat MELCH. LEIDECKERUS:  
“Ibi damnata Hierarchia episcopali, & regi-  
“mine simul presbyteriali, tradita tandem omnia poli-  
“tico Principi vides *independentium* consiliis. Itaque  
“T. *Erasmus* ad cælum extollit cum *Grotio*. Liber  
“*Cromwellio* dedicatus est.” . . . Hæc ideo recitare  
juebat, quoniam hujusce controversiæ ortum & pro-  
gressum velut in compendio exhibent. Adjicere liceat  
quosdam apud nostrates hodiè delitescere, quibus nimium  
arident *Erasianorum* & *Independentium* placita, quippe  
non tantum Disciplinæ Ecclesiasticæ manibus pedibusq;  
impugnare studeant; sed & viros omnes Ecclesiasticos in  
laqueum ire jubeant. Horum antesignanus est TYN-  
DALIUS in libro famoso, cui titulus; *Rights of the*  
*Christian Church*. Lond. 1706: quem adstantur haud

G

pauci

quisque profitetur, & ad reipublicæ etiā in qua quisque vivit, statum accommodari Quæ res quam noxia sit, per se patet; prætermittenda mihi tamen non est, ut non incrementa modo, & decrementa juris naturalis sed causæ etiam utrorumque intelligantur. Constitit vero omnibus, id quod dixi, ut nunc alia exempla præteream, in ea controversia, cui occasionem dedit *Hafnienſium* theologus, HECTOR GODERIED MASIVS. Is M. DC. LXXXVII. librum edidit, quem *interesse principum circa religionem evangelicam* vocavit. In eo id dat operam, ut demonstret *Lutheri* discipulorum eam de summo principum imperio doctrinam esse, per quam hoc firmum & supra omnes monarchomachicorum insultus positum sit, cum ea, quæ ex divinis literis & juris naturalis decretis afferunt, huc maxime sint accommodata. Id quidem recte.

---

pauci causæ christianæ non nimium faventes, qui nuper contra viri optimi EDMUNDI [Gibson] hodie Episcopi Londinensis *Codicem Juris Ecclesiastici Anglicani* scripturarunt. In hac classe non infimas habent partes Ephemerides quædam, quæ singulis hebdomadibus prodeunt hoc titulo, *The Old Whig, or Consistent Protestant*, insignitæ; sed imprimis eminet in hac causa anonymus quidam [sed nominatim, si qua famæ Fides, FORSTER Proprætor *Bristoliensis*] qui nuper in lucem emisit, *An Examination of the Scheme of Church Power laid down in the Codex Juris Ecclesiastici Anglicani*. Lond. 1735. quem librum Clericorum tum munera tum personas contumeliis & maledictis acriter insectantem ad examen revocat & funditus evertit vir doctissimus & utriusque Juris peritissimus in libro, cui titulus: *An Answer to the Examination of the Codex, &c.* Lond. 1735.

Idem



Idem vero dum de reliquis, in quas orbis Christianus scinditur sectis, contrarium probare annitur, istis *Reformatos* adjungit. Quæ res uti cordatis omnibus, & prudentibus, admodum displicuit, ita & HUBERTO MOSANO, hoc est, doctissimo viro JO. CHRISTOPHORO BECMANNO bilem movit, ut erudito scripto lingua vernacula edito istam MASII temeritatem castigaret. Variis hinc, ut inter eruditos moris est, iisque vehementioribus scriptis inter utrumque concertatum fuit, hoc eventu, ut innotesceret utrinque nonnullos incommode sæpius fuisse locutos, utrinque extitisse qui ea de auctoritate imperantium ex jure naturæ & theologia assumerent placita, quæ rebus suis quam maxime conducere arbitrarentur: quod vero superest, ipsam utriusque partis religionem ita comparatam esse, ut nec auctoritati nec majestati imperantium quicquam detrahat, & cum iis, quæ jus naturæ hac de re omnes condocet, accurate consentiat atque conspiret.

LVI. Et ea quidem, quæ hucusque disse- *Lites de*  
nuimus, ad imperantium atque civium officia *successioni-*  
mutua spectant. Hinc vero priusquam dis- *bus illust-*  
cedam, de *successionibus illustrium* aliquid *trium:*  
addendum; de quibus cum sæpius concertatum sit, vix fieri hoc potuit, quin ad naturalem jurisprudentiam aliqua inde ex eruditorum monumentis accessio fieret. Vel de successione in regnum *Portugalliæ*, post mortem *Sebastiani* Regis, quæ multis librorum voluminibus disceptata sunt, ad hoc evincendum sufficiunt. Dixi & ipse ea de controver-

sia aliquid, in mea *de successionibus primogenitorum* dissertatione, in qua & alia, quæ huc facere queant, attigi. Quæ de jure devolutionis *Brabantinæ*, ab auctore tractatus *de juribus reginæ christianissimæ*, itemque ab auctore dialogi *de juribus reginæ*, aliisque, pro *Galliæ Rege*, a PETRO STOCKMANNO contra de jure devolutionis, & auctore *clypei status & justitiæ* pro *Hispaniæ Rege* scripta sunt, alterum exemplum præbent. Nostra vero ætate, ut reliqua nunc prætermittam, successio illa *Hispanica*, quam hinc *Austriaca*, illinc *Burbonica* sibi gens asserit, ut Europam fere universam ad arma pro libertate, ita eruditos ad calamos pro justitia expediendos impulit. Nec aliunde tamen, quam ex naturæ jure momentum causæ decidendum, sive de testamenti a *Carolo II.* conditi valore, sive de successionis jure per testamentum, non tollendo, sive denique de efficacia renunciationis a *Delphini* matre factæ, quæstio instituitur. Id equidem & ipse in peculiari demonstravi dissertatione, sed alii etiam viri eruditi in eadem elaborarunt causa, quorum alibi indicare animus est monumenta. Istæ vero de successionibus controversiæ, ut ex naturæ jure ceu unico fonte rite derivandæ sunt, ita rursus accuratius pertractatæ, ipsi juri naturæ lucem insignem affundunt. Hinc nec eodem, qui ad eas animum adjecerunt, id fecere successu. Certe qui, antequam per HUGONEM GROTIUM naturali juri suus restitueretur nitor, de ejusmodi argumentis exposuere, dici non potest, quam turpiter plerumque se traduxerint,

riat, *juris civilis, canonici, publici, naturalis*, decreta inter se commiscendo, ut ipsi vix aliquid invenirent, in quo pedem figerent. Ast qui recentiori ætate hocce munus in se suscipiunt, tanto felicius ad summum & caput causæ provehuntur, quanto ipsi hujus juris, quo solo principum & gentium fata continentur, fuere peritiores. Nemo vero ita peritus est, ut non, quoties ad specialia adplicatio instituenda, pulchram in eo proficiendi indispiscatur occasionem <sup>89</sup>.

LVII. Et dubia quidem ista atque incerta *Lites de dominio Maris.* succedendi ratio, non tantum imperantes cum civibus, sed & diversas secum committit gentes. Longe autem plura sunt, quæ tantum inter gentes ipsas agitari solent, & atrocium haud raro bellorum causæ existunt. Horum si vel præcipua saltem, non dicam enumerare aut ediffere, sed indicare saltem vellem, rem susciperem magnæ molis integroque libro

---

<sup>89</sup> Huc spectat controversia non ita pridem apud nostrates mota de *Succeffione Hereditariâ* ad Regnum *Britanniæ*, in qua præcipuas partes sustinuerunt HIGDENUS & BEDFORDIUS, qui ex adversis invicem partibus steterunt: cum enim munus probandi Jus ad Regnum *Britanniæ* non adeo esse sanctum & inviolabile, quin & arbitrio Potestatis Legislativæ subjici possit, in se suscepisset alter imprimis in libro, cui titulus, *A View of the English Constitution*, Lond. 1709; & deinceps in ejusdem defensione, Lond. 1710: alter id præcipue agendum esse sibi duxit, ut contra HIGDENUM probaret jus regum *Britanniæ* hereditarium esse absolutum, & nullo modo, ne quidem in summo rerum discrimine, violandum, in libro, qui hunc præ se fert titulum; *The hereditary right of the Crown of England asserted*. Lond. 1713. Fol.

suffecturam. Etenim quam dives statim librorum leges efflorescat, cum inter rerum dominos ejusmodi exoriuntur disputationes vel illorum exemplo patet, qui de *dominio maris* agere ita instituerunt, ut assererent illud, aut infringerent, prout illorum, quorum causam tuebantur, rebus conveniens hoc esse putabant. Ipse HUGO GROTIUS primum velut suæ in jure naturali peritiæ tirocinium hac ipsa in quæstione posuit. Cum enim circa seculi proxime elapsi initium inter Hispanos & Belgas de induciis tractantes multa etiam de libertate *indicanorum* commerciorum, quam invitis & reluctantibus *Hispanis* sibi vindicabant *Belgæ*, disceptarentur; HUGO GROTIUS pro eo quo patriam complectebatur amore, edito (titulo *maris liberi*) libello liberam ad *Indos* navigationem asserere adgressus est °°. Ipse tamen deinceps, in majori *de jure belli & pacis* opere, in quibusdam sententiam suam emendavit, certisque, quæ ante posuerat, limitibus circumscripsit. Nec quisquam contra eum quidquam movit, donec plurimis jam præterlapsis annis, trigésimo videlicet quinto seculi proxime elapsi, JOANNES SELDENUS idem sub incudem revocaret argumentum, editoque *de mari*, ut vocat, *clauso*, libro contrariam adstrueret sententiam. *Anglorum* forte referre putavit, ut ad *Batavorum* commercia intra angustiores limites coercenda, gentibus ejusmodi quid persuaderetur. Et

---

°° Vid. DOMINICUS BAUDIUS lib. II. de *induciis Belli Belgici*, add. BOECLERUS ad *Grotii* lib. II. cap. II. p. 49.

tum demum concertari ea de re coeptum. GROTII namque partes defendendas sibi putavit THEODORUS GRASWINKELIUS in *vindictis*, quas vocat, *maris liberi*, & JO. ISAACUS PONTANUS, *Danorum* infimul atque *Norwegorum* causam acturus, in duobus *discussionum historicarum* libris. Pro *Seldeno* contra stetit GULIELMUS WEELWODUS, PETRUSQUE BAPTISTA BURGUS, in opere *de dominio Maris Ligustici*, cui is, quem antea laudavi, THEODORUS GRASWINKELIUS refutationem opposuit. Nec defuerunt, qui a partium studiis alieni proficere demum ex ejusmodi scriptis ad veri investigationem simulque juris naturalis amplificationem visi sunt. Quos inter eminet THOMAS RIVIVS in sua *historia navali media*, JACOBUS GODOFREDUS in dissertatione *de imperio maris*,<sup>91</sup> JOANNES STRAUCHIUS in *de imperio maris* dissertatione: ne quid nunc de LOCENIO aut. STYGMANNQ dicam, quorum uterque de commerciorum maritimorum jure, nisi his delibutis, præcipere non potuit: nec de CLAUDIO BARTHOLOMÆO MORISOTO, cui in orbe maritimo non satis fuit generatim quædam de maris dominio delibasse, sed de Hispanorum quoque, Lusitanorum, aliarumque gentium imperio maritimo speciatim sibi exponendum duxit.

LVIII. Ejusmodi vero cum sæpe & nostra *Conclusio.*  
& majorum nostrorum ætate, inter gentes,  
&, qui harum vicem gerunt, imperantes

<sup>91</sup> Ad leg. deprec. 9. ff. de L. Rhodia de jactu.

rerumque dominos lites agitatae sint, iisque definiendis non aliae, quam naturae leges sufficerent; facile patet, necessitate velut quadam inductos viros ingenio & eruditione praestantes, in accuratorem earum incubuisse investigationem. Nec ullam credo temere esse hujus doctrinae partem, quae inde aut lucem non ceperit, aut capere saltem non potuerit, si modo in media non voluerunt cœcutire luce, qui ad illustrium causarum momenta disceptanda animum adjecerunt. Id quod ut illis, quae afferre animus fuit, exemplis abunde constat, ita reliquis, quorum haud pauca superesse scio, idem comprobare primum fuisset, nisi decretum constitutumque fuisset juris naturalis historiam condituro, per summa saltem rerum maximeque illustria ire capita. Constare vero nunc omnibus puto, per vices hanc philosophiae partem, quam *jurisprudentiam naturalem* vocamus, mox illustratam scriptis prudentum, mox umbraticorum & scholasticorum hominum variis disputationibus obscuratam, majori quidem studio quam reliquas philosophiae practicae partes cultam, neutiquam tamen perfectam, ea expertam & adhuc experiri fata, quae omnia scientiarum genera manent. Ii vero ipsi, qui promovere eam debebant, cum ludicris suis figmentis quam maxime illi nocuerint, quid mirum, quod a summo fastigio multum absit? Nec credo meliora expectanda fata, ex quo imperitorum abusu eo res processit, ut cordati quidam huic se non aliter obviam ire posse opinentur, quam profligato illorum errore, qui,

qui, pro verbo divino jus naturæ crepantes, vix sentiunt in ethnicos se degenerasse, quos & supra jam notavimus. Ita enim fieri aliter non potest, quam ut ipsum merito suspectum reddatur jus naturæ: saltem culturæ, quæ huic impenditur, jacturam potius faciendam, quam ut pro christianismo ethnicismus tandem palam obtrudi omnibus permittatur, nemo rerum suarum consultus temere abnuet. Manet interim hæc jurisprudentiæ naturalis, præ ethices & prudentiæ civilis doctrina, prærogativa, quod longe majori studio præstantissimi in eam se dederint viri: sed nunc tamen & his pristinum redire quodammodo videtur decus, quod vix ex istis scholasticorum nebulis, quibus academiæ tantum non hætenus obtenebratæ fuere, emergere potuit. Optamus vero merito, ut emergat: modo ita emergat, ut cœlesti veritati, qua christianorum disciplina sola constat, suus servetur honor; immo ut ad hanc, quæ sola vera sapientia, & fons etiam omnis sapientiæ est, conservandam, illustrandam, amplificandam, cuncta referantur. Faxit ergo Deus, ut primo vera & non fucata pietas, deinde vero & artes illæ literæque, quæ huic inserviunt, in dies magis magisque provehantur, & lætius efflorescant.

S. D. G.







Illustrissimo atque Celsissimo Heroi Domino

*Gustavo Ottoni · Steenbock,*


Comiti in Bogesund, Libero Baroni in Chronbeeck & Ohresteen, &c.

Regni SUECIÆ Archithalasso, & Academiæ Gothorum Carolinæ Cancellario; &c.

DOMINO MEO GRATIOSISSIMO.

Illustrissime atque Celsissime COMES,

DOMINE GRATIOSISSIME,

 *AUT levis in diversa animum meum distrabebat dubitatio, num satis ex decoro foret tantillum opus tam illustris sibi nominis auspicia adscitum ire. Nam ex una parte ruborem incutiebat libelli tenuitas, qui nullius ingenii aut splendoris capax erat; quippe*

quippe prima duntaxat rudimenta Mora-  
lis Philosophiæ, ex diffusore nostro opere  
fere excerpta, complectens. Qui uti for-  
tasse aliquem præbere usum potest primum  
eam ad disciplinam gradum molientibus;  
ita si & fastigii Tui, & meæ obligationis  
hec habenda erat ratio, ad neutram satis  
adparebat attemperatus. Ex altera parte  
devotissimum ILLUSTRISSIMÆ TUÆ EX-  
CELLENTIÆ animum stimulabant privata  
non minus quam publica Tua merita; ut  
ingrati notam sibi vehementer pertimescen-  
dam duceret, si qualemcunque occasionem  
negligeret, saltem contestandi, quantopere  
Eidem foret devinctus. Neque de illis  
jam meritis loquor, quæ per res domi  
forisque egregie gestas patriam Tibi maxi-  
mopere obstrictam reddidisti, simulque  
Nomen Tuum immortalis gloriæ dudum  
dedicasti. Ista pro dignitate recensere,  
historiæ labor est; quæ dum circa glorio-  
sissima Nationis Tuæ facinora, & felicis-  
sime per tot regiones circumlata arma  
desudat, magnam Te semper tantarum  
rerum partem deprehendit; Eundemque,  
ubi a bellis cessatum est, primum amplissi-  
mæ provinciæ gubernandæ, post totius reg-

# DEDICATIO.

91

*in tutorio moderamini admotum, non minus  
 pacis artibus efflorescentem admiratur.  
 Ista potius hoc loco attingere fas fuerit,  
 quæ in recentem hanc Academiam, in  
 qua, invitante Optimo Maximo REGE,  
 fortunarum sedem figere mihi datum fuit,  
 ab ILLUSTRISSIMA TUA EXCELLENTIA,  
 profecta sunt. Quæ Te sapientissimum  
 juxta ac benignissimum defensorem, ac sum-  
 mum moderatorem nunquam pro meritis  
 satis deprecare potest, dum suis commo-  
 dis ac ornamentis inter tantam publicorum  
 negotiorum molem citra tedium velifican-  
 tem quotidie deprehendit. Enimvero quæ  
 peculiariter ILLUSTRISSIMA TUA EX-  
 CELLENTIA in me contulit, qua cum ve-  
 neratione a me aestimanda sunt? Aliis  
 summa votorum est, ejus fastigii Viris  
 innotescere, & probari. Ast mihi ita  
 effusa Tua gratia allubuit, ut eandem &  
 in commodis meis promovendis, & in assul-  
 tibus malevolorum abs me averruncandis,  
 non semel benignissimum expertus sim.  
 Quibus ut aliquid reponatur, cum longe  
 supra mensuram fortunæ meæ sit, neces-  
 sarium tamen utique fuerit saltem submis-  
 so animi cultu, & ingenua tot beneficiorum  
 professi-*

## DEDICATIO.

professione defungi; postquam id quoque  
 summorum Virorum benignitas habet, ut  
 gr̃ati contestatione animi libenter sibi satis-  
 fieri patiatur. Et quia generosis mortali-  
 um solenne est, etiam tenui sibi exhibito  
 cultui interpretatione pietatis dignationem  
 ultro addere; id quoque ILLUSTRISSIMÆ  
 TUÆ EXCELLENTIÆ bonitas sperare  
 me jubet, ut in magnitudinem Tuam deli-  
 quisse non videar, si tam exiguo opusculo  
 utar in occasionem publice exprimendi erga  
 eandem devotissimi mei animi. Nam  
 splendidius aliquod, & quod ævum ferre  
 queat opus, abs me expectare longum fue-  
 rit; præsertim cum immane quantum  
 refrigerentur ingenia, si deprehendant, dum  
 vulgo sese laborant eripere, livorem &  
 inscitiam impune in se dentem exercere,  
 otii rationem non reddi. Novo tamen  
 vigore efflorescet animus, & oborta tædia  
 ejiciet, si huncce cultum ab ILLUSTRISSI-  
 MA TUA EXCELLENTIA placida fronte  
 admissum intellexero; simul in posterum  
 de gratia, & patrocinio Tuo securum me  
 esse jusseris. Ita DEUS O. M. ILLUS-  
 TRISSIMAM TUAM EXCELLENTIAM in  
 Patriæ, Splendidissimæ Tuæ Familiae, ac  
 nostræ

DEDICATIO.

95

*nostra novellæ Reip. decus ac emolumentum, plurimos per annos florentem vigentemque conservet!*

*Illustrissimæ Tuæ Excellentia*

*Devotissimus*

SAMUEL PUFENDORF.

*Londini Scanorum  
X. Kal. Febr. A.  
M. DC. LXXIII.*


*Sam.*





Sam. Pufendorfius  
LECTORI

BENEVOLO SALUTEM.

I.  I receptus plerisque eruditissimos legis propemodum vim induisset, supervacuum videri poterat circa rationem hujus scripti aliquid præfari; cum res ipsa fatis loquatur, me nihil aliud egisse, quam ut tironibus præcipua JURIS NATURALIS capita brevi, &, ut arbitror, perspicuo compendio exponerem: ne si citra cognitionem velut elementarem in diffusa ejus disciplinæ spatia sese immiserint, copia & difficultate rerum ab initio protentur<sup>1</sup>. Simul & illud publico expedire visum, ejusmodi *Doctrina Morali*<sup>2</sup> studiosæ juven-

<sup>1</sup> Auctor hoc compendium literis tradidit paulo post editum librum illum insignem *de Jure Naturæ & Gentium*. Nam opus majus in lucem prodiit A. D. 1672. hoc vero opusculum A. D. 1673.

<sup>2</sup> Sub hoc nomine auctor non tantum *Ethicam* proprie dictam, sed etiam Jurisprudentiam *naturalem* & *politiciam* complectitur.

tutis animos imbui, cujus usus manifestus in Vita Civili spectaretur. Et licet alias semper inglorium judicaverim, aliorum diffusiora scripta, & multo magis propria, in compendium redigere<sup>3</sup>: tamen cum superiorum auctoritas accederet, a cordatis vitio mihi versum iri non arbitror, quod isthoc laboris unice Juventutis utilitati dare voluerim; cujus merito tantus esse favor debet, ut in ejusdem gratiam suscepta opera, etiam ingenii & splendoris non capax, nemine indigna sit judicanda. Cæterum quin ejusmodi principia ad universam Juris disciplinam magis idonea sint, quam cujusvis Juris Civilis elementa, nemo cui sanum sinciput abnuet. Atque hæc in præsens sufficere poterant, ni quidam monuissent non abs re fore, aliqua præmittere, quæ ad indolem JURIS NATURALIS in universum intelligendam, ejusdemque limites accuratius designandos facerent. Quod eo libentius suscepi, quia hoc modo prætextus adimitur hominibus importune curiosis febriculosam suam censuram extendendi ad hancce disciplinam, quæ sæpe velut interjecta ab ipsorum provincia disjungitur<sup>4</sup>.

## II. Mani-

<sup>3</sup> Vide Ipsius Auctoris (sub nomine *Julii Rondini*) Præf. ad Erid. Scandic. in Postscripto. Et Comment. ad *Pullum Venet.* p. 46, 47.

<sup>4</sup> JOSUAM SWARTZIUM & NICOLAUM BECKMANNUM (illum Theologiæ, hunc Juris Professores, suosque in academia *Carolina Lundini* Collegas) his verbis notat, qui livore & invidia agitati, præter *Indicem Novitatum* in odium operis confectum, *Scaniae* Episcopum instigabant



II. Manifestum igitur est, ex tribus velut *Tres fontes scientiæ moralis.*  
fontibus homines cognitionem OFFICII sui,  
& quid in hac vita sibi tanquam honestum sit  
agendum, tanquam turpe omittendum hau-  
rire; ex *Lumine rationis*, ex *Legibus civilibus*,  
& ex peculiari *Revelatione divini Numinis*.  
Ex primo fluunt Officia hominis communis-  
sima, præcipue quæ ipsum cum aliis homini-  
bus sociabilem reddunt: ex altero Officia  
Hominis, quatenus peculiari & definitæ civi-  
tati subjectus degit: ex tertio, Officia Homi-  
nis Christiani.

III. Inde & Tres separatae Disciplinæ pro- *Tres disciplinæ morales;*  
veniunt: quarum prima est *Juris Naturalis*,  
omnibus gentibus communis. Altera *Juris*  
*Civilis* singularum civitatum, quæ tam mul-  
tiplex est, aut esse potest, quot numero sunt  
civitates, in quas genus humanum discessit:  
Tertia *Theologia Moralis* habetur, illi parti  
Theologiæ contradistincta, quibus credenda  
exponuntur. Singulæ harum Disciplinarum  
modum sua dogmata probandi adhibent, suo  
principio respondentem. In Jure Naturali *Jus Naturale,*  
aliquid faciendum asseritur, quia per rectam  
rationem idem ad socialitatem inter homines  
necessarium colligitur. Præceptorum *Juris Civile,*  
*Civilis* ultima ratio est, quia Legislator ita  
constituit. Theologus *Moralis* in eo ultimo *Theologia Moralis,*  
adquiescit, quia Deus in Scripturis Sacris ita  
jussit.

bant, ut sibi censuram libri a rectoribus regni postu-  
laret. In horum ergo gratiam fines trium disciplinarum  
vulgo tunc confusos regit, ut, ubi inchoet natura &  
desinat, quæve Rationes huc pertineant vel non, liqueret.  
Vid. Auctoris *Eris Scandica.* OTTO.

*Sibi invicem non repugnant.*

IV. Quemadmodum autem disciplina **Juris** Civilis Jus Naturale tanquam generalem magis disciplinam præsupponit: ita si quid Jure Civili continetur, de quo Jus Naturale filet, non ideo hoc illi repugnare censendum est. Simili modo si in Theologia Morali aliqua tradantur, ex revelatione divina profluentia, ad quæ ratio nostra jam non pertingit, quæq; adeo & Jus Naturale ignorat; imperitum valde foret, ideo illam cum hac committere, aut repugnantiam aliquam istarum disciplinarum somniare. Vice versa, si quæ in disciplina Juris Naturalis præsupponantur ex eo quod per rationem investigari potest; illa propterea iis, quæ Sacrae Literæ super eadem re liquidius tradunt, nequaquam opponuntur, sed tanquam abstrahendo concipiuntur <sup>5</sup>. Sic v. g. in disciplinâ Juris Naturalis, abstrahendo ab illa cognitione, quæ ex Sacra Scriptura hauritur, formatur conditio primi Hominis, utcunque in mundum projecti <sup>6</sup>, quatenus sola ratiocinatio assequi potest. Ista opponere iis, quæ super eadem conditione Divinae Literæ tradunt, hic vero est succus nigræ loliginis, hæc est ærugo mera <sup>7</sup>.

---

<sup>5</sup> Hæc ideo monet noster, quoniam ab adversariis, quos nactus est liber *de Jure Nat. & Gentium*, multis contumeliis laceffitus est ob quorundam omissionem, quæ non nisi Revelationis ope nobis innotescunt.

<sup>6</sup> Qualis esset naturalis iste Hominis status, ostendit infra lib. i. c. 3. § 3. & lib. ii. c. 1. § 6. & *de Jure Nat. & Gent.* lib. ii. c. 1. § 8. & c. 11. § 2.

<sup>7</sup> Ex HORAT. *Serm.* I. iv. 100.

—Hic nigræ succus loliginis, hæc est  
Ærugo mera.

V. Enim-

V. Enimvero uti Juri quidem Civili, & *Eorem differentia.*  
 Naturali, facile inter se conveniet: ita inter  
 idem Jus Naturale & Theologiam Moralem  
 fines regere, ac quibus potissimum partibus  
 illa different definire, paulo operosius videtur.  
 Qua super re paucis sententiam meam expo-  
 nam, non quidem pro auctoritate Papali, ac si  
 ab omni errore privilegio aliquo mihi cautum  
 foret; neque qui ex somniis divinitus immis-  
 sis, aut irrationabili aliquo instinctu singularis  
 cujusdam illuminationis fiducia animetur;  
 sed tanquam talis, cui Spartam sibi commis-  
 sam pro modulo ingenii exornare cordi sit.  
 Ita tamen, ut quemadmodum cordatos &  
 eruditos viros meliora suggerentes lubenter  
 audire, & citra pertinaciam prius placita  
 emendare sum paratus: ita flocci faciam  
 Midæ æmulos censores, rerum ad se nihil  
 spectantium arbitria proterve - involantes;  
 totamque ardelionum nationem, cujus cha-  
 racterem lepidissime PHÆDRUS \* repræ-  
 sentat:

*Trepida concursans, occupata in otio,  
 Gratis anbelans, multa agendo nihil agens,  
 Sibi molesta, & aliis odiosissima.*

I. Primum igitur discrimen, quo istæ  
 Disciplinæ invicem separantur, resultat ex  
 diverso fonte, unde sua dogmata utraque  
 derivat; de quo jamjam tetigimus. Ex quo  
 consequitur: si aliqua sint, quæ Divinis Lite-

---

\* L. ii. Fab. 5. v. 2.

ris agere aut omittere jubeamur, quorum necessitatem tamen ratio sibi relicta perspicere nequit; illa extra Jus Naturale esse, & ad Theologiam Moralem proprie spectare.

2. Præterea in Theologia Lex consideratur, prout innexam habet Divinam promissionem, & quandam rationem Foederis inter DEUM & Homines <sup>9</sup>. Abs qua consideratione Jus Naturale abstrahit; quippe cum ista à peculiari Dei revelatione proficiscatur, quam sola ratio invenire nequit.

3. Illud porro discrimen longe maximum est; quod finis disciplinæ Juris Naturalis tantum ambitu hujus vitæ includatur <sup>10</sup>; adeoque

---

<sup>9</sup> Vid. Exod. xix. 5. Deuter. v. 23. Confer de hac re Auctoris librum de *Jure Fœciali*, in quo hoc ex professo agit, ut ostendat Religionem Revelatam habere Rationem Fœderis inter Deum & Homines.

<sup>10</sup> Auctori id vitio dederunt nonnulli, quod finem Jurisprudentiæ Naturalis intra hujus vitæ terminos conclusit, speciatim vero JO. JOACH. ZENTGRAPHIUS in *Orig. Juris Nat.* p. 129. Alii vicissim eum de hac re vindicare aggressi sunt, v. gr. HOCHSTETTERUS in Coll. Pusend. iv. 40. & BUDDEUS in *Theol. Morali*, Proleg. ad Part. 2. § 8. De hac controversiâ ambage verborum a nonnullis perplexâ sic judicandum esse arbitror. Juris Naturalis Præcepta non alia sunt, quam quæ humanam felicitatem in hac vita promovere possint, quæ proinde est primarius ejus finis; unde *commune bonum* a CUMBERLANDIO recte vocatur *suprema lex*. Hoc vero non obstat, quo minus Jus Naturæ vitam futuram (quatenus nobis innotescit) prospiciat, eo nimirum sensu quo sanctionem suam a Deo, præmia & pœnas hujus observationi & neglectui annectente, habeat. Finis, ad quem tendunt ejus præcepta, est vitæ præsentis, maxime quæ socialis, felicitas; sed finis, ob quem obediendum, ipsa est

adeoque ea hominem formet, prout hanc vitam cum aliis sociabilem exigere debeat. Ast Theologia Moralis hominem Christianum informat, cui propositum esse debet non hanc solum vitam honeste transire, sed qui fructum pietatis post hancce vitam maxime expectat, quique adeo πολιτεύμα suum in cœlis habet, heic autem viatoris duntaxat aut peregrini instar gerit <sup>11</sup>. Quanquam enim animus hominis non solum ardenti cum affectu immortalitati velut immineat, sui que destructionem vehementer aversetur; atque inde apud plerosque gentilium inoleverit persuasio de animæ à corpore separatæ duratione, & quod tunc bonis bene, malis male sit futurum: ejusmodi tamen circa hæc persuasio, in qua animus hominis plane & firmiter acquiescere possit, ex solo Dei verbo hauritur <sup>12</sup>.

4. Inde & Juris Naturalis scita ad forum duntaxat humanum adaptantur, quod ultra hancce vitam sese non extendit; quæ ipsa

est sanctio legis, quæ non nisi ex præmiis & pœnis, maxime quæ in statu futuro expectantur, petenda est. Profecto non est dissimulandum, auctorem cum de hac re disserit, vix sibi constare, vel saltem hoc in loco non satis caute verba fecisse.

<sup>11</sup> Vid. PAUL. ad Philipp. iii. 20.

<sup>12</sup> Etsi verissimum est viam certam & tutam, quâ ad æternam felicitatem pervenire possumus, non nisi Revelationis lumine nobis esse patefactam; quoniam scil. nîmis apertè constat neminem leges divinas, ut decuit & potuit, observâsse: attamen statum aliquem, in quo bonis bene, malis male futurum sit, rationis ope colligi posse, si quid saltem valeat maxima verisimilitudo, ipse, ni fallor, ostendi in not. ad libr. I. c. 4. § 8.

H 4

multis

multis in partibus prave ad forum divinum adplicantur, circa quod Theologiæ maxime curæ est.

5. Ex quo & illud fluit, ut, quia forum humanum circa externas tantum hominis actiones occupatur, ad ea autem, quæ intra pectus latitant, nec aliquem effectum aut signum foras produnt, non penetret; adeoque nec circa eadem sit sollicitum; Jus quoque Naturale magnam partem <sup>13</sup> circa formandas hominis exteriores actiones versetur. Ast Theologiæ Morali non sufficit, exteriores hominis mores utcunque ad decus composuisse; sed in eo maxime laborat, ut animus, ejusque motus interni ad placitum Numinis fingantur: & illas ipsas actiones improbat, quæ extrinsecus quidem recte se videntur habere, ab animo tamen impuro promanant. Quæ ratio etiam videtur, quare in divinis Libris haut ita frequenter agatur de illis actionibus, quæ pœnis fori humani sunt sancitæ, aut circa quas ibidem jus dicitur: quam de illis, quæ uti <sup>14</sup> SENECA loquitur, sunt *extra publicas tabulas*; uti manifeste adparet iis, qui præcepta & virtutes ibidem inculcatas accurate inspexerit. Etsi cum & illæ ipsæ virtutes

---

<sup>13</sup> Hinc patet auctorem non *omni ex parte* excludere internum mentis habitum, uti criminatus est *Leibnitzius* in Epistola quadam ad *Pufendorfum*.

<sup>14</sup> Locus occurrit in lib. ii. de *Ira*, c. 27. *Quam angusta est innocentia ad legem bonum esse? Quanto latius officiorum patet quam juris regula? Quam multa pietas, humanitas, liberalitas, justitia, fides exigunt, quæ omnia extra publicas Tabulas sunt?*

Christianæ animos hominum ad socialitatem quam maxime disponant, Theologia quoque Moralis <sup>15</sup> honestatem vitæ civilis efficacissime promoveat. Uti & vice versa, si aliquem videas qui turbulentum & importunum vitæ civilis membrum se gerat; tuto judices licet, Religionem Christianam intra labra tantum ipsi hære, cor nondum penetrasse. Atque ex hisce non solum genuini limites, qui Jus Naturale, prout à nobis illud traditur, à Theologia Morali separant, manifeste puto adparent: sed etiam quod Jus Naturale nequaquam dogmatibus veræ Theologiæ repugnat; sed tantum à quibusdam ejus dogmatibus, quæ per solam rationem investigari nequeunt <sup>16</sup>, abstrahat.

VI. UNDE & illud patet, necessarium esse, *Homines* ut in disciplina Juris Naturalis homo confide-*esse natura* retur, prout ipsius natura est corrupta, adeo-*corruptos.* que prout est animal multis pravis cupidinibus scatens <sup>17</sup>. Nam etsi nemo tam stupidus sit,

---

<sup>15</sup> V. Auctoris Dissert. Acad. IV. de System. Civit. § 7. & IX. de Concordia veræ Polit. cum Religione Christiana.

<sup>16</sup> Hujusmodi sunt officia quædam erga Deum, Hominem & nosmetipsos. V. G. Ut colamus Patrem, Filium & Spiritum Sanctum; ut erga inimicos amice nos geramus; denique ut nosmetipsos abnegemus; quæ omnia vel supra rationem posita sunt, vel saltem in naturali gentium Religione locum non invenerunt.

<sup>17</sup> Sunt, qui hanc nostri doctrinam insimulant, quasi S. S. literis minus consentaneam; sed nescio quo jure. Volunt utique Juris Naturæ normam ad purum & integrum hominis statum accommodatam esse; volunt ideale quiddam

fit quin in seipso inordinatos ac in devia tendentes affectus deprehendat<sup>18</sup>, tamen nisi Divinæ Literæ prælucent, nemini jam constari posset, istam affectuum rebellionem per culpam primi hominis provenisse. Et consequenter cum Jus Naturale ad ea non abeat, quo ratio pertingere nequit; incongruum foret, idem ex natura hominis integra velle deducere. Præsertim cum & pleraque præcepta ipsius Decalogi, prout verbis negativis concepta sunt, naturam hominis corruptam manifeste præsupponant. Sic v. g. *primum præceptum* utique præsupponere videtur hominem ad idololatriam & πολυθεΐαν credendam proclivem. Si enim ponas hominem, integra adhuc natura præditum, in quo liquida DER

---

quiddam & a vero hominum statu prorsus alienum. Sed cui usui inserviet lex ista hypothetica? Vel quid magis rationi congruum, quam ut lex hominibus designata ex natura humana, qualis qualis sit, petita esset? Attamen vix edito opere majore male audiebat noster, quasi multum detraxerit dignitati Juris Naturæ. Sic VAL. ALBERTI *jus naturæ pertinere ad reliquias imaginis divinæ & à Christiano Philosopho ex notitiâ de statu integritatis hodie post Lapsum exquisitâ tradi debere contendit, in Præf. ad compendium Juris Naturæ orthodoxum, p. 3. iterumq; cap. 1. § 14. Fons, inquit, è quo à Christianis pura Juris Naturalis notitia hauriri potest & debet; est orthodoxa doctrina de statu integritatis, cujus notitia non ex ratione, sed relatione aut revelatione hauriri potest. Quibus in locis id magis laborasse videtur auctor, ut quo Jure quave Injuria se orthodoxum profiteatur, quam ut veritatem investiget. Huic respondet noster in *Postscr. ad Apol. § 28. Specim. Controversarum, c. 4. Comment. ad Veneris Lipsf. pullum, p. 37. Er. Scand. p. 354.**

<sup>18</sup> V. *Specimen Controversiarum* c. 1. § 2.

erat



erat cognitio, & qui subinde velut familiari ejus revelatione fruebatur, non video, quomodo tali in mentem venire potuerit, aliquid sibi fingere, quod loco veri DEI aut cum eo colere vellet; aut credere in eo Numen inesse, quod ipse finxerat. Igitur huic opus non erat verbis negativis injungi, *Ne deos alienos coleret*: sed sufficebat eidem simplex & affirmativum præceptum; *Diliges, honorabis, & coles Deum*, quem Univerſi hujus, & tuum quoque Creatorem noſti. Idem circa *Secundum præceptum* obtinet. Nam quare negativo præcepto vetaretur Deum blaſphemare, qui liquido ipſius majeſtatem & beneficia intelligebat, & quem nullæ pravæ cupidines agitabant, cujuſque animus ſtatu ſibi à Deo aſſignato placide adqueſcebat? Quomodo hunc tanta infania ſubire poterat? Quin hic affirmativo tantum præcepto monendus erat, ut nomen Dei glorificaret. Aliter tamen dicendum videtur de *Tertio*, ut & *Quarto præcepto*: quæ cum affirmativa ſint, neque neceſſario corruptam naturam præſupponant, in utroque ſtatu locum invenire poſſunt. Sed circa *reliqua præcepta*, proximum ſpectantia, res æque eſt maniſeſtiſſima. Homini enim, qualis initio a Deo conditus erat, ſufficiebat ſimpliciter injunxiſſe, ut proximum ſuum diligeret; ad quod & natura proclivis erat. Aſt quomodo eidem poterat præcipi, ne occideret; quando nondum mors cadebat in hominem, quæ per peccatum in mundum introivit? Verum nunc negativo præcepto quam maxime opus eſt, ubi pro dilectione tanta odia inter homines

homines grassantur, ut etiam magna eorum seges detur, qui ex mera invidia, aut libidine alterius fortunam invadendi, alios non innocentibus solum, sed & amicos, & de ipsis bene meritos subversum ire non dubitent; & quidem ut horridum & inconsultum turbulenti animi impetum sub conscientiae vocabulo, si diis placet, venditare non erubescant. Sic quid opus erat expresse adulteria vetare inter eos conjuges, qui tam ardenti & sincero amore sese amplecterentur? Aut quid furta vetare intererat, cum nulla penuria foret, & nemo quid sibi proprium putaret, quo alteri prodesse posset? Aut quid necessum erat falsa testimonia interdicere, cum nondum existerent, qui exinde famam sibi atque gloriam aucuparentur, si alterum foeda atque inficeta calumnia adspargere possent? Sic ut non inepte huc adplicaveris illud TACITI <sup>17</sup>; *Vetustissimi mortalium, nulla adhuc mala libidine, sine probro, scelere, eoque sine pœna aut coercionibus agebant* <sup>18</sup>: *Et ubi nihil contra morem cuperent, nihil per metum vetabantur.*

*Num Lex sit eadem in statu integro ac corrupto?*

VII. Atque hæc ipsa probe intellecta viam pandere possunt ad amovendam eam dubitationem; num igitur *Lex diversa* <sup>19</sup> fuerit in statu

<sup>17</sup> Annal. l. iii. c. 26. Huc etiam spectat illud Ovid. 1 Met. 89.

*Aurea prima sata est ætas, &c.*

<sup>18</sup> Hic omittuntur verba, quæ in loco citato occurrunt: *Neque præmiis opus erat, cum honesta suapte ingenio peterentur.*

<sup>19</sup> Quæstio est sæpius versata, utrum *Jus Naturæ in statu integro idem sit ac in corrupto?* Partem affirmativam

*statu naturæ integræ, an vero eadem?* Ubi paucis responderi potest; Summa Legis capita in utroque statu esse eadem: sed multa præcepta particularia, propter diversitatem conditionis humanæ, variare; Seu potius, eandem summam Legis per diversa, (non tamen contraria) præcepta sese explicare, prout diverso sese modo habuit homo, cui illa Lex observanda. Summam Legis Salvator noster ad duo capita redegit; *Dilige Deum, & Dilige proximum.* Ad hæc capita referri potest universa Lex Naturalis, tam in integro quam in corrupto statu hominum; (nisi quod in statu integro nullum aut modicum videatur discrimen fuisse inter Jus Naturale, & Theologiam Moralem.) Nam & socialitas, quam nos pro fundamento Juri Naturali substravimus, commode in dilectionem proximi resolvi potest. Sed quando ad præcepta particularia descenditur, sanè discrimen non leve emergit tam circa præcepta affirmativa, quam negativa. Et quidem affirmativa præcepta

---

vam defendunt contra nostrum ALBERTUS, SECKENDORFIUS, & alii. Neque multum distare videtur horum Hypothesis a recentiorum quorundam Religioni revelatæ oppugnantium dogmate, qui jus naturæ perfectum esse docent, & Religionem veram omnibus esse unam eandemque. Sed in his tota lis dijudicatur. 1. Finem generalem omnis veræ Religionis (sit naturalis an revelata, sit in statu integro an corrupto) esse eundem, nimirum *dilige Deum, & dilige proximum.* 2. Media ad hunc finem necessaria, i. e. particularia præcepta uti satis probavit noster, esse in diversis diversa, non autem contraria.

quod

quod attinet, eorum non pauca jam in isthoc statu dantur, quibus in primævo statu locus non fuisse videtur: idque partim quia illa præsupponunt tale institutum, quod an in felicissimam hominum conditionem cadat, non constat; partim quia sine miseria & morte, quæ ab illo statu exulabat, non intelliguntur. V. G. Jam inter præcepta Legis Naturalis est, ne quis alterum in emtione & venditione decipiat<sup>21</sup>; ne falsa ulna, mensura, aut pondere utatur; ut pecuniam creditam convento tempore restituat. Ast illud nondum ad liquidum est perductum, an si peccati expers genus humanum perstitisset, ejusmodi commercia, qualia nunc agitantur, exercenda fuerint, & an aliquis usus pecuniæ tunc futurus fuerit. Sic si tales civitates, quales nunc sunt, in statu innocentiae locum non habuerunt; locus quoque ibidem non fuit præceptis, quæ id genus civitatum, iisque contentum imperium præsupponunt. Jam quoque Jure Naturali jubemur succurrere egenis, subvenire iniqua calamitate oppressis, curam habere viduarum, orphanorumque. Atqui hæc frustra præcipiuntur iis, qui miseriæ, egestati, mortique non sunt obnoxii. Ad condonandas injurias, pacemque conciliandam pronos esse nos jam jubet Lex Naturalis. Quæ frustranea est inter eos, qui in leges socialitatis non

---

<sup>21</sup> *Ne quis alterum in emtione & venditione decipiat; ne falsâ ulnâ, mensura aut pondere utatur*] Hæc verba sic immutavit WEBERUS (ut in emtione & venditione bona fide agamus, ut recte ulnâ, mensurâ, aut pondere utamur) eâ scil. mente, ut præcepta sint affirmativa.

peccant.

peccant. Atque id ipsum manifeste quoque perspicitur in præceptis negativis, ad Jus jam Naturale (non positivum) spectantibus. Etsi enim quodvis præceptum affirmativum virtualiter contineat interdictum omnis oppositi; (V. G. qui jubetur diligere proximum eo ipso vetatur inferre illi omnia, quæ dilectioni repugnant :) tamen ut expressis præceptis illa sanciantur, superfluum videtur, ubi nullæ pravæ cupidines ad talia patranda propellunt. Ad quod illustrandum accommodari potest, quod SOLON<sup>22</sup> parricidarum poenam lege publica sancire noluit, quod tantum scelus in aliquem filium cadere non arbitraretur. Cui simile est, quod FRANC. LOPEZ de Gomara, *Hist. Gent. Ind. occident.* Cap. 207. refert de populis *Nicaragua*, apud illos nullam fuisse statutam poenam in eum, qui regulum (*Cacique* ipsi vocant) occidisset; quod nullus, aiebant, sit subditus, qui excogitare aut patrare tam dirum facinus velit.

VIII. Vereor ne putidum videatur isthæc tam aperta pluribus inculcare. Ad tironum tamen captum hoc exempli addam. Sunt alicujus informationi commissi duo pueri, sed dispari plane indole. Unus modestus est, verecundusque, & magno literarum amore flagrans. Alter dissolutus, petulans, scædas potius libidines, quam libros amat. Summa officii utrique eadem, literas addiscere. Sed peculiaria præcepta disparia. Priori enim sufficit injunxisse, quæ studia, quo tempore,

*Illustratio  
per Exem-  
plum.*

<sup>22</sup> V. *Dioj. Laert.* in *VITA SOLOENIS*, l. I. n. 5. *Cic.* pro *Roscio Am.* c. 25.

quave

quave ratione tractare debeat. Alteri præter hæc acerrima sub comminatione vetandum, ne circumcurſitet, ne alea ludat, ne libros vendat, ne in exercitiis componendis aliena vitula aret, ne pergræcetur, ne ſcorta confeſcetur. Eadem ſi quis prioris indolis puero operoſe declamare inſtituat, hic εὐφημῶν ipſum jubebit, & cuivis potius quam iſta ſibi canere, qui talium nulla cupidine tangatur.

*Concluſio.*

IX. Ex quo manifeſtum arbitror eſſe, longe aliam fore Juris Naturalis faciem, ſi quis ſtatum hominis integrum velit præſupponere. Simulque, cum tam liquido limites hujus Diſciplinæ, quibus a Theologia Morali ſejungitur, designati ſint; non deteriore hancce diſciplinam conditione futuram, quam Jurisprudentiam Civilem, Medicinam, Scientiam Naturalem, aut Matheſin; in quas ſi aliquis *ἀνέμῳ* irrumpere audeat, ſine populi ſuffragiis cenſuram ſibi vindicans, non dubitant ipſi occinere, quod quondam APELLES MEGABYZO, de arte pictoria nescio quid differere aggredienti: *Quæſo, aiebat, tace, ne pueri, qui melidem terunt* <sup>21</sup>, *te irrideant, loqui orſum de rebus, quas non didiciſti* <sup>22</sup>. Sed cum bonis quidem, cordatiſque viris facile nobis conveniet. Malevolos autem, ineruditosq; obtrectatores ſatius fuerit invidiæ ſuæ excrucianos commendare; ſiquidem utique conſtat, æterna poſitumq; lege eſt, ut *Æthiops cutem non mutet*.

<sup>21</sup> i. e. colores in pictoris uſum conterunt.

<sup>22</sup> V. *Ælian.* Hiſt. Var. l. xi. c. 2. De *Zeuxi*, non de *Apelle* traditur, teſte BARBEYRAC.



D E


# OFFICIO

## HOMINIS & CIVIS .

### LIBER PRIMUS.

#### CAPUT I.

#### DE ACTIONE HUMANA.

I. FFICIUM nobis heic vocatur, *Officium, Actio hominis pro ratione obligatio- qualis ho- minis ac- tio?*  
nis ad præscriptum legum recte at-  
temperata.

<sup>1</sup> Respondet hic Titulus alteri, quem majori operi inscripsit auctor, DE JURE NATURÆ ET GENTIUM. Hoc peculiare est, atque hominem spectat, quatenus in civitate degit, & legibus adventitiis subjicitur; illud universale, atque hominem attingit, quatenus statu naturali utitur, abstrahendo omne illud, quod civili proprium est. Hinc OFFICIUM HOMINIS ET CIVIS omnia complectitur, quæ JUS NATURÆ ET GENTIUM jubet: nihil linquit intactum, quod utriusvis nomine obligare possit. Hujus verò locutionis genus est *πελύσθημεν* & auctoribus diversis diversa ejus significatio. JUSTINIANUS id vocat JUS NATURALE, quod natura omnia animalia docuit; JUS GENTIUM, quod naturalis ratio inter omnes homines constituit; JUS CIVILE, quod quisque populus sibi jus constituit. Instit. Lib. I. Tit. 2. GROTIUS JUS NATURALE definivit *dixerat* rectæ rationis, indicans alicui inesse moralem turpitudinem, aut necessitatem moralem; JUS GENTIUM, quod gentium om-

Cap. I. *temperata* \*. Ad quod intelligendum, necessarium est præmittere tum de natura Actionis humanæ, tum de Legibus in universum.

*Est actio  
humana  
non quæ-  
vis;*

II. Per *Humanam Actionem*, intelligimus non quemvis motum a facultatibus hominis procedentem; sed illum duntaxat, qui provenit ac dirigitur ab iis facultatibus, quas humano generi præ brutis Creator O. M. § 1. attribuit; nempe qui velut prælucente *Intellectu*, ac decernente *Voluntate* suscipitur.

*Sed ab in-  
telligente  
& volente  
suscepta.* III. Datum quippe est homini, ut non solum varias res, quæ in hoc universo occurrunt,

---

*nium aut multarum voluntate vim obligandi accepit; JUS CIVILE, quod à potestate civili proficiscitur. De Jure Belli & Pacis, L. I. cap. i. §. 10, 14. Noster tale jus gentium à jure naturæ distinctum non agnoscit, quippe homines sint naturâ æquales, & dari non possit lex universalis, nisi quæ ad jus naturæ immutabile pertineat. Vid. De Jure Nat. & Gent. Lib. II. c. iii. §. 23. Sed Jus naturale denominationem Juris gentium fortitur, quando genti cum gente, nationi cum natione intercedit, licet in suo formali non differat a Jure naturali, quale est jus legatorum.*

\* OFFICII nomen consentit cum græco τὸ καθήκον. Sic CICERO ad Attic. XVI. 11. *Quod de Inscriptione quæris, non dubito, quin τὸ καθήκον OFFICIUM sit.* Definivit idem de Finib. III. 17. *Quod ratione actum sit, id OFFICIUM appellamus.* Ad hunc locum recte notat BARBEYRACCIUS definitionem nimis generalem & vagam esse. Versatur ratio circa omnia ad humanam vitam spectantia, utut adiaphora esse possint, & nihil habeant cum rebus moralibus commune. Qui sibi finem aliquem proponit, neque modis ad eum assequendum necessariis utitur, is rationis præscripto adversatur; si vero nulla ei *necessitas* [moralis] incumbit rem proposi-

tam



runt, possit cognoscere, eas inter se conferre, Cap. I. & harum occasione novas sibi notiones formare 4: sed ut etiam possit prospicere, quid acturus sit, ac ad id exsequendum sese movere, c. 1. § 2. idemque ad certam normam, certumque finem conformare, & quid inde proventurum sit, colligere; quin & quæ peracta jam sunt, an ad regulam congruant, judicare 5: Sed nec omnes hominis facultates sese perpetuo, aut modo uniformi movent: verum aliquæ istarum intrinseco hominis impulsu excitantur, excitatæque temperantur, & diriguntur. Denique nec in omnia objecta promiscue homo

---

tam exequendi, non peccat, nihil inhonestum commeteretur, vel quod pœnam poscat. Itaque rectius noster, qui in officio definiendo ad *legum* præscriptum rationem habet. Vid, infra. cap. ii. § 3.

3 Actio humana est, quam scientes volentes suscipimus; sicuti distinguitur ab actione (si ita loqui liceat) necessaria, quales sunt motus cordis, perceptio sensuum, &c. Actio moralis sensum minùs latum obtinere solet; ad eamque constituendam requiritur, ut ad legem moralem referatur. Illa adiaphora esse potest, hæc nequit non esse vel bona vel mala. . . . Porro notandum est vocabulum *Actionis* hoc in loco complecti omissionem, juxta illud SENEC. Epist. 95. *Omnia, quæ præstanda sunt ac vitanda, formula humani officii includit.*

4 Nimirum *perceptione, comparatione*, aliisque operationibus, quas mens in Ideas exercere solet. V. LOCKE de Intell. Humano. L. ii. c. 9, 11.

5 Similiter CICERO. "Homo quod rationis est particeps, per quam consequentia cernit, causas rerum videt, earumque progressus & quasi antecessiones non ignorat, similitudines comparat, & rebus præsentibus adjungit atque adnectit futuras, facillè totius vitæ cursum videt, ad eamque degendam præparat res necessarias, De Offic. I. 4.

Cap. 1. fertur, sed quædam adpetit, quædam aver-  
 ~~~~~  
 satur <sup>6</sup>. Sæpe quoque licet objectum agendi  
 adsit, motum suspendit; & pluribus objectis  
 præsentibus unum eligit, cætera respuit.

*Intellectus  
 hominis  
 Officii con-  
 scius.*

IV. Circa facultatem ergo comprehendendi  
 & dijudicandi res, quæ *Intellectus* <sup>7</sup> voca-  
 bulo venit, id ante omnia pro certo habend-  
 um est; cuilibet homini matura ætate &  
 c. 3. §. 5. mente integra tantum superesse naturalis velut  
 luminis,

<sup>6</sup> Intelligit voluntatem, quæ facultas est eligendi,  
 respuendi, vel suspendendi. Vid. nos infra, ad § 9.

<sup>7</sup> Ad hunc locum notat BARBEYRACCIUS auctorem  
 duas mentis facultates inter se commiscere. Voluit nimi-  
 rum cum *Cartesianis* iudicium ad *voluntatem* pertinere:  
 PUFENDORFIUM vicissim tuetur TREVERUS, qui illud ad  
*intellectum* referat. Si quid ego in hac causâ judico, sic  
 statuendum est. Iudicium duplici modo sumitur; vel  
 perceptionem convenientiæ aut discrepantiæ Idearum  
 denotat, vel ipsum animi assensum, quo rationibus  
 acquiescit. In priorî sensu ad Intellectum pertinet,  
 quatenus non aliud est quam *perceptio*, quæ necessario est  
 id quod est. Quod percipimus, id revera percipimus,  
 idq; certo modo pro circumstantiis datis, nempe facul-  
 tatibus nostris, Phænomenis rerum, &c, quæ necessariæ  
 sunt, & a nobis non pendent. Quod si *assensum* animi  
 denotat (quo modo intellexit BARBEYRACCIUS idq;  
 summo jure) certo certius ad *voluntatem* referri debet.  
 Nam 1. dari potest Iudicium vel Assensus, & sæpissimè  
 datur, ubi non datur perceptio; quod errorum nostrorum  
 præcipuus est fons. 2. Si quando sibi sint comites Per-  
 ceptio & Assensus, non tamen unum idemq; sunt, nec  
 inter se commisceri aut confundi debent. Ideo assensum  
 præbemus, quoniam rem hoc vel illo modo se habere  
 percipimus. Præit perceptio, sequitur assensus; illa est  
 causa, hic effectus. 3. Hinc planè discernitur à *percep-  
 tione*; cum autem omnes mentis actus ad perceptionem

&

huminis, ut adhibita cultura, ac debita meditatione, possit recte comprehendere saltem generalia illa præcepta & principia, quæ ad vitam hancce honeste & tranquille exigendum faciunt: simulque judicare, ista utique indolæ humanæ congruere<sup>8</sup>. Hoc enim nisi, saltem intra sphæram fori humani, admittatur, quibusvis suis delictis homines ignorantiam invincibilem obtendere possent: cum nemo in foro

& volitionem, omnesq; ejus facultates ad intellectum & voluntatem, referri debent; *Judicium*, quod à perceptione distinctum esse liquet, non potest non ad voluntatem pertinere. 4. Ad argumentum, quo probare aggrediuntur nonnulli *judicium* ad intellectum referri debere, ex eo quod nequit vel cogi vel cohiberi, facile est responsum, viz. non esse necessarium, nisi cum prius detur clara perceptio; eâ verò datâ, *judicium* nihilominus à perceptione distinctum esse, ideoque voluntarium etsi necessarium: uti voluntati adscribendum est hominem eligere quod sibi arridet, etsi non potest non eligere.

<sup>8</sup> Per lumen naturale non intelligit cognitionem quamvis innatam vel mentibus humanis a natura insitam, de qua somniarunt veteres quidam Philosophi, sed facultates mentis, quæ si rite colantur, homines ad veritatem recta via perducere possunt. Neque tamen omnes omnium facultates æquali vi gaudent, neque iis, qui præstantissimis utantur, ad omnes veritates patebit aditus. Id solum sibi voluit auctor, talem esse naturalem intellectus rectitudinem, & præcepta quædam generalia tam in aperto jacere, ut nemo, nisi per se steterit, ea ignorare possit, vel in errores *fundamentales* (ut loquuntur Theologi) dilabi. Huc pertinet, quod nos docet SENECA de benef. L. 7. c. 1. *Quicquid nos meliores beatosque facit, aut in aperto aut in proximo locavit natura.* Et PAUL. ad Rom. II. 15. *Gentes quæ legem non habent, sibi ipsis sunt lex, quippe ostendunt opus legis in cordibus suis inscriptum.*

Cap. 1. humano argui possit violasse regulam, quam capere supra ipsius vires est.

*Conscientia recta, & probabilis.*  
c. 3. § 6.

V. Intellectus hominis, quando de eo, quod agendum vel omittendum est, recte informatus fuerit, & quidem ita, ut sententiæ suæ certas & indubias rationes norit reddere, solet vocari *Conscientia Recta* 9. Sed ubi quis veram quidem sententiam circa agenda vel omittenda fovet, quam tamen ipse per rationes demonstrare nequeat, sed eandem ex vitæ civilis tenore, ex assuetudine, aut superiorum auctoritate hauserit, neque tamen ipsi suppetat ratio,

---

9 Perfunctoriè nimis hunc locum tractavit noster, adeoque facile nobis ignoscet lector, si rem paulo penitius perscrutemur. 1. Supplenda est definitio *Conscientiæ*, quam auctor omisit. *CONSCIENTIA est Judicium de morali actionum naturâ factum, approbans quod nobis videtur normæ morali consonum, & damnans quod huic contrarium existimatur.* Actiones ipsas modo antecedit, modò consequitur, unde vel *antecedens*, vel *consequens* appellatur. 2. Sedulò advertendum est, ne quid naturæ nimis tribuatur in hac re, ut sæpe fieri solitum est. Sunt, qui docent conscientiam quandam esse facultatem naturalem, a ratione discernendam, a Deo hominum mentibus insitam, quam recti & obliqui indicem esse voluit, & vicem judicis vindicisque in animo sustinere. Sic SANDERSONUS conscientiam vocat *habitu innatum*. *Prælect.* i. p. 16. Hoc autem ab omni vera Philosophia prorsus alienum videtur, ut cuiusvis faciliè patebit. Sit enim conscientia, vel ipsa ratio de natura actionis morali judicium ferens, vel ipsum judicium immediate & sine ullo ratiocinandi actu elicited, supposito duntaxat actionis apprehensione. In *priori* sensu conscientia non magis innata est & naturalis quam ipsa ratio, quæ tamen sine institutionis & culturæ adminiculo pro nihilo habenda est. In *posteriori* verò, quod immediatum videtur

ratio, quæ contrarium magis persuadeat, solet Cap. 1.  
 vocari *Conscientia Probabilis*. Qua maxima  
 pars mortalium regitur: quippe cum paucis  
 rerum cognoscere causas concessum sit.

VI. Solet tamen quibusdam non raro evenire, circa casus potissimum singulares, ut ex  
 utraque parte sese offerant rationes; nec illi  
 ita polleant iudicio, ut, utræ præponderent,  
 liquido discernere queant. Id quod vocari sue-  
 vit *Conscientia Dubia*. De qua hæc est regula:  
*quamdiu in ancipiti hæret iudicium, bonum quid*

*Etiam du-  
 bia suspen-  
 dens actio-  
 nem.*

c. 3. § 8.

& sine ratiocinio elicited, reverà effecit vel prævia insti-  
 tutio, vel interna animi meditatio, vel aliorum aucto-  
 ritas, vel alia ejusmodi, quibus subijcitur non solum  
 approbandi & averfandi, sed & (quod plerumque fit)  
 iudicandi ratio. Mens humana est ad omnia habilis  
 & idonea, accedente usu & institutione; unde variae sunt  
 hominum approbationes & averfationes, varias formas  
 induunt facultates mentis, quas vulgus hominum &  
 minorum gentium Philosophi pro naturalibus habere  
 solent. 3. Cavendum est ab istorum hominum errore,  
 qui conscientiam in genere pro suprema actionum norma  
 constituunt, cujus dictamina qui ex animo sincero &  
 sine furo sequitur, criminis est expers, & tuto in portu  
 navigat. Plura (ut opinor) humani generis peccata à  
 supinâ negligentia & ignorantia voluntaria quam à  
 pravâ peccandi libidine contra immediatum conscientiae  
 lumen originem ducunt. Conscientia actionum imme-  
 diata norma esse debet; causa est *sine qua non* (ut logicè  
 loquamur) moralis actionum rectitudinis; adeo ut qui  
 contra conscientiam agit, pro certo peccet; sed non  
 exinde sequitur eum peccati immunem esse, qui ex con-  
 scientiae dictatis crimen admittat. 4. Denique notandum  
 esse velim, auctoris distributionem conscientiae in suas  
 species haud ritè institui; nam *recta* opponi debet *erro-  
 rea*, & *certa probabilis*.

I 4

*sit,*

Cap. I. *fit, an malum, actio erit suspendenda* <sup>10</sup>. Nam nondum discussa dubitatione, ad agendum sese determinare, propositum peccandi, aut saltem neglectum legis involvit <sup>11</sup>.

*Error vincibilis, in vincibilis, quis, & in quibus?* VII. Sæpe etiam intellectus hominis pro vero falsum adprehendit, & tunc in *Errore* versari dicitur <sup>12</sup>. Qui error *Vincibilis* solet adpellari, quando quis adhibita attentione & diligentia debita cavere poterat, ne in eum

c. 3. § 11. incideret. *Invincibilis* autem, quando quis etiam adhibita omni diligentia, quam vitæ communis ratio fert, istum evitare non poterat. Qualis error tamen saltem inter eos, quæ rationis lumen excolere, & vitam ad honest-

<sup>10</sup> Ratio est, quoniam in re dubiâ tutior pars semper eligi debet. V. G. Si Christianus in incerto hæreat, utrum sanguinem edere sit licitum necne, omnino ab esu abstinendum est, quoniam abstinencia pro certo licita est, incertum vero, utrum esus sit licitus. *Quod dubitas ne feceris*, regula est tam sacris literis quam veterum Philosophorum scriptis consentanea. Vid. PAUL. ad Rom. xiv. 23. CIC. de Offic. i. 9. PLIN. Epist. i. 18. Nec militis dubitantis de justitia belli exemplum, quod adducit GROTIUS, huic regulæ contradicit; nam tutior pars est mandato Principis obtemperare, cui parendum esse in re dubia nulla est dubitandi ratio. Vid. GROTIUM de Jure B. & P. L. ii. c. 26. §. 4. PUF. de Jure Nat. & Gent. L. i. c. 3. §. 8. & L. viii. c. i. §. 8. SANDERSON de Obligat. Conscient. Præl. vi. §. 17. TAYLOR Ductor Dubitantium, L. i. c. 5. p. 184.

<sup>11</sup> Si conscientia frustra & ineptè dubitat, vocatur *scrupulosa*. De Jure Nat. & Gent. l. i. c. 3. §. 9.

<sup>12</sup> Conscientia erronea, quæ hîc innuitur, est perceptio relationis inter actiones nostrasq; de norma moralis sententias erroneas. Reminiscimur erroris prædici vel

honestatem componere cordi est, non circa  
 communia vivendi præcepta, sed duntaxat  
 circa singularia negotia incidere suevit. Nam  
 & naturalis juris præcepta generalia plana  
 sunt: & qui leges positivas fert, id ante  
 omnia agere solet & debet, ut illæ subjectis  
 innotescant. Unde citra supinam negligen-  
 tiam heic error non nascitur. Sed in singu-  
 laribus negotiis facile est, ut error invito &  
 præter culpam obrepat circa objectum, ali-  
 asque actionis circumstantias <sup>13</sup>.

VIII. Ubi vero simpliciter cognitio abest, *Ignoran-*  
 vocatur *Ignorantia* <sup>14</sup>. Quæ duplici modo *tia intel-*  
 confi- *lectus va-*  
 ria.

---

vel præjudicii vulgaris tanquam normæ vivendi, quæ  
 apud nos auctoritatem legis obtinuit: ad illam referi-  
 mus nostras actiones. Perceptio vero ista sive consci-  
 entia non est erronea in se, sed ita dicitur propter effec-  
 tum & objectum suum, quod est error. Veram enim  
 adipiscimur notionem relationis: verè eam percipimus  
 actionem cum regula comparandam, sive regula vera  
 sit aut falsa. *Etiam si* (monente LOCKIO *de Int. Hum.*  
*L. 2. c. 28. § 20.*) *haud recta sit norma, & quod ad*  
*eam attinet verfer in errore, convenientia tamen & repug-*  
*nantia rerum cum illa comparatarum mihi manifestissima*  
*sunt: atq; in hoc relationis notio consistit. Per falsam vero*  
*regulam rem mensurans de morali ejus Rectitudine falsum*  
*judicium laturus sum, quoniam eam ad regulam haud*  
*veram exegi: haud vero erro circa actionis istius relationem*  
*ad regulam, cui à me comparatur, quæ convenientia est,*  
*aut repugnantia.* TREVERUS.

<sup>13</sup> Quales sunt modus, intentio, instrumentum aut  
 qualitas actionis. Vid. BARBEYRAC. *ad loc.*

<sup>14</sup> Nescio an justa sit, sed pro certo obscuritate  
 laborat auctoris Doctrina de variis ignorantie speciebus.  
 Forfan præferenda sit hæc triplex divisio, quam TITIO  
 acceptam referimus. 1. Ratione *Objecti* in ignorantiam  
 juris

Cap. I. consideratur ; uno, prout ad actionem aliquam confert ; altero, prout invito, aut non citra culpam, oborta fuit. Priori respectu ignorantia solet dividi in *Efficacem & Concomitantem* <sup>15</sup>. Illa est, quæ si abfuisset, præfens actio non fuisset suscepta : Hæc est, quæ licet abfuisset, nihilominus actio suscepta fuisset. Posteriori respectu ignorantia est *Voluntaria*, vel *Involuntaria*. Illa est, quam quis vel ultro affectavit, rejectis veri cognoscendi mediis ; vel debita diligentia non adhibita, obrepere sibi passus est. Hæc est, quando quis ignorat, quæ nec scire poterat, nec

---

juris & facti. 2. Ratione *Effectus* in efficacem & concomitantem. 3. Ratione *Consensus* in voluntariam & involuntariam. Sed quoad moralem actionis naturam tota res (ut mihi videtur) in eo expedita est, quod ignorantia sit vincibilis aut invincibilis, sive voluntaria aut involuntaria. Hoc in loco nos monet BARBEYRACCIUS, errorem & ignorantiam fere semper misceri, sive tamen jungantur sive separentur, eos quoad imputationem eundem parere effectum, easdem sequi regulas.

<sup>15</sup> *Efficax* dicitur, quæ efficit ut actio fiat quæ alias non facta fuisset, nisi adfuisset illa ignorantia : *Concomitans*, quam nihil ad actionem contulisse, sed eam saltem comitatam fuisse credunt, quod, licet ignorantia abfuisset, actio tamen fuisset suscepta. LEHMANNUS. Ignorantiam efficacem rectius vocari *essentialem*, & concomitantem *accidentalem* hîc observat BARBEYRACCIUS, duoque addit exempla, quibus res illustratur. Uxorem aliquis ducat, quam innuptam esse credit, vel nescit maritum ejus adhuc in vivis esse. Ecce ignorantiam, quæ ipsam rei naturam spectat, ideoque *essentialis* est. Si nihil occurrat, quod ei suspicionem moveat eam alteri nuptam esse, & de hac re, quantum par fuit, inquirat, criminis prorsus absolvitur : sin vero ulla



nec tenebatur <sup>16</sup>. Et hæc iterum *duplex* est Cap. I.  
 Vel enim quis in præsens quidem ignorantiam exuere non potuit, ut tamen in culpa sit, quare in tali statu versetur <sup>17</sup> : Vel non solum in præsens ignorantiam vincere nequit, sed & in culpa non est, quare ad talem conditionem sit devolutus <sup>18</sup>.

IX. Altera facultas, quæ in homine præ *Voluntaria*  
 brutis peculiariter cernitur, *Voluntas* vocatur ; *actio*  
 per quam velut intrinseco impulsu ad agen- *spontanea*  
 dum sese homo movet, & eligit quod sibi *est & libe-*  
*ra.*

maxime arridet, averfatur, quod sibi non c. 4. § 1.  
 convenire videtur <sup>19</sup>. Habet igitur homo a  
 voluntate,

---

ulla licet minima oriatur suspicio eam, quam ducturus est, revera esse alterius uxorem, vel si non operam det ut se de hac re certiore reddat, Ignorantiæ rationi reddendæ obnoxius est, ut ut animus ab ejusmodi conjugio, si eam aliis fuisse viri pro certo sciret, longe abhorreret. Ecce vero exemplum ignorantiae *accidentalis*. Hominem, quem nescit, vel alium esse putat, quidam injuriâ afficit. Pœnam pariter meretur, si potuit scire necne cui injuriam fecerit, licet hoc cognito facere refugeret ; quoniam nulli damnum inferre licuit. BARBEYRAC.

<sup>16</sup> Voluit WEBERUS has voces, *nec tenetur*, omitti. Sed ad idem redit, utrum omittantur necne, quoniam nemo id scire tenetur, quod sciendi non datur facultas.

<sup>17</sup> Hæc ignorantia voluntaria existimari debet, quippe in causis suis vincibilis.

<sup>18</sup> Inter omnia ignorantiae genera, quæ memoravit auctor, hæc sola est involuntaria, & reatus immunis.

<sup>19</sup> Et si inter omnes convenit (nisi Atheos quosdã excipiamus) homines libertate quadam gaudere, & ab externa omni necessitate immunes esse : attamen de natura hujusce libertatis in diversas admodum distrahuntur opiniones ; quarum præcipuas, haud inutilem operam agemus, si breviter recenscamus.

1. Sunt,

Cap. I. voluntate, tum ut *Sponte* agat, id est, ut non per intrinsecam aliquam necessitatem ad agendum determinetur, sed actionis suæ ipse auctor sit; tum ut *Libere* agat, i. e. ut uno objecto

1. Sunt, qui per libertatem intelligunt potestatem agendi vel non agendi juxta mentis determinationem; i. e. libertatem asserunt, quatenus impulsui cuivis externo opponitur, sed eligendi aut respuendi libertatem adimunt. LOCKE *de Intell. Hum.* L. ii. c. 21. §. 20. *Epist. ad LIMBORCH*, p. 474.

2. Alii per libertatem volunt Physicam potestatem agendi & non agendi vel juxta vel citra vel contra mentis determinationem; i. e. libertatem homini attribuunt, quatenus omni vi tam internæ quam externæ opponitur. CLARKE *Respons. ad COLLINS*, p. 24. JACKSON *Defens. Hum. Libert. contra CATONIS Epist.* p. 99.


3. Quidam libertatem ponunt in *indifferentia* quadam ad omnia objecta; i. e. vim quandam activam voluntati ascribunt, qua sese determinat, sine ratione habita vel ad anxietatem, vel ad intellectum, vel ad majus bonum, & cui non aliud præ alio natura convenit, sed id maxime congruit, cui applicari contigerit. KING *de Orig. Mali*; Cap. v. §. 1. Hanc Hypothesin acutè defensam (si modo defendi possit) vid. in *Notis Anglican. Versiõ. ab EDM. LAW*.

4. Vult LEIBNITZIUS homines ideo gaudere libertate, quoniam sine *ratione sufficiente* determinare non possunt: Quæ *ratio sufficiens* est majus apparens bonum. Cum rationes æquale habere momentum videntur, determinatio sequi non potest. Quod si hanc hypothesin *necessitatem* humanarum actionum secum implicare asseratur, respondet id libertati salvandæ sufficere, quod ratio illa inclinet, non cogat. Vid. *Theodicea*, §. 45.

5. Qui cum auctore nostro per voluntatem intelligunt facultatem mentis, qua bonum appetimus, & malum fugimus, ii in eo libertatem ponunt; nos, quod bonum apparet,

objecto proposito possit agere vel non agere, Cap. I.  
idemque eligere vel respuere; aut pluribus  
objectis propositis unum eligere, cætera re-  
spuere

apparet, eligere posse, quod malum, respuere, & in quibusdam circumstantiis determinationem suspendere. Non possumus non felicitatem appetere, vel miseriam averfari; id nimirum voluit auctor naturæ sibi quemque charum & proximum esse, idque, quod bonum apparet, necessario cuique placere, quod malum, displicere. Malum quæ malum eligere non possumus, vel bonum quæ bonum averfari: sed deliberandi & suspendendi suppetit facultas, adeo ut nunquam ad hoc vel illud eligendum cogamur, nisi cum per se & manifesto pateat (de qua re decipi nequimus) objectum propositum in causis contineri, quæ necessario requiruntur ad nostram felicitatem. Si cui vero incidat suspicio hanc hypothefin nobis libertatem omnino adimere, ad ea quæ sequuntur animum advertat quæ mihi sufficere videntur, ut nobis libertatem vindicent. 1. Quod nunquam ad malum amplectendum cogamur. 2. Quod deliberare in animo & suspendere possimus, nisi cum summam nostram felicitatem in objecto contineri planissimè perspectum habemus. Eodem scil. modo se habet voluntas ad bonum & malum, ac Intellectus ad verum & falsum; & sicut assensus cogi nequit nisi à veritatibus evidentissimis, sic nec voluntas nisi a bonis certissimis. 3. Quod, si quando ex utraque parte rationes in æquilibrio ponantur, utramvis eligere possimus. 4. Quod ultimum intellectus judicium (cujus *Electio* indivulsus est comes) magnam partem ex voluntate pendeat, ideoque; etiamsi determinatio voluntatis necessario sequatur ultimum judicium, vel (quod ad idem redit) majus apparens bonum, attamen non est in causis suis necessaria: quatenus sæpe efficere potest voluntas, ut hoc vel illo judicet intellectus, ut malum boni, bonum mali speciem induere possit. Res ipsa profecto & experientia docet, quod intellectus præcedat voluntatis determinationem. Nequit enim voluntas id appetere aut averfari, quod non ullâ cognitum ratione

Cap. 1.  spuerere <sup>20</sup>. Porro cum actionum humanarum quædam propter se suscipiantur, quædam quatenus ad aliud consequendum inserviunt, *i. e.* cum quædam rationem *Finis*, quædam *Mediorum* habeant <sup>21</sup>; circa finem quidem ita voluntas versatur, ut eum cognitum primo adprobet, dein ad eundem consequendum efficaciter sese moveat, & velut ad eum tendat, vehementius aut remissius; eoque ob-  
tento adquiescat, placideque fruatur. Media autem primo probantur; tum quæ maxime idonea fuerint visa, eliguntur, ac demum usui adplicantur.

*Ejus ratio-  
ne homo  
actionis  
auctor.*

X. <sup>22</sup> Quemadmodum autem hoc maxime nomine homo actionum suarum auctor habetur, quia ipse voluntario eas suscepit; ita circa voluntatem id cum primis observandum,

ratione menti, aut perspectum sit num bonum aut malum; juxtà effatum illud vulgare, *ignoti nulla cupido*. Attamen vicissim, voluntas determinare intellectum potest ad bonum aut malum accuratius examinandum & disquirendum, vel contra; imo ad objectum ea ratione considerandum, qua id considerari volumus, ut exinde appetitus vel averfatio nostra excitari aut augeri possit. Quo vero aut quali modo voluntas intellectum dirigit, vel hac illac movet, me prorsus ignorare lubens agnosco; rem autem ita revera se habere, etsi causa lateat, experientiâ comprobatum & certissime perspectum habeo.

<sup>20</sup> *Sponte* fieri dicuntur, quæ sine deliberatione fiunt; ut motus manûs, dum scribo ad materiam tractatam attentus; digitorum actio, dum citharam pulso harmonia captus; *Liberè* vero, quæ cum deliberatione & scientes volentes suscipimus, & quæ vel eligere vel respuere possumus. Mens nil nisi sponte saltem agere potest, hac erepta, unâ eripitur voluntas. Potest autem non libere assentiri, non libere velle. Spontaneitati invitum, libertati coactum opponitur.

ejus

ejus spontaneitatem utique asserendam esse, Cap. I.  
 saltem circa illas actiones, de quibus ab homi-  
 ne in foro humano <sup>23</sup> ratio solet exigi. Ubi  
 autem homini nihil plane spontaneitatis relin- c. 4. §. 2.  
 quitur, ibi non ipse homo, sed qui eidem  
 necessitatem adfert, auctor habebitur actionis,  
 ad quam homo invitus membra viresque suas  
 accommodat.

XI. Porro quanquam voluntas bonum in *Voluntas*  
 genere semper adpetat, & malum in <sup>24</sup> ge- *fertur in*  
 nere aversetur: magna tamen inter singulos *bonum,*  
 homines tum adpetituum tum actionum cer- *idque va-*  
 nitur varietas. Idque inde provenit, quod  
 non omnia bona & mala homini velut pura  
 adpareant, sed invicem mixta, bona malis,  
 mala bonis <sup>25</sup>. Et quia diversa objecta di-  
 versas

---

<sup>23</sup> Sæpiissime idem objectum habebit & *medii & finis*  
 rationem. Felicitas est *finis ultimus* humanarum acti-  
 onum; Virtus, Honor, Divitiæ, Doctrina, &c, sunt  
*media* ad hunc finem consequendum idonea; at finis  
 ultimus sæpe sæpius evanescit, & media ipsa, quasi fines,  
 persequimur. Sic ambizioso finis est Honor, avaro  
 Divitiæ, &c.

<sup>24</sup> Quæ sequuntur in § 10—15. ad incitamenta,  
 vel (ut vulgo dicitur) *motiva* omnino spectant.

<sup>25</sup> Non opus fuerit tanta cautela; neque Deus est  
 injustus, ut id ab hominibus exigat, quod voluntati non  
 subjicitur.

<sup>24</sup> *In genere*, i. e. bonum qua bonum, & malum qua  
 malum.

<sup>25</sup> Sic avarus, si sit idem ambiciosus, cum nullis par-  
 cat sumptibus ut præ cæteris emicet, hoc pro bono habet  
 si ambitionem consulat, pro malo si avaritiam. Hæc bo-  
 ni & mali mixtura ex eo profluit, quod pugnant inter se  
 officii ratio & vitiosi affectus, ut patet ab exemplo *Me-*  
*die* apud Poetas. Interdum quod in præsens adparet  
 bonum

Cap. 1. *versas velut partes in homine peculiariter affi-*  
*ciunt, v. g. quædam æstimationem illam*  
 c. 4. §. 4. *quam homo de seipso habet, quædam sensus*  
*ejus exteriores, quædam amorem sui, quo*  
*seipsum conservare studet: inde est, quod*  
*illa quidem homo adprehendat tanquam*  
*Decora, ista tanquam Jucunda, hæc tanquam*  
*Utilia* <sup>26</sup>. Et prout quodque horum validum  
 motum homini impressit, ita eundem quoque  
 versus se peculiariter propendere facit. Cui  
 accedit in plerisque hominibus ad certa quæ-  
 dam peculiaris inclinatio, aut a certis aver-  
 satio. Hinc fit, ut circa quamlibet fere  
 actionem sese simul offerant species bonorum  
 & malorum, verorum aut adparentium, ad  
 quas solide discernendas aliis major, aliis

---

bonum, in futurum evadit malum; sic fructus gustui  
 gratus postea ventrem excruciat. Vicissim quod in præ-  
 sens malum censetur, in futurum bonum esse potest: sic  
 medicamentum palato ingratum saluti recuperandæ in-  
 servit. Denique bonum pro malo & malum pro bono  
 habetur, si cum majori bono vel malo respectivè com-  
 paretur. BARBEYRAC.

<sup>26</sup> *Bona* vocantur, quæ voluptatem afferunt augentve,  
 vel dolorem minuunt auferuntve; ea vero *mala* appel-  
 lantur quæ dolorem sunt pariendo vel augendo, sive  
 voluptatem auferendo vel minuendo. Amborum varia  
 sunt genera, neque facile ad suas species referuntur.  
 Noster bona dividit in *decora, jucunda & utilia*, BARBEY-  
 RAC. in corporea & spiritualia; forsan justior erit eorum  
 distributio juxta diversas affectiones, vel diversas percipi-  
 endi facultates, quæ plerisque mortalibus contigerunt,  
 quarum quinque habentur classes. 1. Quæ per sensus ex-  
 ternos introeunt. 2. Quæ sensus internos vel imaginatio-  
 nem percellunt. 3. Quæ honorem sequuntur. 4. Quæ  
 benevolentiam. 5. Quæ sui approbationem.

motum

minor est perspicacia <sup>27</sup>. Inde mirum non est unum ad id ferri, abs quo alter maxime abhorret. Cap. I.

XII. SED nec semper voluntas hominis circa quamlibet actionem velut in æquilibrio posita deprenditur, sic ut inclinatio in hanc aut illam partem unice ab impulsu ejusdem intrinseco post mature perpenſa omnia proveniat: sed frequentissime per extrinseca velut momenta versus unam magis quam alteram partem homo propellitur. <sup>28</sup> Ut enim prætereamus communem illam mortalium in prava proclivitatem, cujus originem atque indolem alterius fori est excutere <sup>29</sup>; primo voluntati singularem quandem vergentiam

*Hæc quo-  
usque à pe-  
culiari in-  
genii dis-  
positione.*

c. 4. §. 5.  
& Grot.  
L. 2. c.  
20. §. 18.

---

<sup>27</sup> Ut de bono *reali* juxta discernamus, nonnihil adjumenti adferre possunt regulæ quæ sequuntur. 1. Quantitas boni æstimanda est ab intensitate voluptatis ductâ indurationem. 2. Nulla habenda est ratio de tempore præſenti vel futuro; sive, distantia valorem boni non imminuit, si modo certus sit eventus. 3. Quod si eventus sit tantum probabilis, imminuitur valor boni pro ratione imminutæ probabilitatis. 4. Præſens bonum negligendum, quod majus malum in futurum adferet. 5. Præſens malum negligendum, quod majus bonum in futurum adferet. 6. E duobus malis minus eligendum.

<sup>28</sup> Perspectâ jam naturâ humanæ libertatis, mox sequuntur causæ quæ eam vel impedire vel plane tollere solent. Sunt autem maximè peculiaris ingenii dispositio, temperamentum corporis, consuetudo, affectus, furor, ebrietas; quibus attribuendum est homines nubem pro Junone amplecti, mala pro bonis eligere.

<sup>29</sup> Intelligit pravorum hominum affectus à primorum parentum lapsu derivatos, de quibus Theologorum est discerere.

Cap. I. conciliat *peculiaris ingenii dispositio*, quæ ad certum genus actionis aliqui valde proclives redduntur; quæ non in singulis tantum hominibus, sed & integris in nationibusprehenditur. Eam autem producere videtur cœli nos ambientis <sup>30</sup>, solique genius, humorum in corporibus temperatura ex ipso semine, ætate, victu, valetudine, studiorum ratione, similibusque causis proveniens; item conformatio organorum, quæ animus ad functiones suas obeundas utitur, & similia <sup>31</sup>. Ubi notandum, præterquam quod homo adhibita cura temperamentum suum non parum retundere & alterare possit; quantacunque etiam vis eidem tribuatur, non tamen eousque illa valere judicanda est, ut hominem necessario in violationem legis naturalis rapiat, quousque hæc in foro humano exercetur; ubi pravæ cupidines, intra actum *interiorem* <sup>32</sup> subsistentes, non attenduntur. Adeoque si vel maxime natura recurrat, furca licet expulsa <sup>33</sup>, id tamen prohibere potest,

<sup>30</sup> *Emollit gentes clementia cœli.* LUCAN. L. VIII. v. 366.

<sup>31</sup> Nullus est dubitandi locus, quin magna inest animis e corporis temperamento vis, quam sententiam videlicet propugnatam à GALENO in singulari libro, quod *mores temperamentum corporis sequantur*.

<sup>32</sup> Omnino legendum est *interiorem*, etsi omnes quas vidi editiones, præter unam quæ LEHMANNI operâ prodiit *exteriorem* exhibent.

<sup>33</sup> HOR. I Epist. 10. 24.

*Naturam expellas furca, tamen usque recurret,  
Et mala perrumpet furtim fastidia vix.*



ne exteriores actiones vitiosas producat. Et Cap. I. quæ in superanda ejusmodi inclinatione occurrit difficultas, illam splendor laudis pensat, quæ heic victorem manet. Quod si autem ejusmodi stimuli animum concutiant, quos nulla ratio, quo minus erumpant, reprimere potest; via tamen est, ut citra peccatum<sup>34</sup> velut depleri queant.

XIII. VALDE quoque in certas actiones voluntatem inclinat frequens ejusdem generis actionum repetitio, ex qua enata proclivitas *A consuetudine ex frequenti actione.* Consuetudo vocatur<sup>35</sup>. Per hanc quippe efficitur c. 4. §. 2.


<sup>34</sup> Hoc non semper fieri posse arbitrantur BARBEYRAC & TREVERUS, quorum hic non deplendas sed restringendas esse passiones monet. CICERONI de hac re auscultemus. Tusc. Disp. iv. 37. *Qui natura dicuntur iracundi, aut misericordes, aut invidi, aut tale quid; eis sunt constituti quasi mala valetudine animi, sanabiles tamen, ut SOCRATIS dicitur.* Item HOR. I Epist. 1. 37.

*Invidus, iracundus, iners, vinosus, amator;  
Nemo adeo ferus est, ut non mitescere possit,  
Si modo culturæ patientem præbeat aurem.*

<sup>35</sup> Oritur consuetudo ex repetito actu; & quam vocat CICERO alteram naturam (de Fin. v. 25.) forsân natura ipsa in plerisque rebus rectius dicetur. Sic ARNOB. L. II. *Consuetudo in ipsam naturam vertitur.* Et JUVEN. Sat. xiii. 29.

— *Ad mores natura recurrit  
Damnatos, fixa & mutari nescia.*

Neque mirum hoc cuivis videri potest, qui cum LOCKIO nostro vim habitûs & usûs ab idearum associatione derivat. Idem, scil. quæ in societatem solent venire, paulo post temporis separari nolunt: unde

Cap. I.  ficitur, ut libenter & expedite actio aliqua suscipiatur, sic ut objecto præsentē in id velut trahi animus videatur, aut idem absens vehementissime desideret. De qua id observandum: uti nulla videtur esse adfuetudo, quin eam adhibita diligentia iterum exuere possit homo; ita nulla quoque animum eoque detorquere valet, ut non exterioribus saltem actibus, in quos illa rapitur, hec & nunc cohibendis par homo sit. Et quia penes hominem fuit ejusmodi adfuetudinem contrahere, inde utut hæc actiones faciliat, tamen neque inde bonarum actionum pretio aliquid decedit, neque pravarum malitia rediditur levior. Quin uti bona adfuetudo hominis laudem, ita prava ejusdem turpitudinem intendit.

*Ab animi  
motibus seu  
affectibus.*

XIV. PLURIMUM quoque interest, an placida tranquillitas animo constet; an vero idem peculiaribus motibus, quos *Affectus* vocant, concutitur<sup>36</sup>. Circa quos illud tenendum:

---

*media pro finibus sæpe amplectuntur homines, & voluptates doloresque sibi creant & conficiunt. LOCKE de Int. Hum. L. II. c. xxxiii. Prælim. Diff. ad KING de Orig. Mal. Neque hoc prorsus ignotum fuisse Romano Philosopho visum est, hoc modo de amicitia differenti: "Primos congressus copulationesque, & consuetudinum instituendarum voluntates fieri propter voluptatem: cum autem usus progrediens familiaritatem effecerit, tum amorem efflorescere tantum, ut, etiam si nulla sit utilitas ex amicitia, tamen ipsi amici propter seipsos amantur." CIC. de Fin. I. 20.*

<sup>36</sup> Animi *affectus* (quos Cicero *perturbationes* appellat nos plerumque *passiones*) à sensibus nostris originem

dum: quantumcunque vehementes isti sint, Cap. I.  
tamen debito rationis usu hominem iisdem  
superiorem esse posse, ipforumque impetum c. 4. §. 7.  
saltem intra ultimum actum sistere. Cum au-  
tem affectuum alii excitentur specie boni, alii  
specie mali, & stimulent, vel ad acquirendum  
aliquod gratum, vel declinandum molestum;  
naturæ humanæ congruens est, ut hos, quam  
illos, plus favoris aut veniæ mortales inter  
comitetur, eoque magis, quo infestius & in-  
tolerabilius fuerit malum, quod eos excita-  
vit. Longe quippe tolerabilius habetur ca-  
rere bono, <sup>37</sup> ad naturæ conservationem non  
adeo

nem trahunt. Objecta quæ dolorem excitant *ingrata*  
vocamus, quæ voluptatem afferunt *grata*. Hæc ani-  
mam adblandiuntur, alliciunt, attrahunt, unde con-  
suetudinis vi nascitur *amor*; illa averfationem excitant  
& repellunt, unde oritur *odium*. Sed ex amore & odio  
cæteri omnes nascuntur affectus: eorumque causæ *volup-*  
*tas* & *dolor*, i. e. sensationes gratæ & ingratae sunt duo  
quasi cardines, in quibus omnes vertuntur. Ex *voluptate*  
ortum suum ducunt amor, gaudium, spes, &c. ex *dolore*  
odium, tristitia, terror, invidia, ira, cæteri; ejusmodi  
affectus tetri, qui animam contaminant & corrumpunt.

“Vacandum est (inquit CICERO) omni animi perturba-  
“tione tum cupiditate & metu, tum etiam ægritudine  
“& voluptate animi, & iracundiâ, ut tranquillitas  
“adsit & securitas, quæ adfert tum constantiam tum  
“etiam dignitatem.” *Offic.* I. 20. Et paulo post:  
“quæ cum aliqua perturbatione fiunt, ea nec constan-  
“ter fieri possunt, nec ab iis qui adsunt approbari.”

I. 38.

<sup>37</sup> Eodem modo ARISTOTELES. *Ethic. ad Nicom.*  
L. III. c. xii. Ἡ μὲν λυπὴ ἐξίησι καὶ φθείρει τὴν τῷ  
ἔχοντι φύσιν· ἢ δὲ ἡδονὴ ἐδὲν τοῦτον ποιεῖ· μᾶλλον  
δὲ ἐκείνου, διὰ καὶ ἐπονείδιστότερον. *Dolor quidem na-*  
*turam*

Cap. I. adeo necessario. quam excipere malum, ad naturæ destructionem tendens.

*A morbis  
& ebrietate, inclinatur.*

XV. DENIQUE uti dantur certi *Morbi*, qui usum rationis in perpetuum, aut ad tempus plane tollunt: ita multas apud nationes frequens est, homines sibi ultro accessere. Morbi quoddam genus brevi transiens, usum rationis non parum perturbans. <sup>38</sup> Quo innuimus *Ebrietatem*, ex certis potulentorum generibus, ac quibusdam fumis proventientem; quæ violento motu sanguinem ac spiritus impellit & turbat, ac ad libidinem imprimis, iram, temeritatem & enormem lætitiā homines proclives reddit; sic ut multi velut extra se per ebrietatem rapti videantur, & diversum plane genium induisse, quam quo sobrii conspiciantur <sup>39</sup>. Hæc tamen uti non semper omnem

---

*turam ejus, qui angitur, de statu suo deturbat & interimit: voluptas autem nihil tale facit; est igitur magis voluntaria adeoque flagitiosior.* BÆLIUS prorsus contrarium asserit, & acriores esse voluptatis quam doloris stimulos probare aggreditur. *De Comet.* §. 167. Quam opinionem refellit cl. BARBEYR. *sur le Droit de la N. & G.* L. I. c. vi. §. 14. not. 4. Conf. GROTI. *de Jure B. & P.* L. II. c. xx. § 31.

<sup>38</sup> Meridionales nationes plerumque detestantur hoc vitium, libidini majorem in modum studentes; & summā ignominiam afficitur *Hispanus*, quando ebrii titulo insignitur. Septentrionales è contrario *Baccho* ut plurimum litant: licet & Boream malus auferat amor, & in imperio *veneris* non detur zona frigida. TREVERUS.

<sup>39</sup> Tritum est illud, *Ebrietas non excusat delictum.* Sed ut res plenius intelligatur, audiamus de hac re TITIVM in loc. *Ebrietas vel est modica, hæc actionem*

nem usum rationis sequestrat; ita quatenus Cap. I.  
 ultro arcessita est, odium potius quam favorem  
 actionibus per eandem susceptis conciliare  
 apta est.

XVI. PORRO actiones humanæ, uti *Volun-* *Actio vo-*  
*luntaria,*  
*invita,*  
*mixta.*  
*tariæ* solent vocari, quatenus a voluntate pro-  
 ficiscuntur & diriguntur; ita si quæ reluct-  
 ante voluntate scienter suscipiuntur, *Invita* ad-  
 pellantur, pressius sumto hocce vocabulo. Nam  
 latius id acceptum etiam illas comprehendit,  
 quæ per *Ignorantiam* patrantur. Invitum au- c. 4. §. 9.  
10.  
 tem nobis hoc loco idem notat, quod *Co-*  
*actum*; quando nempe quis ab extrinseco  
 principio validiore adigitur membra sua ad-  
 applicare, ita ut averfationem & diffensum suum  
 signis ac præcipue renitentia corporis signifi-  
 cet. Minus autem proprie *Invita* & illa di-  
 cuntur, quando incumbente graviore neces-  
 sitate aliquid tanquam minus malum eligitur,  
 & suscipitur, abs quo alias homo extra neces-  
 sitatem constitutus vehementer abhorrebat.  
 Quales actiones vulgo *Mixtas* vocant. Hæ  
 cum spontaneis illud habent commune, quod  
 voluntas pro præfenti statu eas utique eligit

---

nem voluntariam relinquit; vel *summa*, quæ omnem usum  
 rationis sequestrat. Hæc si fuerit quoad originem *invo-*  
*luntaria*, (putà si quis vim & efficaciam vini ignoret) actio-  
 nem invitam producit, adeoque agentem excusat: si vero  
*voluntaria*, tum actus *indifferentes* (ut contractus) adhuc  
 imputari non posse videntur; quia hi liquidam cognitio-  
 nem requirunt, nec iis animandis culpa præcedens sufficit:  
 sed actus *illiciti* seu delicta imputabuntur. Quod si quis  
 directe ob eorum executionem ebrietatem contraxerit,  
 tum gravior imputatio obtinet.

Cap. I. tanquam minus malum. Cum invitis autem aliquatenus quoad effectum conveniunt, quod vel plane non, vel non ita graviter, uti spontaneæ, soleant agenti imputari <sup>41</sup>.

*Quæ actio  
homini im-  
putari  
queat.*

c.5. § 2,3.

XVII. CÆTERUM actionum humanarum, quæ ab intellectu & voluntate proficiscuntur & diriguntur, hæc est præcipua affectio, quod illæ homini possint imputari, seu quod homo pro earum auctore recte possit haberi, ac ad reddendam de iisdem rationem adstringi; quodque in ipsum redundant effectus, qui ex istis proveniunt. Nulla enim propior ratio est, quare alicui actio quæpiam imputari possit, quam quia ab isto sciente & volente, mediate aut immediate, profecta est; seu quia penes ipsum fuit, ut fieret vel non fieret <sup>42</sup>. Hinc  
axio-

<sup>41</sup> Actio mala, altero cogente, imputatur, quia nequit cogi voluntas, & quia malum patrari non debet, ut exinde eveniat bonum; actio bona non item, quia ex omni parte perfecta esse debet. Ideo *Lucretia* nequaquam excusari potest ob violatam à *Tarquinio* pudicitiam, etsi non nisi dedecoris terrore victa succubuit. Vid. Liv. Hist. L. I. c. lviii.

<sup>42</sup> Ut actionum moralium natura rite intelligatur, earum essentia apte distribuitur in partes, *materialem* & *formalem*. *Materia* actionis est ipsa actio in *esse* suo vel physicè considerata; *forma* vero, à qua moralis ejus natura derivatur. Noster in *Elem. Jurisprud. Univ.* moralis actionis essentiam in tribus consistere voluit; quorum unum est materiale, alterum fundamentale, tertium formale. “ 1. *Materiale* est motus aliquis physicus potentiae physicae, putà locomotivæ, appetitus sensitivi, &c. 2. *Fundamentale* est ratio proæretica, qua motus ille physicus, ut à decreto voluntatis productus intelligitur. 3. *Formale* consistit in imputatione,

axiomatis primarii loco in disciplinis morali-  
bus ad forum humanum spectantibus habetur, Cap. I.  
quod de illis actionibus <sup>43</sup> rationem posci  
queat homo, quæ ut fiant vel non fiant, pe-  
nes ipsum est. Seu, quod eodem recidit;  
quod quælibet actio, directionis humanæ ca-  
pax, quam penes aliquem est fieri vel non  
fieri, ipsi queat imputari. Sic & contra ne-  
mo pro auctore ejus actionis haberi potest,  
quæ penes ipsum neque in se neque in sua  
causa fuit <sup>44</sup>.

XVIII. Ex hisce præmissis aliquot particu-  
lares formabimus propositiones, unde constet,  
quod cuique imputari, seu cujus actionis even-  
tusque auctor quisque possit haberi. Primo,  
*Actiones ab alio patratae, ut & operationes*  
*quarumvis aliarum rerum, nec non quivis e-*  
*ventus, non possunt alteri imputari, nisi qua-*  
*tenus ille potest & tenetur istas moderari. Ni-*  
*hil quippe est frequentius inter homines,*  
*Actio alte-*  
*rius alteri*  
*an impute-*  
*tur.*  
c. 5. § 5.

“tatione, seu potius in imputativitate, qua effectus  
“actionis voluntariæ agenti potest imputari, sive ipsum  
“agens effectum physice produxerit, sive per alios eum  
“produci fecerit. A qua quidem actionis formalitate  
“ipsum etiam agens moralitatis denominationem par-  
“ticipat, & causa moralis appellatur.” L. I. Def. i.  
p. 2, 3.

<sup>43</sup> Hic addit WEBERUS Præpositionem ‘ad,’ sed  
otiosa est & tuto omitti potest. Sic OVID. Met. I.  
137.

*Nec tantum segetes alimenta; debita dives  
Poscebatur humus* ———

<sup>44</sup> Eodem modo CICERO. Culpam autem nullam esse  
cum id, quod ab homine non potuerit præstari, evenierit.  
Tusc. Disp. L. III. c. 16.

quam

Cap. I. quam ut uni commissum sit alterius actiones dirigere. Heic igitur si actio aliqua ab altero sit patrata, circa quam iste omisit quod penes se erat; actio illa imputabitur non solum ei, qui immediate ipsam patravit, sed etiam isti, qui ex debita & possibili directione aliquid omisit <sup>45</sup>. Habet tamen ea res fere suum modum finemque, sic ut illud *possibile* cum aliquo velut temperamento & moraliter sit intelligendum. Cum per quamcunque subjectionem unius sub altero, subiecti tamen libertas non extinguatur, quin alterius directioni reniti, & in diversa tendere possit; nec vitæ humanæ indoles ferat, ut quis uni perpetuo velut affixus, omnes istius motus observare queat. Igitur si quis omnia fecit, quæ direc-

---

<sup>45</sup> Ut in exemplo magistratûs, vel parentis, vel tutoris nimia lenitate peccantis; ita ut eorum, qui auctoritati subjiuntur, corrumpantur & in nequitiam dilabantur mores. Traducitur privatorum culpa ad personam publicam, cui vel alienos mores formandi vel intellectum erudiendi cura mandatur; quoniam vel id, quod fieri non debuit, commisit, vel, quod debuit (ut sæpius fit) omisit. Et hinc liberorum facinora ad parentes, subditorum ad principes referuntur, tanquam eorum auctores; si modo iis prævenire potuerint, neq; tamen præveniebant. *Qui non vetat peccare, cum possit, jubet.* SENECA. Neque solum publicis personis transferri possunt aliorum actiones, verum etiam aliquo modo privatis; nimirum si vel hortatu, vel scriptis, vel pravo exemplo aliis peccandi occasionem & causam præbeant. Sed de hac materia legas omnino JOHANNIS BURTON Concionem Lat. cui titulus HELI, multo cum ingenio pariter & animo utilitatis publicæ studiosissimo conscriptam.

tionis



tionis sibi injunctæ natura ferebat, ubi nihilominus quid ab altero patratum fuit, patranti soli imputabitur. Sic postquam in animalia homines dominium exercent; quæ per illa in alterius detrimentum facta sunt, domino imputabuntur, siquidem is ex debita custodia & circumspeditione aliquid neglexit <sup>46</sup>. Sic & quævis mala, quæ alteri obtingunt, imputari isti possunt, qui eorum causam & occasionem, cum posset & deberet, non subtrahit. <sup>47</sup> Sic cum multarum rerum naturalium

<sup>46</sup> Vid. infra, cap. 6. § 12.

<sup>47</sup> Tres sunt conditiones quæ necessario postulantur ad justam criminis imputationem. 1. *Ut nexus sit aliquis (vel essentialis vel accidentalis) actionis sive omissionis cum re tristi cujus est occasio.* 2. *Ut hic nexus cognoscatur & verisimilitudo detur effectum præveniri posse.* 3. *Ut agenti aliquatenus obligatio incumbat ne id agat, quod effectui occasionem præbuit.* Si quando omnes hæ conditiones absint, culpa nequit imputari. E. Gr. Omnes in eo conveniunt conditiones, qui foveâ effossâ in viâ publicâ eam asseribus operire vel palis cingere negligit, eo fine, ut nec puerulo luce, nec cuivis noctu in eam incidere contigerit, quod ut accidere possit, facile quispiam prævidebit. Prima deficit conditio in sententiâ, quam tulisse *Cneum Pisonem* refert SENECA *De ira* I. 16. Præterea in hac re revocanda est in memoriam Fabula Lupi & Agni ad eundem rivum bibentium. Secunda in eo desiderabitur conditio, qui vitam præ dolore in laqueo concludit, quod virginis quam deperiret repulsam accipit, vel de pecunia decedit quam commodare vellet. Tertia verò deficit, cum conscii non simus malum aliquod huic vel illi suboriri posse, vel si ejus conscii fuimus, id ne quidem de jure nostro cedendo impedire potuimus. Si Pater familias foveam in arêâ suâ effodiat, noctuq; forte interveniat

Cap. I. lium operationes promovere aut suspendere  
 fit penes homines; quod ab hisce commo-  
 di vel damni datum sit, istis imputabitur,  
 quanti eorundem opera vel neglectus ad id  
 momenti attulit <sup>48</sup>. Aliquando etiam præter  
 ordinem imputantur alicui eventus tales,  
 qui alias supra humanam directionem sunt,  
 quatenus intuitu certi hominis istos divinum

terveniat aliquis, cui nihil isthuc fuit negotii, & in  
 eam incidat, pro infortunio habendum est. Caupo à  
 vino vendendo abstinere non requiritur propterea quod  
 sciat plures emptores eam inebriatos iri, turbasque forte  
 excitaturos. Vel enim nescit, quinam sint qui nimi-  
 um meri sibi indulerint, vel si sciat, nulli tamen usui  
 inservire potest si emptores rejiciat, quoniam plures in  
 vico tabernæ occurrunt. Quod si ebriosi, vel quos  
 ebriosos esse suspicatur, noctu & horâ minimùm tem-  
 pestivâ vinum postulant, criminis expers haud erit,  
 qui iis suppeditat; sicut nec Faber armorum, qui cui-  
 piam gladium vendit, quem ad alium occidendum adhi-  
 biturum esse probe cognoscit. Hæc est consequentia  
 tum clara tum proxima, cui occurrendum est, quantum  
 potuit. BARBEYRAC.

<sup>48</sup> Sic qui incendium extinguere, vel furto obstaré  
 negligit, damnum resarcire tenetur. *Qui non defendit  
 nec obsistit, si potest, injuriæ, tam est in vitio, quam si pa-  
 rentes, aut amicos, aut patriam deserat;* ut nos monet  
 CICERO, *De Offic.* L. I. c. vii. Huic innititur lex, quæ  
 in Anglia hodie valet, ut iter facientibus interdium, si à  
 latronibus in viâ publicâ spolientur, ab incolis resarci-  
 atur damnum. Eandem legem valere in *Heracleâ* tradit  
 ARISTOTELES, *Auscult. Mirab.* & in *Ægypto*, DIODOR.  
 SIC. L. I. c. lxxvii. Ejusmodi quoque legem in *Gallia*  
 latam esse A. D. 1713. memorat TREVERUS; ut eo  
 vigilantiores redderentur pagorum incolæ ad latrocinia  
 impedienda.

Numen

Numen peculiariter procuravit <sup>49</sup>. Extra hosce Cap. I.  
& similes casus sufficit, si de propriis actionibus rationem quis possit reddere.

XIX. Secundo, *Quæcunque in quolibet homine sunt vel non sunt, quæ penes ipsum non fuit ut adessent vel non adessent; non possunt ipsi imputari, nisi quatenus per industriam naturalem defectum non supplevit, aut nativas vires non adjuvit.* Sic cum perspicaciam ingenii, viresque corporis nemo sibi præstare possit; nemini quoque eo nomine imputari quid poterit, nisi quantum culturam adhibuit, aut adhibere neglexit. Sic non rustico, sed urbano atque aulico, horridi mores vitio vertuntur. Unde & valde absurdæ sunt judicandæ exprobrationes ejusmodi qualitatum quarum causa penes nos non fuit; v. g. brevis staturæ, formæ parum felicitis, & similibus.

XX. Tertio, *Quæ per ignorantiam invincibilem patrantur, imputari non possunt.* Quia neque dirigere actionem possumus, ubi intellectus lumen non prælucet: Et præsupponitur, tale lumen sibi hominem non potuisse comparare, neque quo minus posset, in culpa fuisse. Quin & in vita communi *τὸ posse* mo-

*An, cujus causa penes aliquem non est?*

c. 5. § 7.

*An, quæ ex invincibili ignorantia patitur?*  
c. 5. § 10.

<sup>49</sup> Sicut, cum publicæ calamitates propter peccata principis vel populi civitati infliguntur. Ad hunc locum monet BARBEYRACCIUS, ad eventus extraordinarios nobis non esse temerè recurrendum, nisi à revelatione patet eos esse extraordinarios. Idem quoque hic loca S. Literarum indicat, in quibus exempla hujusmodi occurrunt; viz. Gen. XVIII. 32. XIX, 21. 2 Sam XXIV. 13, 17. 1 Reg. XVII. 1. XVIII. 42. Jacob. V. 17, 18.

Cap. I. raliter accipitur pro illa facultate, solertia  
 & circumspectione, quæ vulgo sufficere judicatur, & quæ probabilibus rationibus subnixa fuit.

*An, quæ ex ignorantia legis & officii?* XXI. Quarto, *Ignorantia, ut & error, circa leges & officium cuique injunctum, ab imputatione non liberat.* Nam qui leges & officium alicui injungit, efficere solet & debet, ut in notitiam subjecti illæ perveniant. Et ad subjecti captum leges ac regulæ officii attemperari solent & debent; circa quas cognoscendas & retinendas quemlibet sollicitum esse oportet. Unde qui est causa ignorantia, respondere etiam tenebitur de iis actionibus, quæ ex illa ignorantia promanant.

*An, cujus exequenda defuit occasio?* XXII. Quinto, *Cui occasio agendi citra suam culpam deest, illi non imputatur, quod non egerit.* Videtur autem occasio quatuor hæcce complecti; ut objectum actionis sit in promptu <sup>50</sup>, ut adsit commodus locus, ubi non possimus ab aliis impediri, aut malo aliquo multari <sup>51</sup>, ut adsit opportunum tempus, quo non sint obeunda negotia magis necessaria, quodque item aliis, qui ad actionem concurrunt, sit opportunum <sup>52</sup>; ut denique na-

---

<sup>50</sup> Quasi dixerit materiam agendi adesse oportere, finemque in quem agendum est. Huc enim omnia, quæ adducit auctor, referuntur Exempla. BARBEYRAC.

<sup>51</sup> Addere oportuit restrictionis causâ; *saltem si alias se periculo objicere non devinciatur.* Sic militem pro deridiculo haberemus, qui ad stationem se referre jussus præ timore mandato non pareret. BARBEYR.

<sup>52</sup> Sic magistratus concilio, cujus pars est, adesse nequit, si eum ad se accersat Princeps. BARBEYRAC. turales

turales vires suppetant <sup>53</sup>. Citra isthæc enim cum actio fieri nequeat, etiam absurdum fuerit, si alicui imputetur, ad quod agendum occasio defuit. Sic medicus segnitæ non potest argui, si nemo ægrotet. Sic liberalis esse non conceditur, qui ipse indiget. Sic talentum suum defodisse argui nequit, cui rite ambientis statio denegata fuit. Et cui multum datum fuit, ab eo multum repetetur <sup>54</sup>. Sic non possumus simul sorbere & flare <sup>55</sup>.

Cap. I.  
~

XXIII. Sexto, *Non potest quoque alicui imputari, quod non præstiterit ea, quæ vires ipsius excedunt, neque per eas prohiberi aut effici possunt.* Inde vulgo impossibile nulla esse obligatio dicitur. Addendum tamen, modo quis sua culpa vires præstandi non detraxerit, aut perdiderit. Hic enim eodem

An, quæ vires agentis excedit?

c. 5. §. 8.

---

<sup>53</sup> Si cohortes, verbi gratiâ, quibus vel ad prælium committendum vel ad obsidionem suscipiendam opus est Duci, ei se adungere non sint paratæ; hîc non adest agendi materia, ideoque ad primam referri debet conditionem. Ut modo brevissimo maximeque concinno quatuor hæ conditiones proponantur, dicendum est, me iudice, hominem omissionis rationi reddendæ obnoxium esse, 1. Cùm modi adsint necessarii, qui ad agendum requiruntur. 2. Cùm istis uti possumus, nec officium magis necessarium violantes, nec occasionem magno alicui malo nosmetipsos objiciendi præbentes. Sic regulæ hujus paragraphi & sequentis ad unam reducuntur. BARBEYRAC.

<sup>54</sup> Ex LUC. xii. 48.

<sup>55</sup> Ex PLAUTI *Mosel.* Act. iii. c. 2. v. 405.

*Simul flare sorbereque haud facile*

*Est: ego hic esse & illic simul non potui.*

modo

## Cap. I.



modo tractari potest, atque si vires adhuc obtineret <sup>56</sup>: cum alias facilis esset via quamvis obligationem paulo laboriosiore eludendi, ultro corruptis præstandi viribus <sup>57</sup>.

*An, quæ  
quis co-  
acte pati-  
tur aut  
agit?*

c. 5. § 9.

XXIV. Septimo, *Imputari quoque non possunt, quæ quis coacte patitur, aut agit.* Talia enim amoliri aut defugere supra ipsius vires positum intelligitur. Cogi autem dicimur duplici modo: uno, quando alius valentior per violentiam nostra membra ad aliquid agendum aut patiendum adplicat: altero, si potentior grave aliquod malum cominus intentet, (idque statim repræsentandi facultatem habeat) nisi ultro nos ad aliquid faciendum moveamus, aut a faciendo abstineamus. Tunc enim, nisi expresse obligemur id quod alteri est inferendum, nostro malo redimere;

---

<sup>56</sup> Non vult auctor legislatorem id exigere posse, quod plane impossibile est, dum maneat impossibilitas; eos vero, qui se impotentes reddiderunt, æquè puniri posse, ac qui, cum sint agendo, recusent. Exemplum adferre licet eorum, qui inter veteres Romanos vel sibi vel filiis pollices absciderunt, ut bellis obcundis impares essent. Fieri etiam potest nos rationem rei impossibilis reddendo obnoxias esse, licet per nos non steterit ejus impossibilitas; scilicet cum negotio alicui nos immisceamus, quod sciamus, vel scire facile potuimus vires nostras exsuperare. Sic si equitandi disciplinæ rudis alacriter equum ferocem, quem cohibere nequit, conscendat, & damnum alteri inferat, id proculdubio refarcire tenetur. Sic etiam cum mulione agitur, qui mulos alendo quæstum facit, quamvis eos regere nesciat; quo modo hunc casum dijudicavit Jus Romanum. L. 8. §. 1. Dig. ad Leg. Aquil. BARBEY.

<sup>57</sup> Hic addit WEBERUS; *nisi quis infirmitatis sue conscius se negotio temerè immiscuerit.*

is

is qui eam nobis necessitatem adfert, pro au-  
ctore facinoris habebitur; nobis autem non  
magis factum istud imputari poterit, quam  
gladio aut securi cædes <sup>38</sup>.

XXV. Octavo, *Eorum, qui rationis usu de-*  
*stituantur, actiones non imputantur.* Quia *An, quæ*  
quid agatur, liquido dignoscere, & ad nor- *rationis*  
mam comparare nequeunt. Et huc spectant *usu destitu-*  
actiones infantum, antequam usus rationis *untur?*  
paulo distinctius sese incipit exferere. Quod  
enim isti propter quasdam actiones increpan-  
tur aut verberantur, id non ideo fit, quasi in  
foro humano pœnam proprie dictam meriti  
sint; sed per modum nudæ emendationis, &  
disciplinæ, ne per talia molestiam aliis facef-  
fant, aut ne pravam adsuetudinem contrahant.  
Sic & furiosorum, mente motorum; & deli-  
torum actiones pro humanis non habentur,  
quibus equidem citra suam culpam iste morbus  
provenit.

## XXVI.

<sup>38</sup> Auctor, ut mihi videtur, hujusce coactionis ef-  
fectum ulterius quam par est extendit. Non est diffi-  
tendum eam in foro humano culpam minuere; sed in  
foro divino non penitus excusat. Exemplum gladij  
vel securis nihil hic ponderis secum fert; etenim qui  
non alio adigitur modo quam magnum aliquod malum  
interminando, sine vi aliquâ physicâ & irresistibili, ille  
profecto sciens volens agit, & actioni quam patrat  
quodammodo assentitur. Præterea, humanas vires non  
prorsus exsuperat, ut mortem subire statuamus quam  
evitare possimus; id quod ipse agnoscit auctor in ma-  
jori opere. L. 3. c. 7. §. 5. Fuerunt, qui in rebus  
levioribus hanc fortitudinem demonstrarunt. Possem  
equidem

## Cap. I.

*An, quæ  
in somniis  
agere vi-  
demur?*

XXVI. Nono, denique imputari non possunt, quæ quis in somnis agere sibi videtur; nisi quatenus talibus interdum cogitandis cum delectatione immoratus, eorum imagines animo impressit<sup>59</sup>; etsi & hæc rarissime in foro humano attendantur. Alias enim phantasia in somno est veluti cymba sine rectore fluitans, sic ut penes hominem non sit præstare, qualia visa isthæc effingat.

*Actio a-  
genti prin-  
cipali &  
instrumen-  
tali qui  
imputetur?*

XXVII. CIRCA imputationem autem actionum alterius, paulo distinctius observandum,

---

equidem ostendere principia auctoris neque fundamento satis firmo niti neque sibi constare: Hoc autem non hujus est loci. Unicum solummodo proferre possum exemplum, quo superiori prava jubenti obtemperare licet, ut malum minitatum evitemus: Nimirum cum is, ad quem illicita actio spectat, nosmet ipsius gratiâ infortunia subire nolit, quibus maestabimur si nos immorigeros præstemus: Et in hoc quidem exemplo advertendum est in animo rem ejusmodi esse oportere, ut malo quo maestandus est, assentiri liceat, vel jus quod violatur, istud esse, de quo cedere fas sit. Siquis enim mihi ipsum interimendi licentiam concedat, nequeo tamen licitò me alterius furoris talem ministrum præbere, ut minis ejus perterritus innocentis vitam adimere adducar. BARBERYAC.

<sup>59</sup> Ut in exemplo *Byblidis* apud OVID. *Met.* ix. 467.

*Spes tamen obscenas animo dimittere non est  
Ausu suo vigilans. Placida resoluta quiete  
Sæpe videt, quod amat —  
Somnus abit; silet illa diu; repetitq; quietis  
Ipsa suæ speciem; dubiaq; ita mente profatur:  
Me miseram! Tacitæ quid vult sibi vocis imago?  
Quam nolim rata sit! —*

quod



quod aliquando quidem contingat, ut actio ei, qui immediate eam patravit, plane non imputetur, sed alteri, qui hoc tantum velut instrumento usus est <sup>60</sup>. Sed frequentius est, ut & ei, qui actionem patravit, & alteri, qui ad eandem agendo quid vel omittendo concurrat, illa simul imputetur. Id quod fit triplici potissimum modo; vel ut alter principalis causa actionis, patrator minus principalis habeatur; vel ut uterque pari velut passu ambulet; vel ut alter minus principalis, patrator principalis causa sit <sup>61</sup>. Ad primam classem pertinent, qui alterum auctoritate sua ad

Cap. I.


c. v. § 14.

---

<sup>60</sup> Plurimi sunt modi, quibus aliquid conferre possumus ad alienas actiones. Hos sic recenset GROTIUS: "Qui factum vitiosum jubent, qui consensum requiritum adhibent, qui adjuvant, qui receptum præstant, aliove modo in ipso crimine participant, qui consilium dant, laudant, assentantur, qui cum ex jure propriè dicto teneantur vetare, non vetant, aut cum teneantur ex simili jure opem ferre injuriam patienti, non ferunt, qui non dissuadent, cum dissuadere debent, qui factum reticent quod notum facere ex jure aliquo tenebantur; hi omnes puniri possunt si in ipsis talis sit malitia, quæ ad meritum pænæ sufficit." *De Jure B. & P.* l. 2. c. 21. §. 1. Conf. eundem. c. 17. §. 6—9. Horum præcipuos memorix gratia duobus versiculis sic complectitur THOMAS AQUIN. 2da 2da quæst. 62. Art 7.

*Jussio, consilium, consensus, palpo, recursus,  
Participans, mutus, non obstant, non manifestans.*

<sup>61</sup> De concursu ad alienum crimen accuratius distinxit BARBEYRACCIUS, & harum trium causarum, (quas principalem, collateralem, & subalternam nominat)

Cap. 2.  ad quid permoverunt; qui consensum requisitum adhibuerunt, citra quem alter agere non poterat; qui poterant & debebant prohibere, & non fecerunt. Ad secundam classem pertinent, qui mandant, aut ad facinus patrandum conducunt; qui adjuvant; qui receptum & defensionem præstant; qui cum opem ferre injuriam patienti possent & deberent, non fecerunt. Ad tertiam classem referuntur, qui consilium speciale dant<sup>62</sup>; qui laudant & assentantur ante patratum facinus; qui exemplo suo ad peccandum accendunt, & similes.

---

definitiones aptè supplevit. 1. *Causa Principalis* ad alienam actionem eo modo concurrat, ut, istâ semotâ, admissa non fuisset. 2. *Collateralis*, quantum potuit, concurrat, sed non adeo efficaciter, quin, eâ semotâ, admissa fuisset. 3. *Subalterna* vel (ut vulgo dicitur) *Accessoria* aliquo modo sed minus efficaci factum promovet; ut hortatu, consilio, exemplo, vel non adhibendo, quæ potuit & debuit, remedia. Hisce regulis applicatis, quævis *causa* ad suam classem, nullo negotio refertur.

<sup>62</sup> Nonnunquam qui consilium adhibet, *causa* est collateralis, vel etiam principalis; ut Judæi, qui de CHRISTO crucifigendo *Pilatum* hortabantur. Qui verò delictis jam commissis (ut notat OTTO ad h. l.) lætantur aut ea rati habent, nisi lucrum ex iis quærant, nil præter pravam voluntatem suam luere debent. Nimum ergo causæ suæ inservit CICERO. *Philip. ii. 12. Quid interest inter suasorem facti & probatorem? aut quid refert, utrum voluerim fieri, an gaudere factum?*

## C A P. II.

DE NORMA ACTIONUM HUMANARUM;  
*Seu, DE LEGE IN GENERE.*

1. **Q**UIA actiones humanæ à voluntate dependent, voluntates autem singulorum non semper sibi similes, & diversorum in diversa fere tendere solent; igitur ad ordinem & decorem in genere humano constituendum necessarium fuit normam aliquam existere, ad quam istæ componerentur. Alias enim si in tanta voluntatis libertate, tantaque inclinationum & studiorum diversitate, quisque citra reflexionem ad certam normam ageret, quod ipsi in mentem veniret; non poterat non maxima confusio in genere humano existere <sup>1</sup>.

*Actiones  
humanæ  
norma in-  
digent.  
c. vi. § 1.*

<sup>1</sup> Homines ejusmodi naturam sortitos esse quæ ad legem componi possit, facile intelligitur ex dictis in Cap. superiore. Pari evidentia patebit eos ita comparatos esse, ut sine legibus & morum regulis ne vivere quidem possint, nedum felices esse; quod prolixius demonstravit noster ex variis argumentis; ex hominum dignitate, pravitate, ingeniorum varietate, imbecillitate ac naturali incultu. Conf. PUF. *de Jure Nat. & Gent.* L. II. c. i. BUDDI *Philos. Pract.* P. II. c. iii.

## Cap. 2.

*Lege scilicet, quæ describitur.*

*Obligatio, ex lege oriunda, quid?*

II. NORMA<sup>2</sup> illa vocatur LEX<sup>3</sup>, quæ est decretum, quo superior sibi subiectum obligat<sup>4</sup> ut ad istius præscriptum actiones suas componat.

III. HÆC definitio ut eo melius intelligatur, evolvendum est, quid sit obligatio; unde

<sup>2</sup> Sunt qui normam actionum à lege distingui volunt, idq; ut opinor haud ineptè: ut illa sit regula morum, id, quod in se & omni seposito præcepto rectum & pravum est, indicans; hæc vero superioris decretum, ad id, quod rectum est, obligans vi præmiorum & poenarum. Vult noster nihil vel rectum vel pravum esse posse, quod ipsi legi antecedit, ideoq; Grotianam legis definitionem improbat, ut sit *regula actuum moralium obligans ad id quod RECTUM est*. Mihi videtur normam moralem dari posse, quæ recti & obliqui index est, neque tamen perpetuo obligat: unde legis aut juris nomine venire non queat, quippe lex obligationem necessario secum ferat. Idea legis minus generalis est, quam normæ; dari potest norma, quæ non est lex, sed non vice versâ. Conf. PUFEND. *de Jure Nat. & Gent.* L. I. c. vi. §. 4. GROTI. *de Jure B. & P.* L. I. c. i. §. 9.

<sup>3</sup> Varios hujusce vocis sensus accurate distinguit HOOKER. *Eccles. Polit.* L. I. c. 3, 16.

<sup>4</sup> Auctores. in diversas opiniones distrahuntur de natura legis, quatenus obligat vel permittit. BARBEYRACCIUS huic auctoris definitioni addit, quod *libertatem pro lubitu agendi vel non agendi permittat*. Vult nimirum cum TITIO Ideam legis *permittentis* complecti. Nostri partes in hac re tuetur TREVERUS, quoniam lex permittens ne quidem lex proprie dicenda est, & permissio non tam actio legis est quam non-actio. Et recte quidem, me iudice. Similiter GROTIUS contendit *Permissionem propriè non esse actionem legis sed actionis negationem, nisi quatenus alium ab eo cui permittitur obligat, ne impedimentum ponat*. Ubi supra.

ca

ea oriatur; quis obligationem recipere; & Cap. 2.  
 quis eandem alteri injungere queat. Vulgo  
 igitur OBLIGATIO dicitur *vinculum juris, quo  
 necessitate<sup>5</sup> adstringimur alicujus rei præstandæ.*  
 Scilicet injicitur per eam quasi frænum ali-  
 quod nostræ libertati, ut, quanquam de fac-  
 to voluntas in diversum tendere queat, intrin-  
 seco tamen per eandem velut sensu imbutam  
 se deprehendat, ut, ni præscriptæ normæ  
 conformis sit actio edita, non recte se egisse  
 cogatur agnoscere<sup>6</sup>. Adeoque si quid mali

<sup>5</sup> Necessitas est vel *Physica*, vel *Moralis*: illa à vi  
 externâ oritur, quæ libertatem agendi destruit; hæc  
 verò à causa morali, quæ voluntatem (salvâ libertate)  
 flectit & impellit. De hac sola necessitate versantur  
 res morales: & cùm manifestò pateat bonum & ma-  
 lum (*i. e.* spem voluptatis, & metum doloris) sola  
 esse incitamenta, quæ voluntatem movere aut inclinâre  
 possunt; ideo fit hæc sola obligare posse, & "actionem  
 "agenti rationali tam *necessariam* esse intelligi, cum  
 "certum est eam contineri in causis necessario requi-  
 "sitis ad felicitatem illam, quam naturaliter adeoq;  
 "necessario expetit." CUMBERLAND. *de leg. Nat.*  
 C. v. § 27. p. 240. Ed. 4to.

<sup>6</sup> Attamen non existimandum est perfectam obliga-  
 tionem exinde oriundam esse. Datur voluptas quædam,  
 qua perfunditur mens sibi conscia recti; & e contra do-  
 lor prævæ conscientiæ perpetuus comes. Quid autem?  
 Ideone voluptas & dolor conscientiæ comites realem  
 actionum rectitudinem & pravitatem indicant? Vel  
 hoc supposito, possuntne hæc sola ad hoc vel illo modo  
 agendum movere & determinâre contra validiora in-  
 citamenta ad diversas prorsus actiones trahentia? Ni-  
 hil minus. Itaque in obligatione perfectâ & propriè  
 dictâ requirimus prospectum boni vel mali, quod exinde  
 sit eventurum.

Cap. 2. eo nomine homini eveniat, non immerito id sibi accidere iudicet: cum normam, prout par erat, sequenti, istud evitasse licuerit.

*Homo sua  
natura est  
obligatio-  
nis capax.*  
c. vi. § 9.

IV. Quon autem *homo aptus sit ad recipiendam obligationem*, duplex causa est; una quidem, quia is voluntatem habet, quæ sese in diversas partes flectere, adeoque & ad normam componere potest; altera, quia homo a potestate superioris non est immunis<sup>7</sup>. Nam ubi alicujus agentis vires per naturam ad uniformem agendi modum sunt alligatæ, ibi libera actio frustra expectatur: istique incassum præscribitur aliqua norma, qui eam neque intelligere, neque ad eandem sese componere potest. Si quis autem non agnoscat superiorem, eo ipso nemo existit, qui necessitatem eidem jure queat injicere<sup>8</sup>. Et si maxime is in agendo certam rationem observat, & a quibusdam actionibus constanter abstineat, id tamen non ex obligatione aliqua, sed ex proprio beneplacito facere intelligitur<sup>9</sup>.

Sequitur

<sup>7</sup> Hæc est ratio vera & proxima, altera verò non tam causa quàm conditio necessaria; sicut manifesto patet ex eo quod in Deum, licet infinita Intelligentia & libertate præditus sit, cadere non possit obligatio. BARBEYRAC.

<sup>8</sup> Hinc vocibus abutuntur, qui abstractas rerum relationes in se & simpliciter consideratas hominibus vinculum juris imponere, & moralem obligationem inducere contendunt, seposito superioris mandato.

<sup>9</sup> Hinc patet nec hominem individuum, nec statum civilem (qui propriè est una persona moralis) sese posse obligare. Conf. PUF. *de Jure Nat. & Gent.* L. I. c. vi. § 7.

Patet

Sequitur ergo, ut ille obligationis fit capax, qui & superiorem habet, & normam præscriptam potest cognoscere, & voluntatem habet in diversa flexilem; quæ tamen ubi norma per superiorem fuerit præscripta, sentiat se ab ipsa non recte discedere. Quali natura hominem præditum adparet.

V. *Introducitur obligatio* in animum hominis *proprie a superiore*, i. e. tali, cui non solum vires sunt malum aliquod repræsentandi contranitentibus; sed & cui *justæ sunt causæ*, quare postulare queat ex suo arbitrio voluntatis nostræ libertatem circumscribi. Talia enim ubi in aliquo fuerunt, postquam quid velit significavit, necessum est in animo hominis oriri metum reverentia temperatum: illum quidem ex potentia; hanc autem ex consideratione causarum, quæ etiam remoto metu allicere aliquem debebant ad istius voluntatem amplectendum. Qui enim nullam rationem allegare novit, quare mihi invito obligationem velit impingere, præter solas vires; is terrere quidem me potest, ut effugiendo majore malo ipsi tantisper parere sa-

*Obligatio  
omnis in-  
troducitur  
à superio-  
re.*

c. vi. § 12.

---

Patet etiam Deum non posse obligari, vel legibus sub-  
jici, quippe ens supremum. Neque tamen ad arbitri-  
um vel ex accidenti & sine qualibet norma actiones suas  
dirigere intelligitur, sed ad suarum perfectionum normam  
actiones componere. *Sua sibi lex est*, (ut ita dicam) &  
quod ens est natura perfectissimum, ideo quodcunque agit  
vel eligit, non potest non esse optimum. Itaq; nugæ  
agunt vel quiddam pejus, qui Deum, ens primum & sum-  
mum, virtutis & obligationis capacem esse docent.

tius

Cap. 2. tius ducam; sed eo metu remoto, nihil amplius obstat, quo minus meo potius, quam illius arbitrio agam <sup>10</sup>. Contra qui rationes quidem habet, quare ego ipsi parere debeam, a viribus tamen malum aliquod mihi imponendi destituitur, ejus jussa impune à me possunt negligi, ni potentior aliquis hujus

<sup>10</sup> E contra asserit HOBBIUS *jus Deo regnandi & puniendi eos, qui leges suas violant, esse à solâ potentiâ irresistibili*. De Cive. c. xv. § 5. Sed facile patet quam iniquum sit & male constitutum in potentia sola imperii fundamentum. 1. Aliud est cogere, aliud obligare. Potestati cogenti resistere licet, obliganti non item. 2. Utut irresistibilis sit imperantis potestas, nullâ ratio ad obediendum movere potest, nisi conjungantur justitia, sapientia, & bonitas; quippe iis sepositis, vel præmia ob obedientiam, vel pœnas ob inobedientiam nullus erit expectandi locus. L. I. c. vi. § 10. Sunt &, qui jus imperandi ducunt ab excellentiori entis natura: sicut τὸ ἡγεμονικὸν in hominum mentibus superiorem locum occupat, adeoq; cæteris facultatibus imperare debet; eodem modo Deus in homines, homo in bruta jure imperii utitur. At vero nec potestas, nec sapientia, nec alia quævis perfectio per se considerata jus imperii in alterum tradit. Huc pertinent verba CICERONIS contra Epicureos allata; *Sin Dii neq; possunt nos juvare neq; volunt, nec omnino curant, nec quid agamus animadvertunt, nec est, quod ab his ad hominum vitam permanari possit, quid est, quod ullos Diis immortalibus cultus, honores, aut preces adhibeamus?* De Nat. Deor. ii. 25. Neque ex hoc fonte homines in bruta jus derivare possunt, sed ex speciali Creatoris designatione. Restat igitur, ut sola justii imperii fundamenta sint, 1. Absoluta dependentia subiecti ab imperante, quæ divini imperii est fundamentum. 2. Voluntaria subiectio, quæ humani. *Ibid.* § 11.

auctori-



auctoritatem proculcatam adsertum eat. Ra- Cap. 2.  
tiones autem, quare quis recte postulare que-  
at, ut ab altero sibi obtemperetur, sunt; si  
ab isto in hunc insignia quædam bona sint  
profecta; si constiterit, istum & bene huic  
velle, & rectius, quam ipse valet, eidem  
prospicere posse; simulque si actu iste hujus  
directionem sibi vindicet; & denique si quis  
ultro alteri sese subjecerit, & in ipsius direc-  
tionem consenserit <sup>11</sup>.

VI. CÆTERUM ut lex vim suam in animis *Requirit*  
eorum, quibus fertur, exserere possit, requi- *notitiam*  
*Legis &*

<sup>11</sup> Istæ quidem rationes fortiolem & arctiorem red- *Legislato-*  
dere possunt obligationem; sed alibi quærenda sunt *ris.*  
fundamenta, quibus jus necessitatem moralem impo- *c. vi. § 13.*  
nendi innitur. Id vero ex eo deducitur, quod ho-  
mines a Deo pendent, quippe qui in eo existant, vi-  
vant, moveantur. Artifex jus habet suum opus, prout  
vult, tractandi, licet formam solam huic tribuat. Po-  
natur statuarium propria virtute statuas animare posse,  
iisq; verum esse intelligentiæ auctorem; hoc ipsum  
iusta esset causa, quare marmor vel aurum fabro, cu-  
jus manibus formatum & intellectu donatum fuisset,  
obtemperaret. Huic non aliena esset res Parentum,  
si in liberis procreandis non cæca essent instrumenta  
& causæ materiales; sed cum res ita se habeat, eorum  
potestas ex alio fonte derivatur. Deus & materiæ  
& formæ, ex quibus conflamur, nobis est auc-  
tor; tum corpora tum animas nostras creavit iisq; fa-  
cultates, quibus fruuntur, indidit. Eas igitur qui-  
buslibet limitibus circumscribere licet, nec non & ab  
hominibus postulare, ut iis ex præscripto suo utantur.  
Porro nil prohibet, quin jus illud, quod cuivis in me  
sit, cum altero communicare possit: Sic Deus aucto-  
ritatem quandam cum hominibus participat, vel di-  
rectè ut cum inter Judæos, durante Theocratia, Ma-  
gistratus constituit, vel indirectè, id est, per consequens  
ab eo, quod se velle testatur. BARBEYRAC.

ritur

Cap. 2. ritur *Cognitio* tum *Legislatoris*, tum *ipsius Legis*. Nemo enim obedientiam præstare valebit, si neque cui parere debeat, neque ad quid teneatur noverit <sup>12</sup>. Et Legislatoris quidem cognitio est facillima. Legum quippe naturalium eundem esse auctorem, qui Universi, ex lumine rationis constat. Nec civis ignorare potest, quis in ipsum imperium obtineat. Leges porro naturales quomodo innotescant, paulo post exponetur <sup>13</sup>. Civiles autem leges per *promulgationem* publice & perspicue factam in subjectorum notitiam perveniunt <sup>14</sup>. In qua de duobus constare debet; tum quod lex eum habeat auctorem, penes quem summum in civitate est imperium; tum quæ sit legis sententia. Prius cognoscitur, si vel ipse legem sua voce promulget, vel autographo consignet; vel si id fiat per ipsius delegatos. Quorum auctoritas frustra in dubium vocatur, si constet, hoc cum munere, quod in civitate gerunt, esse conjunctum, & ipsos regulariter ad idem adhiberi: Si istæ leges in usum judiciorum deducantur; si nihil contineant, quod summo imperio de-

---

<sup>12</sup> Ille vero minimè excusari potest, cui suppetat facultas legem ejusq; latorem cognoscendi. BARBEYRAC.

<sup>13</sup> Vid. *infra*, c. iii. § 12.

<sup>14</sup> Ad promulgationem requiritur; 1. Ut sit solennis, partim ut fiat publica auctoritate; partim ut fiat cæremoniis publicis. 2. Ut sit clara & distincta, vel ratione idiomatis & characteris, vel ratione modi promulgationis. 3. Ut sit sufficiens, & ad cunctorum notitiam pertingere possit. TREVER.

roget. Ut autem sententia legis recte percipiatur, promulgantibus incumbit, quanta fieri potest, perspicuitate uti. Si quid in legibus obscurum occurrat, ejus declaratio petenda abs legislatore, aut illis, qui ad jus secundum leges dicendum publice sunt constituti.

Cap. 2.

VII. *Cujuslibet legis perfectæ* <sup>15</sup>, duæ *Legis partes duæ, præceptum & comminatio.* partes sunt: una, per quam definitur quid sit faciendum, quidve omittendum: altera, per quam indicatur, quodnam malum sit propositum ei, qui præceptum intermittit, & interdictum facit <sup>16</sup>. Nam uti propter pravitatem ingenii humani, in vetita tendere amantis, supervacuum est dicere, *hoc fac*, si non facientem nil mali sit mansurum; ita absurdum est dicere *pœnas dabis*, ni causa, quæ pœnam mereatur, præcesserit. Sic igitur omnis vis legis consistit in significando eo, quid superior a nobis fieri velit, vel non velit, & quæ pœna violatoribus legis sit constituta <sup>17</sup>. Vis

c. vi. § 14.

---

<sup>15</sup> Sunt enim leges quædam *imperfectæ*, nempe quæ aliquid simpliciter vetant, neque pœnas violatoribus imponent; quas si stricte loquamur, rectius consilia quam leges vocabimus. Hujusmodi exemplum habemus in lege *Valeriana* apud Liv. x. 9. de quo sic testatur *Gruterus* ad loc. " Si quis adversus ea fecisset, nihil ultra quam improbe factum adjecit, id (qui tum pudor hominum erat) visum, credo, vinculum satis validum legis: nunc vix servo ita minetur quicquam.

<sup>16</sup> Hæc vocatur pars legis *vindicativa*; illa *definitiva*.

<sup>17</sup> Leges vel præmiis vel pœnis sanciri possunt, quoniam vel spes boni vel fuga mali voluntatem flectere valet.

Cap. 2. autem obligandi, i. e. intrinsecam necessitatem adferendi, & vis cogendi, seu per pœnas ad observationem legum adigendi, proprie est in legislatore, & cui<sup>18</sup> legum custodia, atque executio est commissa.

*Materia  
legis esse  
debet possi-  
bilis & u-  
tilis.*

VIII. ILLUD quod per leges alicui injungitur, debet non solum intra vires esse illius, cui leges feruntur, sed & utilitatem aliquam afferre sive illi ipsi, sive aliis<sup>19</sup>. Nam uti sub comminatione pœnæ aliquid exigere velle ab aliquo, quod est & semper fuit supra ipsius vires positum, absurdum & crudele fuerit, ita supervacuum est naturalem voluntatis libertatem constringere, si nulla in quenquam utilitas inde proveniat.<sup>20</sup>

---

valet. Sed pœnarum sanctio est de essentia legis, præmiorum non item; neque hæc inter legis characteres & obligationis indicia numerari solent. Ratio est, quia dolor magis acriter punit, & voluntatem propensius movet, quam voluptas. Vid. nos *supra*, ad cap. i. <sup>14</sup>.

<sup>18</sup> Pro cui legit WEBERUS in iis quibus.

<sup>19</sup> Non necesse est, ut lex singulis profit, quod sæpe fieri non potest. LIV. xxxiv. 3. *Nulla lex satis commoda omnibus est: id modo quæritur, si majori parti & in summam prodest.* Alteram etiam legum conditionem addere oportet, scil. ut sint justæ, id est, ut nihil in se contineant superiori alicui legi contrarium; aliter non obligant.

<sup>20</sup> Si ex hoc loco objiciat aliquis contra Dei leges *positas*, responsum est, eas omnes quiddam in se continere subjectis utile. Deus nihil facit frustra. Quod si ratio legis nobis non pateat, attamen obtemperandum est, si modo de ejus auctoritate satis constet: quoniam non ratio legis, sed auctoritas legislatoris obedientiæ causa esse debet.

IX.

IX. QUANQUAM autem regulariter lex omnes legislatoris subditos complectatur, in quos materia legis quadrat, & quos legislator ab initio exemptos non voluit; interdum tamen contingit, ut ab obligatione legis aliquis peculiariter solvatur. Id quod *dispensare* vocant<sup>21</sup>. Uti tamen dispensare ille tantum potest,

Cap. 2.

*Dispensare quid? quis possit? qua cautela?*  
c. vi. § 17.

<sup>21</sup> Aliud est legem tollere; aliud vinculum ejus circa personam aut factum singulare (manente de cætero lege) adimere; hoc vero est *dispensare*. Quod si legislatori potestas competat leges abrogandi & penitus tollendi (quod apud omnes in confesso est) proculdubio & à fortiori earum vinculum pro tempore potest solvere. Quidnam vero de legibus divinis existimandum est? Hic distingui solet à BARBEYRACCIO aliisq; inter leges *naturales* & *positivas*, & affirmari has dispensationem admittere posse, illas vero non item. Quid autem? Nonne cum Deo aliisq; legislatoribus commune est, ut ab obligatione & pœna legis aliquem liberent, pro re nata? Proculdubio cæcus est qui non hoc non videt. Exinde autem fit quosdam in errorem de hac re lapsos fuisse quod legem moralem voluntati divinæ antecedentem & prorsus independentem supponunt, eamque à priori, i. e. ab æterna & immutabili rerum relatione derivent. Non hujus est loci hanc opinionem ad examen revocare, quod alibi ex instituto feci. Vid. *Traſſat. de Morali Obligatione*. Hoc solum statuere liceat, Deum, quatenus omnium creatorem & dominum, non posse non legis moralis, cui subjiciuntur creaturæ, conditorem haberi; quæ quidem lex infinitæ sapientiæ & bonitati congrua erit, utpote quæ auctorem habeat omnibus perfectionibus præditum. Si materiam ejus spectes, varia est & mutabilis pro datis circumstantiis: si vero finem, ideo immutabilis est quoniam Deus mutari nequit, ideo indispensabilis, quoniam ens perfectissimum nequit id velle, quod non est optimum. Parentem,

Cap. 2. test, cui legem ferendi & abrogandi potestas competit; ita cavendum, ne promiscua, & citra gravissimas causas facta dispensatione, auctoritas legum convellatur, & invidiæ atque indignationi inter subjectos ansa præbeatur <sup>22</sup>.

X. A dispensatione tamen multum differt *Æquitas*, quæ est correctio ejus, in quo lex deficit ob universalitatem <sup>23</sup>; seu dextra legis interpretatio, qua ex naturali ratione ostenditur,

tem, ut immolaret filium, jubere potest, quippe vitæ solus est auctor & dominus; ipsum vero actionis finem mutare, sive velle ut quispiam sit animo crudelis, perfectio ipsius naturæ prohibet. Porro, si materiam legis moralis cum positiva comparamus ea mente, ut quænam sit præferenda judicemus; procul omni dubio positiva morali *in genere* cedat, oportet; etsi non est diffitendum Regulam hanc generalem exceptionibus subjici posse. Si stricte loquamur, nulla Dei mandata (sint positiva an naturalia) dispensationem ab hominibus admittere possunt: sed cum duo simul obligare videntur, & utrisq; obtemperandi non datur facultas, id cedat oportet, quod minus necessarium videtur; de qua necessitate ex variis circumstantiis collatis judicandum est. Generales quædam regulæ afferri possunt, quæ huic rei dijudicandæ inserviant; qualis est ista CICERONIS *de Inv.* 2. "Primum leges oportet contendere considerando, utra lex ad majores, hoc est, ad utiliores, ad honestiores ac magis necessarias res pertineat: ex quo conficitur, ut si leges duæ aut si plures aut quotquot erunt, conservari non possint, quia discrepent inter se, ea maxime conservanda putetur, quæ ad maximas res pertinere videatur." Vid. infra caput ultimum hujus libri.

<sup>22</sup> Causæ dispensationis à GROTIŒ allatæ sunt duæ, *intrinsecæ* aut *extrinsecæ*; i. e., *Implicitæ* ipsi negotio, ut,

tur, casum aliquem peculiarem sub lege universali non comprehendi, eo quod alias absurdum quid inde foret secuturum. Nam quia ob infinitam varietatem omnes casus neque praevideri, neque exprimi possunt; ideo iudices, quorum est generalia legum decreta ad speciales casus applicare, debent a lege excipere ejusmodi casus, quos excepturus fuerat ipse legislator, si praesens adesset, aut tales casus praevidisset.<sup>24</sup>

XI.

aut exterius accedentes. 1. *Intrinseca*, cum si non iniusta, dura tamen est poena ad factum comparata. 2. *Extrinseca* ex merito aliquo aut alia re commendante; aut etiam spe magna in posterum. *De Jure B. & P.* L. II. c. xx. § 25, 26.

<sup>43</sup> Similiter ARISTOTELES *Ethic. ad Nicom.* L. V. c. 10. "Όταν οὖν λέγῃ μὲν ὁ νόμος καθόλου, συμῖν δ' ἐπὶ τέτοις παρὰ τὸ καθόλου, τότε ὁρθῶς ἔχει, ἢ παραλείπει ὁ νομοθέτης καὶ ἡμάρτεν ἀπλῶς εἰπὼν, ἐπανορθῶν τὸ ἑλλειψέν, ὃ καὶ ὁ νομοθέτης ὅτως αὖ. εἰ τοι ἐκεῖ παρὼν καὶ εἰ ἥδ' οἶ, ἐνομοθέτησεν αὖν. Cum igitur lege generaliter locuta, aliquid evenit postea praeter genus illud universum; tunc aequum est, quia praetermisit aliquid legislator & peccavit in eo quod absolute locutus est, id quod deest quodque omissum est, corrigere: quod etiam legislator, si illic adesset, ita eloqueretur, & de quo legem tulisset, si praescivisset.

<sup>24</sup> Dispensatio legem vel legis partem pro tempore abrogat; aequitas ejus rigorem minuit, & mentem legislatoris magis quam literam legis respicit. "Aliud est (inquit GROTIUS) legem aut probabili aut urgente causa tollere, aliud declarare factum ab initio mente legis non fuisse comprehensum." *Ubi supra.* Vid. VANDER MUYLEN *in loc.* Saepè verissimum est tritum illud dogma; *summum jus, summa injuria*; in quo

## Cap. I.

*Actio per  
legem lici-  
ta, bona,  
mala.*

L. v. c.

12 § 21.

L. ii. c. 7.

§ 1, 6.

XI. PORRO a relatione & congruentia ad normam moralem, actiones humanæ certas fortiuntur qualitates, & denominationes, Et istæ quidem actiones, de quibus in neutram partem quid disponit lex, vocantur *Licite* five *Permissæ*. Etsi quandoque in vita civili, ubi non omnia ad vivum possunt refecari, illa etiam licita dicantur, in quæ pœna fori humani non est constituta, etsi in se honestati naturali repugnent<sup>25</sup>. Quæ porro actiones cum lege congruunt, *Bonæ*; quæ discrepant, *Malæ* vocantur. Sed ut aliqua actio bona sit, necessum est, ut ex omni parte cum lege congruat

---

quo casu æqui est judicis legem corrigere, non tollendo ejus obligationem, sed declarando eam in hoc casu non obligare; & non regulam sed ejus qui regulam dedisset mentem & propositum sequi. De hac re legas omnino GROTII *Tractatum de Equitate* ad calcem 2di Vol. *de Jure B & P.* Edit. BARBEYR.

<sup>25</sup> “ Permissio quæ lege fit aut plena est, quæ jus dat  
“ ad aliquid omnino licite agendum; aut minor plena,  
“ quæ tantum impunitatem dat apud homines, & jus  
“ ne quis alius impedire licite possit.” GROTII *de Jure B & P.* L. I. c. ii § 17. Proculdubio longe a veritate abest Dogma *Hobbesianum*, leges humanas esse adæquatam moralium actionum criterion. Verissimum est effatum SENECE *Troad* v. 334.

*Quod non vetat lex, hoc vetat fieri pudor.*

<sup>26</sup> i. e. Quoad qualitatem vel dispositionem agentis, objectum, finem aliasq; circumstantias actionis. Sic ut linea recta sit, necesse est, ut ex omni parte cum regula congruat. Si vel in unâ parte deflectat, obliqua fiet. Eodem modo, si actio aut plane cum lege non conveniat,



gruat <sup>15</sup>; ut mala sit, sufficit, si in una duntaxat parte deficiat.

Cap. 2.

XII. JUSTITIA autem quandoque est attributum *Actionum*, quandoque *Personarum*. Quando *justitia personæ* tribuitur, solet vulgo definiri, quod sit constans & perpetua voluntas *suum cuique tribuendi* <sup>17</sup>. Justus quippe vir dicitur, qui justa faciendo delectatur, qui justitiæ studet, seu in omni re conatur facere id, quod justum est. Injustus contra, qui negligit cuique suum tribuere, vel id non debito suo, sed præsentē comodo mensurandum existimat: Sic ut justī hominis non paucæ possint esse actiones injustæ; & vice versa <sup>18</sup>. Justus

*Justitia  
actionis  
personæ:  
hæc quæ?*

c. vii. § 61

niat, aut vel unica circumstantia desit, mala est. Tantum abest, ut una *negligentia* actionem legi repugnantem reddere possit bonam. Unde bona intentio non per se sufficit ad bonitatem actūs, & celeberrima methodus *intentionem* dirigendi corrumpit.

<sup>17</sup> Justitia *personarum* est studium voluntatis nostræ justitiam actionum ritè exercendi; justitia verò *actionum* est congruentia legis & actionis erga alium exercendæ hominem. Illa pertinet ad præparationem & perfectionem voluntatis, cujus curam disciplinæ morali a jure naturæ distinctæ relinquere debemus; hæc vero ad juris prudentiam meritò refertur. Miror autem quod cū jurium cultores justitiam actionum curent atque finem esse credant, in definienda tamen justitia sua adhibeant definitionem justitiæ personarum, quo ipso hæc cum illa perperam confundunt. LEHMAN.

<sup>18</sup> *Materialiter* quidem, sed non *formaliter*. Nequit justus, quæ justus, *formaliter* contra legem peccare. Quicumque enim totam legem servaverit, offendat autem in uno, factus est omnium reus. Jac. ii. 10.

Cap. 2. quippe iusta facit propter præceptum legis, injusta non nisi per infirmitatem: injustus autem iusta facit propter pœnam legi adjunctam, injusta per animi malitiam.

*Illæ quæ ;  
& quid ab  
ejus boni-  
tate differat ?* XIII. QUANDO vero *Justitia actionibus* tribuitur, tunc nihil aliud est, quam recta adplicatio earundem ad personam. Et iusta actio, quæ ex præfessi, seu a sciente & volente adplicatur ad personam, cui illa debetur. Sic ut *justitia* actionum a *bonitate* in hoc potissimum differat, quod hæc simpliciter notet convenientiam cum lege, justitia autem præterea involvat respectum ad eos, in quos actio

c. vii. § 7.

---

29 Bonitas est virtus *generalis*, justitia *specialis*. Actio *bona* est, quatenus cum lege convenit; *iusta* verò, quatenus relationem habet ad alium, qui *jus* habet eam à nobis exigendi.

30 Obscurè satis differentiam *bonæ & justæ* actionis auctor hîc exponit: bona enim actio quoque respectum ad alios involvit, quum ad illius essentiam requiratur, ut in omnibus circumstantiis etiam *personarum* cum norma agendi conveniat. Ergo sic mihi res videtur explicanda: Bonitas terminus generalis est, notans, 1. Qualitatem actionis moralem, qua cum norma agendi, quæcunque illa sit, convenit. Bona ergo actio est, tum quæ convenit principiis justis, tum quæ conveniens est principiis honestis & decori. Justitia è contrario notat illam actionis qualitatem, qua per obligationem externam ad normam legis strictè sic dictæ sive ad principia justis composita est. Omnis itaq; actio iusta, bona quoque necessario est, sed non omnis actio bona statim iusta in sensu proprio dicenda; e. g. decoræ actiones nihil justis involvunt. 2. Bonæ quoque & malæ actionis terminus præter conformitatem cum regula agendi involvit quoque respectum boni & mali, quod

actio exercetur <sup>29</sup>. Quo nomine etiam justitia virtus adversus alium dicitur <sup>30</sup>. Cap. 2.

XIV. JUSTITIÆ divisionem non omnes eodem modo instituunt. Receptissima est divisio in *Universalem & Particularem* <sup>31</sup>. Illa dicitur, quando quodcunque officium exercetur erga alios, etiam quod per vim, aut intentata in foro actione exigi non poterat <sup>32</sup>. Hæc autem est, quando alicui potissimum exhibentur, quæ ille suo jure <sup>33</sup> postulare poterat, & hæc iterum solet dividi in *Distributivam & Commutativam* <sup>34</sup>. Illa nititur pacto inter societatem & membra inito circa participandum

*Justitiæ  
divisiones  
vulgares.  
c. vii. § 8,  
9.*

quod per eandem ex potestate normæ agendi in nos redundant: justitia verò & injustitia actionum solam convenientiam & disconvenientiam cum norma legis significat. TREVER.

<sup>31</sup> Hanc dicit GROTIUS *explettricem*, quòd per eam expletur & satisfit cuique pro eo, quòd ab illo accepimus: illam *attributricem*, quòd per eam plus alteri attribuitur, quàm suo jure postulare poterat. GROT. *de Jure B. & P.* L. I. c. i. § 8.

<sup>32</sup> *i. e.* Quæ officia præstat, non nisi jure *imperfecto* alteri debita, ut liberalitatis, misericordiæ, gratitudinis.

<sup>33</sup> *i. e.* Jure *perfecto*, ut in contractibus, emtionibus, sponsonibus.

<sup>34</sup> Hanc justitiæ subdivisionem *Aristoteli* auctori referamus, oportet. *Ethic. ad Nicom.* L. v. c. 2. quæ tamen non sine justitiâ plerisque displicet, quibus accommodatior videtur *Grotiana* in *Restoriam*, & *Æquatori- am*: Illa inter inæquales, hæc inter æquales versatur. *Restoriæ* tot sunt species quot sunt societates in quibus alii imperant, alii parent; *Æquatoriæ* tot sunt species, quot

Cap. 2. cipandum pro rata damnum & lucrum. *Hæc*  
 autem nititur contractu bilatere potissimum  
 circa res & actiones in commercium venien-  
 tes.

*Injustitia,*  
*injuria,*  
*culpa*  
*quæ?*

c. vii. §  
 14.

XV. COGNITO quid justitia sit, facile  
 etiam quid *Injustitia* sit colligitur<sup>35</sup>. Ubi ob-  
 servandum, quod actio injusta, quæ destinato  
 ex consilio suscipitur, & per quam violatur  
 quod alteri *perfecto jure*<sup>36</sup> debebatur, aut quod  
 tali jure undecunque partum is possidebat;  
 proprie *Injuria* vocetur. Quæ triplici modo  
 fit: vel si alicui denegetur, quod suo jure po-  
 stulare poterat,<sup>37</sup> (non si quid duntaxat ex hu-  
 manitate aut simili virtute debebatur;) vel si  
 auferatur, quod suo jure<sup>38</sup> adversus auferen-  
 tem valente<sup>39</sup> tenebat; vel si malum aliquod  
 alteri inferatur, quod inferendi potestatem non  
 habebamus<sup>40</sup>. Ad injuriam præterea requiri-  
 tur destinatum consilium, & malitia ejus, qui  
 facit<sup>41</sup>. Quæ ubi abfuerit, læsio alterius *Infor-*

---

quot sunt genera officiorum, quæ homo erga homi-  
 nem, civis erga civem præstare tenetur. Sic licet ma-  
 jori in minorem, quod non licet minori in majorem,  
 aut pari in parem. GROTI. *de Jure B. & P.* L. I. c. i.  
 § 3. BUDDÆI *Philos. Pract.* P. II. c. ii.

<sup>35</sup> Nam hæc illi directè adversatur. Rectum est in-  
 dex sui & obliqui.

<sup>36</sup> Jus *perfectum* vocatur, quo quis id quod suum est  
 actione in foro exigere potest, ut in contractibus: *im-*  
*perfectum* vero, quo quis aliquid jure benevolentiae aut  
 humanitatis debicum recte expectare potest, non autem  
 actione exigere, ut in Eleemosynis.

<sup>37</sup> E. G. Damnum resarcire, contractum peragere, &c.  
 BARBEYRAC,

*funium*

*tunium* aut *Culpa* vocatur, gravior aut levior, Cap. 2. prout gravis aut levis fuerit socordia & negligentia, ex qua quis in alterum velut incurrit.

XVI. *Lex* respectu auctoris dividitur in *Lex divina* & *Humanam*; illa abs Deo, hæc ab hominibus lata est. Sed si *lex* consideretur, prout necessariam & universalem congruentiam cum hominibus, vel minus, habet; dividitur in *Naturalem* & *Positivam*. Illa est, quæ cum rationali ac sociali natura hominis ita congruit, ut humano generi honesta & pacifica societas citra eandem constare nequeat. Unde & illa per rationis homini congenitæ lumen, & ex consideratione humanæ naturæ, in universum investigari & cognosci potest. Hæc est, quæ ex communi conditione humanæ naturæ haudquaquam fluit, sed abs solo legislatoris placito proficiscitur: etsi nec ipsa sua ratione, ac usu, quem certis hominibus aut peculiari societati generat, carere debeat.<sup>38</sup> Est

c. vi. § 18.

<sup>38</sup> E. G. Bona vel Jura, quæ actu possidet. IDEM.

<sup>39</sup> Hæc exceptio jus spectat, quod Principes sibi vendicant bona aliorum proscribendi, qui crimina quædam atrocia perpetrarunt. IDEM.

<sup>40</sup> Hæc etiam limitatio jus magistratûs pœnas committentibus infligendi respicit. IDEM.

<sup>41</sup> Ut paucis dicam: ad injuriam requiritur. 1. Ut actio ex præresi suscepta sit. 2. Ut inferatur invito; nam *volenti nulla fit injuria*. 3. Ut actio sit lege prohibita. 4. Ut jus alterius perfectum lædatur.

<sup>42</sup> Diversitas, quæ legibus *moralibus* cum *positivis* divinis intercedit, sic breviter definiri potest. *Morales* sunt immutabiles & universales, quippe quæ necessarium

Cap. 2. Est autem *Lex divina alia naturalis, alia positiva*. Humana autem omnis, presse accepta, *positiva* est.

C A P.

sarium habeant nexum cum humana felicitate; *positivæ* vicissim variæ & mutabiles, non sine justa ratione institutæ, sed variis hominum circumstantiis accommodatæ. Dum vis sua maneat, quiddam secum ferunt, in quo cum moralibus communicant, *viz.* quatenus fidem in Deo implicant, & lex sit moralis, quod Deo confidamus & obtemperemus. Sed notandum, fuisse homines, qui leges quasdam positivas *universales* afferuerunt; sed frustra. Ita GROTIUS jus positivum dividit in id quod datum est humano generi, & id quod populo uni concessum. *Humano generi*, inquit, *ter jus datum a Deo reperitur: statim post hominem conditum, iterum in reparatione humani generis post diluvium, postremo in sublimiori reparatione per Christum.* Tria hæc jura haud dubie omnes homines obligant; recte quidem addit, *ex quo quantum satis est ad eorum notitiam pervenerunt*, De Jure Belli & Pac. L. I. c. i. § 15. Sed cum divina revelatio non sit universalis, plane patet ab ipsis GROTII verbis ultimo memoratis has leges positivas non esse universales. Promulgatio est legi essentialis, sed nullarum legum positivarum ratio promulgandi sufficere potest, ut per eam certo ad omnium hominum notitiam leges istæ pervenire potuerint, quod tamen ad legem universalem omnino requiritur. Multa de hac re inutiliter disputarunt Germani, uti videre erit cui libet in LEHMANNI not. ad hunc locum.

<sup>1</sup> Quoniam fuerunt, qui ipsam legis naturalis existentiam labefactare ausi sunt, ideo imprimis quærendum est, utrum *existat lex naturæ*? Frustra, inquit GROTIUS, de jure suscipitur disputatio, si ipsum jus nullum. Eam verò partem suscepit apud veteres CARNEADES, cujus disputationis, narrante LACTANTIUS, hæc fuit summa. *Jura sibi homines pro utilitate sanxisse.*

## C A P. III.

## D E L E G E N A T U R A L I.

I. **Q**UÆNAM Legis naturalis sit Cap. 3.  
 indoles, quæ necessitas, & quibus  
 eadem præceptis in isthac mortali  
 um conditione constet, planissime perspicitur,  
 si *Lex natura ex natura hominis eruenda.*

*sanxisse, scilicet varia pro moribus, & apud eosdem pro temporibus sæpe mutata; jus autem naturale nullum esse.*  
 Instit. L. V. c. xvii. Et ad hanc rem HORAT. 1. Serm. iii 98.

*Atq; ipsa utilitas iusti prope mater & æqui.*

Ibid. v. 113.

*Nec natura potest iusto secernere iniquum.*

Contra quos disputat GROTIUS ex appetitu societatis, qui homini est proprius, cum his qui sui sunt generis. Proleg. § 6. Fuerunt & apud Philosophos istæ disciplinæ, quæ cum summum bonum suis commodis non honestate metiri soleant, idque voluptatem statuunt (ut Epicurus & qui de suo grege sunt) bonorum & malorum fines destruunt & officium omne pervertunt. "Hæ disciplinæ (inquit CICERO) si sibi consentaneæ esse velint, de officio nihil queant dicere: neque ulla officii præcepta firma, stabilia, conjuncta naturæ tradi possunt, nisi aut ab iis qui solam [ut Stoici] aut ab iis qui maximè [ut Peripatetici] honestatem propter se dicunt experendam." De offic. I. 2. Vult HOBBSIUS civiles esse regulas boni & mali, ideoq; quod legislator præceperit, id pro bono; quod vetuerit, id pro malo habendum esse. De Clive, c. xii. § 1. Et pari ratione ipsam rerum naturam, voluptatem & dolorem, vel rationem numerorum & quantitatum ab eodem principio

Cap. 3. si quis naturam & ingenium hominis penitius  
 L. ii. c. 3. perscrutatus fuerit \*. Sicuti enim ad accura-  
 § 14. tam

pio derivare fas erit Nam lex naturæ omnino ex rerum naturâ petita est; & hac manente aut mutatâ, illa proculdubio pariter manet aut mutatur. Sed de hac re adeas omnino CUMBERLAND. *de Leg. Nat.* Cap. v. PUFENDORF. *de Jure Nat. & Gent.* L. II. c. iii. § 10.

\* Varii auctores ex variis principiis jus naturæ deducunt. Primo; Romani jurisconsulti *jus naturale* vocant, quod natura omnia animalia docuit. Vid. JUST. *Instit.* L. I. Tit. ii. Ii autem vocibus abutuntur; vel sensu nimis arcto coercent. Nam (GROTIO auctore) *juris proprie capax non est, nisi natura præceptis utens generalibus.* De Jure B. & P. L. I. c. i. § 11. Et testis est CICERO, *Nilil juris esse homini cum bestiis.* De Finib. L. III. c. xx. Conf. PUFEND. *de Jure Nat. & Gent.* L. II. c. iii. § 2, 3. Secundo; Sunt, qui innatum esse volunt, vel naturâ mentibus humanis insitum. Et eâdem ratione affirmare licet mathesin vel quamvis scientiam esse innatam. Conf. *de Jure N. & G.* Ibid. §. 13. *Specimen Controv.* Cap. iv. § 23. VELTHUYSEN. *de Princip. Justit. & Decor.* LOCKE *de Intell. Hum.* L. I. Tertio; Alii ex naturali societatis appetitu oriundum esse volunt, qui à scopo haud multum aberrant; si cum grano salis voces interpretamur; homini scilicet inesse facultatem sciendi agendiq; secundum generalia præcepta, v. g. ut jus suum cuiq; tribuat, neminem lædat, &c. quorum extra societatem nullus est usus. GROT. *Proleg.* § 7. CICER. *de Leg.* i. 5. Quarto; Quidam sunt, qui fontem juris in universo hominum consensu inveniunt. *Omni in re* (ut CICERONI placet) *consensio omnium gentium lex naturæ putanda est.* Tusc. Disp. i. 13. Cui sententiæ suffragatur ARISTOTELES. *Φυσικὸν μὲν δίκαιον τὸ πανταχὺ τὴν αὐτὴν ἔχει δύναμιν.* Id *jus naturale est, quod ubiq; eandem vim obtinet.* Eth. L. v. c. 10. Sed quænam jura sunt, quæ ubique obtinent, vel de quibus inter omnes convenit? Aut si rem ita se habere concedatur, haud exinde

inde





tam legum civilium cognitionem plurimum facit, statum civitatis moresque & studia civium

inde patebit ratio, quare hoc justum sit, aliud injustum; quæ à veris principiis recte ratiocinando solum colligatur. Conf. PUFEND. *de Jure Nat. & Gent.* L. II. c. iii. § 7, 8, 9. HOBBS. *de Cive*, C. II. § 1. *Quinto*; Nonnulli naturalem quandam rectitudinem, aut pravitatem actionibus inesse volunt, quæ fons & origo est juris naturalis, semotis omnibus circumstantiis, putà legislatoris auctoritate, præmiis vel pœnis, bono vel malo inde consecuturis. CLARKE *de Nat. & Rev. Relig.* Prop. i. Quæ hypothesis in eo deficit, quòd vel datur lex sine obligatione, vel obligatio sine necessitate morali, vel necessitas moralis sine incitamento, vel incitamentum sine respectu ad felicitatem aut miseriam; *i. e.* effectus sine causâ. Conf. PUFEND. *de Jure*, L. II. c. iii. § 4. *Sexto*; Alii ex voluntate divina derivatum esse volunt, qui in duas partes distrahuntur: vel (cum HOBBSIO) Deum pro arbitrio omnia agere fingunt, rerum naturas nihil morantem; adeo ut quod jam rectum est, mutato consilio, obliquum fuerit, & vice versâ, quo nihil magis absurdum aut iniquum concipi potest; [Uti demonstrat CUDWORTHUS *de æterna & immut. Moral.* C. iii.] vel ad essentielles Dei perfectiones respectum habent, & jus naturæ immutabile esse dicunt, quoniam Deus mutari nequit. Rectè, ut opinor, agunt, qui Deum juris naturalis quippe ipsius naturæ auctorem agnoscunt; (nam, ut loquuntur Logici, *quicquid est causa antecedentis, idem est causa consequentis*) attamen quiddam ulterius progredi oportet. Parum proficit legis auctorem cognoscere, lege ipsâ haud cognitâ. Sed qua ratione lex divina nobis innotescet? In veritate investigandâ à notioribus ad minus nota datur progressus: & qui voluntatem Dei intelligere volunt, à natura & relationibus rerum ad leges naturales progrediuntur, quas proinde divinæ voluntati congruas esse, & ab ea stabilitas & sancitas concludendum est; ut omnem obligandi vim exinde obtineant. Hæc ni es-

set

Cap. 8.



vium probe intellexisse: ita perspecto communi mortalium ingenio statumque facile patebit, quibus legibus eorundem incolumitas contineatur.

*Conservationi sui ante omnia homo studet.*

c. iii. § 15.

II. Id igitur homo habet commune cum omnibus animantibus, quibus sensus sui inest, ut se ipso nihil habeat carius, *seipsum studeat* omnibus modis *conservare*: ut quæ bona sibi videntur, acquirere; quæ mala, repellere nitatur. Qui quidem affectus regulariter tantus est, ut reliqui omnes eidem cedant<sup>3</sup>. Et quicumque hominis salutem impugnatum sit, eum non potest non iste aversari, eoque ut etiam depulso malo intentato plerumque odium & cupiditas vindictæ adhuc remaneat.

*Ei, citra societatem, minus quam brutis, par.*

c. iii. § 16.

III. AST in eo præ brutis homo deteriore jam conditione videtur, quod vix ullum aliud animal tanta a nativitate *imbecillitas* profequatur; sic ut miraculi sit instar futurum, si quis ad maturam ætatem pervenerit, nisi aliorum

rum

---

set, non esset lex. Naturales ejus effectus suadere possunt, ut observetur; obligare non possunt. *Septimo*; Restat denique alia investigandi methodus, (quam persequitur auctor noster) omnibus aliis longe præferenda; *scil.* jus naturale à naturâ hominum repetendo; non à statu isto integro & perfecto, quem quidam sibi in mente fingere possunt & mere idealem esse arbitror; sed à tali hominum naturâ, qualem in nobis experimur, aliisque nobiscum communem esse intelligimus. Quicquid huic naturæ convenit, Deus non potest non approbare, contrarium improbare. Conf. PUFEND. *de Jure Nat. & Gent.* L. II. c. iii. § 14.

<sup>3</sup> Audiamus CICERONEM *de Offic.* I. 4. "Generi animantium omni est à naturâ tributum, ut se, vitam  
" cor-

rum hominum auxilium accedat. Cum nunc Cap. 3.  
inter tot inventa humanæ necessitatis admini-  
cula, plurium annorum sollicita informatio re-  
quiratur, ut proprio quis Marte victum &  
amictum sibi parare queat. Fingamus homi-  
nem, citra omnem ab aliis hominibus acce-  
dentem curam & culturam ad robustam æta-  
tem provectum, cui nihil sit scientiæ, nisi quod  
ex proprio ingenio velut ultro pullulavit, eun-  
demque ab omni aliorum hominum ope atque  
confortio in solitudine destitutum. Sane vix  
miserabilius animal deprehendetur. Elingue  
nimirum ac nudum, cui nihil aliud relictum,  
quam herbas radicesque vellere, aut sponte  
natos fructus legere: sitim fonte, flumine, aut  
lacuna obvia levare; repellendis aeris injuriis  
antra subire, aut musco gramineve corpus ut-  
cunque tegere; tempus tædiosissimum per o-  
tium exigere; ad quemvis strepitum aut alte-  
rius animantis occursum exhorrescere: deni-

---

“ corpusque tueatur, declinetque ea quæ nocitura vi-  
deantur, omniaque quæcunque ad vivendum sint ne-  
cessaria acquirat & paret.” Et hic quidem *sensus* est  
vere naturalis & innatus: nunquam non agit, nec ullâ vi  
aut consilio deponi potest. In eo ab omnibus aliis af-  
fectibus distinguitur; unde merito dubitari potest, utrum  
quavis alius pro innato habendus sit; an non omnes ex  
usu & consuetudine vel idearum associatione ortum ducant.  
Vid. Tractat. nostrum *de Morali Oblig.* Cap. v.

† Declarat auctor in *Eride Scandicâ*, pag. 301, 302;  
hoc figmentum esse, non pro vero venditandum, sed  
rei illustrandæ gratiâ suppositum; quod ex Revelatione  
divinâ falsum esse constat. Similiter fingit GROTIUS in  
*Proleg.* § 11, & HOBBS, *de Cive*, c. 8.

que

Cap. 3. que fame, frigore, aut per feram bestiam d-  
 mum perire <sup>5</sup>. Contra, quidquid jam con-  
 moditatum vitam humanam comitatur, id om-  
 ne ex mutua hominum ope redundavit. Si  
 ut post Deum O. M. nihil in hoc orbe sit, ex  
 quo major utilitas homini provenire queat,  
 quam ex ipso homine.

*Ob majo-  
 rem alteri  
 nocendi  
 proclivita-  
 tem.*

IV. Isthoc tamen tam utile invicem ani-  
 mal non paucis laborat vitiis, & non minore  
*nocendi facultate* præditum est; quæ con-  
 junctionem cum ipso reddunt satis ancipitem,  
 magnamque requirunt cautionem, ne pro bo-  
 no malum quis ab illo sortiatur. Jam pri-  
 mum major fere ad nocendum proclivitas in  
 homine, quam in quovis brutorum deprehen-  
 ditur. Nam bruta fere cibi desiderio & Ve-  
 neris efferuntur, quorum utrique tamen facili  
 negotio ipsa satisfacere possunt. Et eo desi-  
 derio sopito non temere in iras, aut ad læ-  
 dendum

---

<sup>5</sup> Litem non movet auctor de primævo hominum  
 statu, qui non nisi revelationis ope nobis innotescit;  
 sed propositum est tantum contemplari statum hominum  
 in quo extra societatem civilem absque ullâ culturâ &  
 institutione degere intelliguntur. Hunc statum sic de-  
 scribit CICERO; " Fuit quoddam tempus, cum in  
 " agris homines passim bestiarum more vagabantur,  
 " & sibi victu ferino vitam propagabant: nec rati-  
 " one animi quicquam, sed pleraq; viribus corporis  
 " administrabant. Nondum divinæ religionis, non  
 " humani officii ratio colebatur: nemo legitimas vi-  
 " derat nuptias: non certos quisquam inspexerat libe-  
 " ros: non jus æquabile, quid utilitatis haberet, ac-  
 " ceperat. Ita propter errorem atque incitiam, cæ-  
 " ca ac temeraria dominatrix animi cupiditas ad se ex-  
 " plenda

dendum alios concitantur, nisi quis irritaverit. Ast homo animal est nullo non tempore in libidinem paratum; cujus stimulis longe frequentius vellicatur, quam conservandæ speciei necessarium videbatur. Ejusdem quoque venter non satiari duntaxat, sed & titillari vult; & sæpe plura adpetit, quam natura digerere valet. Vestibus ne indigerent bruta, natura prospexit: Ast homo non ad necessitatem tantum, sed & ad ostentationem vestiri gaudet. Multi præterea affectus atque cupidines, brutis ignoti, in mortalium genere deprehenduntur, ut superflua habendi libido, avaritia, gloriæ & inter alios eminendi cupiditas, invidia, æmulatio, ingeniorumque contentio. Indicio est, quod pleraque bella, quibus genus mortalium colliditur, ob causas gerantur brutis ignotas. Atque ista omnia stimulare homines possunt & solent, ut sibi mutuo nocere velint. Accedit in multis eximia quædam petulantia,

---

"plendam viribus corporis abutebatur, perniciosissimis satellitibus." *De Invent. L. I. Similiter Critias* apud SEXT. EMPIR. *adv. Phys. c. 9.* Ἡν ὁ χρεὼν, ὅτ' ἦν ἀταλὴ ἐν δρωπῶν βίῳ, καὶ θνητῶν, ἐχ' ὅς' ὑπὲρ ἑτῆς, &c. Idem sentit HORATIUS, 1 *Serm. iii. v. 99.*

*Cum prorepserunt primis animalia terris  
Mutum & turpe pecus, glandem atq; cubilia propter.  
Unguibus & pugnis, dein fustibus atq; ita porro  
Pugnabant armis, quæ post fabricaverat usus:  
Denec verba quibus voces sensusq; notarent,  
Nominatq; invenere: debinc abstinere bello,  
Oppida cæperunt munire & ponere leges;  
Ne quis fur esset, neu latro, neu quis adulter.*

&amp;

Cap. 3.



Et majorem  
rem noxas  
mutuo in-  
ferendi  
vim;

Majorem-  
que ad mu-  
tuas colli-  
siones dis-  
positionem.

& aliis insultandi libido; quibus cæteri, etiam modesto ingenio præditi, studio se ac suam libertatem conservandi ac tuendi, non possunt non offendi, ac ad resistendum accingi, Quandoque etiam homines ad mutuas læsiones incitat inopia, & quod præsens rerum copia cupiditatibus aut indigentia eorum non sufficiat.

V. SED & maxima vis inest hominibus ad noxas mutuo inferendas. Nam etsi neque dentibus, neque unguibus aut cornibus sint formidabiles, ut multa brutorum: tamen habilitas manus in efficacissimum nocendi instrumentum evalescere potest; & solertia ingenii astu & per insidias grassandi facultatem dat, qua aperta vi pertingere non licet. Sic ut facillimum sit, hominem homini gravissimum malorum naturalium, nempe mortem, inferre.

VI. DENIQUE & in genere humano considerata est insignis illa ingeniorum varietas, qualis in singulis brutorum speciebus non cernitur; quippe quæ consimiles fere inclinationes habent, parique affectu & appetitu ductuntur. Ast inter homines quot capita tot sensus; & suum cuique pulchrum. Nec simplici aut uniformi cupidine omnes agitantur,

---

<sup>6</sup> Ut ut infelix sit humanæ naturæ facies hoc modo depicta; attamen prorsus abhorret ab Hobbesianâ hypothese, ut homo homini naturâ sit lupus, & status naturæ status belli. Omnino naturæ convenit, seu affectus hominum seu rationis dictamina spectemus, ut neminem lædant, aliena commoda promoveant, & omnibus benignos ac faciles se præbeant. Conf. de Jure, &c. *ibid.* § 16, 17.

sed

sed multiplici & varie inter se mixto. Imo Cap. 3.  
 unus & idem homo sæpe sibi dissimilis cernitur, & quod uno tempore concupivit, ab eodem alio tempore valde abhorret. Nec minor in studiis, institutis, & ad exserendum animi vigorem inclinationibus varietas, quæ jam in infinitis fere vitæ generibus conspicitur. Per quæ ne mutuo collidantur homines, sollicita temperatura & moderatione opus est<sup>6</sup>.

VII. Sic igitur homo jam est animal sui conservandi studiosissimum, per se egenum, sine auxilio sui similium servari impotens, ad multa commoda promovenda maxime idoneum; idem tamen juxta malitosum, petulans, & facile irritabile, ac ad noxam alteri inferendam pronum non minus quam validum. Unde colligitur, eidem ut sit salvus, *necessum esse, ut sit sociabilis*, id est, ut cum sui similibus jungatur, & adversus illos ita se gerat, ut ne isti probabilem causam accipiant eum lædendi, sed potius ejusdem commoda servare & promovere velint.


VIII. Hujus ergo socialitatis leges, seu quæ docent quomodo quis sese debeat gerere, ut commodum societatis humanæ membrum existat, vocantur *Leges Naturales*<sup>7</sup>.

*Unde deducitur societatis collendæ necessitas,*

*Huic servientes leges sunt leges naturæ.*

---

<sup>7</sup> Itaque auctoris conclusionum seriem sic breviter complecti possumus. 1. Homo necessario seipsum amat. 2. Indiget aliorum auxilio. 3. Tam ad nocendum quam ad juvandum alios proclivis est & idoneus. 4. Varius & mutabilis. 5. Hinc colligitur necessum esse, ut sit sociabilis. Et 6. Socialitatis leges sunt leges naturæ.

Cap. 3. IX. His positis adparet, *fundamentale*  *legem naturalem* esse hanc: Cuilibet homini, *Lex fundamen-* quantum in se, colendam & servandam esse *mentalis,* socialitatem <sup>8</sup>. Ex quo consequitur, quia qui *servandam* vult finem, vult etiam media, sine quibus fi- *socialita-* nis obtineri nequit; omnia, quæ ad istam so- *tem,* cialitatem necessario & in universum faciunt, jure naturali præcepta; quæ eandem turbant aut abrumpunt, vetita intelligi. Reliqua autem præcepta sunt tantum velut subsumptiones sub hacce generali lege, quorum evidentiam lumen illud naturale hominibus insitum insinuat.

X.

<sup>8</sup> Ne latum unguem discedit hæc lex fundamentalis ab ista CUMBERLANDII. *Benevolentia maxima singulorum agentium rationalium erga omnes statum constituit singulorum omniumq; benevolorum, quantum fieri ab ipsis potest, felicissimum; & ad statum eorum, quem possunt assequi, felicissimum necessario requiritur; ac proinde, COMMUNE BONUM ERIT SUPREMA LEX. De Leg. Nat. Cap. i. § 4. PUFEND. de Jure N. & G. L. II. c. iii. § 15.*

<sup>9</sup> Frustra laborarunt atheismi defensores, ut ostendant morale bonum & malum cum suo impio systemate consistere posse, quod sic exposuit TOLANDUS in *adeisdæmone*, p. 71. “Virtutum & vitiorum discrepantiam lubens agnoscit *Atheus*, ab ipsâ utpote rerum essentiâ promanantem, laudisque semper intertæ & vituperii sibi conscius est ob ea, quæ rectè aut secus fecerit. Quamvis nihil absolutè & per se bonum aut malum fateatur, sed respectu tantum habito ad bonos aut malos usus, quibus res quæque inservit, prout scilicet homines gaudio afficit aut dolore, vel in quantum tædet aut delectat. Ceterum quo minùs mercedem ullam aut pœnam post mortem



X. ISTHÆC porro præcepta etsi manifestam habeant utilitatem, tamen ut eadem vim legis obtineant, necessum est præsupponi, *Deum esse*, & sua providentia omnia regere; eundemque mortalium generi injunxisse, ut ista rationis dictamina tanquam leges ab ipso vi congeniti luminis promulgatas, observent. Alias enim possent ea quidem fortasse observari intuitu utilitatis, sicut quæ a medicis regendæ valetudini præscribuntur; non autem tanquam leges; quippe quæ necessario ponunt superiorem, & quidem talem, qui alterius gubernationem actu suscepit.

Cap. 3.

*Quæ ut vim legis habeat, supponendus Deus.*  
c. iii, § 29

## XI.

“ mortem suspectat futuram, eò magis studere tene-  
 “ tur præsentis vitæ (& unicè secundum illum) felici-  
 “ tati; quam nemo tamen consequi posse novit absque  
 “ aliorum adjumento & mutuâ operâ, quia nulla soci-  
 “ etatis beneficia percipere debet ille nec percepturus  
 “ est, qui aliis non fecerit quæ sibi fieri exoptat. En  
 “ fundamentum virtutis & excitamentum! ” Funda-  
 mentum quàm infirmum, quod in hac solâ vitâ struitur!  
 Excitamentum quàm turpe, quod homines urget &  
 impellit; ut præsentis voluptati litent, & ad propria  
 commoda promovenda solummodo se attentos præbe-  
 ant! Systema morale, quod latronibus & piratis haud  
 parum arridet, homine, cui vel mica salis aut genero-  
 se indolis, penitus indignum! Non est, cur lectorem  
 diutius morer in hypothese tam absurdâ refellendâ;  
 sed notandum est viros esse cordatissimos, qui in dis-  
 ferendo de morali obligatione se non satis cautos præ-  
 buerant, dum leges naturæ eandem obtinere vim af-  
 firmant; etsi daremus non esse Deum, vel non cura-  
 ri ab eo negotia humana. [Græc. *Proleg.* § 11]  
 Quanto rectius noster, qui divinam auctoritatem ad  
 leges naturæ stabiliendas postulat? Quanto rectius ip-

Cap. 3.



*Legis natu-  
ralis Deus  
evincitur  
auctor.*

XI. ESSE autem Deum *legis naturalis auctorem*, ex ratione naturali ita demonstratur, si præcise præsentī mortalium conditioni inhæreamus, non attendendo an primæva conditio diversā ab hac fuerit, & unde ista mutatio provenerit. Cum natura hominis ita sit constituta, ut citra sociabilem vitam humanum genus incolume esse nequeat, hominisque animus notionum huc inservientium capax deprehendatur; & vero pateat, non solum genus humanum, uti alias creaturas, originem suam Deo debere; sed & eundem istud utcumque jam constitutum providentiæ suæ moderamine complecti: inde consequitur, Deum velle, ut homo iis viribus, quas sibi præ brutis peculiāres inesse sentit, ad naturæ suæ incolumitatem utatur, utque adeo a brutorum exlege vita humana vita sit distincta. Id quod cum aliter, quam servatā lege naturali, obtineri nequeat; intelligitur quoque a Deo obligatum hominem ad isthanc servandam, tanquam medium non ex arbitrio hominum inventum, ac ex eorum libidine mutabile, sed expresse ab ipso Deo huic fini procurando constitutum. Qui enim obligat ad finem, censetur quoque eundem

---

se CICERO, qui jamdudum sensit, *pietate adversus Deos sublatā, fidem etiam & societatem humani generis & unam excellentissimam virtutem justitiam tolli.* De nat. Deor. I. 2. Etenim quis tam ineptus est, qui non plane percipiat ita comparatam esse hominum naturam, ut sepositis præmiis poenisque: vitæ futuræ, effrenata quadam libidine ad vitia incitentur, ad privatum com

eundem obligasse ad usurpanda media fini necessaria. Sed & socialem vitam a Deo hominibus pro imperio injunctam esse, indicio est; quod in nullo præterea animante sensus religionis, aut metus Numinis deprehendatur, qui in animali ex lege intelligi non posse videtur. Abs quo generatur tener admodum sensus in animis hominum non plane corruptorum, quo convincuntur; in legem naturalem peccando offendi illum, cui in animos hominum imperium est; & qui metuendus sit, etiam ubi ab hominibus metus non impendet.

XII. Quod vulgo dicitur, isthanc legem *Ea quo sensu dicatur esse natura nata?* natura natam esse, id non ita capiendum videtur quasi in animis hominum jam nascentium inhæreant actuales & distinctæ propositiones circa agenda & fugienda. Sed partim quod illa per lumen rationis investigari possit; partim quod saltem communia & præcipua capita legis naturalis ita plena & liquida sint; ut statim assensum inveniant, & ita animis insolescant, ut nunquam inde iterum deleri queant, utut forte homo impius ad sopiendas conscientiae vellicationes eorundem sensum plane studeat extinguere. Quo nomine etiam in

---

commodum, penitus attenti? Unde sit atheismus omnino societatem destruere, & si non plane cessat jus naturæ (seposita Dei existentia) tamen rationem legis habere non possit sed consilii tantum quod vel sequi vel negligere licebit, prout privatum commodum postulare videbitur. Vid. BARBEYRAC ad PUFENDORF: de Jure, &c. L. II. c. xix. § 19. Et nos *infra* ad cap. 4. § 9.

## Cap. 3.



Sacris Literis cordibus hominum inscripta dicitur<sup>10</sup>. Inde & cum a puero ex vitæ civilis disciplina eorundem sensu inbuamur; & vero recordari non possimus id tempus, quando primum eadem hauserimus; non aliter de ea cognitione cogitamus, ac si illa nobis nascentibus jam adfuisset. Id quod cuilibet etiam circa linguam ipsi vernaculam contingit.

Officia legispeſtant  
Deum, nosmet, alios.  
c 3. § 24.

XIII. *Divisio officiorum* quæ ex lege naturali homini incumbunt, commodissime videtur institui *secundum objecta*, erga quæ ista sunt exercenda. Quo intuitu illa in tres principales partes dispescuntur; quarum prima tradit, quomodo ex solo rectæ rationis dictamine

<sup>10</sup> PAUL. *ad Rom.* 2. 15. Ἐργον νόμου γρασίδιον ἐν ταῖς καρδίαις αὐτῶν, nempe ethnicorum. Nemo, ut opinor, temere existimabit apostolum per locutionem hanc metaphoricam denotare voluisse naturales quovis characteres, five notiones innatas & in animis nostris ab origine quasi consignatas; cum nihil aliud voces significant, nisi juris naturalis principia tam manifesta & in aprico posita esse, ut nemo, nisi per se steterit, ea ignorare possit. “ Boni honestiq; notitiam “ (inquit SENECA *Epist.* 120) nos docere natura non “ potuit; semina nobis scientiæ dedit, scientiam non “ dedit. Nobis videtur observatio collegisse, & rerum sæpe factarum inter se collatio per analogiam “ nostro intellectu & honestum & bonum judicante.”

“ Eandem officiorum partitionem sequitur CICERO. *Hæc Philosophia nos primum ad Deorum cultum, deinde ad jus hominum, quod situm est in generis humani societate, tum ad modestiam magnitudinem que animi erudit.* Tus. Disp. i. 26. Conf. M. ANTONIN. L. viii. § 27.

mine quis sese debeat gerere adversus *Deum*; Cap. 3. altera quomodo adversus *seipsum*; tertia quomodo adversus *alios homines* <sup>11</sup>. Quanquam autem primario & directe ea præcepta legis naturalis, quæ ad alios homines spectant, ex socialitate, quam fundamenti loco substravimus, deriventur: tamen etiam indirecte officia hominis egra Deum tanquam creatorem inde deduci possunt, quatenus ultimum firmentum officiis erga alios homines a religione & metu Numinis accedit, sic ut sociabilis quoque non esset homo, ni religione foret imbutus <sup>12</sup>, & quia sola ratio in religione ulterius progredi nequit, quam quousque illa inservit

---

<sup>12</sup> Variis modis societatis commodis inservit Religio. 1. Hæc sola officia, quæ imperfectam obligationem secum ferunt, nobis obstringit & rata fecit. 2. Quæ perfecte obligant, vim majorem & prorsus iis necessariam exinde recipiunt. Ut paucis dicam, religioni cum socialitate talis intercedit necessitas, ut metu numinis sublato vix aut ne vix quidem stare possit humana societas. Hic autem notat BARBEYRACCIUS auctorem haud recte fecisse in eo quod omnia officia, tam quæ ad Deum & nosmetipsos quam quæ ad homines spectant, ab uno eodemq; fonte [viz socialitate] derivare voluit. Supponatur, inquit, unicum solum esse in terris hominem, Deum nihilo minus colere, se incolumem servare, facultates quantum potuit excolere debet. Neque necessum est omnia officia ab uno effato deduci; sed dicendum potius tria dari summa principia juris naturalis; quæ sunt. 1. *Religio*, quæ officia erga Deum complectitur. 2. *Philantia*, quæ quicquid erga nosmet decet præstare, continet. 3. *Socialitas*, ex qua derivatur omne id quod proximo debemus: Principia, quæ licet nexu insolubili conjungantur

Cap. 3. *servit promovendæ tranquillitati & socialitati hujus vitæ*<sup>13</sup>. Nam prout religio salutem animarum procurat, ex peculiari revelatione divina provenit. Officia autem hominis erga seipsum ex religione & socialitate conjunctim promanant. Ideo enim quædam non pro absoluto suo lubitu homo circa seipsum disponere potest, partim ut cultor idoneus divini Numinis, partim ut commodum & utile membrum societatis humanæ esse queat.

---

gantur, & pariter omnia ad Deum tandem referantur, nihilominus indole sua diversa sunt, & tam prudenter exerceri debent, ut unum alteri non prævaleat, sed omnia intra limites suos contineantur.

<sup>13</sup> Hic nimium causæ suæ inservit auctor. Non prorsus negligenda sunt argumenta pro statu futuro ex lumine naturali ducta. Vid. nos *supra* ad Præf. § 5. & *infra* ad Cap. iv. § 8.



## CAP. IV.

DE OFFICIO HOMINIS ERGA  
DEUM; seu, DE RELIGIONE  
NATURALI\*.

I. OFFICIUM hominis erga Deum, *Officium erga Deum constat sensu & cultu.* quantum quidem ex naturali ratione investigari potest, *duabus* partibus absolvitur: tum ut de Deo recte sentiamus, tum ut actiones nostras ad ipsius voluntatem componamus<sup>1</sup>. Inde religio naturalis constat propositionibus tum *Theoreticis*, tum *Practicis*.

II. INTER ea, quæ de Deo cuius homini *Sensus & Deo primum est, Deum existere* sentienda sunt, primum omnium est, ut certo persuasus sit, *Deum existere*, id est, revera dari summum aliquod & primum Ens, abs quo hoc universum dependeat. Id quod sapientes ex subordinatione causarum, quæ de-  
mum

\* Omisit hoc caput auctor in opere majori; quippe ad theologiam naturalem, magis quam ad civilem doctrinam spectare existimaverit. Vjd. *Eris Scandic.* p. 253. Sed recte hic locum habet, quoniam (ut supra nos monuit auctor) religio est firmissimum humanæ societatis vinculum, & ea sublata jus naturale funditus evertitur.

<sup>1</sup> Prius est Deum scire, consequens colere. LACTANT. Div. Instit. L. IV. c. iv.

Cap. 4. mum in primo aliquo fitti volunt<sup>2</sup>, ex motu<sup>3</sup> & ex contemplatione machinæ hujus universi<sup>4</sup>; & similibus argumentis liquidissime demonstrarunt<sup>5</sup>. Quæ si quis neget abs se capi posse, non ideo atheismi sui excusationem invenit. Cum enim universum genus humanum in perpetua velut possessione istius persuasionis fuerit, necessum erat, si quis eandem oppugnare velit, ut non solum omnia argumenta quibus Deus esse probatur, solide destruat,

---

<sup>2</sup> Argumentatio sic instituitur. Aliquid nunc existit, ergo aliquid existit ab æterno. Si negas, tum quod nunc existit, vel à nihilo existentiam recepit, *i. e.* datur effectus sine causa; *Q. E. A.* Vel sese produxit, *i. e.* aliquid egit, priusquam existit; *Q. E. A.* Vel ab alio productum est, quod & ab alio, & sic deinceps in infinitum; *i. e.* datur infinita series entium causatorum, in qua non datur primum. Sed infinita entium series contradictionem implicat; 1. Quia negativa est, (ut infinitus numerus, infinita quantitas) *i. e.* nequit actu existere. 2. Quia constat ex partibus finitis: demas ergo unam, tum infinitate minor est; vel unam addas, tum infinitatem excedit. *e. i.* unitate dempta, quod finitum fuit, fit infinitum, vel unitate addita, quod infinitum fuit, fit finitum, aut quod infinitum, majus infinito. *Q. E. A.* 3. Quia in hac serie nullum datur ens, cujus non fuit principium; sed quicquid existere cœpit, aliquando futurum erat, quod vero futurum est, actu non existit; ergo tempus erat, cum nulla pars seriei existit; ergo non est infinita. *Q. E. D.*

<sup>3</sup> Corpus iners est; non movet sed movetur; ergo motus est effectus, sed effectus requirit causam, ergo principium habuit; unde patet, &c. *Q. E. D.*

<sup>4</sup> Ordo & structura systematis mundani, vel partium ejus, *v. g.* Terræ, vegetabilium, animalium quorum



struat, sed & plausibiliores rationes pro assertionem sua proferat; Simulque cum generis humani salutem ea persuasionem contineri hactenus creditum sit, ostendendum ipsi præterea fuerit, generi humano per atheismum melius consuli, quam retento sano cultu Numinis. Quod cum fieri nullo modo queat, omnium eorum, qui isthanc convellere quocunque modo aggrediuntur, impietas maxime est detestanda, & gravissimis poenis coercenda.

Cap. 4.

## III.

quorum ad finem certum collocatæ ac figuratæ sunt partes, architectum tanti operis tantique muneris plane demonstrant. Omnia ad certum finem destinantur, sed ob finem agere non est, nisi intelligentis naturæ.

“Hic ego non mirer esse quenquam (ut cum CICERONE loquar) qui sibi persuadeat corpora quædam solida atque individua vi & gravitate ferri, munda; effici ornatissimum ex eorum corporum consensione fortuita? Hoc qui existumat fieri potuisse, non intelligo cur non, idem putet, si innumera- biles unius & viginti formæ literarum, vel aureæ vel quales libet, aliquo conjiciantur, posse ex his in terram excussis annales Ennii, ut deinceps legi possint, effici.” *De Nat. Deor.* ii. 37.

<sup>5</sup> V. G. A consensu omnium gentium, ab idea entis perfectissimi, ab innatis notionibus, vel prolepsi quadam in mentibus hominum Deum esse, à miraculis, à spatio & duratione, à necessaria existentia quam vocant demonstrationem *a priori*; quorum argumentorum vim non est nostri instituti edifferere. Proculdubio non omnia æquali vi pollent, & si quædam penitus rejiciantur, nihil detrimenti capiet religio. Sed valeant singula, quantum valere possunt.

<sup>6</sup> Quoniam scilicet eadem opera ipsa societatis vincula convellunt. Sensit ARISTOTELES cum, qui Deum hono-

## Cap. 4.

Deinde,  
esse hujus  
universi  
conditorem

III. ALTERUM est, *Deum esse Universi hujus conditorem*. Cum enim ex ratione manifestum sit, isthæc omnia non extitisse a seip. sis, oportet ut eadem summam aliquam causam habeant<sup>7</sup>. Quæ ipsa est id, quod Deum appellamus. Ex quo consequitur, falli eos, qui subinde *Naturam* tanquam ultimam omnium rerum & effectuum causam crepant<sup>8</sup>. Nam si per

honorandum aut parentes amandos neget, non argu-  
mentis sed pœna edomandum esse. *Top.* L. I. c. xi.  
Cui opinioni adstipulatur GROTIUS. "Has notitias,  
" qui primi incipiunt tollere, sicut in bene constitu-  
" tis civitatibus coerceri solent, ut *Diagoræ Melio* acci-  
" disse legimus, & *Epicureis*, qui ex bene moratis ur-  
" bibus ejeçti sunt ;" [*Cic. de Nat. Deor.* i. 42. iii.  
47.] "Ita & coerceri posse arbitror nomine humanæ  
" societatis, quam sine ratione probabili violant."  
*De Jure B. & P. L.* II. c. xx. § 46. n. 4.

<sup>7</sup> Quod principium habuit, non posse à se existere,  
patet ex eo quod nec se creare nec fortuito existere po-  
tuit. Unde restat id tertium (nam quartum non datur)  
idem existentiam habuisse ab alio. Sic facile demonstrat-  
ur prima & æterna rerum omnium causa ; sed vix  
sufficit hoc argumentum atheismo opponere, quoniam  
sunt qui in atheorum castris militant, & licet sibi pa-  
rum constantes, supremam causam agnoscunt : id verò  
à Theistis postulant, ut causam hanc libertate, sapien-  
tiâ, ceterisque perfectionibus præditum esse, omniaq;  
quæ existunt pro sapientiæ & voluntatis suæ modulo  
condidisse & creasse ostendant. Hos autem in quatuor  
classes sic distribuit TREVERUS : 1. Sunt qui *Hylopa-  
thiam* statuunt esse rerum omnium principium, id est,  
materiam omni sensu destitutam. 2. Alii *Hylozoismum*  
adferunt, sive materiam non quidem vitæ, sed tamen  
sensûs & intelligentiæ expertem. 3. Nonnulli ad for-  
tuitum atomorum concursum provocant, qui vocantur

per id vocabulum intelligitur efficacia illa & Cap. 4.  
vis agendi, quæ in rebus conspicitur, illa ipsa  
utique auctorem sui, id est, Deum arguit:  
tantum abest, ut ejus vis ad negandum Deum  
quid valere possit. Sin autem per naturam  
intelligatur summa rerum omnium causa, ex  
profano quodam fastidio defugitur plana & re-  
cepta Dei appellatio. Errant quoque illi, qui  
credunt

tur *Atomistæ*. 4. Denique non desunt, qui *naturam* cæ-  
cam & fatalem crepant, omnia necessario impulsu diri-  
gentem & gubernantem. Horum omnium systema-  
tum impossibilitatem & absurditatem optime demon-  
stravit CUDWORTHUS in *Systemate intellectu*ali; &  
ipse, ni fallor, demonstrabo, in notis quæ mox se-  
quuntur.

§ Satis obscura est hæc vox *Natura*, de quâ multa  
præclara jactitarunt veteres Philosophi. Audi de hac  
re CICERONEM. " Alii *Naturam* censent esse vim  
" quandam sine ratione, cientem motus in corporibus  
" necessarios: Alii autem vim participem rationis  
" atque ordinis; tanquam via progredientem, de-  
" clarantemq; quid cujusque rei causa efficiat, quid  
" sequatur; cujus solertiam nulla ars, nulla manus,  
" nemo opifex consequi possit imitando. — Sunt  
" autem, qui omnia *Naturæ* nomine appellent, ut E-  
" PICURUS; qui ita dividit omnium, quæ sint, natu-  
" ram, esse corpora & inane quæque his accidunt.  
[Conf. LUCRET. I. 420. DIOG. LAERT. L. X. §  
39. 40. S. EMPIR. *adv. Math.* L. VIII. p. 363.] " Sed  
" nos cum dicimus *Natura* constare administrariq;  
" mundum, non ita dicimus, ut glebam aut frag-  
" mentum lapidis, aut aliquid ejusmodi, nulla [*al.*  
" nuda] cohærendi natura, sed ut arborem, ut ani-  
" mal, in quibus nulla temeritas, sed ordo apparet  
" & artis quædam similitudo " *De Natur. Deorum*.  
II. xxxii. Et paulo post. " Si meliora sunt ea quæ  
" naturâ,

Cap. 4. credunt, Deum esse aliquid eorum, quæ in sensus incurrunt, & præcipue *fidera*?. Nam hæc omnia substantia ipsorum arguit non esse primum

“ naturâ, quàm illa quæ arte perfecta sunt; nec ars  
 “ efficit quicquam sine ratione; ne natura quidem  
 “ rationis expertis est habenda.” Scilicet de *Naturâ*,  
 duæ sunt receptissimæ notiones; vel principium esse  
 extra illud cujus dicitur principium, qua ratione Deus  
 solus est natura; vel principium interius, sive insitum,  
 quo modo rotunditas dicitur natura globi, vel ele-  
 menta natura mundi, vel quemadmodum CICERO ait  
*naturas esse diversas, ut aliud equo sit natura, aliud bovi,*  
*aliud homini.* De Fin. v. 9. Unde Philosophis barbarè  
 loquentibus alia *natura naturans*, alia *natura naturata*  
 dicitur. Mihi quidem videtur naturam *naturantem*  
 (ut aiunt) sive principium istud interius & insitum esse  
 merè ens rationis, & figmentum ex cerebro philosophi  
 oriundum. Huic autem naturæ quiddam tribuere,  
 vel cum STRATONE, qui *physicus* appellatur, omnem  
 vim divinam in natura sitam esse docere (quæ causas  
 gignendi, augendi, minuendi habeat, sed careat om-  
 ni sensu ac figura) in Spinozismum protinus abit; cu-  
 jus assertores in eam impietatem incidunt, ut si verbis  
 agnoscunt Deum, re tamen omnino tollant. Docent  
 enim *omnia effecta esse NATURA, substantiam non posse*  
*produci ab alio, in rerum naturâ non nisi unam substantiam*  
*dari*, aliaq; ejusmodi, quæ qui saltem recitat, eadem  
 opera refellit. SPINOZ. *Eth.* P. I. CIC. *de N. Deor.*  
 L. I. *Acad Quæst.* L. II. E contra vid. CUDWORTH  
*Syst. Intell.* BUDDÆI *Spinoz. ante Spinozam.* CLARKII  
*Demonstr. de Deo & ejus Attr.* Prop. vii. Qui verò  
*naturam naturatam*, sive externum quoddam principi-  
 um, rerum omnium auctorem & conservatorem, præ-  
 dicant; ii vel figmentum aliquod cerebri pro vero  
 Deo substituunt, vel ipsum Deum, qualem volumus,  
 agnoscunt. Sunt, qui fere omnes veterum Philosopho-  
 rum Sectas intra atheismi limites concluderunt, effi  
 non

primum aliquod, sed ab alio ortum. Nec Cap. 4.  
 minus indigne de Deo sentiunt, qui eum  
*mundi animam* dicunt <sup>o</sup>. Anima enim mun-  
 di,

non esse omnes eodem calculo notandos agnoscunt.  
 “Fundamentum atheismi *sceptici* est, (inquit Buddeus  
 de *atheismo* & *superstitione*, cap. 2. § 10) “non dari  
 “certam rerum cognitionem, iudiciumq; adeo de  
 “omnibus suspendendum esse: *Dogmatici* generale  
 “est, materiam semper fuisse, & ad ejus essentiam per-  
 “tinere necessariam existentiam; *Aristotelici*, mun-  
 “dum prout nunc est semper existitisse: *Stoici*, Deum  
 “cum materia arctissimo vinculo esse conjunctum:  
 “*Epicurei* & *Stratonici*, mundum ex atomorum fortu-  
 “ito concursu coaluisse: *Spinoziani*, unam tantum  
 “esse substantiam, scil. corpus.”

<sup>9</sup>Quales fuerunt apud veteres philosophos, ut pla-  
 nè patet ex hoc CICERONIS loco. “Hanc in stellis  
 “constantiam, hanc tantam tam variis cursibus in omni  
 “æternitate convenientiam temporum, non possum  
 “intelligere sine mente, ratione, consilio. Quæ  
 “cum in sideribus in esse videamus, non possumus ea  
 “ipsa non in Deorum numero reponere.” *De nat.*  
*Deor.* II. xxi.

<sup>10</sup>Vetus hoc deliramentum de animâ mundi invenisse  
 PLATONEM dicitur; sed rectius forsan PLATONIS  
 quibusdam sectatoribus attribuunt alii. Nomine au-  
 tem istius animæ intelligunt universale quoddam princi-  
 pium ratione quadam (haud facillè intelligenda) omnia  
 movens & dirigens; quam sic exponit BORTHUIS  
*De Consol. Philos.* L. III.

*Tu triplicis mediam naturæ cuncta moventem  
 Connectens animam per consona membra resolvīs  
 Quæ cum secta duos motum glomeravit in orbes  
 In semet reditura meat, mentemq; profundam  
 Circuit, & simili convertit imagine cælum.*

Quorsugi

Cap. 4. di, qualiscunque illa demum sit, partem mundi notat, pars autem rei quomodo ejusdem causa, i. e. prius aliquid esse potuit? quod si autem per animam mundi intelligatur primum illud & invisibile, a quo omnium rerum vis & motus dependet, pro plano vocabulo obscurum

---

Quorsum & illud VIRGILII pertinet *Æneid.* vi. 724.

*Principio cælum & terram camposq; liquentes,  
Lucentemq; globum lunæ, Titaniaq; astra  
Spiritus intus alit, totosq; infusa per artus  
Mens agitat molem & magno se corpore miscet.*

Fuerunt & apud recentiores Philosophos, qui nescio quid de *plasticâ Naturâ* (quam & *vitale Principium* non nemo vocavit; Vid GREW in *Cosmol.*) à mundo materiali distinguenda somniarunt, quæ ab animâ mundi haud multum distare videtur. Hujus Patronus præcipue nominandus est RAD. CUDWORTHUS in *Systemate Intellectuali*; quem in hac re atheorum causæ haud parum favisse probare aggreditur BÆLIUS in *continuation des pensées diverses sur les comètes*, cui respondit J. CLERICUS in *Bibliotheq. Choïsse.* Tom. 5. Art. 4. CLERICO multum arridere videtur hæc Hypothesis *Cudworthiana*; tantum quidem apud eum valuit, ut longius etiam CUDWORTHUS procederet, & verisimile duceret esse medium quoddam inter animam & corpus in homine principium, unde omnes istæ actiones, quas CUDWORTHUS animæ tribuit, proficiscerentur. Me judice, omnia hujusmodi ad occultas qualitates recidunt, & à veræ Philosophiæ imperio protinus proscribi debent.

" Vel animus me vehementer fallit, vel hoc argumentum est *petitio principii*; etenim qui mundo æternitatem attribuunt, hoc ipso causam ejus existentiae auferunt. Quoniam verò, licet varia dentur atheismi systemata, omnia in eo conveniunt, quod materia

ab

rum & figuratum nomen substituitur. Ex hoc ipso quoque adparet, *mundum non esse æternum*. Id enim abhorret a natura ejus, quod causam habet. Et qui mundum æternum asserit, aliquam ejus causam negat, & sic ipsum Deum negat".

Cap. 4.

## VI.

ab æterno existit, ideo paulo penitiùs hanc rem perscrutemur. Qui æternitatem mundi tuentur, in duas partes distrahuntur. I. Sunt, qui æternitatem materiæ solummodò tribuunt ex qua mundus conflatur, formam ejus Deum habuisse auctorem agnoscentes. Hujus opinionis inventor ANAXAGORAS est habendus; [DI-OG. LAERT. L. II. n. 6. PLUTARCH. *de Plac. Philos.* L. I. c. iii.] Quam sic refello: Quod ab æterno existit, idem est independens, & quod independens est, nequit ab alio mutari, vel ullo modo affici. Sed ex hypothesi mundus formam, motum, &c. recepit à Deo; ergo non est æternus. *Q. E. D.* Aliter sic. Quod ab æterno existit, nequit mutationibus subijci; nam quod mutatur, per modum successionis existit, quoniam mutationes sunt successivæ; sed quod successivum est, nequit æternum esse (quoniam dari non potest infinita series, Vid. supra) ergo materia mundi non existit ab æterno. *Q. E. D.* II. Alii volunt & materiam & formam mundi ab æterno existisse; quorum duæ sunt sectæ. 1. *Aristotelici* volunt mundum ab æterno creari à Deo, i. e. effectum esse cum causâ sua coævum. *Q. E. A.* 2. Denique hypothesis, quæ omnes alias in absurditate & impietate longe antecellit, docet mundum ab æterno, & à se extitisse iisdem modo & formâ, quibus hodiè utitur. [SPINOZÆ *Op. Post.* P. I. Prop. iii. P. II. Prop. ii. BLOUNT *de Orac. Rat.* p. 216] Pauca inter infinitas, quibus laborat difficultatibus, attingam. 1. Motus non est essentialis materiæ, ergo nec à se nec sine causâ moveri potest; ergo nec ab æterno. 2. Si mundus sit æter-

O

nus,

## Cap. 4.

Mundique  
generisque  
humani re-  
floreem.

IV. TERTIUM est, *Deum tum in univer-  
sum mundum, tum in genus humanum regimen  
exercere.* Id quod ex admirabili & constanti  
ordine, qui in hoc universo cernitur, liquido  
adparet<sup>12</sup>. Quoad effectum autem moralem  
perinde

nus, tum datur infinitus numerus annorum, horarum,  
&c. i. e. infinita series. *Q. E. A.* 3. Sunt & ratio-  
nes physicae, quae contra probant; ut diminutio lumi-  
nis solaris, fluidorum in terra, &c. 4. Gravitas non  
est essentialis materiae; ergo à causâ externâ originem  
duxit. 5. Denique non ab æterno extitisse hominum  
genus probatur ab artium progressibus & incultis olim  
terris, quae postea habitari coeperunt; sicut cecinit  
LUCRETIVS, V. 325.

*Præterea si nulla fuit genitæ origo  
Terrarum & cæli, semperque æterna fuere,  
Quo tot facta virum toties cecidere; nec usquam  
Æternis famæ monumentis infusa florēt?  
Quare etiam quædam nunc artes expoliuntur,  
Nunc etiam augescunt? nunc addita navigiis sunt  
Multæ, modo organici melicos peperere sonores.*

Con. de hac re STILLINGFLEET *Or. Sacr.* L. III.  
c. ii. § II. PARKER *de Deo*, Disp. iv. CHEYNE *Ph.*  
*Princ.* c. iv. HALE *de Prim. Orig. Hum. Gen.* per tot.  
Aliosque auctores citat. in *Quæst. Philos.* Cap. ii. Qu. 2.

<sup>12</sup> Universum à Deo regi GROTIUS variis argumen-  
tis probat. “ 1. Quod sit ipse & omniscius & omni-  
“ potens, ita ut non possit non cognoscere ea quæ agun-  
“ tur aut agenda sunt, eaque ipse temperare ac dirigere  
“ facillime possit. Quod si & illa cognoscit Deus,  
“ quidni & curet? 2. Ex conservatione imperiorum.  
“ 3. Ex miraculis.” *De Veritate Relig. Chr.* L. I. §  
10—13. Sunt autem, qui generalem quandam provi-  
dentiam agnoscunt, particularem vero tollunt, quasi  
ipsa rerum genera, quæ à Deo conservari illi ipsi auc-  
tores



perinde est, utrum quis neget, Deum existere, an ab eodem humana curari; cum utrumque omnem religionem plane tollat. Frustra enim metuitur aut colitur, utut in se sit præstantissimus, qui nulla plane nostri cura tangitur,

Cap. 4.

tores fatentur; non subsistunt in singulis. Si singula pereunt abdicata à divinâ providentiâ, quidni & pereant ipsa genera? Proculdubio non generatim modo ad totum hoc universum, sed speciatim ad singulas res à Deo conditas hæc se providentia extendit; tum quod omnes & singulæ divinâ providentiâ indigeant, tum quod in illis divinæ directionis vestigia haud raro conspiciantur. Hoc agnoscunt omnes; exceptis Atheis & Epicureis: Sed de *modo* ejus (qui captum humanum fortasse superat) inter Philosophos non convenit. Rebus semel creatis haud necessaria videntur perpetua quædam vis, quasi nova indies creatio, ut in *esse suo* perseverent, quoniam quævis mutatio requirat causam: sed utrum Deus ita omnia ab origine constituerit, ut secundum leges constitutas vel *harmoniam quandam præstabilitam* (ut aiunt) constanter agant, & effectus, quos ab æternò prænovit & sequi voluit creator juxta ejus beneplacitum, naturali quo am modo producant, (sicut machina quæ semel constituta opificis concursu non indiget) utrum secundas causas constanter dirigat, ut effectus non ex legibus stabilitis, sed ex arbitrio suo edant, nodus est non ita facilè solvendus. Sive hanc sive illam amplectamur opinionem; hoc saltem admitti debet, Deo non indignum esse, ut immediatam suam directionem aliquando interponat, & tam mentes hominum quam rerum inanimatarum facultates ita dirigat, ut præter expectationem & solitas agendi regulas res evenire possint. Media quidem via in hac re tutissima videtur; nimirum ut à causis *ordinariis* haud temere discedamus, neque tamen Deum ita iis restrictum esse credamus, ut nihil unquam extra ordinem causarum naturalium agat. Vid. LEIBNITZ *Essais de*



Denique,  
imperfecti-  
onis nihil  
habere.

gitur, & nihil boni malique in nos vult aut potest conferre<sup>13</sup>.

V. QUARTUM est, *Nullam attributum in Deum cadere, quod aliquam imperfectionem involvat.*

*Theodic.* WOLF. *de Syst. Harm. Præstab.* SHERLOCK *de Provid.* WHISTON. *Theor.* L. IV. c. iv. Sol. 87. JENKIN. *de Rel. Chr.* Vol. II. p. 218. FIDDES. *Theol. Spec.* L. III. P. ii. c. 4.

<sup>13</sup> Hanc ob causam Philosophi EPICURUM atheismi reum postulabant, quippe qui, divinam providentiam haud agnoscens, verbis reliquerit Deum, re sustulerit. Similiter CICERO. "Sunt philosophi & fuerunt, qui omnino nullam habere censerent rerum humanarum procurationem Deos. Quorum si vera est sententia, quæ potest esse pietas? Quæ Religio? Quæ sanctitas?" *De Nat. Deor.* I. 2. Conf. GROTIUS. *de Jure B. & P.* L. II. c. xx. § 46.

<sup>14</sup> Hoc in loco nimium breviter studet vir doctissimus. Res gravis est & permagni momenti, ut de divinis perfectionibus rite concipiamus; ideoque liceat mihi prolixiore disquisitione hoc argumentum persequi. *Perfectum* duplici modo dicitur, vel *absolute* vel *suo genere*. Id *suo genere* perfectum est, cui nihil eorum deficit, quæ ad singularem ejus naturam pertinere possint. Mundus est perfectus, si nihil huic deficit, quod ejus usui & commoditati inservire potuit: Lex est perfecta, quæ subjectis optimè convenit. Id vero *absolute* perfectum, quod omnibus quæ bona sunt & æstimabilia, sine ullo defectu potitur. In quo sensu Deum esse perfectum probare sic aggredior. 1. Quæ in effectis apparent perfectiones, eadem in causa fuerint. Homines gaudent perfectionibus quibusdam; v. g. potentiâ, sapientiâ, bonitate, felicitate, &c. ergo Deus iisdem fruitur. 2. Deo competunt hæ perfectiones modo infinito; nam si aliquid finitum est, tum vel quia causa ejus tantum nec plus ei communicavit, vel quia ipsum non amplius capiebat. Sed nec hoc

nec

*involvat.* Cum enim ille omnium rerum causa Cap. 4.  
fit & origo, absurdum foret, creaturam ipsius  
aliquam sibi posse *perfectiorem* animo concipere, quæ abs Deo abesset<sup>14</sup>. Imo cum istius  
perfectio

---

nec illud in Deum cadere potest. 3. Attributum finitum nequit competere subjecto infinito, nec infinitum attributum subjecto finito; in Deo unum est attributum infinitum, *viz.* æternitas (quod supra probatur) ergo cætera attributa sunt infinita. 4. Patet ex creatione mundi, ex causis finalibus, ex mirabili rerum structurâ & ordine. 5. Idem facilius probatur de singulis attributis sigillatim. *Primo*, Æternitas eadem operâ demonstratur, atque ipsa existentia; redi igitur ad Not. 2. Hic addemus tantum modum hujusce attributi nobis esse prorsus incognitum. Nequit enim duratio æterna esse successiva, vel tempori similis, quoniam contradictionem implicat: a nobis tamen vix concipi potest sine partium successione, quoniam ipsa idea durationis oritur ex successione. *Secundo*, Ab æternitate sequitur *independentia*, vel *necessaria existentia*; nam quod sine principio existit, sine causâ existere necesse est; ne daretur causa prior primâ. Sed existere independentem, necessario, & sine causâ idem prorsus sonant; unde patet, &c. *2. E. D. Tertiò*, Potentia recte Deo attribuitur, tum quia mundum creavit, tum quia creaturis potentiam dedit, ut supra ostensum est. Hoc verò admissò, *omnipotentia* probatur ab *independentiâ*; nam ubi nulla datur limitationis causa, ibi nullus erit limes. *Quarto*, *Omniscientia* iisdem mediis demonstratur, ac omnipotentia. *Quinto*, Probatur *immutabilitas* ab *independentiâ*; nam quævis mutatio requirit causam. Sed nulla causa agit in Deum, nec Deus agit in se; ergo, &c. *Sexto*, Attributa *moralia* demonstrantur à *posteriori*, vel à causis finalibus. Nimirum, omnia ad hunc finem constituto videntur, ut felicitatem vel commune bonum promoveant, Unde patet creatorem hunc finem consilio suo

## Cap. 4.



perfectio infinitis modis exsuperet caput tantillæ creaturæ, eandem terminis potius negativis quam positivis exprimere par erit. Inde Deo hautquaquam sunt tribuenda, quæ *finitum* aut *determinatum* quid notant; quia finito majus semper attribui potest. Et omnis determinatio ac figura terminos ac circumscriptionem involvit. Quin nec dicendus est distincte

---

suo destinasse; & cum finis bonus est, auctorem ejus esse *bonum* necessario sequitur. Positâ bonitate Dei, patet infinitam esse; necnon & infinitam justitiam, veracitatem cæterasque perfectiones morales rectè Deo attribui; nam omniscientia, quod optimum est, ostendit, omnipotentia id efficere potest, & voluntas ad idem impellit. Undè colligitur, hisce omnibus simul sumptis, Deum omnibus perfectionibus, tam moralibus quam naturalibus infinito modo gaudere. Q. E. D.

<sup>15</sup> Hæc nimis incautè dicta sunt, nec cum religione sincerâ constare possunt. Perperam quod positivum est, in Idea infiniti omittit, & ei quod negativum est, tantum inhæret. Qui comprehendere Deum posse negant, non hoc sibi volunt (si sapiunt) ac si nullâ planè ratione agnosci queat; sed quod humanæ mentis nimis angusti sint limites, quàm ut Dei perfectiones adæquatè & omni modo concipiat. Quis vero hanc rationationem ferat? Cujuscunque rei non datur adæquatus conceptus, illius nulla est Idea, illa non ens. Eodem prorsus argumento, quo hic utitur noster, militarunt athei quidam contra Deum, eumque inter naturas, quæ neque exsistunt usquam, neque possunt existerè, collocare conati sunt. Nulla est, inquit HOBBSIUS, idea neque conceptus, qui oriri potest ex hac voce INFINITUM. Quando dicimus rem aliquam esse infinitam, hoc tantum significamus, non posse nos illius rei terminos ac limites concipere, neque aliud concipere præter nostram impotentiam. Phys. P. IV. c. xvi. Et alibi: Quan-

do

finctæ & plane comprehendi aut *concipi nostra* Cap. 4.  
*imaginatione*, vel quacunq̃ facultate animæ  
 nostræ; quia quicquid animo distincte & plene  
 concipere valemus, id finitum est. Neque ve-  
 ro ideo, quia Deum infinitum dicimus, ejus  
 conceptum plenum animo tenemus: cum infi-  
 nitum proprie non notet aliquid in ipsa re,  
 sed impotentiam in animo nostro<sup>s</sup>, ac si dice-  
 remus,

---

*do dicimus aliquid esse infinitum, non aliquid in re signifi-*  
*camus, sed impotentiam in animo nostro: tanquam si dice-*  
*remus nescire, an & ubi terminetur.* De Cive, c. xv. §

14. Quæ quidem sententia à pietate maxime abhorret;  
 cum id nobis persuasum esse velit, quæ de Deo vulgò  
 prædicantur, nihil habere veritatis; nuda enim &  
 mera esse omnia vocabula, quæ nihil præter hoc sig-  
 nificent, mentes nostras stupore quodam & veneratio-  
 ne percussas esse. Sed hæc omnia falso nituntur fun-  
 damento, & hac voce *infinitum* rite explicatâ, fundi-  
 tus corruunt. Quam ad rem distinguere oportet in-  
 ter infinitatem, quæ de numero, quantitate & ejusmo-  
 di prædicatur, atque eam, quæ rebus indivisibilibus  
 attribuitur. Illa est mera negatio limitum; infinitus  
 est numerus, quia semper augeri potest, & ob hanc  
 ipsam rationem dari nequit numerus actu infinitus.  
 Itane vero de divinis attributis definire licet, ea non  
 esse actu infinita? i. e. esse finita? Nam quicquid ex-  
 istit, *actu* est. Quodcunque quantitatem habet de eo  
 prædicabilem, vel numero mensurari potest, ob hanc  
 ipsam causam non est verè infinitum. Idem sentit  
 ARISTOTELES. οὐκ ἐστὶ ἀπειρον οὐδὲν μέγεθος.  
*Nulla quantitas est infinita.* Metaph. L. XIV. c. vii. Id  
 vero infinitum est vere & proprie dictum, cui nihil  
 addi potest: quo modo divina attributa vocantur in-  
 finita. Potentia est infinita, cui nihil deficit; vel  
 quæ ad omnia potentia objecta extenditur: & sic de  
 cæteris. Ut verbo dicam, *infinitas* cum Deo attribu-  
 itur,

Cap. 4. remus, non capere nos magnitudinem ejus essentiae. Inde nec recte dicitur, quod *partes* habeat, aut sit *totum* aliquid; quia haec attributa finitorum sunt. Neque quod *in loco* aliquo contineatur; quia hoc innuit fines & terminos magnitudinis. Neque quod *moveatur*, aut *quiescat*; utrumque enim supponit esse in loco<sup>16</sup>. Sic nec Deo proprie adtribui possunt, quæ *dolorem* aliquem aut *passionem* notant, (*proprie* dico: nam ubi *talia* Deo attributa leguntur, id fit ἀνθρώπων ἰσχύς, pro effectū, non affectu)

itur, idem sonat, ac *perfectio*. Conf. CUDWORTH. *Syst. Intell.* Cap. v. Sect. i. § 17. *cum* Notis doctissimi MOSHEMII.

<sup>16</sup> Modus divinæ essentiae nobis est prorsus incognitus: Deus ubique præsens est sine extensione; omnia cognoscit sine idearum successione. Nam quod extensum est, nequit cogitare; & quod successivum, haud recte æternum dicitur. Difficilimum quidem est in conceptibus nostris vel extensionem vel successionem ab existentia remove: sed cum ex hac parte datur demonstratio, ex illa difficultates tantum ex modis essendi & nostrorum conceptuum imperfectione oriundæ, nullus relinquitur dubitandi locus, cuinam parti assentiendum est.

<sup>17</sup> Sic in sacris litteris Deum alicujus facti (v. g. creationis, *Genes.* vi. 6.) pœnituisse dicitur, cum aliud agit, quam prius agebat vel acturus esse videbatur, quia simile quid facit hominibus, quos pœnitet. Non revera consilium mutat, (ipse enim est immutabilis) sed ista rerum seu eventuum mutatio in tempore fit juxta immutabile Dei decretum, quo ab æterno sancita & constituta fuerat.

<sup>18</sup> Cavendum est autem ab istorum errore, qui nullam esse ideam Dei, nullam divinorum attributorum  
cum

affectu) ut est ira, poenitentia, misericordia<sup>17</sup>. Cap. 4.  
 Item, quæ *egestatem & absentiam* alicujus boni notant, ut est appetitus, spes, concupiscentia, amor cupidinis. Nam hæc involvunt indigentiam, adeoque & imperfectionem; cum intelligi non possit, ut quis adpetat, speret, cupiatve, nisi quibus indiget, caretve. Sic & quando Deo tribuitur *intellectus, voluntas, scientia, & actus sensuum*, visio, auditio, illa longe sublimiori modo sunt capienda, quam quo nobis insunt<sup>18</sup>. Nam voluntas est adpetitus

---

cum nostris facultatibus similitudinem docent; sed bonitatem, intellectum, voluntatem, &c. Dei esse *toto genere* à nostris diversa & discreta, atq; sensu merè *analogico* à nobis intelligenda; quæ doctrina (nisi cum grano salis admittatur) nec cum sanâ religione, nec cum veris scientiæ principiis rectè constare possit. Quid enim magis à ratione alienum esse possit, quam ut assensum præbeamus, cum nihil omnino de verâ rei naturâ intelligatur? Quid magis impossibile, quam ut divinas perfectiones (v. g. bonitatem, justitiam, cæterasque ejusmodi) admiremur, necnon & nobis in exemplum proponamus, si sint penitus incognitæ, & ab omnibus quas de iis formare possumus notiones, omnino remotæ & diversæ? Itaque ut rectius de hac re judicium feramus, paucis exponam, quæ ad litem dirimendam valere possunt. 1. Ubi non dantur ideæ, ibi nec rationi nec fidei locus dari possit. 2. Perfectio in genere dicta in unoquoque subjecto idem valet. 3. Idea divinarum perfectionum oritur ab iis, quas in nobismet ipsis experimur. 4. Perfectiones quas Deo attribuiamus ejusdem sunt *generis*, atq; istæ quas homini. Ideam potentiæ à nostris facultatibus acquirimus, eandem Deo competere probamus. 5. Ea solum divinis perfectionibus cum humanis intercedit differentia, ut

Cap. 4. titus rationalis: appetitus autem præsupponit absentiam, & indigentiam, rei congruentis. Et intellectio ac sensus in hominibus involvit passionem, per objecta in organa corporis, & potentias animæ impressam. Quod est indicium potentiæ ab alio dependentis, & consequenter non perfectissimæ. Denique & illud à perfectione divina abhorret, si dicantur *plures uno Di.* Nam præterquam quod admiranda mundi harmonia unum duntaxat ejus mode-

---

ut hæ finitæ sint, illæ infinitæ: in genere conveniunt, in gradu & modo essendi differunt. Sic scientia hominum est imperfecta, Dei perfecta; illi ope idearum, cognoscunt & percipiunt, hic verò modo nobis abscondito. Scientia in abstracto ubique eadem est, sed in diversis subjectis diversa, nunc major nunc minor, nunc hæc nunc illæc modificata. Sunt autem, qui nos per *analogiam* saltem de modis divinorum attributorum, & de omnibus mysteriis concipere volunt. Eam autem ab omni philosophiâ exulare malui; quippe ad ideas intellectus minime pertinet, & cum phantasiâ solâ commercium habet. Res prius intellectas per analogiam facilius docemus & in mente concipimus, sed ut ignotæ intelligantur, ne hilum quidem proficit. Qui Deum esse omnipræsentem scit, recte dicit eum omnia audire & videre; quæ quidem non verè & propriè dicta sunt, sed analogicè. Vid. LAW ad KING de Orig. Mali, p. 88. Edit. 8vo.

<sup>19</sup> Haud tam levi operâ demonstratur unitas. Rectè GROTIUS: *Deos plures uno non esse, notio non æque est evidens ac Deum existere.* De Jure B. & P. L. II. c. xx. § 47. Verisimiliter patet ab harmonia mundi unicum esse Deum: nulla ratio est, quæ plures esse suadet, ergo evidentiâ demonstrativâ patet (non dico plures esse non posse, sed) non esse plures credendos, vel plures



moderatore arguit, etiam finitus tunc foret Cap. 4.  
 Deus, si plures essent paræ potestatis ab ipso  
 non dependentes. Sic ut contradictionem in-  
 volvat, plura dari infinita<sup>19</sup>. Quæ cum ita  
 sint, maxime rationi congruum est, circa at-  
 tributa Dei utcunque exprimenda uti nomi-  
 bus vel *negativis*, ut infinitus, incomprehen-  
 sibilis, immensus, æternus, i. e. principio & fine  
 carens: vel *superlativis*, ut optimus; maxi-  
 mus, potentissimus, sapientissimus, &c. vel *in-*  
*definitis*,

---

plures colendos. Unde gentes, quas de Polytheismo  
 reprehendit *Apostolus*, recte dicuntur *inexcusabiles*,  
 Rom. i. 20. Sunt & rationes quædam scholasticæ a  
 viris doctissimis ad unitatem Dei evincendam allatæ,  
 quibus vero, me iudice, plus inest subtilitatis quam  
 certitudinis. Accipe autem quales quales sunt: 1.  
 Quod à se est, singulare etiam est; singulare autem  
 non potest cum pluribus communicari. BUDDEUS  
*de Piet. Philos.* § 18. Cui vix dissimile est argumen-  
 tum GROTII. Deus est necessario, vel per se, neces-  
 sariò autem quidque est, non quæ in genere conside-  
 ratur, sed quæ actu est: actu autem sunt res singu-  
 læ. *De Verit. Rel. Chr.* L. I. § 3. 2. Dei nomine  
 ens summum perfectissimumq; intelligitur; quare si  
 quis plures vellet admittere Deos, ille admitteret en-  
 tia, quæ & perfectissima essent, simul tamen & imper-  
 fecta, quia unum careret perfectione alterius. BUD-  
 DEUS *ubi supra*. 3. Si duo essent aut plures Dii liberè  
 agentes & volentes, possent contraria velle; impedi-  
 tur autem alter ab altero, quo minùs quod vellet, ef-  
 ficeret; impediri autem posse, Deo indignum est. *Ibid.*  
 4. Deus necessariò existit, quæ necessitas est simplex &  
 uniformis. Qui duo necessariò existere supponit, in  
 eo sibi met contradicit, quod cum utrumque indepen-  
 dens est, utrumvis sine altero existere supponi potest, &  
 ex

Cap. 4. *definitis*, ut bonus, justus, creator, rex, dominus, &c. eo sensu ut non tam velimus, quid sit, distincte dicere, quam nostram admirationem & obedientiam qualicunque expressione profiteri; quod est signum animi humilis, & animi honorantis quantum potest<sup>20</sup>.

*Cultus Dei naturalis internus quibus?*

VI. PROPOSITIONES *practicæ* religionis naturalis versantur partim *circa internum*, partim *circa externum cultum Dei*. *Internus cultus* Dei consistit in ejus *honore*. Honor autem est opinio alienæ potentiae, conjunctæ cum bonitate. Debet scilicet animus hominis ex consideratione potentiae & bonitatis Dei, quantum potest animo venerationem adversus ipsum concipere. Ex quo fluit, ut eundem debeat *amare* tanquam omnis boni auctorem & datorem; in eum *sperare*, tanquam abs quo in futurum quoque omnis nostra felicitas dependeat; ejus voluntate *adquiescere*, tanquam

---

ex consequenti neutrum necessario existit. CLARKII *demonstratio de Deo & attributis*. Prop. 7. De horum argumentorum vi & efficaciam nihil dicemus. Si quis ea ad justum examen revocare velit, consulat omnino eruditissimi nostri amici EDMUNDI LAW notas ad KING *de origine mali* lectu dignissimas, necnon & responsum ejus ad J. JACKSON in dissertatione de *spatio, tempore, &c.*

<sup>20</sup> Similiter HOBBSIUS. *Nomen Dei non usurpatur; ut illum concipiamus; sed ut honoremus*. Leviath. P. I. c. 1. de qua re vid. supra not. 15.

<sup>21</sup> Audi SENECAM. "Primus est deorum cultus  
" deos credere, deinde reddere illis majestatem suam,  
" reddere bonitatem, sine qua nulla majestas est. Scire  
" illos

tanquam qui pro sua bonitate omnia optime  
faciat, nobisque det, quæ maxime expediunt;  
eum *timere*, tanquam potentissimum, & cu-  
jus offensa maximum sit malum conciliare apta;  
ei denique in omnibus humillime *obsequi*, tan-  
quam creatori, domino, ac rectori optimo  
maximo<sup>21</sup>.

Cap. 4.

VII. *Externus Dei cultus* in hisce potissimum  
consistit, ut homo Deo *gratias agat* pro tot bo-  
nis ab eo acceptis; ut ipsius voluntatem per  
actiones suas, quantum fieri potest, exprimat,  
seu ei *obtemperet*. Ut ejus magnitudinem  
*admiretur*, & *celebret*. Ut *preces* ad ipsum  
*fundat* pro obtinendis bonis & averruncandis  
malis; preces enim sunt signa spei, spes vero  
bonitatis & potentiae divinæ agnitio est<sup>22</sup>. Ut  
si res tulerit, per solum Deum *juret*, & jura-  
mentum

*Externus  
quibus par-  
tibus absol-  
vatur?*

“illos esse, qui præsident mundo, qui universa vi sua  
“temperant, qui humani generis tutelam gerunt, inter-  
“dum curiosi singulorum.” *Epist. xcv.*

<sup>22</sup> Sunt, qui necessitatem cultûs externi ex lumine na-  
turali patere posse vel negant vel in dubium vocant. 1mo.  
*Quia Deo non opus est nostris laudibus aut precibus, cui jam  
satis perspecta sint sensa nostræ mentis.* 2do. *Quia variæ  
sunt methodi, quibus pietatem nostram & venerationem ad-  
versus Deum, tanquam Ens supremum, agnoscere & illu-  
strare possumus, & si vitæ hominum sint virtutis normæ con-  
formes, iis non opus est precibus.* Hæc verò rationes  
nihil omnino in hâc causâ valere, gravissimis argu-  
mentis evinci potest. Et si enim Deus non indigeat ex-  
ternis signis ad animi nostri percipiendos sensus, tamen  
preces necessariæ videntur tum ad nostri tum ad aliorum  
hominum commoda. 1. Respectu *nostri*, preces ore  
prolatæ magis aptæ sunt ad excitandos animi motus;  
earum

Cap. 4.



mentum religiosissime observet: Hoc enim postulat omniscientia & potentia Dei. Ut de Deo *considerate loquatur*; id enim est signum timoris; timor autem potentiae confessio est. Ex quo consequitur, *non esse utendum Dei nomine temere & frustra*; utrumque enim inconsideratum. *Non esse jurandum, ubi non est opus*; est enim frustra. *Non esse curiose & petulanter disputandum circa naturam & gubernationem Dei*: ex hoc enim nihil aliud sequitur, quam ut Deum exigere velimus ad modulum nostrae rationis. Item, ut *quidquid Deo præstandum est, in suo genere sit eximum & honorem exprimere aptum*. Item, ut *homo Deum non solum secreto, sed & palam & publice in conspectu hominum colat*. Occultare enim aliquid est, quasi quis eo exercendo erubesceret. Contra publicus cultus non solum de

---

earum auxilio attentio facilius conservatur, & pia mentis cogitationes melius foventur. Quorsum spectat illud AUGUSTINI. *Nescio quomodo, cum hi motus corporis fieri, nisi motu animi præcedente non possint; iisdem rursus exterius visibiliter factis, ille interior invisibilis, qui eos fecit, augetur*. De Cur. pro Mort. cap. 5. Et hinc patet privatarum precum obligatio. Deinde vix concipi in mente potest, cum qui nunquam preces ore effundit rectè de Deo sentire posse. Mens pia naturali quodam motu ad gratiarum actiones impellitur. 2. Respectu hominum aliorum, preces publicæ & supplicationes solennes cum omni apparatu honesto cultus exterioris perquam utiles & necessariae videntur. Experienciâ comperitum est, immane quantum exterior pietatis facies, & religiosi cultus

de nostra devotione testatur, sed & alios ex-  
 emplo incitat. Denique ut *summo conatu le-* Cap. 4.  
*ges naturales observet.* Nam uti imperium  
 Dei parvi pendere, superat omnes contume-  
 lias; ita e contrario omnibus sacrificiis est ac-  
 ceptior obedientia.

VIII. ENIMVERO id certum est, effectum  
 hujus Religionis Naturalis, præcise & pro  
 præsentis hominum conditione considerata, in-  
 tra sphæram hujus vitæ terminari; ad æter-  
 nam autem salutem nanciscendam nequaquam  
 valere. Ratio quippe humana sibi relicta jam  
 ignorat pravitatem, quæ in facultatibus & in-  
 clinationibus hominis cernitur, per culpam hu-  
 manam provenisse, Deique offensam & æter-  
 num exitium mereri. Eoque & necessitas sal-  
 vatoris, ejusque officium & meritum, nec non  
 promissa Dei humano generi facta, & quæ alia  
 inde

*Æternæ  
 salutis obti-  
 nendæ  
 haud suffi-  
 cit.*

cultûs professiones statæ & ordinariæ ad mentem vulgi  
 hominum saltem metu numinis & reverentiâ percellen-  
 dam conferre solent: adeo ut nesciam an iis sublati so-  
 cietas humani generis unâ cum omni religione tollatur.  
 Publica pietatis exempla plurimùm valent ad excitan-  
 dum in hominum mentibus religiosam quandam vene-  
 rationem numinis, quæ societatis vincula firmiori nexu  
 colligant. Conjunctio plurimorum hominum in eâdem  
 mente & voce haud parum conducit, vel ut ira Dei  
 avertatur, vel ut impetrentur beneficia. Quæcunque au-  
 tem faciunt, vel ad promovendam salutem publicam aut  
 privatam, vel ad avertendam Dei iram, vel ad impetran-  
 da beneficia, ea omnia sunt inferenda aut adoptanda in  
 religionem naturalem.

23 Non

Cap. 4. inde dependent, eandem latent : per quæ sola salutem æternam hominibus provenire, ex divinis literis constat<sup>23</sup>.

*Absque  
religione  
nullum so-  
cietatis  
vinculum.*

IX. OPERÆ pretium porro fuerit paulo distinctius expendisse usum, quem in vita humana religio gignit ; ut constet, *eam revera esse ultimum & firmissimum humanæ societatis vinculum.* Nam in libertate naturali, si metum divini numinis removeas, ubi quis propriis viribus fîsus fuerit, quælibet imbecillioribus pro

---


<sup>23</sup> Non autem in eo sensu intra limites hujusce vitæ continetur jus naturale, ut nihil omnino ad futuram spectet. Argumenta sunt varia, quæ plurimum suadent vitâ hac conclusâ, nondum expleri omnes partes hujus dramatis : mens humana ab intuitu hodierni statûs ad futurum aliquem præfagiendum statim excitatur ; & erigitur expectatione earum rerum, quæ secuturæ sunt in altera vita, quasi in proxima scena. Si naturam animæ attentius perpendamus, facilè patet, referente CICERONE, *nihil esse huic admixtum, nihil concretum, nihil copulatum, nihil coagmentatum, nihil duplex. Quod cum ita sit, certe nec secerni, nec dividi, nec discerpi, nec distrahi potest ; nec interire igitur.* Tusc. Disp. I. 29. *Interire non posse* haud tam certò sequitur ; probat autem pereunte corpore, non ideo pereundam esse animam, adeoque post mortem superstitem esse posse. Deinde cum Deus sit æqui rectique amantissimus, non erit hujusce mundi otiosus spectator ; jus faciendum curabit, nec eandem vel doloris vel felicitatis portionem dignis & indignis impertiet ; sed bene & male merentibus suam unicuique debitam. Enim vero fatendum est neminem mortalium perfectam obedientiam præstitisse, nec si propriè dictum est, præmia mereri posse : unde demonstrari nequit quenquam præmia aliquando pro certo consecuturum fore ; attamen cum bona fortunæ & felicitas hujusce vitæ virtuti & sapientiæ non semper adhæreant

pro lubitu inferet, ac honestatem, pudorem, Cap. 4.  
fidem, inter inania vocabula reputabit, nec  
ad recte faciendum aliter, quam sensu pro-  
priae imbecillitatis adigetur <sup>44</sup>. Porro, religione  
remota, civitatum firmitas intrinseca semper  
in incerto foret; ac ad cives in officio conti-  
nendos hautquidquam sufficeret metus tempo-  
ralis pœnæ, fides superioribus data, ejusque  
servandæ gloria, & gratitudo, quod ope sum-  
mi imperii a miseriis status naturalis defendan-  
tur.

---

hæreant & pessimè merentibus interdum optime sit,  
hanc inæqualitatem ferre nequit Deus, sed aliquando  
aliud ab alio discernet: ita ut diversa sit rerum distri-  
butio in statu futuro ab ea, quæ hodie obtinet. Et  
quo quisque est perfectior, & Deo proximior indole &  
natura, eo erit altior & beator, vel saltem eo mino-  
rem pœnam sortietur. Concesso enim (quod quidem  
salva Dei justitia negari non potest) religionem natura-  
lem per se & sine piaculo quodam peccati, ad salutem  
æternam non sufficere: Attamen rationibus maxime  
probabilibus, & quæ fidem facile suadere possint, sta-  
bilitur hæc veritas; iis, qui pro modulo humanæ in-  
firmitatis virtutem in hac vita colant, aliquando me-  
lius fore, quam profanis & impiis, qui Deum aver-  
santur, & quicquid bonum & honestum est, repudiant  
& abhorrent. Unde consequentissimum est, ut jus  
naturale non intra sphæram hujus vitæ terminetur, &  
lumen rationis distitet actiones hominum ad vitam fu-  
turam spectare debere. Sublato autem statu futuro,  
unà tolluntur legis naturalis sanctiones, adeoque ipsa  
obligandi vis. Vid. BURNÉT *de Statu Mortuorum*.  
CHAUVIN *de Relig. Nat.* L. I. cap. viii.

<sup>44</sup> Quæstio sæpe versatur, utrum societas cum athe-  
ismo constare possit? Partem affirmativam tueritur  
MACHIAVELLIUS, HOBBSIUS, TOLANDUS, &  
BÆLIUS, quorum rationes vix operæ est pretium ad

Cap. 4.  tur. Tunc enim revera locum haberet, *Qui mori scit, cogi nescit*<sup>25</sup>: quippe, cum Deum non metuentibus nihil magis quam mors mei possit, huic contemnendæ qui sufficeret, in imperantes quævis tentare posset. Ut autem id vellet, vix causa defutura foret; puta ut declinaret incommoda, quæ sibi ab alterius imperio videntur incumbere; aut ut ipse potiretur commodis, quæ imperii possessorem commitantur. Præsertim cum facile judicare possit, jure se id facere; vel quod qui in præsens rerum potitur, prave remp. videatur gerere; vel quod ipse longe melius imperaturum sese speret. Occasio autem ad talia tentanda facile offerri posset, rege vitam suam non satis caute circumsepiente (& quis tali rerum statu custodes ipsos custodiet<sup>26</sup>?) vel multis conspirantibus, vel bello externo ingruenti adsitis in partes hostibus. Præterea cives ad injurias mutuo inferendas futuri essent pronissimi. Cum enim in foro civili pronuncietur secundum acta & probata; omnia scelera & flagitia,

---

examen revocare. 1. Quia nulla unquam gens compta fuit, quæ Deum non agnosceret: nisi cui ratio & boni mores, inducta feritate, plane sordescunt. Unde vel nihil, vel quod contra hos facit, ab exemplis colligi potest. 2. Quia omnes uno ore fatentur, religione sublata, humanam societatem non tam firmo & stabili pede stare posse. Quod ipsi veritatis & veræ religionis hostes agnovisse videntur; cum in errorem quodammodo contrarium dilabantur, in eo, quod religionem, quam leges civiles constituunt & ratam faciunt, diligenter colendam esse & tuendam docent, falsa

fit



flagitia, ex quibus lucrum provenire aptum Cap. 4.  
est, si occulte patrari & sine arbitris possent,  
pro dexteritate ingenii, in qua placere sibi  
quis posset, haberentur. Nemo quoque opera  
misericordiæ aut amicitiae foret exerciturus,  
nisi gloriæ aut emolumenti explorata spe. Ex  
quo & illud consequeretur, ut dum nemo in al-  
terius fide, remotis pœnis divinis, solidam fi-  
duciam collocare posset, singuli perpetuo metu  
& suspicionibus anxii viverent, ne ab aliis de-  
ciperentur, aut læderentur. Sed & tam im-  
perantes quam subiecti parum proclives futuri  
essent ad præclara & gloriosa opera patranda.  
Nam imperantes, nullo conscientiae vinculo  
constricti, omnia munia, ipsamque justitiam  
venalia essent habituri, & in omnibus privatum  
commodum quæsituri; cum oppressione civi-  
um: a quorum rebellionem uti sibi semper me-  
tuerent, ita suam salutem unice in eo positam  
intelligerent, ut istos quam maxime enerves  
redderent. Cives contra, oppressionem im-  
perantium formidantes, nunquam non circum-

---

sit an vera nihil morantes. Hoc modo MACHIAVELL.

" In id diligenter incumbere debent, quicunque Reip.

" aut regno alicui imperant, ut ejus religionis quam ipsi

" colunt & venerantur, fundamenta facta testaque con-

" servant: quâ quidem re cives suos pios devotosque

" efficient, & aptos ad concordiam colendam." *De Re-*

*pub.* L. I. cap. xii.

<sup>15</sup> SENECA. *Hercul. Fur.* v. 425.

<sup>16</sup> *Pone seram, cohibet, sed quis custodiet ipsos*

*Custodes* — JUVEN. *Sat.* vi. 346.

Cap. 4. specturi forent occasiones rebellandi : nec minus tamen ipsi inter se diffisuri, seque mutuo formidaturi erunt. Quin & conjuges, oborta vel levi querela, se invicem essent suspicaturi ne veneno, aut alio clandestino modo necarentur. Par periculum a familia immineret.

Cum

<sup>27</sup> Omisit auctor, quod in hac re præcipuum est, sine fide in Deum nihil valere juramenta, & sine juramenti nullum esse fiduciæ & veritatis vinculum. Testem habemus CICERONEM. “ Utiles autem esse opiniones  
 “ has, quis neget cum intelligat, quam multa firmentur *jurejurando*, quantæ salutis sint *foederum religiones*? Quam multos divini supplicii metus à scelere  
 “ revocarit? Quamque sancta sit societas civium inter  
 “ ipsos, diis immortalibus interpositis, tum iudicibus,  
 “ tum testibus?” *De Leg. II. vii.*

<sup>28</sup> Eadem argumenta, quæ religionem cum utilitate civitatum amicè conspirare probant, à *fortiori* concordiam Christianæ Doctrinæ cum verâ politicâ demonstrant. Audi de hoc argumento ipsum PUFENDORF.  
 “ Hac in parte amice conspirat religio Christiana,  
 “ dumque ista optimam habitudinem civitatum valde  
 “ deformantia solis suis artibus tollere nequit, aut  
 “ gravioribus velut districta negligit, emendare & ex  
 “ fundamento curare, quantum humana pravitas in  
 “ hac mortalitate corrigi idonea est, laborat. Nam  
 “ primo, Religionem Christianam divina quædam  
 “ comitatur gratia apud illos, qui non nomine solo  
 “ eam profitentur; per quam animi ita imbuuntur,  
 “ ut deinceps ad officium suum faciendum incumbant,  
 “ non respectu pænæ aut emolumenti temporalis, sed  
 “ ex amore & reverentia erga Deum, & ut eidem obsequium suum approbent. Deinde religionis Christianæ decretis non satisfecit, qui externis tantum & crassioribus vitiis sese abstinuit, sed illa quam maxime internam cordis puritatem, affectuumque  
 “ & cupidinum compositos motus requirit. Nec illi  
 “ aliquod

Cum enim sine religione nulla quoque futura Cap. 4.  
foret conscientia, non facile esset occulta ejus-  
modi scelera deprehendere<sup>27</sup>; quippe quæ ple-  
rumque per inquietudinem conscientiae, & ter-  
rores, in exteriora indicia erumpentes, pro-  
dantur<sup>28</sup>. Unde adparet, quantopere intersit  
generis

---

“ aliquod minutum aut contemnendum peccatum vi-  
“ detur, sed etiam de otioso verbo apud tribunal di-  
“ vinum rationem reddendam docet. Neque illi  
“ satisfecit, qui alterum non læsit aut contractus  
“ explevit; sed beneficentia quoque, humanitas,  
“ misericordia quantum in cujusque viribus exercenda  
“ injungitur, etiam ubi nulla recuperandi spes arde-  
“ Neque illi sufficit vanis litibus alteri molestiam non  
“ faceßere; sed & ad injurias condonandas, ad re-  
“ mittendum aliquid de summo jure pronos esse eadem  
“ jubet. Nec alteri sua eripuisse, aut per alterius  
“ stragem ad honores grassatum non fuisse satis est:  
“ sed etiam per innoxia media avaritiæ aut ambitioni  
“ litasse inter vetita habetur. Denique Christiani ho-  
“ minis officium nequidquam implevisse judicatur, qui  
“ utcumque vitæ suæ innocentiam civili judici adpro-  
“ bare potuit, & si non castè tamen cautè agere, sua  
“ quæ facinora dextre negare & obtegere calluit; qui  
“ que adeo probitatis suæ hoc palmarium habet argu-  
“ mentum, hujus vel illius facinoris me nemo legiti-  
“ me convicerit. Sed ex scitis Christianæ religionis  
“ Deus etiam arcana pectoris arbitratur.” Et sic de-  
inceps. *Dissertat. Academ. de Concordia veræ Polit.*  
*cum Relig. Christ.* p. 557. Solet autem à nonnullis  
disputari, Christianæ religionis dogmata nequaquam  
cum bello gerendo consistere posse, vel saltem huic  
plurimum officere. Tangit hanc rem MACHIAV. *Disc.*  
*ad Liv.* L. II. c. ii. Et Christianam doctrinam omnino  
inutilem & noxiam esse militantibus (utcumque sit  
justa causa belli) probare aggreditur MANDEVILL. in  
P 3 Dialog.

Cap. 4. generis humani, atheismo omnes vias, ne invalescat, præcludere; simulque quanta vecordia eos agitet, qui ad opinionem prudentiæ politicæ conciliandam facere autumant, si in impietatem proclives videantur.

CAP.

*Dialog. de Usu Chr. Rel. in bello.* Eandem partem tueretur BÆLIUS. *Reflec. de Comet.* Utrum bellum sit Christianis licitum necne, non hujus est loci disquirere: Vid. nos infra ad *Lib. II. cap. xvi.* & GROT. *De Jure B. & P. L. I. cap. ii.* Virtutes autem, quas nobis commendat Christus, veræ fortitudini & bellicæ virtuti non solum non adversantur, sed revera inserviunt & promovent: quod satis probavit noster in libro supra laudato. “Quanquam si omnes homines religionem Christianam amplecterentur & secundum ejus præcepta exacte vitam instituerent, vix ullus bello locus fore videatur; tamen cum magna generis humani pars eandem non profiteatur, & inter eos qui verbo se Christianos jactant, non pauci habendi & dominandi libidine in bella injusta rapiantur; fas sane erit veris Christianis istorum injustam vim à vitâ, libertate fortunisque suis propulsare. Ipsa virtus patientiæ legitimam sui defensionem, & jurium suorum assertionem nequæquam excludit. Inconsulta autem & cæco impetu ruens ferocia bellis ut plurimum exitiosa est; nedum ut vera politica civium animos ea imbuendos censeat. Nam modesti & composito animo qui sunt, non minus strenuè pugnare possunt, ubi res poscit, quam feroces, & periculorum propter ipsa pericula cupidi. Denique & in hoc fortitudinem militarem insigniter promoveat religio Christiana, quod ea de immortalitate animæ & piorum post hanc vitam felicitate securos nos reddit; sic ut justa causa bellanti eo minus jactura hujus vitæ metuenda sit, quod per eam ad meliorem conditionem transferatur. Ad quod illustrandum facere potest, quod persuasionem immortalitatis &

“metem”

## CAP. V.

DE OFFICIO HOMINIS ERGA  
SE IPSUM.

I. QUANQUAM hominem amor sui *Officia cir-*  
penitus infixus subigat, sollicitam sui *ca se baud*  
curam agere, suaque comoda omnibus *frustra ho-*  
dis procurare, sic ut hoc intuitu aliquam o-*mini injun-*  
bligationem comminisci supervacuum videat- *ta.* L. ii. c. 4.  
tur; alio tamen respectu homo utique cer- § 1.

ta

“metempsychosēōs populis Celticis quondam metum  
“mortis dempsisse ait LUCANUS. Lib. I. 460.

## — Inde ruendi

*In ferrum mens prona viris, animæque capaces  
Mortis, Et ignavum rediturae parcere vitæ.*

CÆSAR de Bell. Gall. L. vi. de Druidibus loquens: *Im-*  
*primis hoc volunt persuadere, non interire animas, sed qd*  
*alii post mortem transire ad alios: atque hoc maxime ad*  
*virtutem excitari putant, metu mortis neglecto.* Ibid. p.  
556.

Conf. De Jure Nat. Et Gent. L. II. c. iv. § 3. *Exis*  
*Scand.* § 6. p. 7. *Spicileg. Controv.* § 16. p. 350.  
*Exam. Doctr.* § 2. Qu. 316.

¹ Licet autem homo magno impetu ad sui conserva-  
tionem feratur, obligatione tamen opus fuerit, tum quia  
aliquando eum cupido se destruendi incedere potest,  
tum quia homines ut plurimum mediis, quibus se con-  
servare possunt, aliter utuntur, ac iis uti debent. BUD-  
DEI *Phil. Pract.* c. iv. § 3.

Cap. 5. *ta* quædam circa seipsum observare tenetur. Cum enim non sibi soli sit natus homo, sed ideo tam eximiiſ dotibus a Creatore sit ornatus, ut ipſius gloriam celebret, & idoneum ſocietatis humanæ membrum exiſtat; inde ita ſeſe componere homo tenetur\*, ut ne dona Creatoris incultu perire patiatur, & ad ſocietatem humanam aliquid pro virili conferat. Sic etſi ſua cuique ruditas maximo ſit probro &

\* Nemo ſibi obligari poteſt; nam cum idem eſſet *obligatus & obligans*, obligans autem obligatum poſſit liberare, fruſtra eſſet ſibi obligari, qui liberare ſeipſum poteſt arbitrato ſuo, & qui hoc poteſt, jam actu liber eſt. HOBBS *de Cive*, C. vi. § 14. Attamen homo *erga ſeipſum* obligari poteſt, ut alius ſit auctor obligationis ſimpliciter conſtitutæ, ipſe vero ejus ſubjectum & ob-jectum. Sic cum ex omnium ſapientum conſenſu Creator O. M. hominem condiderit, ut ipſi inſerviat, excul-tiſque bonis ab ipſo ſibi conceſſis ejusdem gloriam redderet illuſtriorem; cumque ſocialitas, ad quam homo conditus eſt, exerceri commode & ſervari nequeat: ni quilibet ſeipſum, quantum in ſe, excolat & ſervet: adparet abjectâ planè ſui curâ hominem non ſibi quidem, ſed Deo creatori, ſed generi humano ſacere injuriam.

<sup>3</sup> Loco eorum, quæ ſequuntur uſque ad finem huiusce commatis, Ediſio OTTONIS ſex ſectiões exhibet de animo, & quæ ad illius culturam idonea ſunt: quas ſupplevit quidam nomine WEBERUS. Proculdubio quæ alterum agnoſcunt auctorem, locum in ipſius P. VENDORFII textu habere non debent. Sed cum lectu digna ſint, & non niſi conſentiente ipſo auctore (teſte STOLLIO, in *Introduſ. ad Hiſt. Liter.* p. 769) addita fuerint; nolimus lectorem iis omnino carere, ideoque hic commentarii vice apponi curavimus. Sunt autem, quæ ſequuntur.

I. Anſi

& damno, recte tamen a magistro vapulat discipulus, si, quarum capax erat, artes addiscere negligat. Cap. 5.

II. PORRO, cum homo constet duabus partibus, *Anima & Corpore*, quarum illa rectoris hoc ministri aut instrumenti vicem subit; sic ut animi imperio, corporis servitio magis utamur; utriusque quidem cura, sed illius tamen præcipue, agenda. Et: *Animus* quidem

*Primum eorum spectat animi culturam;*  
c. iv. § 4.

ante

1. Animum quidem quod attinet, ejus cultura huc potissimum redit, ut recte sese habeant *sententiæ* de rebus quæ ad officium hominis respiciunt, ac ut rite formetur judicium ac æstimatio circa res, quæ appetitum stimulare solent; ut motus animi ad normam sanæ rationis revocentur, ac temperentur; honestis artibus atque scientiis opera detur, & verbo: ut ad vitam socialem formetur animus, officiique honesti sensu & amore imbuatur.

2. Inter sententias igitur, quas imbibisse omnem hominem oportet, princeps ea est, ut ea de *Deo* creatore & conservatore hujus universi sciat teneatque, quæ præcedenti capite tradita fuerunt. In hac enim persuasione non solum præcipuum hominis officium vertitur, sed etiam ea firmamentum est omnis probitatis adversus alios homines exercendæ, & fundamentum illius acquiescentiæ, qua hominum animi intrinsece perfunduntur. Hæc uti nemo negabit, ita, quæ his repugnant, opiniones solícite excludendæ sunt. Nec solum hic intelligimus *Atheismum* & *Epicuræismum*, sed alios quoque opiniones bonis moribus & societati humanæ exitiosas & indolem actionum humanarum plene evertentes, quas inter est illa de *Fato Stoico*, de siderum positu actionibus & eventibus humanis indispensabilem necessitatem adferente, unde homines non nisi instrumenta actionum suarum redduntur, quas libere moderari

rari

Cap. 5. ante omnia ad commode tolerandam vitam  
 ~~~~~ socialem est formandus, officiique & honesti  
 sensu

rari penes ipsos non fit. Cognatum huic dogma est, quod consecutiones causarum & effectuum, seu illa velut catena rerum, à creatore constituta, tam immobilis habet legem, ut Deus circa eandem, ne in particularibus quidem casibus, libertatis sibi quid reservaverit. Perniciosa quoque est persuasio, quod *Numen peccata hominum velut nundinetur, & ea redimi patiatur pecunia aliisque muneribus, inanibus quibusdam ritibus, aut conceptis verborum formulis, citra emendationem vitæ.* Item quod Numen *capiatur* ejusmodi inventis hominum, *adsumptisque vitæ institutis*, quæ ad societatem humanam & civilem ad sanæ rationis & legis naturalis dictamen attemperatam non quadrant. Mala quoque est illa persuasio, quasi homini solum *pietatis exercitium* erga Deum sufficeret, *citra* respectum ad *probitatem* & officia erga homines exercenda: aut posse hominem non solum pro se suo *officio adversus Deum* satisfacere, sed & ipsi *superesse* posse, quod in alios transfundat. Item, dexteritati & nequitie scelerum eum indulgere, & quædam *peccata* habere velut *jocularia*. Ac denique Deo placere *preces*, ut alii homines immerito *malo* *malescentur*, quo ipsis lucri aperiatur occasio.

3. Post hæc cuique cultura animi circa hoc potissimum occupatur, ut *seipsum*, suamque naturam probe exploret & *nosse* discat. Ex hac enim cognitione sui ipsius rite suscepta homo deducitur ad cognitionem suæ conditionis ac muneris, dum primo animadvertit, se non à se ipso extitisse, sed sublimiori principio originem suas debere: se nobilioribus facultatibus dotatum, quam, quæ circa se prospicit, bruta; se denique non solum nec sibi soli natum, sed partem esse generis humani. Ex qua notitia concludit, se imperio divino subiectum, ac pro capto donorum sibi concessorum & Deo & societati humanæ obligatum esse; & quidem *intellectus* lumine ideo donatum, ut eo recte utatur, certum, possi.



sensu & amore imbuendus. Tum pro cuius-Cap. 5.  
que capacitate & fortuna aliquid addiscendum, ~~~~~

ne

---

possibilem & licitum finem sibi proponendo, & tum actiones suas, tum alia media ad eum recte attemperando; cui conjunctum, ut quia verum & rectum semper uniforme est, de similibus semper similiter judicet, sibi que, postquam recte judicaverit, semper constet. *Voluntatem* autem & appetitum ita compefcenda esse, ut rectum judicium non præcurrant, sed subsequantur, nec ejusdem decretis oblucentur. Deinde se probe cognito, homo deprehendit suam potentiam finitam, certoque habere limites, adeoque plurima esse, quæ dirigere, aut quibus obistere nulla ratione queat; aliqua non quidem absolute supra ipsius potentiam esse, sed quæ tamen intercurfu & oppositione aliarum potentiarum intercipi possint; quædam denique ejus potentie non aliter cedere, quam si eadem dexterritate fulciatur. Et quum videat, nihil tantopere in ipsius potestate constitutum, quam liberum arbitrium, ejusque potentia, quatenus circa proprias hominis actiones eliciendas diffunditur; inde in id præcipue incumbendum sibi judicat, ut his suis facultatibus bene & ad præscriptum rationis recte utatur. Hoc quippe illud est, ex quo cujusque intrinseca præstantia & probitas est metiendæ. Denique de cæteris, quæ *extra nos posita* sunt, ita censet, ut si vires ipsius non excedant, ad finem ejus faciant & digna sint, propter quæ labor sumatur, circa ea laborret, & propositum quidem recte formatum urgeat, nec tamen etiam contra torrentem nitatur. Et quia homo, in quantum solo rationis lumine regitur, in his terris ad aliam felicitatem adspirare nequit, quam quæ ex prudente facultatum suarum regimine nascitur, & ex subsidiis à divina providentia ordinatis, hinc cæcæ velut alcæ nihil committendum existimat. Et quum futuros eventus penes hominem non sit dirigere, sique sæpe præter spem nostram cadant; inde nec præsentibus nimis secure confidendum, nec futura supervacua  
anxietate

Cap. 5. ne quis inutile terræ pondus sit, sibi gravis,  
 aliis molestus. Sed & tempestive eligendum  
 honestum

anxietate & cura præcipienda, sed ob eandem causam secundis rebus insolentiam, adversis desperationem procul habendam statuit.

4. Sunt quoque quæ adpetitum humanum præcipue stimulare solent, quibus ut homo justum pretium ponere sciat, pars quoque hujus culturæ est necessaria. In his autem ut *opinio præstantiæ & excellentiæ*, unde honor & gloria apud alios progignitur; splendidissima, & quæ erectioris indolis homines præcipue sollicitare idonea est: ita circa hanc sit formandus animus ut omnium maxime *existimationem simplicem* seu opinionem boni viri acquirere & conservare etiam adversus calumnias laboret. *Intensiva* autem *existimatio*, honor & gloria eatenus adpetenda, quatenus ex præclaris & ad bonum societatis humanæ spectantibus factis redundant: & sedulo cavendum, ne animus arrogantia & insolentia infletur. Ubi occasio, quæ præstantiam suam exferat, deficit, id æquo animo ferat, & quia penes nos non est fortunam pro lubitu fabricare, meliora citra ægritudinem expectet, quum hoc casu nihil sit, quod ei possit exprobrari. Inter stultissima autem merito habetur, de eo velle gloriari, quod inane est, aut per malas artes ad famam & honores grassari. *Opes* etiam & rerum extrinsecarum copia plerumque hominum mentes afficere solent. Et indiget quidem iis homo, non solum ad sui conservationem, sed & aliis inde prospicere inter officia est. At quia indigentia nostra non est infinita, nec natura definit esse sæcunda in iis producendis, & a morientibus omnia relinquenda sunt; inde rationis est, tum in parandis, tum in possidendis & erogandis iis modum tenere, ne læsa honestate eas corradamus, aut avaritia prodigalitateve peccemus, aut denique vitiorum fomenta faciamus. Et quia variis casibus perire possunt, ita animus adsuefaciendus, ut, si fors serat, iis amissis non velit concidere.

5 Magnam

honestum vitæ genus, prout impulsus genii, Cap. 5.  
 corporis atque ingenii habilitas, natalium con-  
 ditio,

5. Magnam quoque vim movendi animos hominum habent *voluptates*, quas si quis innocentes modice degustet, id crimen non habet. Nam quemadmodum dolor ad destructionem corporis tendit & non necessarius fugiendus est; ita delectatio corpus æque ac animum reficit, nec repugnat rationi eam adpetere. Modo caveatur, ne immoderato ejus usu homo enervetur, corporis juxta ac animi vigor supprimatur, opes melius erogandæ dissipentur, aut alias cum delicto conjuncta periculum, damnum, dedecus & dolorem ea post se trahat. Tandem & circa id sollicite animo cura est adhibenda, ut motus suos & *affectus* in potestate habeat, quorum plerique non solum valetudinem corporis & vigorem animi vehementer profligant; sed & judicium intellectus velut obnubilant, & in devia ab officio declinant, sic ut frigus affectuum sit velut naturale principium prudentiæ & probitatis inter homines. *Lætitia* in se naturæ quidem cumpri-  
 mis congruit, sed cavendum, ne intempestive, aut ex causis non idoneis, se exserat. *Tristitia* animum corpusque velut carie quadam exedit; igitur ea, quantum potest, exterminanda, nisi quatenus inter officia humanitatis habetur, calamitatem aut mortem aliorum lugere, aut quatenus pœnitentia ob prava facinora exprimenda requiritur. Interdum ea ex metu imminenti mali oritur; verum, quia hoc animo sumto & circumspeditione prudenti sæpe averti potest, inde quantum pote, procul ista formido pellenda. *Amor* humanæ naturæ amicus affectus, sed qui ratione hætenus temperandus est, ut in objectum dignum & licitum feratur. *Odium* infestus affectus tam habenti, quam illis, in quos fertur. Ergo id, quantum potest, restinguendum, & si quis omnino dignus occurrat, quem aversemur, ne tamen ideo nobis ipsis ægritudinem conciliemus. *Invidia* deformis plane affectus, dum invidus propriis moribus, sicut rubigine ferrum, confici-

Cap. 5. ditio; fortunæ bona, parentum auctoritas, imperantium civilium jussa, occasio, aut necessitas ferunt<sup>4</sup>.

*Proximum,* III. CUM autem animus salturis *Corporis* sustineatur, inde vires ejus congruentibus alimentis ac laboribus erunt firmandæ & conservandæ, nec intemperantia cibi potusque,

*c. iv. § 14.*

intempestivo ac non necessario labore, aliave ratione affligendæ<sup>5</sup>. Quo nomine vitanda ingluviæ, ebrietas, immodica Venus, & similia. Cum etiam inordinati & vehementes affectus non solum ad perturbandam societatem stimulos moveant, sed & ipsi homini plurimum noceant; inde danda opera, ut quis affectus suos,

---

tur. *Spes* lenior quantumvis, ita tamen temperanda, ne dum vana, incerta ac super vires posita complectitur, animus sese gratis fatiget. *Ira* violentissimus juxta ac perniciosissimus, cui omni studio reluctandum, quæ & ipsam fortitudinem ac in periculis constantiam velut occæcat & præcipitat. Huic congrua est *libido vindictæ*, quæ quatenus excedit legitimam & moderatam defensionem, & suorum jurium assertionem, plane in vitio est.

<sup>6</sup> Datur præterea peculiaris animi cultura in variarum rerum *artium & disciplinarum notitia* consistens, quæ licet non quibusvis adeo necessaria sit, ad officium hominis rite obeundum; nemo tamen in dubium vocabit, quin necessitatibus & commoditatibus humanæ vitæ apprime sint utiles. Igitur, ne inutile terræ pondus sit, sibi inutilis, aliis molestus, quisque eas capessat. Et quidem tempellive eligat honestum vitæ genus, prout impulsus genii, corporis atque ingenii habilitas, natalium cognitio, fortunæ bona, parentum auctoritas, imperantium civilium jussa, occasio aut necessitas ferunt. WEBERUS.

suos, quantum fieri potest, compescat. Et Cap. 5. quia multa pericula repelli possunt, ubi animose iis obviam eatur; mollities animi ejicienda, idemque contra periculorum terrores obfirmandus.

IV. Quia autem nemo sibi ipsi vitam det, sed illa pro Dei beneficio est habenda; *Quid juris homini in propria vitam?* adparet quoque homini nequaquam competere potestatem in propriam vitam hactenus, c. iv. § 19, ut eandem pro lubitu possit abrumpere; sed expectandum utique esse, quoad quis evocetur ab eo, qui nos in hacce statione collocavit<sup>6</sup>. Equidem id utique recte fieri posse videtur; cum homo possit & debeat sua opera aliis

<sup>4</sup> Super hoc argumento dignissima lecta est cel. BUDDI exercitatio juris naturalis *de culturâ Ingenii in Selectis Juris Nat. & Gent.* Halæ Sax. 1717.

<sup>5</sup> Peccant etiam contra hæc officia qui curam corporis planè abjiciunt, & vel avaritiâ inducti suum defraudant genium, vel superstitione abrepti corpora pœnis voluntariis subjiciunt & mutilant.

<sup>6</sup> Suicidium ipsi Philosophi illicitum existimabant. Cic. Tusc. Disp. i. 30. *Vetat dominans ille in nobis Deus injussu hinc nos suo demigrare.* Et SENECA. Epist. 70. *Invenies etiam professos sapientiam, qui vim afferendam vitæ suæ negent, & nefas judicent ipsum interemptorem sui fieri; expectandum esse exitum quem natura decrevit.* Ex hac sententiâ VIRGILIUS de iis, qui sibi manus attulerant, *Æn.* vi. 437.

— *Quam vellent æthere in alto  
Nunc & pauperiem, & duros perferre labores!*  
Et LUCRET. iii. 984.

*Vitaque mancipiū nulli datur, omnibus usu.*

Sed

Cap. 5. aliis inservire, & vero certum genus laborum, aut eorum intensio, vires hominis ita atterat, ut senium vitæque terminus maturius ingruat, quam si quis molliter ætatem exigisset; ut quis eligat probabilem occasionem brevioris vitæ, quo talenti sui usum aliis eo largius dispenset. Sed & cum sæpe multorum vita servari nequeat, nisi pro iis alii probabili sese vitæ periculo exponant; per imperantem legitimum posset civi sub comminatione gravissimarum poenarum injungi, ne ejusmodi periculum fuga declinet. Imo et ultro tale periculum subire licebit, modo graviores causæ non retrahant, & spes sit isthoc in aliorum salutem cessurum, & hi digni sint, qui tam charè redimantur. Nam id stolidum fuerit, alteri perituro frustra sese comitem addere, aut egregium virum pro nauci homine mortem oppetere. De cætero tamen per legem naturæ hautquidquam præcipi videtur, ut quis cujusvis alterius vitam suæ vitæ præferat; sed cæteris paribus sibi quisque proximus esse permittitur. Ast vero, qui vel tædio molestiarum,

---

Sed Stoicorum dogma fuit res adversas justam esse causam, quare homines sibi necem consciscere possunt. Horum autem de spontaneâ morte decreta, quibus paruit CATO, videbis apud LIPSIUM *Manud. ad Phil. Stoic.* L. III. Diss. xxii. Conf. GROTI. L. II. c. 19. § 5.

Non stolidum tantum, sed & injustum hoc fuerit, quemadmodum etiam jus naturæ non solum permittit, ut, cæteris paribus, quisque sibi ipsi proximus sit, sed id etiam jubet. Cum alio igitur vel pro alio velle perire, regulariter justa exceptio non est. TITIVS.

stiarum, quæ vitam humanam communiter Cap. 5.  
comitantur; vel indignatione malorum<sup>8</sup>, quæ  
humanæ ipsos societati erubescendos non erant  
redditura; vel metu dolorum, queis fortiter  
toleratis exemplo suo prodesse aliis poterant<sup>9</sup>;  
vel per vanam jactantiam fidei aut fortitudinis,  
vitam ultro abrumpunt & projiciunt; utique  
in legem naturalem peccare sunt censendi.

V. CÆTERUM; quia sæpenumero confer- *Defensio*  
vatio sui, quam & tenerrimus affectus, & ra- *sui licita*  
tio homini commendat; cum præcepto de so- *contra nox-*  
cialitate collidi videtur; dum nempe salus no- *am alteri-*  
stra ab alio homine in periculum conjicitur, *us;*  
sic ut aut nobis sit pereundum; vel grave in-  
commodum subeundum, aut alter cum læsione  
propulsandus: igitur quali cum *moderamine*  
*defensio nostri contra alios homines sit tempe-*  
*randa*, jam tradendum. Instituitur igitur de-  
fensio nostri vel *sine læsione* ejus abs quo ma-  
lum nobis imminebat; dum efficimus, ut ei  
anceps aut formidolosa nostri invasio videatur:  
vel cum *istius læsione* aut pernicie. Prior mo-  
dus quin sit licitus, omnique peccato vacet,  
dubium non habet.

## VI.

<sup>8</sup> Sic virgines contra jus naturale peccant, quæ mor-  
tem sibi consciscunt, ut stuprum evitent.

<sup>9</sup> Sic MART. L. XI. Epigr. lvii.

*Rebus in adversis facile est contemnere vitam,*

*Fortiter ille facit, qui miser esse potest.*

<sup>10</sup> CICERONI de hac re auscultemus: "Est hæc  
" non scripta, sed nata lex, quam non didicimus, ac-  
" cepimus, legimus, verum ex natura ipsa arripimus,  
" hausimus, expressimus; ad quam non docti sed fac-

Q

" ti,

## Cap. 5.

*Quin &  
violenta,  
cum laeso-  
ne invaso-  
ris:*

c. 5. § 2.

VI. ENIMVERO circa posteriorem modum scrupulus moveri potest, quod parem jacturam videatur facere genus humanum occiso invasore, quam si ipse peream; & quod utique perdendus sit mei similis, quicum ad colendam vitam socialem adstringor; & quod majores turbas videatur parere violenta defensio, quam si vel fugam arripiam, vel corpus patienter invasori præbeam. Verum ista hoc defensionis genus hautquidquam faciunt illicitum. Nam ut adversus aliquem pacifice & amice agam, requiritur, ut ipse se talem erga me præbeat, qui ejusmodi officia a me recipere idoneus sit. Et quia socialitatis lex ad salutem mortalium spectat, ideo ejusdem talis est facienda interpretatio, quæ singulorum salutem non pessumdet. Inde ubi alter exitio meo imminet, nulla est lex, quæ meam me salutem prodere jubeat, ut alterius malitia impune grassari queat. Et qui ex tali occasione

læditur

---

“ti, non instituti sed imbuti sumus; ut si vita nostra  
“in aliquas insidias, si in vim, in tela aut latronum  
“aut inimicorum incidisset, omnis honesta ratio esset  
“expediendæ salutis.” *Pro. Milon. c. iv.*

“Conf. GROTIUS. *de Jure B. & P. L. II. c. i.*

“*Omnia prius experiri quam arma sapientem docet.*  
TERENTIUS. *Eunuch. Act. iv. Sc. 7. v. 9.*

“Ob levem injuriam usque ad sanguinem quemvis odio persequi si juri naturali, tamen nequaquam evangelico, congruum videtur. Hoc modo GROTIUS;  
“Si cū periculum immineat accipiendæ alapæ, aut  
“mali similis, huic quoque jus esse id arcendi cum  
“cæde inimici, sunt qui putant. Ego, si mera jus-  
“titia



læditur aut occiditur, habet quod suæ pravitati *Cap. 5.*  
imputet, quæ mihi isthanc necessitatem im-  
posuit. Alias quippe omnia bona, quæ natu-  
ra aut industria nobis peperit, frustra forent  
concessa, si alteri injuste illa invidenti vim non  
liceret opponere; & ut parata præda impro-  
bis expositi forent probi, siquidem hi istis  
numquam deberent vim opponere. Sicut vio-  
lentam sui defensionem plane proscribere, exi-  
tio generi humano sit futurum".

VII. Non tamen semper, quando injuria *Salvo ta-*  
intentatur, ad extrema licet provolare, sed *men incul-*  
*tutiora prius remedia sentianda;* puta ut adi- *pata tut-*  
tum invasori intercludam; ut intra munita lo- *la mode-*  
ta me contineam, ut invasorem moneam a fu- *ramine.*  
rore desistere". Sicut & hoc prudentis est, *c. 5. § 3.*  
*levis injuriæ patientia,* si commode fieri possit;  
desungi, & de suo jure aliquid remittere po-  
tius quam intempestiva violentiæ oppositione  
majori sese periculo exponere; præsertim ubi  
impetatur id, quod facile reparari aut pensari  
queat". Verum ubi hoc aut simili modo sa-  
lus

---

"titia expletrix respiciatur, non dissentio. Quan-  
quam enim inæqualia sunt mors & alapa; tamen  
qui injuria me parat afficere, is mihi eo ipso dat  
jus, hoc est, facultatem quandam moralem adversus  
se in infinitum, quatenus aliter malum illud à me ar-  
cere nequeo. Caritas quoque per se non videtur nos  
obstringere in gratiam nocentis. At lex evangelica  
omnino tale factum illicitum reddidit. Jubet enim  
Christus alapam accipi potius quam adversario noce-  
atur; quanto magis occidi eum vetat alapæ effugi-

Q 2

"endæ

Cap. 5. *lus mea in tuto locari nequeat pro eadem expedienda vel extrema tentare licebit.*

*Hoc latius patet in naturali libertate.* VIII. SED ut liquido judicari possit, an quis intra *limites inculpatae defensionis* sub-

c. 5. §. 6. *stiterit, despiciendum prius est, utrum quis in naturali libertate, nulli mortalium subjectus, an vero imperio civili obnoxius degat. Priori statu, ubi alter injuriam inferre pertendat, nec poenitentia pravi conatus ductus ad pacem mecum colendam redire velit, hunc vel cum eade repellere potero. Idque non solum si vitam meam impetat, sed & si vulnerare, aut lædere duntaxat, aut etiam res, salvo corpore, eripere conetur*<sup>14</sup>. Nam neque cautum est mihi, quod ab istis injuriis ad majores non sit transiturus; & qui sese hostem profitetur, nullo amplius jure munitur, quo minus quovis modo a me repellatur. Ac revera tunc infociabilis esset hominum vita, si contra eum, qui modicas injurias continuare non desistit, extrema non liceret adhibere. Hoc modo enim modestissimus quisque deterrimo cuique perpetuum ludibrium deberet. In hoc porro statu

---

"endæ causâ." *De Jure B. & P. L. II. c. i. § 10.*  
*Conf. PUF. De Jure N. & G. L. II. c. v. § 12.* Proculdubio à nobis hoc efflagitat humanitas, ut vitæ invasoris parcamus, si absque nostræ periculo id fieri potest.

<sup>14</sup> Similiter GROTIUS, "Si expletricem justitiam respicimus, non negabo ad res conservandas raptorem, si ita opus sit, vel interfici posse, nam quæ in-

statu non solum in præsens intentatum periculum repellere. sed & hoc depulso invasorem eo usque persequi possum, quoad ab illo in futurum satis mihi cautum sit. Super qua *cautione* ita habendum. Si quis, injuria intentata, ultro poenitentia ductus veniam petat, & damni restitutionem offerat, in gratiam cum ipso, fide accepta, redire debeo. Nam firmum est signum animi emendati, sponte poenitere, & veniam petere. Ast qui tunc demum poenitentiam præ se fert, quando resistendi vires deficiunt, ejus nudo promisso fidere parum tutum videtur. Igitur tali vel vires nocendi subtrahendæ, vel aliud vinculum injiciendum, ne deinceps nobis existat formidabilis.

IX. Qui autem imperio civili subiecti de- *Multo restrictius est in imperio civili.*  
 gunt, tunc demum violentam sui defensionem licite adhibent, quando tempus ac locus non fert auxilium magistratus implorari ad repellendam eam injuriam, qua vita, vitæque æquipollens, aut irreparabile bonum in præsentaneum periculum conjicitur. Et quidem ut periculum tantummodo depellatur; vindicta au-

c. 5. § 7.

“ ter rem & vitam est inæqualitas, ea favore innocentis & raptoris odio compensatur. Unde sequitur,  
 “ si id jus solum respiciamus, posse furem cum re fugientem, si aliter res recuperari nequeat, jaculo prostrerni. Nec obstat caritas per modum præcepti,  
 “ lege divinâ humanâque sepositâ: nisi res sit, quæ  
 “ minimum valeat, ut proinde contemni mereatur.”

*De Jure B. & P. L. II. c. i. § 11.*

Cap. 5. tem & cautio de non offendendo in posterum  
magistratus arbitrio relinquatur<sup>15</sup>.

*Etiam ex  
errore in-  
vadenti  
resistere  
liceat.* X. LICET autem defensionem suscipere  
tam adversus eum, qui dolo malo, quam qui  
per errorem exitium mihi intemat; puta, si quis  
infamia agitatus me invaserit, aut quia me a-

c. 5. § 5. lium, quicum inimicitiae ipsi intercedunt, cre-  
diderit. Nam sufficit, quod alteri non sit jus  
ad me invadendum, aut occidendum, neque in  
me sit obligatio ad mortem frustra subeundam.

*Tempus tu-  
telæ quod  
in libertate  
naturali?* XI. CIRCA tempus, intra quod defensio  
recte fieri potest, ita habendum est. Qui in  
naturali libertate utrinque degunt, etsi pos-

c. 5. § 8. sint ac debeant præsumere, alios adversus se  
officia legis naturalis observaturos: tamen  
propter malitiam ingenii humani nunquam ita  
securi esse debent, quin sibi mature innoxia  
munimenta circumponant; puta, aditum præ-  
struendo hostilia molientibus, arma virosque  
comparando, socios adjungendo, aliorum co-  
natus

<sup>15</sup> Quoniam scilicet hic status necessitatis, in quo ma-  
gistratus auxilium nequit implorari, rationem habeat  
status naturalis.

<sup>16</sup> Hic recte perstringit auctor *Hobbesianum* dogma  
*spem unicuique securitatis conservationisque suæ in ea sitam  
esse, ut viribus artibusque propriis proximum suum vel pa-  
lam vel ex insidiis præoccupare possit.* De Cive. cap. v. §

1. Quod ab omni æquitatis ratione abhorret. "Il-  
lud minime ferendum est (inquit GROTIUS) quod  
quidam tradiderunt, jure gentium arma recte sumi  
ad imminuendam potentiam crescentem, quæ nimi-  
um aucta nocere possit." Et monente QUINTI-  
LIANO, "Quis hoc statuit unquam aut cui concedi  
sine summo omnium periculo potest, ut eum jure  
potu-

natus vigilanter observando, & quæ sunt similia. Verum ista suspicio, orta ex communi hominum malitia, non sufficit, ut sub obtentu defensionis meæ alterum ultro armis opprimere possim, ne quidem si potentiam ipsius nimis gliscere videam<sup>16</sup>; præsertim ubi eandem innoxia industria, aut per benignitatem fati citra aliorum oppressionem adauxerit. Quia si quis præter facultatem nocendi etiam voluntatem ostendat, non quidem adversus me, sed alium, non ideo statim meo nomine cum invadere ultro possum; nisi ad auxilium alteri, qui injuste a potentiore invaditur, ex foedere teneat<sup>17</sup>. Quod eo promptius facere expedit, si probabile sit, istum altero oppresso in me quoque transiturem, & priore victoria pro instrumento sequentis usurum. Ast ubi liquido adparet, alterum circa inferendam mihi vim jam occupari; statim licebit violentam sui defen-

---

“ potuerit occidere, à quo metuisse se dicat, ne ipse  
 “ posterius occideretur?” *Declam. L. V. c. xiii.*  
 Quod si potentia crescens cum animo nocendi sit conjuncta, & ex circumstantiis conijcere liceat alterum, cum possit, nos nostraque jura vel alios nobiscum sœderibus amicitie conjunctos lædere velle, tum proculdubio & lex naturalis & omnium gentium mores probatissimi nos permittunt, ut alterius potentiam nimis gliscentem imminuamus.

“ Et si non sœdus aliquod intercedit, tamen humanitatis vineulis adstringimur, ut alteri injuriis oppresso opem seramus juxta illud Ciceronis: *Qui non defendit nec obstitit, si potest, injuria, tam est in vitia, quam si parentes aut amicos aut patriam deserat.* (De Offic. I. vii.)

Q

tionem



Cap. 5. fionem auspicari, & noxam adparantem occupare; siquidem nulla spes sit fore, ut amice admonitus hostilem animum exuat, aut ejusmodi admonitio rebus nostris noxia sit futura. Unde heic pro aggressore erit habendus, qui prior voluntatem nocendi alteri concepit, & ad eandem exsequendam se comparavit; defensionis autem favor illum comitabitur, qui celeritate usus tardius molientem oppresserit. Neque enim ad defensionem requiritur primum ictum excipere, aut ictus, qui intentantur, cludere duntaxat & repellere<sup>18</sup>.

XII. Ast in civitatibus hautquidquam tam laxum spatium ad sui defensionem indulgetur. Nam heic licet quis intellexerit, civem sese comparare ad vim ipsi inferendam, aut atroces minas spargere: nequaquam occupare istum licebit;

*Ejus quale  
spatium in  
civili soci-  
etate?*

f. 5. § 7.

<sup>18</sup> Hoc in loco sequentia addit WEBERUS: In hoc porro statu non solum in praesens intentatum periculum repellere, sed & hoc depulso invasorem eo usque persequi possum, quoad ab illo in futurum satis mihi cautum sit. Super qua cautione ita habendum: Si quis injuriâ intentatâ, ultro pœnitentiâ ductus veniam petat, & damni restitutionem offerat, in gratiam cum ipso fide acceptâ redire debeo. Nam firmum est signum animi emendati, sponte pœnitere & veniam petere. Ast qui tunc demum pœnitentiam præ se fert, quando resistendi vires deficiunt, ejus nudo promisso fidere parùm tutum videtur. Igitur tali vel vires nocendi subtrahendæ vel aliud vinculum injiciendum, ne deinceps nobis existat formidabilis.

<sup>19</sup> " Periculum praesens hic requiritur, & quasi in puncto. Fateor quidem si insultator arma arripiat, & quidem ita ut appareat eum id facere occidendi animo,

licebit; sed ad communem imperantem erit deferendus, & ab eodem cautio petenda<sup>19</sup>. Verum ubi quis ab altero jam invaditur, & in eas redigitur angustias, ut magistratus, aut aliorum civium implorandi subsidium facultas non sit; tunc demum ad repellendam vim vel extrema in vasa fore licebit intentare: non quidem ea intentione, ut per eandem vindicta ob injuriam exigatur, sed quatenus vita citra ejusmodi eandem e presenti periculo nequit eripi<sup>20</sup>. Initium autem temporis illius, quo quis in sui defensionem alium impune potest occidere, inde sumitur; quando aggressor voluntatem impetendi vitam meam præ se ferens, & a viribus instrumentisque nocendi instructus, jam intra illum locum extiterit, ex quo reipsa nocere possit; computato quoque illo spatio, quo opus est, si ego prævenire quam præveniri

---

“ animo, occupari posse facinus. Nam in moralibus, ut & in naturalibus punctum non invenitur sine aliqua latitudine: sed multum falluntur & fallunt, qui metum qualemcumque ad jus occupandæ interfectionis admittunt.” GROT. *de Jure B. & P.* L. II. c. i. § 5.

<sup>20</sup> Addit auctor in opere majori, L. II. c. 5. § 7. vim vi repellere ad nostri defensionem licitum esse, si subsidium debitum nobis respuat magistratus; cui subjungit BARBEYRACCIUS ad locum, idem non tantum ad nostri sed etiam ad aliorum salutem tuendam licere. Hoc modo, *Mosen* in eo vindicavit CLERICUS, quod *Ægyptium* ob injuriam viro *Israelitico* allatam percussisset. “ Noverat (inquit) *Moses Hebræos* ab *Ægyptiis* judicibus æqui nihil impetrare potuisse; cumque tyrannis eo devenit, ut jus non amplius dicatur, sub-

“ ruiis

Cap. 5. præveniri malim". Et si propter perturbationem animi, quam tantum periculum excitat, modicus excessus in foro humano non curetur. *Perdurat autem spatium inculpatae tutelæ*, quoad aggressor fuerit depulsus, aut ultro recesserit, vel poenitentia in ipso facinoris momento tactus, vel quod conatum ejus eventus destituerit: ita ut in præsens nocere amplius nequeat, nobisque sit facultas in loca tuta nos recipiendi. Nam ultio injuriæ & cautio in futurum, ad imperii civilis curam & potestatem spectat.

*Non fugere aliquando licet, non se sponte sistere.* XIII. QUANQUAM autem dictum sit, non recte ad cædem provolari, ubi commodiore via periculum depelli potest: tamen propter *perturbationem animi*, quam imminens periculum parere solet, non omnia ad vivum refecari solent, cum in tali periculo trepidanti non ita accurate omnes evadendi vias liceat circumspicere, sicut ei qui tranquillo animo rem considerat. Inde uti ex loco tuto ad provocantem ultro descendere temerarium est; ita si in aperto me loco constitutum alter invadat, non præcise ad *fugam* obligor, nisi forte in

---

"ruris societatis civilis fundamentis res ad jus naturale redit; ex quo unusquisque se & suos tueri potest, nequaquam imploratâ eorum ope, qui auxilium eis ferre nolunt, Sed eo jure nefas est uti, nisi in summâ perturbatione omnium rerum, qualis erat tunc in *Ægypto*, ubi impune poterant a quolibet, sicut lentibus *Ægyptiis* judicibus, male haberi *Israelitæ*."  
 CLER. ad *AG. Apost. vii. 24.*

propinquo



propinquo sit tale suffragium, in quo me citra periculum possim recipere: neque semper cessum ire teneor. Nam & ibi mudum tergum ostendendum, & utrinque periculum lapsus imminet; ac ubi semel gradu sis depulsus, eundem iterum componere haut facile est. Uti autem aliquis favore defensionis non excluditur, quod ultro in publicum ad sua negotia obeunda prodiit, cum fidem mansisset, a periculo immunis erat futurus: ita eodem non fruitur, qui ab altero in duellum provocatus: ubi compa-  
ruerit, ita premitur, ut ni illum transfodiat, ipsi sit pereundum. Nam cum leges id periculum subire vetent, ejus quoque ad excusandam cædem nulla habetur ratio <sup>21</sup>.

XIV. Quod pro defensione vitæ, idem & *Defensio pro defensione membrorum* conceditur; sic ut *vita atque membra* & ille innocens habeatur, qui violentum invasorem occidit, cui fortasse intentio fuit mem-  
bro eum duntaxat mutilandi, aut grave vulnus infligendi. Nam & natura a mutilatione, & gravi læsione maxime abhorremus: & mutilatio membri, præcipue nobilioris, quandoque non multo minoris quam ipsa vita æstimatur.

c. 5. § 10.

Quin

<sup>21</sup> Melius est occurrere in tempore, quàm post exitum vindicare. Cod. L. III. T. xxvii. l. 1.

<sup>22</sup> Qui in duello contendunt, plerumque ad honorem, ut aiunt, recuperandum id agunt, ad quem finem cædem recte putant admitti. "Quod mihi (ait GROTIUS)

" à ratione & pietate valde alienum videtur. Nam

" honor est opinio de excellentia: at qui talem fert

" injuriam, is patientem se excellenter ostendit: at-

" que

Cap. 5.

Quin in antecessum non constat, an non ex mutilatione ac vulnere mors sit secutura : ac talis patientia communem hominum constantiam superat, ad quam leges regulariter non solent obligare, in gratiam præsertim hominis malitiosi<sup>33</sup>.

Etiam pu-  
dicitia,  
pari passu  
hic ambu-  
lant.

c. 5. § 11.

XV. SED & quod pro vita, id & pro pu-  
dicitia licere judicatur: quippe cum nulla ma-  
jor contumelia honestæ foeminæ inferri queat,  
quam si quis invitæ eripere aggrediatur, cujus  
integritate ejus sexus decus maxime æstima-  
tur; & efficiat, ut hosti ex suo sanguine pro-  
lem suscitare cogatur<sup>34</sup>.

Rerum  
suarum de-  
fensio quo-  
usque pats-  
nt?

c. 5. § 17.

XVI. *Defensio* autem rerum inter eos qui-  
dem, qui in naturali libertate vivunt, etiam

“ que ideo honorem augeat magis, quàm minuit. Nec  
“ refert si quidam corrupto judicio virtutem hanc in  
“ probrum confectis nominibus traducant. Perversa  
“ enim illa judicia nec rem nec rei æstimationem im-  
“ mutant. Nec Christiani veteres hoc tantum vide-  
“ runt, sed & philosophi, qui dixerunt pusilli esse animi  
“ contumeliam ferre non posse— Quid si vero dicat  
“ aliquis de nobis, quod creditum apud bonos existi-  
“ mationem nostram delibaret? Hunc quoque occi-  
“ di posse sunt qui doceant: mendose admodum,  
“ & contra naturæ quoque jus. Nam interfectio ista  
“ non est modus aptus ad tuendam existimationem.”

*De Jure B. & P. L. II. c. i. § 10.*

“ Quid dicemus de periculo mutilationis mem-  
“ bri? Sane cum damnum membri præsertim è præci-  
“ puis valde sit grave, & vitæ quasi æquiparabile: ad-  
“ de quod vix sciri queat, an non periculum mortis  
“ post se trahat, si aliter vitari nequeat, putem inten-  
“ tantem periculum occidi recte posse.” *Ibid.* §. 6.

ad

ad eandem usque inuasoris procedere potest; **Cap. 5.**  
 modo res non sit ejusmodi, ut contemni mereatur. Nam citra res utique vita nostra servari nequit; & æque hostilem animum declarat, qui res, quam qui vitam per injuriam impetit. Verum in civitatibus, ubi erepta subsidio magistratus recuperari possunt, id regulariter non conceditur; nisi in eo casu, ubi qui res nostras ereptum venit, in judicium adduci non potest. Quo intuitu licitum est occidere prædones, & fures nocturnos<sup>14</sup>.

XVII. ATQUE hæc de defensione ab iis *Invasori?*  
 facta, qui ultro ab aliis per injuriam invaduntur. *quid juris*  
 Quia autem prior alterum læsit, tunc *ad se de-*  
 demum recte se defendere, eaque defensione *senden-*  
 dum?  
 istum

<sup>14</sup> " Pro pudicitia quin idem liceat, controversiam  
 " vix habet, cum non tantum communis æstimatio, sed  
 " & lex divina pudicitiam vitæ adæquet." *Ibid.* § 7.  
 Nequeo igitur non mirari Cl. BUDDÆUM in contrarias  
 partes abire. *Pudicitia* inquit, *cum nevitquam vitæ ho-*  
*minis sit æquiparanda, meâ opinione violenter defendi ne-*  
*quit.* Philos. Pract. Cap. iv. S. 3. § 14.

<sup>15</sup> Nocturnum furem occidere, diurnum non item,  
 lex *Mosaica* permittit; *Exod.* xxii. 2. & *SOLONIS*;  
*DEMOSTH. Orat. contr. Timocr.* p. 476. & inde sumpta  
 lex XII tabularum. *CICER. pro Mil.* c. iii. *Duode-*  
*cim tabulæ nocturnum furem quoquo modo, diurnum autem,*  
*si se telo defenderit, interfici impune voluerunt.* Cujus le-  
 gis rationem sic exponit GROTIUS: " Discrimen  
 " nocturni & diurni turis in hoc positum est, quod  
 " noctu vix sit copia testium adhibendarum; atque  
 " ideo si occisus fur reperitur, facilius credatur ei,  
 " qui à se vitæ tuendæ causâ dicat furem inter m um,  
 " repertum scilicet cum aliquo instrumento, quo no-  
 " cere posset." *De Jure B. & P. L. II. c. i. § 12.*  
 Vid.

Cap. 9. istum denuo lædere potest, postquam poenitentia tactus reparationem damni dati, & cautionem de non lædendo in posterum obtulit, & læsus eandem per asperitatem animi respuit, ac manu sibi vindictam facere pertendit.

*Conservatio sui mul-  
ta præcep-  
ta restrin-  
git.  
e. 6. §. 1.*

XVIII. DENIQUE & tanti habetur conservatio sui, ut si ea obtineri aliter nequeat, in plurimis casibus ab obligatione communium legum eximere censeatur. Quo nomine *necessitas* lege carere dicitur <sup>26</sup>. Scilicet cum tanto ardore ad sui conservationem homo rapiatur, non facile præsumitur, talem isti obligationem impositam, cui propria salus cedere debeat. Quamquam enim non Deus solum, sed & ubi materię gravitas requirit, imperium civile tam rigidam nobis obligationem injungere querit, ut mors sit potius oppetenda,

---

Vid. GRONOV. in loc. In statu naturali tempus nil mutat limites violentię defensionis, sed in civitate res aliter sese habet. Latro diurnus facilius ad judicium adducitur, & violentia ejus minori cum periculo repellitur.

<sup>26</sup> Id est, qui in extremâ necessitate versatur, legibus ordinariis non subjicitur. c. gr. Lex est generalis, *alterius jus ne lædas*. Hæc autem nil obstat, quo minus summâ inopiâ victus laborans & jam tandem fame periturus, id quod ad vitam sustentandam necessarium est ab altero, cui satis superque est, surripere possit. Sunt autem varia necessitudinis genera, de quibus sic differuit CICERO. "Atque etiam hoc mihi videor videre esse quasdam cum *adjunctione* necessitudines, quasdam *simplices*, & *absolutas*. — Cum *simplex* erit necessitudo, nihil erit, quod multa dicamus, cum eam nulla ratione lenire possumus. — Quod *adjungitur*

da, quam latum unguem ab illa discedamus: Cap. 5. tamen non semper tam rigida legum præsumitur obligatio. Has enim qui tulerunt, aut qui instituta quædam inter homines introduxerunt, cum utique salutem aut commoditatem hominum per ea promovere voluerint, regulariter quoque ob oculos censentur habuisse conditionem naturæ humanæ, & quam non possit non homo refugere & amoliri illa, quæ ad sui destructionem tendunt. Inde regulariter leges imprimis positivæ, & quævis instituta humana judicantur excipere casum necessitatis, seu non obligare, quando ipsarum observationem comitaturum esset malum, humanam naturam destruens, aut communi hominum constantia superius; nisi expresse, aut propter negotii naturam iste quoque casus sit comprehensus<sup>27</sup>.

---

*adjungitur, omni tempore id pertinebit aut ad honestatem, aut ad incolumitatem, aut ad commoditatem. Ac summa quidem necessitudo videtur esse honestatis; huic proxima, incolumitatis; tertia ac levissima, commoditatis. Hasce autem inter se sæpe necesse est comparari, ut quanquam præstet honestas incolumitati, tamen utri potissimum consulendum sit, deliberetur. — Sunt res quædam ex tempore, & ex consilio; non ex suâ naturâ considerandæ: quibus in omnibus, quid tempora petant, aut quid personis dignum sit, considerandum est: & non quid, sed quo quidque animo, quicum, quo tempore, quamdiu fiat; attendendum est.” De Invent. L. II. c. lvii, lviii.*

<sup>27</sup> Ex. gr. cum in bello aliquis ad stationem periculosum missus sit, ea conditione, ut stationem non deserat, priusquam alter ejus vicem suppleat. BARBYRAC.

Unde

Cap. 5. Unde necessitas non id quidem efficit, ut directe lex possit violari, & peccatum admitti; sed ex benevola legislatorum mente, simulque naturæ humanæ consideratione præsumitur, casum necessitatis sub lege generaliter concepta non contineri. Exemplo uno & altero res erit declaranda.

*Sint ab-  
scindere  
membrum  
pro salute  
totius:* XIX. QUANQUAM alias homini non sit jus in sua membra, ut illa pro lubitu mutilet, perdatve: licebit tamen *abscindere membrum* insanabili vitio correptum, ne totum corpus c. 6. § 3. pereat, aut partes adhuc sinceræ trahantur, aut inutili appendice aliorum usus membrorum impediatur.<sup>28</sup>

*Jactura  
hominum  
levare  
scapham  
degrava-  
tam:* XX. Si in naufragio plures in scapham insiluerint, quam illa ferre possit, neque ad unum peculiari jure scapha pertineat; videntur forte ducendi, qui projiciantur: & si quis fortis periculum subire detrectaverit, tanquam qui omnium interitum quærat, extra sortem præcipitari poterit.

*Perituro  
alias se-  
cum mor-  
tem ma-  
ture:* XXI. Si duo in præsens vitæ periculum incidant, in quo utrique sit pereundum; uni, quid facere licet, ex quo alteri, alias perituro, fata admoveantur, ut ipse salvus sit. v. g. Si ego natandi peritus cum altero natandi imperito in profundas aquas incidissem, & ille me

<sup>28</sup> Eadem ratione licet magistratui civem noxium de medio tollere.

<sup>29</sup> Quod si imbecillior viribus prius tabulam occupaverit, minimè licebit validiori illum tabulam disturbare; quoniam

me circumplexus teneret, neque mihi tantæ Cap. 5.  
 sint vires, ut ipsum mecum aquis efferre va-  
 leam : potero talem a me violenter amoliri, ne  
 cum ipso simul suffocer, etsi is per exiguum  
 tempus a me utcunque sustentari potuerit. Sic  
 in naufragio, ubi ego tabulam occupavi duo-  
 rum non capacem, si quis adnatans eidem quo-  
 que se velit injicere, me simul secum perdi-  
 turus, potero eum quavis violentia a tabula  
 repellere<sup>28</sup>. Sic quando duobus fugientibus  
 hostis necem intentans instat, unus vel porta  
 post se clausa, vel ponte dejecto, alterum in  
 periculo vitæ destituere potest, si uterque si-  
 mul servari nequeat.

XXII. Ex necessitate potest alteri *pericu- Innocenti*  
*lum mortis aut magnæ læsionis intentari indi-* *periculum*  
*recte* ; ita ut nobis non sit propositum ipsi *mortis in-*  
 nocere, sed duntaxat pro nostra conservatione *tentare.* c. 6. § 5.  
 talem actum suscipere, ex quo probabiliter  
 noxa ipsi possit inferri ; ut tamen malle-  
 mus quavis potius alia ratione necessitate nostra de-  
 fungi, & ipsam læsionem quantum in nobis  
 temperemus. Sic si robustior mortem inten-  
 tans me persequatur, ac in angusta via, qua  
 fugiendum, forte quis occurrat ; ubi admoni-  
 tus non cesserit, aut id temporis locive an-  
 gustia non admiserit, licebit illum prosterne-  
 re, & per eum jacentem fugam persequi, etsi pro-  
 babiliter ex eo impulsu vehementer videatur

---

quoniam in pari causa possidentis melior est conditio.  
 Vid. LACTANT. *Instit.* L. V. c. xvi.

R affligendus.

Cap. 5. affligendus. Nisi forte illi peculiari obligatione tenear, ut etiam ultro pro ipso periculum subire debeam. Quod si fugæ interpositus, admonitus licet, decedere via nequeat, puta si infans sit aut claudus; saltem excusationem merebitur, qui super eundem saltum molitur potius, quam moras neſtendo corpus hosti præbet. At vero si quis petulanter vel inhumane mihi obſtiterit, & viam fugiendi concedere noluerit, etiam directe impelli ac proſterni poteſt. Cæterum quibus per iſtos caſus læſio conciliatur, eam tanquam fatalem calamitatem ferre debent.

*In neceſſitate victum invito domino ſubducere.*

XXIII. Si quis præter propriam<sup>30</sup> culpam in extrema inopia victus aut veſtium adverſus frigus neceſſariarum verſetur, neque ab aliis locupletioribus atque abundantibus, precibus, c. 6. § 6. pretio, aut oblata ſua opera, ut ultro ſibi illas concederent, impetrare potuit; citra crimen furti aut rapinæ, vi vel clanculum illas ſubducere poterit; præſertim ſi intentionem habuerit earum æſtimationem præſtandi, quando occaſio oblata fuerit. Nam locuples in ejuſmodi

---

<sup>30</sup> Non opus eſt hac reſtrictione: non enim ideo pauperibus fame pereundum eſt, quoniam opum, quas prius habuerunt, prodigi fuerunt.

<sup>31</sup> Contrariam partem tuetur WOLLASTONUS, quia nemini licet juſ alterius lædere. Sed reſpondeo in hoc caſu, juſ domini ceſſare, & ad inopem transferri. Si neceſſitas juſ in alterius vitam dare poſſit (ut ſupra oſtenſum eſt) quidni etiam in bona? In extrema neceſſitate juſ communiter omnibus competit in res, quæ ſingulorum propriæ priùs factæ fuerunt. Cujus rationem



ejusmodi necessitate constituto ex officio humanitatis debebat succurrere. Quamquam autem regulariter, quæ ex humanitate debentur, hautquaquam vi possint eripi: tamen extrema necessitas efficit, ut talia non minus afferi queant, quam quæ ex obligatione perfecta debentur<sup>31</sup>. Necesse tamen est, ut egenus omnes prius vias tentet, quo volente domino necessitatibus suis succurrere queat; neve dominus pari necessitate teneatur, aut mox in eandem sit devolvendus. Et ut restitutio fiat: præsertim ubi alterius fortunæ non ferant, gratis tale quid condonare.

XXIV. DENIQUE videtur & necessitas, circa res nostras versans, veniam indulgere *res ceat in ret* *alienas perdendi*: ita tamen ut citra nostram *alienas pro* *servandis* *nostris.* culpam id periculum rei nostræ exstiterit; ut *c. 6. § 8.* idem commodiore via dispelli nequeat; ut ne pro viliori nostra re alterius pretiosorem perdamus; ut æstimationem ejusdem præstemus, si quidem ista alias peritura non fuerat; aut in partem damni veniamus, si alterius res una cum nostra alias peritura erat, quæ nunc sua

---

nem sic explicat GROTIUS: "Spectandum est, inquit, quæ mens eorum fuerit, qui primi dominia singularia introduxerunt: quæ credenda est talis fuisse, ut quam minimùm ab æquitate naturali recesserit. Hinc primo sequitur in gravissima necessitate reviviscere jus illud pristinum rebus utendi, tantumquam si communes fuissent: quia in omnibus legibus humanis, ac proinde & in lege dominii, summa illa necessitas videtur excepta." *De Jure B. & P. L. II. c. ii. § 6.*

Cap. 5. jactura nostram servat<sup>32</sup>. Quam æquitatem fere *leges nauticæ* sequuntur<sup>33</sup>. Sic & orto incendio, eoque ædibus meis imminente, licebit vicini ædes diruere, ita tamen, ut quorum ædes hoc modo servatæ sunt, pro rata vicini damnum farciant<sup>34</sup>.

## C A P. VI.

DE OFFICIO QUORUMLIBET ERGA QUOSLIBET; *§ primo*, DE NON LÆDENDIS ALIIS.

*Officia ho-*  
*minis cu-*  
*jussibet er-*  
*ga quemli-*  
*bet.*  
*L. iii. c. 1.*

I. SEQUUNTUR *Officia*, quæ homini *adversus alios homines* sunt exercenda. Eorum aliqua proveniunt *ex communi obligatione*, qua Creator omnes homines ut tales inter se devinctos voluit: aliqua autem *ex certo instituto* per homines introducto aut recepto, vel *ex certo hominum statu* adventitio proma-

<sup>32</sup> Sic lege *Rhodiâ* cavetur; ut si *levandæ navis gratiâ* jactus mercium factus sit, omnium contributione sarciantur, quod *pro omnibus datum est*. Digest. L. 15. Tit. II. l. j.

<sup>33</sup> “ Sic in navigatione, si quando defecerint cibaria, quod quisque habet, in commune conferri debet. Sic funes aut retia descindere possum, in quæ navis mea impulsæ est, si aliter explicari nequit.” GROT. ubi supra.

<sup>34</sup> Exemplis idem SENECA illustrat. Controv. L. IV. *Neccessitas est, quæ navigia jactu exonerat; neccessitas est, quæ ruinas incendia opprimit; neccessitas est lex temporis.*

<sup>35</sup> Status est adventitius, qui hominibus vel naturâ contingit, ut patris & filii; vel vi pacti alicujus, ut magistratûs & subditi, mariti & uxoris.

nant.


nant <sup>1</sup>. Illa cuilibet erga quemlibet exercen- Cap. 6.  
da: hæc autem non nisi erga certos, posita  
certa conditione aut statu. Inde & illa possis  
vocare *absoluta*, hæc *hypothetica*.

II. INTER officia absoluta seu quorumlibet *Illorum*  
erga quoslibet *primum* locum obtinet: *Ne primum,*  
*quis alterum lædat.* Est quippe hoc officium *Alium non*  
omnium latissimum, omnes homines ut tales *esse læden-*  
complexum. Idemque facillimum; utpote *dum.*  
nuda actionis intermissione constans, nisi qua  
oblucentes rationi libidines quandoque com-  
pescendæ sunt. Quin & maxime necessarium  
idem est, quod citra illud socialis hominum  
vita nullo modo consistere queat <sup>3</sup>. Qui enim  
nihil boni in me confert; qui ne vulgaria qui-  
dem officia mecum miscet, cum eo tamen  
tranquille vivere possum, modo nulla ratione  
me lædat. Imo a maxima parte mortalium ni-  
hil amplius quam isthoc desideramus <sup>4</sup>. Bona  
fere inter paucos invicem communicantur. At  
cum eo, qui me lædit, nullo modo pacifice  
possum

---

<sup>3</sup> Homini non licere hominis incommodo suum au-  
gere commodum demonstrat CICERO: tum quia con-  
tra naturam est, tum quia dissolvit omnem humanam  
societatem. *De Offic.* L. III. c. v, vi. Usque adeo a-  
lienum est à ratione & æquitate dogma *Hobbesianum*,  
naturam unicuique *jus in omnia* dedisse, i. e. in statu  
naturali, unicuique licere facere quæcunque & in quos-  
cunque libet & potest. *De Cive.* c. i. § 20.

<sup>4</sup> Totum, præceptum juris naturæ stricte sic dicti  
negativum est; & prohibet ne alter alteri obsit, vel  
damnum quacunque ratione inferat. Affirmativa præ-  
cepta ad Principia honesti & humanitatis pertinent, ut

Cap. 6.  possum vivere : cum natura cuique tam tene-  
rum amorem sui, rerumque suarum infecerit,  
ut non possit non omnibus modis repellere  
eum, qui istis noxam inferre aggreditur.

*Neque in naturali-  
bus, neque  
acquisitis  
bonis :*  
c. i. § 3. III. Hoc ipso autem officio velut munien-  
tur non illa tantum, quæ per ipsam naturam  
alicui adsunt ; uti est vita, corpus, membra,  
pudicitia, libertas ; sed & quæcunque institu-  
to aliquo atque conventione humana sunt  
quæsitæ. Sic ut quocunque legitimo titulo  
aliquid nostrum sit, hoc præcepto idem au-  
ferri, corrumpi, lædi, usibus nostris ex toto  
aut parte subtrahi vetetur. Unde hoc ipso  
interdicta intelliguntur quævis crimina, qui-  
bus aliis noxa infertur : uti est cædes, vulne-  
ratio, verberatio, rapina, furtum, fraus, vis  
directe aut indirecte, mediate aut immediate  
illata, & quæ sunt similia <sup>5</sup>.

*Unde fluit,  
datum  
damnum  
esse resar-  
ciendum.*  
c. i. § 4. IV. Ex hoc porro consequitur : *Si cui sit  
ab altero læsio illata, damnumve datum ullo  
modo, qui ipsi recte potest imputari ; id quan-  
tum fieri potest ab eodem esse sarcindum* <sup>6</sup>. A-  
lias enim vanum erit præceptum, ne quis læ-  
datur

---

nempe alter alteri profit ; nec ad eadem in foro hu-  
mano, nisi obligationis perfectæ vinculum ex facto hu-  
mano & necessitate obveniat, cogi aliquis potest. TRE-  
VER.

<sup>5</sup> His subjungam, omissionem alicujus, quod alteri  
perfecto jure debetur, pro damno habendam esse. *Ibid.*  
§ 3. Eodem modo GROTIUS : " Maleficium ap-  
pellamus culpam omnem sive in faciendo sive in non  
faciendo pugnantem cum eo, quod aut homines com-  
muniter

datur, neve cui damnum detur; si ubi de Cap. 6.  
 facto læsus fuerit, damnum ipsi gratis sit devo-  
 randum; & qui læsit, fructu suæ injuriæ se-  
 cure & citra refusionem gaudere queat. Ne-  
 que etiam citra necessitatem restitutionis ab  
 se invicem lædendis abstinebit unquam mortali-  
 um pravitas; nec ei, qui damnum passus  
 est, facile fuerit animum ad agendam cum al-  
 tero pacem componere, quamdiu istius repa-  
 rationem non obtinuerit ?

V. *Damnum* etsi proprie ad rerum læsionem *Damnum*  
 pertinere <sup>est ejus,</sup> videatur, ita tamen late a nobis heic <sup>quod no-</sup>  
 accipitur, ut notet omnem læsionem, corrup- <sup>strum est,</sup>  
 tionem, diminutionem, aut sublationem ejus, <sup>læso aut</sup>  
 quod nostrum jam est; aut interceptionem <sup>negatio.</sup> c. 1. § 3.  
 jus quod ex jure perfecto debebamus habere;  
 siue id datum sit a natura, siue accedente  
 facto humano aut lege attributum; aut deni-  
 que omissionem ac denegationem alicujus præ-  
 stationis, quam alter nobis ex obligatione per-  
 fecta exhibere tenebatur. Ast si intercipientur,  
 quæ ex obligatione duntaxat imperfecta  
 debebantur; non censetur damnum datum,

“muniter, aut pro ratione certæ qualitatis facere de-  
 bent.” *De Jure B. & P. L. II, c. xvii. § 1.*

<sup>6</sup> Ut recte percipiamus, quinam ad damnum resar-  
 ciendum tenentur, prius intelligere oportet, quibus &  
 quando sit injuria, *De qua re videtis cap. ii. § 15.*  
*not. 41.*

<sup>7</sup> Non hoc tantum; sed eum tanquam hostem jure  
 existimare potest. BARBEYRAC.

<sup>8</sup> In hoc enim sensu vocem usurpant Jureconsulti Ro-  
 mani, quibus solenne est *damnum, injuriam, & noxam*  
 inter se distinguere. Vid. *Digest. L. XXXIX. T. ii. l. 3.*

R 4

quod

Cap. 6. quod pensari debeat <sup>9</sup>. Inconveniens enim fuerit damni loco ducere, talia non accepisse, aut pensationem eorum postulare, quæ ab altero non nisi in locum ultronei beneficii expectare poteram, & quæ inter mea, antequam ea accepero, censere non possum <sup>10</sup>.

*Sive rei  
ipsum, sive  
proveni-  
entis inde  
fructus.*

VI. SUB damni porro nomine venit non modo res nostra, aut nobis debita, quæ læditur, perditur, aut intercipitur; sed & *fructus* qui ex ipsa re proveniunt, sive jam sint percepti, sive adhuc sperentur, si modo dominus eos percepturus fuerat <sup>11</sup>: deductis tamen impensis quæ ad fructuum perceptionem fuerunt necessarij. Æstimatio autem fructuum speratorum intenditur aut remittitur, prout propius aut longius a fine incerti proventus remoti fuerint <sup>12</sup>. Denique & pro uno damno habetur, quicquid ex aliqua læsione velut naturali necessitate deinceps profuit <sup>13</sup>.

<sup>9</sup> Sic ARISTOTELES: πλεονεκτεῖν οὐδ' ἐν ὁ βουθῆσας  
χρήμασι δι' ἀνελευθερίαν. Non peccat contra justitiam,  
qui præ tenacitate pecuniâ alteri non succurrit. *Eth. ad  
Nic* L. V. c. 4.

<sup>10</sup> Conf. GROTI. *De Jure Belli & Pac.* L. II. c. 17.

§. 2.

<sup>11</sup> Exemplo fit illud *Grotianum*. “Fur & raptor  
“tenentur rem substractam reddere cum suo incre-  
“mento naturali, & cum sequente damno aut cessan-  
“te lucro.” *De Jure B. & P.* L. II, c. xvij.  
§ 16.

<sup>12</sup> “Spes lucri ex nostro æstimabitur, non ut illud  
“ipsum, sed secundum propinquitatem ad actum, ut  
“in semine spes messis.” GROTIUS ubi supra  
§ 5.

VII.

VII. POTEST autem quis alteri damnum dare non solum immediate & *per se*, sed & *per alios*. Potest & damnum immediate ab aliquo datum alteri imputari, quia ad istud factum aliquid contulit vel faciendo, vel non faciendo quod debebat facere<sup>14</sup>. Quandoque inter plures, qui ad idem factum concurrunt, unus *principalis* causa habetur, alter *accessorii* in loco est: quandoque omnes *pari* passu ambulant. Circa quos observandum: illos ita teneri ad reparationem damni, si revera causa damni fuerint, & momentum aliquod attulerint ad totum damnum, aut ejus partem<sup>15</sup>. Ubi autem quis ad ipsum actum, quo damnum fuit datum, realis aliquid operæ non contulit, neque ut iste susciperetur antecederet effecit, neque in partem emolumenti venit: is licet occasione istius actus aliquo peccato obstringatur, ad restitutionem tamen

Cap. 6.

*Datur per se, per alios: & cui imputatur?*

c. 1. § 4.


<sup>13</sup> Exempla varia ad hanc rem illustrandam adduxit GROTIUS, quorum unum & alterum subjiciemus:

“ 1. Homicida injustus tenetur solvere impensas, si quæ factæ sunt in medicos, & iis quos occisus alere ex officio solebat, putà parentibus, uxoribus, liberis, dare tantum, quantum illa spes alimentorum, ratione habita ætatis occisi, valebat. 2. Qui mutilavit, similiter tenebitur ad impensas, & ad æstimationem ejus quod jam, qui mutilatus est, minus poterit lucrari.” Ubi supra. § 13, 14.

<sup>14</sup> Vid. Quæ supra commentabar de concursu ad alienum crimen ad Cap. I. § 27. not. 60, 61.

<sup>15</sup> Exempli causa: “ Cui magistratûs collatio mandata est, is reip. tenetur ad eligendum eum qui dignus sit, & ad hoc exigendum resp. jus habet proprium.”

um i

Cap. 6.  men damni non tenebitur : uti sunt , qui alienis malis lætantur ; qui patratum damnum laudant , excusant ; qui antequam fiat , optant ; dum fit , favent , aut assentantur.

*Plures si dederint, quo ordine teneantur?*  
c. i. § 5.

VIII. UBI *plures* ad unum actum ex quo damnum profluxerit , concurrerunt , primo loco tenebitur , qui imperio , aut alio modo necessitatis quid habente , ad factum alios impulit. Patrator facinoris , cui ministerium detrectare non licuit , instrumenti tantum rationem habebit. Qui citra necessitatem ad facinus accessit , ipse primo loco tenebitur ; tum cæteri , qui ad facinus aliquid contulerunt. Ita tamen , ut si a prioribus reparatio damni fuerit facta , posteriores ab eadem sint immunes (quod in pœnis secus est.) Si plures per conspirationem aliquod facinus patnaverint , omnes pro singulis , & singuli pro omnibus tenentur ; sic ut si omnes comprehendantur , singuli ratam

---

“ um : quare si ex indigni electione damnum fecerit  
“ respublica , ille refarcire tenetur.” GROTIUS ubi  
supra , § 3.

“<sup>6</sup> Actus sunt vel dividiui , vel individui. 1. In *divi-*  
*duis* quilibet in tantum tenetur , in quantum nocuit.  
Exemplum nobis supplevit ipse auctor in opere majori :  
“ Si plures aliquem fustibus invaserint , quorum unus  
“ capiti vulnus inflixerit , alter brachium fregerit ,  
“ tertius oculum excusserit , singuli non de tota læ-  
“ sione tenebuntur , sed quisque pro eo quod ipse fe-  
“ cit. Etsi sæpe quando unus elabatur , qui deprehen-  
“ duntur , in solidum damnantur ; præsertim ubi con-  
“ spiratum inter ipsos ad facinus patrandum fuerit.”  
L. III. c. i. § 5. 2. *Individui* sunt , ad quos multi con-  
currunt , sed ita ut etiam ex unius opera integer actus  
fuerit



ratam partem ad damnum faciendum conferre Cap. 6, debeant. Ubi reliquis elapsis unus tantum deprehendatur, hic pro omnibus solvere tenebitur. Ubi autem ex deprehensis aliqui non sint solvendo, locupletes in solidum tenebuntur. Quod si plures citra conspirationem ad idem facinus concurrerint, ac discerni liquido possit quantum quisque ad damnum contulerit; quisque tantum tenebitur ad id pensandum, quod ab ipso processit. Quod si unus solidum solverit, reliqui a reparatione damni liberantur <sup>16</sup>.

IX. Ad reparationem damni tenetur non solum, qui dolo malo alteri nocuit; sed & qui præter directam intentionem per negligentiam seu culpam, quam evitare facile erat. Hæc enim non minima pars est socialitatis, ita circumspicere agere, ut nostra conversatio aliis non fiat formidolosa, aut intolerabilis. Quin

*Ex dato per negligentiam aliquis tenetur;*  
c. 1. § 7.

---

fuerit secuturus, neque singulis certa velut pars istius queat assignari; uti est incendium, perfossio aggeris, & similes. Nam damnum inde datum idem fuisset secuturum, si vel maxime unus tantum ei facinori manus admovisset: sic ut defini nequeat, quota pars incendii vel inundationis à singulis provenerit. In tali actu singuli in solidum tenentur: ita tamen ut si singuli comprehendantur, æquales damni partes sarcire debeant. Similiter GROTIUS: "Tenentur in solidum singuli qui ad actum causam dederunt, si totus actus ab ipsis, quanquam non solis, processit." *Ubi supra*, § 11. Quam regulam hoc exemplo illustravit noster. "Tres sunt, qui faces simul alicui domui injecerunt. Hæc actus incensæ domus totus videtur à singulis processisse, etsi non à solis." *Ubi supra*.

&

Cap. 6. & sæpe ex peculiari obligatione quis ad accuratam diligentiam adhibendam astringitur<sup>17</sup>. Imo & levissima culpa ad reparationis necessitatem sufficere potest, si modo negotii natura exactissimam diligentiam non ultro velut adspernetur; aut ejus magis, qui damnum accipit, quam qui dat, culpa versetur; aut nisi magna perturbatio vel negotii circumstantia accuratam circumspeditionem non admittat; puta si quis in fervore pugnae, dum arma quatit, proxime sibi adstantem lædat<sup>18</sup>.

*Non item ex eo quod casu fortuito accidit.* X. VERUM qui per *casum fortuitum* & citra suam culpam<sup>19</sup> læsit, ad reparationem non tenetur. Quia cum nihil sit admissum, quod imputari ipsi queat, nulla ratio est, quare potius is, qui invitus fecit, fatale malum luere debeat, quam alter, qui passus est<sup>20</sup>.

*Ex damno ab aliquo nostro homine dato;* XI. ILLUD quoque naturali æquitati congruum est, ut si *homo noster* citra culpam no-

<sup>17</sup> Sic ex neglectu tenentur reges ac magistratus, qui ad inhibenda latrocinia & piraticam non adhibent ea quæ possunt ac debent remedia. GROTIUS *ubi supra*. Si quid damni à latronibus fecerit viator, incolæ refarcire tenebuntur. Vid. *supra*, c. 1. § 18. not. 48.

<sup>18</sup> Exemplum ab ÆLIANO [*Var. Hist.* L. III. c. xlv.] adducit noster in opere majori. *Ubi supra*. “Adolescenti qui in socium enssem impulit, dum latronem ferire conatur, ita *Pythia* respondit:

Ἐκείνας τὸν ἐταῖρον αἰμίνων, οὐ σ’ ἐμίανεν  
 Αἴμα, πέλεις δ’ ἑτέρας καθαρώτερος, ἢ πάρος ἦδα.

*Defendens socium verso mucrone necasti;*  
*Purior es manibus nunc, quàm prius esse solebas.*


fram alteri damnum dedit; id vel ipsi pense- Cap. 6.  
mus, vel istum læso dedamus. Nam servus  
utique naturaliter reparationi damni a se dati  
est obnoxius. Cum autem ipse non habeat  
bona unde reparatio fieri queat, ejusque cor-  
pus domini sit; æquum sane est, ut dominus  
aut damnum farciat, aut istum dedat<sup>19</sup>. A-  
lias enim servo daretur licentia omnes pro li-  
bidine lædendi, si neque ab ipso, qui nihil,  
ac ne seipsum quidem habet, neque a domi-  
no reparatio damni obtineri possit. Nam si  
vel maxime ob læsionem dominus ipsum ver-  
beribus aut carcere velit plectere, læso inde  
hautquidquam satisfieri potest.

XII. QUIN & idem circa *animalia nostra* Aut ab a-  
æquum esse videtur, ut quando illa etiam citra <sup>nimali</sup>  
nostram culpam, & contra naturam generis <sup>nostro, ad</sup>  
sponte <sup>quid tene-</sup>  
amur?

<sup>19</sup> Addere oportet, *vel negligentiam*.

<sup>20</sup> Hæc ratio probare videtur, non ut lædens ab  
omni restitutione absolvatur, sed ut par sit infortunium  
ex utraque parte. Juxta hanc regulam qui damnum  
dedit, dimidium rei valorem ferenti rependere debuit,  
si pares sint circumstantiæ: iis imparibus, æquum est  
divisionem imparem pro ratâ fieri. Sunt qui volunt  
causam damni *physicam*, quâ talem, ad restitutionem  
omnino teneri, etsi nulla huic culpa inest: quæ norma  
æquitati quadrare non videtur. Attamen res sic  
stare possunt, ut qui fortuito alteri damnum det, ad  
integram restitutionem saltem imperfecto jure teneatur; <sup>puta</sup> si a divite damnum fecerit pauper.

<sup>21</sup> Censet GROTIUS hoc solum esse ex jure civili;  
& dominum, qui in culpa non est, naturâ ad nihil  
teneri. *Ubi supra*, § 21. Sed mihi magis arridet o-  
pinio auctoris, qui dominum jure naturæ & æquitatis  
ratione

Cap. 6.  Sponte commota, alteri damnum dederint, dominus vel damnum farciat, vel animal dedat. Nam si ab animali, quod in libertate naturam degebat, læsus fuisset, poteram utique qualitercunque damnum meum reparare illud capiendo vel occidendo : quod jus sane per alterius dominium tolli non potuisse videtur. Et cum dominus ex eo animali lucrum capiat, ego vero damnum ex eodem senserim, reparatio autem damni longe sit favorabilior, quam lucri acquisitio : adparet, recte a domino animalis postulari, ut damnum datum repareret, aut si tanti non sit ipsi animal, illud noxae dedat <sup>22</sup>.

*Ex dato  
sine dolo  
malo, per  
malitiam,  
ad quid te-  
neamur?*

XIII. Sic igitur qui *damnum* alteri *citra dolum malum* dedit, ultro reparationem debet offerre, testarique malitiam abs se abfuisse, ne læsus ipsum pro hoste habeat, ac vicissim hostilia intentet. Qui autem *per malitiam* alterum læsit, is non solum ultro reparationem damni debet offerre, sed & poenitentiam sui facti ostendere, veniamque petere. Vicissim

---

ratione teneri statuit. Cum enim natura cuique tribuat facultatem damni sibi illati reparationem aliquâ ratione querendi, & cum servus nihil habeat de proprio, æquitati & rationi consonum videtur, ut dominus, qui omne lucrum ex ejus operâ sibi acquirit, damnum à servo datum resarciat, vel ipsum dedat.

<sup>22</sup> Vult BARBEYRACIUS non eandem esse animalium & servorum rationem, quippe in hos culpa cadere possit, in illa non item. Quæ distinctio tantum facit, ne animal poenas det, (poenâ propriè dictâ in irrationalia non cadente) non autem, ut dominus cui lucrosus est, à damno resarciendo absolvatur.

læsus

læsus, reparatione obtenta, pœnitenti ac pœnitenti *veniam dare*, & cum ipso in gratiam redire tenetur. Nam qui reparatione damni & pœnitentia adquiescere non vult, sed vindictam utique manu sibi quæsitum it, nihil aliud agit, quam ut acerbitati animi sui obsequatur, adeoque ex causa supervacua pacem inter homines abrumpat. Quo nomine damnatur etiam naturali lege *vindicta*, quæ nullum alium finem habet propositum, quam ægre facere illis qui nos læserunt, eorumque dolore nostrum animum fatiare. Eo prœiores autem mortales ad condonandas mutuas offensas esse decet, quo frequentius ipsi supremi Numinis leges violant, eoque & ipsi venia quotidie opus habent <sup>23</sup>.

---

<sup>23</sup> Conf. GROTI. *De Jure B. & P.* L. II. c. xx. § 5. qui ibidem ostendit non christianos modo doctores, sed & philosophos ultionem in hominibus improbare.



## C A P. VII.

DE AGNOSCENDA NATURALI  
HOMINUM ÆQUALITATE.

*Officium  
alterum,  
Alios æsti-  
mandos sibi  
æquales.*

I. **E**ST homo animal non modo sui con-  
servandi studiosissimum, sed & cui  
insita sit delicata quædam sui æstimatio; cui si  
quid detrahatur, non minus sæpe commoveri  
solet, quam illata corpori aut rebus noxa <sup>1</sup>.  
c. 2. §. 1. Quin in ipso hominis vocabulo judicatur inesse  
aliqua dignatio, sic ut ultimum simul atque  
efficacissimum argumentum, quo aliorum in-  
solens insultatio retunditur, istoc habeatur:  
utique non canis sum, sed æque homo atque  
tu <sup>2</sup>. Cum igitur natura humana omnibus  
æque competat, & nemo libenter velit aut  
possit illi sociari, abs quo non saltem tanquam  
æque homo, & communis naturæ particeps  
æstimatur: ideo *secundo loco* inter officia quo-  
rumlibet in quolibet habetur: *Ut quisque al-*  
*terum hominem æstimet atque tractet, tanquam*  
*naturaliter*

<sup>1</sup> “ Adjuncta est adpetitio quædam principatus, ut  
“ nemini parere animus bene à naturâ informatus  
“ velit; nisi præcipienti aut docenti aut utilitatis cau-  
“ sa justè & legitime imperanti: ex quo animi magni-  
“ tudo existit, humanarumque rerum contemptio.”  
CICERO. *de Offic.* I. 4.

<sup>2</sup> STAT. Theb. XII. 565.

*naturaliter sibi æqualem; seu ut æque homi-* Cap. 7.  
*nem.*

II. CONSISTIT autem isthæc hominum æ- *Æqualitas*  
*qualitas* non in eo solum, quod hominum a- *hominum*  
*dultorum vires* fere sint æquales<sup>3</sup> hæcenus; *quo funda-*  
ut etiam imbecillior robustiori mortem adfer- *mento ni-*  
re possit, per insidias, aut adjuvante dexteri- *tatur?*  
tate, armorumque habilitate: sed & in eo,  
quod licet unus præ altero variis *dotibus* animi  
corporisque a natura sit ornatus, non eo minus  
tamen legis naturalis præcepta adversus alios  
ei sint exercenda, atque ipse ab aliis idem ex-  
spectat; nec ideo plus licentiæ ipsi concedatur  
alios injuriis afficiendi. Sicuti & contra ne-  
minem parca in ipsum natura, aut tenuis for-  
tuna per se ad id condemnat, ut deterioris  
conditionis circa fruitionem communis juris  
sit, quam alii. Sed quæ unus ab altero po-  
stulare aut expectare potest, eadem alii quo-  
que cæteris paribus, ab eodem debent; &  
quod juris quis in alios statuit, eo ipsum uti  
maxime convenit. *Obligatio quippe ad colen-*  
*dam cum aliis hominibus vitam socialem, omnes*  
*homines*

---

— *Hominum, inclyte Theseu,*

*Sanguis erant omnes, eademque in sidera, eosdem*  
*Sortitus animarum, alimentaue vestra creati.*

<sup>3</sup> Ratio ab æqualitate virium petita nihil omnino  
valet ad probandam naturalem hominum æqualitatem.  
Tantum abest à veritate, ut hæc sola sit causa, prout  
asserit HOBBSIUS. *De Cive.* cap. i. § 3. Aliud jus,  
potentia. Superiores facultates (sint animi vel  
corporis)

Cap. 7. *homines æqualiter stringit*, nec uni magis licet leges naturales in alio violare, quam alteri. Et si nec defint populares rationes eam æqualitatem illustrantes; puta quod ex eadem stirpe omnes descendamus, eodem modo nascamur, nutriamur, moriamur<sup>4</sup>; quodque Deus nemini de stabili & inconcussa fortuna caverit<sup>5</sup>. Sicut & scita religionis Christianæ, parando Numinis favori non nobilitatem, potentiam, divitiæve, sed pietatis sinceritatem commendant, quæ æque in humilem, quam illustri positum loco, cadere potest<sup>6</sup>.

Cuique permittendum, ut alii eodem se-cum jure fruantur.

c. ii. § 3.

III. Ex hacce porro æqualitate consequitur eum, qui aliorum opera ad commodum suum uti vult, vicissim quoque in eorundem usus sese dispensare debere. Nam qui postulat ut alii quidem sibi inserviant, ipse contra semper im-munis esse cupit, is alios utique sibi inæquales ducit<sup>7</sup>. Inde uti ad societatem quam maxime sunt idonei, qui facile eadem omnibus permittunt;

---

corporis) æqualitatem non destruunt, ut exinde jus imperii in alterum oriatur. Vid. quæ notavi *supra* ad cap. ii. § 5. not. 10.

<sup>4</sup> CLAUDIAN. in Rufin. ii. 473.

*Huc post emeritam mortalia sæcula vitam  
Deveniunt, ubi nulla manent discrimina facti,  
Nullus honos, vanoque exutum nomine regem  
Proturbat plebeius egens——*

<sup>5</sup> HORAT. I Carm. 34.

*Valt.*



mittunt, quæ sibi : ita plane infociabiles sunt, Cap. 7. qui dum aliis superiores sese existimant, omnia licere sibi solis volunt, & ante cæteros honorem sibi arrogant, partemque præcipuam ex rebus in medio positis, ubi nullo præ reliquis eximio jure pollent. Unde & id inter communia legis naturalis officia est : *Ut ne quis cui peculiare jus non est quæsitum<sup>8</sup>, plus sibi, quam reliquis arroget, sed alios æquo secum jure frui permittat.*

IV. EADEM æqualitas quoque ostendit, In jure di-  
quomodo quis sese debeat gerere, ubi *jus inter* <sup>Atribuendo</sup>  
*alios ipsi sit distribuendum* ; nempe ut tan- <sup>omnes trac-</sup> tandi ut æ-  
quam æquales eos tractet, & neutri præter *quales.*

merita causæ quid præ altero indulgeat. Sec. c. ii. § 5.  
cus enim si sit, is qui posthabetur contumelia simul & injuria afficitur, & dignatio à natura data eidem detrahitur. Unde consequitur, ut res communis æqualibus portionibus inter æquales jure sit dividenda. Ubi divisionem res non

*Valet imā summis  
Mutare, & insignem attenuat Deus  
Obscura promens*

<sup>8</sup> Conf. Auctoris *Eris Scandic.* p. 51.

<sup>7</sup> Valet hæc regula tam in statu civili quam naturali. Quæ conveniunt eidem tertio, conveniunt inter se, notitia est tam rebus moralibus quam mathematicis conveniens; cui salvatoris mandatum quadrat; *Quæcunque vultis ut faciant vobis homines, eadem vos facite illis.* Mat. vii. 12.

<sup>8</sup> In statu civili quidam peculiari jure ab aliis exigere possunt, quod ab iis reciprocè nequit postulari.

Cap. 7. non admittit, eadem communiter uti debent, qui æquale jus habent; idque si quantitas rei permittat, quantum quisque velit. Sin res istud non ferat; ut tunc utantur ea re præfinito modo, & proportionate ad numerum utentium. Alius enim modus excogitari non potest æqualitatem observandi. Quod si autem neque dividi res, neque communiter haberi possit; usus ejus sit vel alternus; vel si ne hoc quidem succedat, aut reliquis æquipollens præstari nequeat, per sortem uni res erit adjudicanda. Nam in ejusmodi casibus commodius quam fors remedium inveniri nequit; quippe quæ opinionem contemptus removet; & cui non favet, de dignatione nihil detrahit.

*In quo  
consistat  
superbia,  
in quo vera  
humilitas.*

V. CONTRA hoc officium peccatur per superbiam, qua quis nulla de causa aut non sufficiente aliis se præfert, & velut inæquales eosdem præ se despicit. *Nulla de causa* dicimus. Nam ubi quis sibi rite jus quæsit, quod ipsi præ aliis prælationem dat, recte illud exercere & tueri potest, citra tamen inanem fastum, aut aliorum contemptum. Sicuti & contra, quilibet alteri prælationem honoremque, qui ipsi debetur, merito præstat. De cætero,

---

Aliæ circumstantiæ alios mores requirunt; diversa conditio magistratûs & subditi, domini & servi, diversam obligationem secum fert.

⁹ Audi de hac re CARTESIUM. " Omnium injustissima est superbire absque causa; i. e. cum quis  
" etiam

cætero, veræ generositati semper comes est ho-  
 nestas quædam *humilitas*, quæ consistit in re-  
 flexione, quam facimus super infirmitate na-  
 turæ nostræ, & erroribus, quos olim potuimus  
 commisisse, aut deinceps possumus committere;  
 qui non minores sunt iis, qui ab aliis com-  
 mitti possunt. Per quam efficitur, ut nos ne-  
 mini præferamus, reputantes, cæteros æque  
 bene suo libero arbitrio, ac nos, uti posse, quo  
 æque pollent; cujus legitimus usus unicum il-  
 lud est, quod homo pro suo reputare possit,  
 & quo sese æstimare aut despiciere queat.  
 Nulla autem de causa sese efferre, revera ri-  
 diculum est vitium<sup>9</sup>: quia & per se stultum,  
 propter nihil se magni facere; & quia alios  
 omnes pro stultis habet, quasi ipsum citra ra-  
 tionem essent æstimaturi.

VI, MAGIS adhuc peccatur, si quis *con-* *Superbia*  
*temtum* adversus alios ostendat signis exterioribus, factis, verbis, vultu, risu, ac quacun- *cum contu-*  
*melia*  
 que contumelia. Quod peccatum eo deterius *juncta, de-*  
*terrima,*  
 est censendum, quo asperius aliorum animi in *c. ii. § 7.*  
 iras ac ulciscendi libidinem concitantur. A-  
 deo ut multi deprehendantur, qui vitam ma-  
 lint præsentis periculo exponere, multo magis  
 pacem adversus alios abrumpere, quam con-

---

“etiam nihil cogitat sibi inesse meriti propter quod  
 “existimari debeat; solummodo quia meritum non  
 “magni facit, sibi que imaginando gloriam nihil aliud  
 “esse quàm usurpationem, credit eos qui ejus sibi plus  
 “arrogant, ejus quoque plus habere.” *De Passion.*  
 Art. 157.

Cap. 7. tumeliam inultam pati. Quippe cum per hanc violetur gloria & existimatio, cujus integritate & vigore omnis animi voluptas constat <sup>10</sup>.

<sup>10</sup> Hoc loco notandum est auctorem omisisse utilissimum confectarium, quod ex naturali hominum æqualitate sequitur; viz. *omnes jure naturali liberos nasci, & nullos esse natura servos*. Hoc igitur ex opere majori supplebimus. “Citra pactum humanum nemo potestatis quid in alterum habeat, sed quilibet suarum actionum aut virium sit moderator. *Ibid.* § 9. Et § 8. “Longe absurdissimum foret credere, ab ipsâ naturâ statim actu prudentioribus in hebetiores esse imperium datum, aut saltem tale jus, ut illi hosce etiam invitos ad serviendum adigere queant. “Nam ut actu constituatur imperium, factum aliud quod humanum antecedere oportet. Et nequaquam aptitudo naturalis ad imperandum statim alicui dat imperium in eum, cui à natura ingenium est servitio aptum. Neque statim quod alteri utile est, id licet mihi per vim ipsi imponere. Nam homines naturali libertate ex æquo gaudent; cujus diminutionem ut patiantur, necessum est ipsorum consensus expressus vel tacitus aut interpretativus accedat, aut aliquod ipsorum factum, quo aliis jus fuit quæsitum eandem vel invitis eripiendi. Inde recte QUINTIL. Declam. xiii. *Quid non liberum natura genuit? Taceo de servis, quos bellorum iniquitas in prædam victoribus dedit, iisdem legibus, eâdem fortunâ, eâdem necessitate natos. Ex eodem cælo spiritum trabunt, nec natura ullis sed fortuna dominum dedit.*”

## C A P. VIII.

DE PROMISCUIS OFFICIIS  
HUMANITATIS.

I. **I** NTER officia quorumlibet erga quoslibet, & quæ propter communem socialitatem sunt exercenda, *tertio* loco id ponitur: *Ut quilibet alterius utilitatem, quantum commode potest, promoveat.* Cum enim cognitionem quandam inter homines natura constituerit, parum fuerit alios non læsisse aut contempsisse; sed talia quoque in alios conferenda, aut invicem communicanda, ex quibus mutua inter homines benevolentia alatur. Profumus autem aliis vel *indefinite*, vel *defini-*

*Officium  
tertium,  
Alterius  
commoda  
promoven-  
da.*  
c. iii. § 1.

Hæc sunt officia humanitatis, quæ, si leges humanas spectemus, non sunt jure perfecto debita: sed cum utilitati communi necessaria videantur, perfectam obligationem à numine sibi adjunctam habent. Egregiè de hac re scripsit CICERO. “ Non nobis solum nati sumus, ortusq; nostri partem patria vindicat, partem parentes, partem amici. Atque, ut placet Stoicis, quæ in terris gignuntur, ad usum hominum omnia creari; homines autem hominum causâ esse generatos, ut ipsi inter se, alius alii, prodesse possint. In hoc naturam debemus ducem sequi, & communes utilitates in medium afferre, mutatione officiorum, dando, accipiendo: tum artibus, tum operâ, tum facultatibus devincire hominum inter se societatem.”

*De Offe.* I. vii.

Cap. 8. *nite* ; idque ut vel *nihil* nobis, vel *aliquid* de-  
cedat <sup>2</sup>.

*Tum indefinite per utiles agi-ones & in-venta ;* II. *Indefinite* aliorum commoda promotum  
it, qui animam ac corpus suum probe excolit,  
ut utiles abs se actiones in alios proficisci que-  
ant ; aut si ingenii per solertiam talia inveniat,  
c. iii. § 2. quibus vita humana reddatur instructior. Un-  
de contra hoc officium peccare sunt censendi,  
qui nullam honestam artem addiscunt, vita-  
que per silentium transita animam pro sale ha-  
bent, ne putiscant ; *numerus* tantum, & *fru-  
ges consumere nati* <sup>3</sup> : & qui opibus per mayo-  
res relictis contenti, ideo impune abs sese ig-  
naviæ litari credunt, quod aliorum industria  
jam sit partum, unde victitent :

*Et qui divitiis soli incubuere repertis,  
Nec partem posuere suis* <sup>4</sup>.

Item qui ad porcorum instar neminem nisi  
morte sua exhilarant. Et id farinæ alia otio-  
sa terræ pondera.

<sup>2</sup> Hic addit WEBERUS : *Et quidem ut vel nihil nobis,  
scilicet per officia innoxie utilitatis, vel aliquid nimirum  
per beneficia alia decedat.*

<sup>3</sup> Ex HORAT. 1 Epist. ii. 27.

*Nos numerus sumus & fruges consumere nati.*

<sup>4</sup> VIRG. *Æneid.* vi. 610.

<sup>5</sup> VIRGILIUS recte in campis Elysiis eos locavit,

*Inventas — qui vitam excoluere per artes,  
Quique sui memores alios fecere merendo.*

*Æneid.* vi. 663.

III. VICISSIM illis, qui de mortalium ge- Cap. 8.  
nere bene mereri instituunt, cæteri hoc de-  
bent, ut ipsis ne invideant, nec præclaris co-  
rundem conatibus remoram injiciant. Tum  
si alia non sit via paria cum istis faciendi, sal-  
tem celebritatem memoriæ famæque eorum,  
qui præcipuus laborum fructus est, promotum  
cant s.

IV. <sup>6</sup> IMPRIMIS autem illa bona, quæ citra Tum hu-  
nostrum detrimentum, molestiamque aut labo-  
rem præstari possunt, non libenter in alios dis-  
pensare, detestanda malignitas & inhumanitas  
habetur: Quæ vocari solent *res innoxie utili-*  
*tatis*, seu quæ accipienti profunt, præstantem  
non gravant. Uti sunt, non prohibere aquam  
profluentem, pati ab igne ignem capere, con-  
siliium fidele deliberanti dare, erranti comiter  
monstrare viam s. Sic si quis rem aliquam  
amplius possidere nolit, propter nimiam co-  
piam, aut quia asservatio ejus ipsi molesta est;  
cur non malit eam potius integram relinquere,  
ut aliis non hostibus usum præbere possit;

<sup>6</sup> Hactenus de *indefinitis* officiis, quibus humani ge-  
neris utilitati inservire possumus. Quæ sequuntur,  
ad officia *definita* pertinent.

<sup>7</sup> Aliter WEBERUS: *Definitè quis inservit, quando  
certis hominibus indulget, quod ipsis utilitatem quandam  
afferre, & vel citra suum detrimentum, molestiamque aut  
laborem præstari potest, quale quid non libenter, &c.*

<sup>8</sup> ENNIUS apud CICER. de Offic. I. xvi.

*Homo, qui erranti comiter monstrat viam,  
Quasi lumen de suo lumine accendat, facit:  
Nihilominus ipsi lucet, cum illi accenderit.*

quam

Cap. 8. quam eandem corrumpere? Sic non fas nutrimentum perdere, ubi nos saturati sumus; neque fontem obturare, aut occultare, ubi nos affatim bibimus; neque signa navigationis itinerisque abolere, postquam iis usi sumus. Huc pertinent modicæ stipēs locupletum in egenos collatæ; item illa humanitas, quæ iusta de causa peregrinantibus exhibetur, præsertim ubi aliquâ ipsos calamitas oppresserit; & ejus generis alia?

*Tum quoque beneficiis aliqujus sumtus aut operæ.*

V. SUBLIMIOR gradus humanitatis est, ex singulari benevolentia gratis quid in alterum conferre, impensa aut opera laboriosa constans, quo ipsius necessitatibus obveniat, aut eidem insignis quæpiam utilitas concilietur.

c. iii. § 15. Quæ κατ' ἐξοχὴν vocantur *beneficia*, aptissima materia insignem laudem parandi, si magnitudo animi & prudentia eadem rite temperaverit. Eorum dispensationem ac modum ferre conditio dantis atque accipientis moderatur. In quibus id comprimis observandum, ne obfit benignitas & iis ipsis, quibus benigne videtur fieri, & cæteris: deinde ne major benignitas sit, quam facultas; tum ut pro dignitate cuique tribuatur, & quidem ante omnia bene meritis; tum ut quisque nostræ opis indiget;

<sup>9</sup> Conf. GROTIUS. *De Jure B. & P.* L. II. c. ii. § II.

<sup>10</sup> Audiamus CICERONEM præclare de gratitudine differentem: "Nullum officium referendâ gratiâ magis necessarium est. Quod si ea, quæ utenda acciperis majore mensurâ, si mode possis, jubet reddere." HESIODUS: quidnam beneficio provocati facere debemus?



diget; observatis quoque conjunctionis gradi- Cap. 8.  
bus inter homines. Videndum quoque, quid  
cuique maxime necesse sit, & quid quisque  
nobiscum, aut sine nobis possit consequi, aut  
non possit. Modus quoque dandi multum  
gratiæ beneficiis addit, si hilari fronte, prom-  
te, & cum contestatione benevolentiae de-  
mus.

VI. VICISSIM in eo, qui beneficium acce- Gratus a-  
pit, existere debet *gratus animus*; quo is o- nimus in  
stendit, istud sibi acceptum fuisse, dantiq- benefacto-  
eā ob causam favet, & occasionem quærit rem quid  
paria reponendi, aut amplius, quantum ejus involvat?  
fieri potest. Nam id non necessarium est, ut c. iii. § 16.  
præcise tantum reddamus. quanti id fuit quod  
datum est; sed sæpe studium & conatus obli-  
gationem explent. Modo tamen nihil sit,  
quod ei, qui beneficium se dedisse prætendit,  
recte opponi possit. Nam qui me ex aquis  
extraxit, ei nihil debeo, si me in eas prius  
conjecerat.

VII. CÆTERUM quo magis ad devinciē- Beneficium  
dos hominum animos apta sunt beneficia, eo ad gra-  
acrius ad gratiam referendam incumbere de- tiam refe-  
bet, qui ista accepit. Saltem ne eum, qui si- rendam ob-  
ducia nostri prior nobis benefecit, ob eam rem ligat.  
c. iii. § 17.

---

“debemus? an imitari agros fertiles; qui multò plus  
“efferunt, quam acceperunt? Etenim si in eos, quos  
“speramus nobis profuturos, non dubitamus officia  
“conferre; quales in eos esse debemus, qui jam pro-  
“fuerunt?” *De Offic. I. xv. Conf. CARTES. de Passi-*  
*on. Art. 194.*

deteriore

Cap. 8. deteriore esse conditione patiamur; neve beneficium accipiamus, nisi animo nitendi, ne dantem merito dati pœniteat. Nam si certam ob causam peculiariter alicui nolumus obligari, licebit oblatum beneficium dextre recusare. Et sane si absque necessitate gratiæ referendæ foret, contra rationem fecerit, si quis sua temere jactaverit, &, quod perituum prospicit, beneficium prior contulerit. Quo modo omnis tolleretur inter homines beneficentiæ & fiducia, unaque omnis benevolentia; neque esset inter eos quidquam gratuitæ opis, nec ullum gratiæ conciliandæ initium<sup>12</sup>.

*Ob ingratitudinem per se nulla fit injuria*<sup>13</sup>: foedius tamen & magis odiosum ac detestabile habetur nomen ingrati, quam injusti. Censetur enim animi valde abjecti & degeneris, seipsum indignum declarare eo judicio, quod alter de ipsius probitate tulit: ac ne beneficiis quidem quæ e-

<sup>12</sup> Hoc comma maximâ ex parte huc transfertur ex HOBBSIO. *De Cive*, cap. III. § 8.

<sup>13</sup> Quoniam gratia, quâ gratia, nequit perfectio jure postulari.

<sup>14</sup> Similiter SENECA: "Primum omnium pars optima beneficii perit, si *astio*, sicut certæ pecuniæ, aut ex conducto datur. Deinde cum res honestissima sit referre gratiam, desinit esse honesta, si necessaria est. Adjice nunc, quod huic uni legi omnia fora vix sufficient." *De Benefic.* L. III. c. vii. *Persas*, autem in ingratos severè animadvertere auctor est XENOPHON. *Cyropæd.* L. I. Pr. Conf. GROT. L. II. c. XX. § 20.

tian.

tiam bruta demulcent, moveri posse ad concipiendum humanitatis sensum. In foro tamen civili ob simplicem ingratitudinem, seu ubi quis nudi beneficii obliviscitur, & occasione id data referre negligit, *actio* non solet dari. Pars enim optima beneficii perit, si actio, uti certæ pecuniæ, detur: jam enim creditum esse incipiet. Et cum res honestissima sit referre gratiam, desinet esse ita splendide honesta, si sit necessaria. Denique huic uni legi vix omnia fora essent suffectura, ob difficillimam æstimationem circumstantiarum, quæ beneficium vel intendunt, vel elevant<sup>14</sup>. Et eam ipsam ob causam beneficium dedi, i. e. ejus quod dedi refusionem mihi stipulatus non sum, ut & alteri foret occasio ostendendi, se honesti amore, non ex metu pœnæ humanæ aut coactionis gratiam retulisse; utque ipse non spe lucri, sed ob humanitatem exercendam videar erogasse, de quo recipiendo mihi caveri noluerim<sup>15</sup>. Enimvero

---

<sup>14</sup> Hoc in capite tractari debent officia, quæ ad integras gentes spectant: qualia à gentibus erga gentes rectè exercentur; etsi non sunt perfecto jure debita. Huc spectant plurima de quibus GROTIUS verba fecit, *De Jure B. & P.* L. II. c. ii. "I. Sic & terræ & flumina, & siqua pars maris in proprietatem populi alicujus venit, patere debet his, qui transitu opus habent ad causas justas; putà quia suis finibus expulsi quærunt terras vacuas, aut quia commercium expetunt gente seposita, aut etiam quia quod suum est, justo bello petunt." At verò hoc de innoxio transitu dicendum est, ut ubi pauci aliqui & inermes transire volunt: non autem de magnis exercitibus, à quorum transitu justus metus oriri possit. GROTIUS quidem

Cap. 8. nimvero qui non solum beneficium non re-  
 pendit, sed & benefactori insuper malum re-  
 ponit;

quidem existimat metum ad negandum transitum non valere. Sed mihi magis arridet opinio GRONOVII; quoniam (ut notat ipse *ad loc.*) si principi vel populo licet prohibere ipsis indigenis, ne sint armati intra fines; quamvis pauci, quamvis singuli, multo magis ei licet hoc non concedere exteris: Præterea si privatus prohibere potest; ne quis ingrediatur fundum suum vendendi vel aucupandi gratiâ, multo magis princeps vel populus ne exercitus aut multitudo armata ipsius transeat fines. Porro rectè animadvertit noster, “difficultatem non tolli, si quis dicat transitum esseandum, ubi iusto bello alter petatur; negandam, si injustum ei fiat bellum. Nam neque ista dijudicatio semper est satis expedita; & temerarium habetur ultrò se duobus armatis; velut arbitrum, interponere; & tantam litem suam facere. Accedit, quod concessio transitu in nostris terris belli sedes possit constitui.” *De Jure Nat. & Gent. L. III. c. iii. § 5.*

II. Ad res innoxie utilitatis; quæ cuiuslibet libenter indulgeri debent, à GROTIO refertur, *mercibus per terras nostras transitum concedere.* “Nam quo minus (inquit) gens quæque cum quavis gente sepositâ commercium colat, impediendi nemini jus est: id enim permitti interest societatis humanæ; nec cuiquam damno id est: nam etiam si cui lucrum speratum sed non debitum, decedat, id damni vice reputari non debet.” Hoc autem nimis laxè nimisque liberaliter pronunciarum decernit GRONOVIVS. Etsi enim concedit interesse societatis humanæ, esse commercia ut plurimum libera, nec ulli genti omnino præcludi: attamen hanc vel illam gentem excludi à commerciis certarum gentium, quæ tamen aliunde habeant, non esse iniquum iudicat. Ut mihi videtur, hanc rem acu tetigit BURDEVS. Dispicendum, inquit, an merces ad gentis alterius conservationem sint necessariæ, an verò saltem ad

ponit, ille ob hocce factum eo graviore poena Cap. 8:  
est afficiendus, quo foediorum animi maligni-  
tatem sibi inesse ostendit.

## CAP.

ad voluptatem, luxum, lucrum sint comparatæ. Si prius sit, tantum abest ut transitus denegari queat, ut ad eum concedendum jure perfecto obligati sint imperantes. Si posterius, rursus videndum, an forte transitus ejusmodi rempublicam nostram insigni quodam commodo aut lucro privet. Si non privet, inhumanum foret eundem petentibus denegare: Sin privet, & certa spes sit me transitum denegando insigne commodum in meam rempublicam derivare posse, non puto aliquem ad eum concedendum obligatum esse. Licet enim jus perfectum ad ejusmodi lucrum nemo habeat; nemo tamen obligatus est, alterius commoda potius quam sua promovere. Quod si verò videam transitus denegatione, & meam rempublicam, & alteram gentem lucro & commodo privatum iri; rursus inhumanum est alteri invidere, quod nos impetrare non possumus. *Philos. Pract. c. iv. § 9.* III. Quæritur à GROTIUS; *an ita transeuntibus mercibus terra aut amne aut parte maris, quæ terræ accessio dici possit, VECTIGALIA imponi possint ab eo, qui in terrâ imperium habet?* In quâ quæstione sic decernit: "Certe quæcunque onera ad illas merces  
" nullum habent respectum, ea mercibus istis imponi  
" nulla æquitas patitur. Sic nec capitatio [*i. e.* census:  
" vel stipendium in capita hominum descriptum] ci-  
" vibus imposita ad sustentanda reipublicæ onera ab  
" exteris transeuntibus exigere potest. Sed si aut ad  
" præstandam securitatem mercibus, aut inter cætera  
" etiam ob hoc onera sustinentur, ad ea compensanda  
" vectigal aliquod imponi mercibus potest, dum me-  
" dus causæ non excedatur." Sic cum sumptus sunt  
faciendi ad vias muniendas, ad pontes struendos, ad  
ripas munimentis, præfidiis vel arcibus tuendas, cæ-  
teraque ejusmodi, omnino æquum est vectigalia exigere.

IV. Rem

## C A P. IX.

DE OFFICIO PACISCENTIUM  
*in genere.*

*Officia hominis nonnulla ex pactis oriunda.*  
L. iii. c. 4.

I. **A**B Officiis absolutis ad hypothetica fit velut transitus per pacta intermedia; quippe cum omnia officia, præter jam enumerata, pactum expressum aut tacitum videantur præsupponere<sup>1</sup>. Igitur hoc loco agendum erit *de natura pactorum*, & quid illa ineuntibus observandum sit<sup>2</sup>.

## II. FUISSE

IV. Rem esse innoxie utilitatis existimat GROTIUS *moram aliquantisper prætervehentium, aut prætereuntium*, valetudinis aut aliâ quâ justâ de causâ permittere. Cui & hoc consequens est, ut tugurium momentaneum ponere liceat; putâ in litore, etiam si litus a populo occupatum concedamus. Adjungit præterea, *perpetuam habitationem* his, qui sedibus suis expulsi receptum quærunt, denegandam non esse externis; dum & imperium, quod constitutum est, subeant, & quæ alia ad vitandas seditiones sunt necessaria. V. In hoc jure gentium erga gentes inesse censet GROTIUS, *libertatem matrimonia ambiendi & contrahendi apud vicinas gentes*. Hoc autem caute capiendum esse rectè monet BUDDÆUS: nimirum si qui matrimoniorum libertatem expectant, iisdem nobiscum utantur sacris, nec scelestum vitæ genus sectentur, aut aliis vitiis stans hujus indolis adversis laborent, tum salvo humanitatis jure, illis non potest dari repulsa. VI. Ad officia humanitatis refert BUDDÆUS, *jus sepulture*, idque ad jus naturæ (quod quatenus ad integras gentes pertinet, *jus gentium* vocatur)

II. FUISSE autem *necessarium pacta inter* Cap. 9.  
*homines iniri*, satis manifestum est. Quan- Pacta ad  
 quam enim officia humanitatis late sese per vi- mutua so-  
 tam humanam diffundant : hautquaquam ta- cialitatis  
 men ex eo solo fonte deduci omnia possunt, officia ne-  
 quæ hominibus ab se invicem utiliter percipere cessaria.  
 licebat. Nant neque quibusvis ea est ingenii c. iv. § 1.  
 bonitas, ut omnia quibus aliis prodesse possunt,  
 ex sola humanitate velint præstare, citra ex-  
 ploratam spem paria recipiendi. Et frequen-  
 ter illa, quæ ab aliis in nos proficisci queunt,  
 ejusmodi sunt, ut gratis eadem nobis exhiberi  
 salva fronte postulare nequeamus. Sæpe quo-  
 que nostram fortunam aut personam non de-  
 cet, alteri tale beneficium debere. Adeoque  
 ut plurimum alter dare non potest, sæpe nos  
 accipere nolumus, nisi iste paria a nobis reci-

---

atur) spectare existimat. Nimirum, licet post mortem  
 corpus nihil sentiat, adeoque perinde esse videatur  
 quicquid ei eveniat : nihilo secius sufficit, quod homi-  
 nes dum vivunt, horrore quodam percillantur, si in-  
 telligant corpora sua insepulta abjectum iri. Adeo-  
 que ut recte nonnulli per sepulturæ denegationem  
 puniuntur ; ita per ejus concessionem humanitas ex-  
 ercet. Contrariorum enim contraria est ratio.  
 Accedit quod moribus & consuetudine hominum, in  
 sepulturâ signum & monumentum honoris positum sit.  
*Philos. Pract. cap. iv. § 9.*

<sup>1</sup> Officia vocantur *absoluta*, quæ homines quæ homines  
 obligant, ideoque pro universalibus haberi debent,  
 qualia sunt, suum cuique tribuere, alterum non lædere,  
 &c. *Hypothetica* vero, quæ statum adventitium præsup-  
 ponunt, & non nisi accedente aliquo instituto huma-  
 no, obligant : quorum tractationi jam auctor se ac-  
 cingit.

<sup>2</sup> Conf. GRÖT. *De Jure B. & P. L. II. c. xi.*

T

piat;

Cap. 9. *piat.* Non raro denique alios latet, qua ratione commodis nostris inservire queant. Igitur ut mutua inter homines officia, qui fructus est socialitatis, eo crebrius & ad certas velut regulas exerceatur, non ecessum fuit homines ipsos inter se convenire super ejusmodi rebus invicem præstandis quæ ex sola humanitatis lege certo sibi polliceri ab aliis non poterant<sup>3</sup>. Adeoque in antecessum determinandum fuit, quid alteri quis præstare, quidque ab eodem iterum exspectare suoque jure exigere deberet. Id ipsum autem fit per *promissa & pacta*.

*In promissis & pactis data fides est servanda.* III. CIRCA isthæc generale officium ex lege naturali debitum est : *ut quilibet fidem datam servet*, seu promissa & pacta expleat<sup>4</sup>. Citra hoc enim si esset, plurima pars utilitatis periclitaret, quæ humano generi communicatis invicem operis

---

<sup>3</sup> Vult TREVERUS duplicem solummodo esse pactorum finem ; nimirum vel ad tollendam vel ad constituendam obligationem. Sed TITIVS cum nostro eorum usus & beneficia in quatuor partes rectius dispescit ; quæ sic breviter complecti possumus. 1. Exinde novæ obligationes creantur. 2. Imperfectæ redduntur perfectæ. 3. Abruptæ & intermissæ renovantur. 4. Obligationes tolluntur & irritæ fiunt.

\* Hæc regula generalis est, quæ tamen exceptionibus subjicitur. Istæ circumstantiæ incidere possunt, quæ fidem datam violare jusserint. Ad eam sententiam CICERONEM allego testem. “ Incidunt sæpe tempora, cum ea quæ maxime videntur digna esse justo homine, eoque quem virum bonum dicimus, commutantur, fiuntque contraria ; ut reddere depositum, promissum facere, quæque pertinent ad veritatem & ad fidem, ea migrare interdum & non servare sit justum



operis ac rebus enasci apta est. Et ni pro-  
missa servandi necessitas foret, hautquaquam  
liceret rationes suas firmiter aliorum hominum  
subsidiis superstruere. Quin & ex decepta  
fide iustissimæ querelarum bellicque causæ pul-  
lulare sunt idoneæ. Nam ubi ego ex pacto a-  
liquid præstiterim, altero fidem fallente, mea  
mihi res aut opera frustra periit. Sin vero,  
nihil adhuc præstiti, rationes tamen & desti-  
nata mea turbari molestum est; cum alio mo-  
do rebus meis potuisssem consulere, nisi iste se  
mihi obtulisset. Et indignum est ludibrio  
haberi, quia alterum cordatum ac bonum vi-  
rum credidi s.

Cap. 9.

IV. OBSERVANDUM autem, ea quæ ex  
solo humanitatis officio debentur, in hoc po-  
tissimum differre ab iis, quæ ex pacto aut pro-  
missio

*Ea demum  
pariunt  
perfectam  
obligatio-  
nem & jus.  
c. iv. § 5.*

\* justum. Refertur enim decet ad ea, quæ proposui  
“ in principio, fundamenta iustitiæ, primum ut ne  
“ cui noceatur, deinde ut communi utilitati serviatur.  
“ Cum tempora commutantur, commutatur officium,  
“ & non semper est idem; potest enim accidere pro-  
“ missum aliquod & conventum, ut id effici sit inutile,  
“ vel ei cui promissum sit, vel ei qui promiserit.”  
*De Offic. I. x.* Non autem merè ob utilitatem ejus qui  
promiserit, promissum violare licebit: sic enim run: ius-  
titia; omnisque inter homines fiducia & vitæ incolu-  
mitas unà funditus tollitur. Itaque omnino cautè agen-  
dum est, qui de eo, quod licitum est, in promissorum  
violatione statuit. Quid in hac re præstandum sit,  
& in quibus circumstantiis promissum violare liceat,  
docebitur infra, § 17—19.

§ His rationibus accedit consensus veterum philoso-  
phorum. *ARISTOT. Rhetor. L. I. c. xv.* ὅστε ἀνά-

Cap. 9. misso perfecto debentur; quod ista quidem recte petantur, & honeste præstentur: sed ubi alter ea ultro præstare neglexerit; de inhumanitate duntaxat, feritate, aut duritia ejusdem queri possum; non tamen per violentiam propriam aut superioris, eundem ad præstandum cogere. Id quod tamen licet, ubi ultro non præstantur, quæ ex promisso perfecto, aut pacto debentur<sup>6</sup>. Inde etiam ad illa *jus imperfectum*, ad hæc *jus perfectum* habere: sicut & ad illa *imperfecte*, ad hæc *perfecte* obligari dicimur<sup>7</sup>.

*Fides datur vel promisso gratuito, vel pacto.*  
C. V.

V. FIDEM damus vel *per actum solitarium* seu *μονόπλευρον*, vel *per actum reciprocum* seu *διπλευρον*.

φαν γιγνομένων ἢ συνθηκῶν ἀναρῆται ἢ πρὸς ἀλλήλους χρεία ἢ ἀνθρώπων, *Sublatis pactis tollitur usus hominum inter se.* Teste GROTIUS, Platonici sæpe justitiam vocant ἀλήθειαν, quod *fidelitatem* transtulit APULEIUS, *Apol. de Plat. Phil. Mort.* CICER. *de Offic.* I. vii. "Fundamentum est justitiæ fides; id est, dictorum  
"conventorumque constantia & veritas. Ex quo  
"quamquam hoc videbitur fortasse cuiquam durius,  
"tamen audeamus imitari Stoicos, qui studiose exquirunt, unde verba sint ducta: credamusque quia  
"fiat quod dictum est, appellatam fidem."

<sup>6</sup> Ut recte percipi possit doctrina de pactis & promissis, auctor noster in opera majori obligationem divisit tripliciter. 1. Naturalis est, vel adventitia aut civilis. 2. Mutua vel non mutua. 3. Imperfectè mutua, vel perfectè mutua. De quibus non opus est, ut verba faciam, cum voces magis sint claræ, quam quæ definitionibus indigent.

<sup>7</sup> Quid denotant termini, *Jus perfectum* & *imperfectum*, videas quæ supra notavimus ad cap. II. § 15. Not  
36.

ἡ πλεον. Quandoque enim unus se duntaxat ad quid præstandum obstringit; quandoque autem duo pluresve mutuo se ad quid præstandum obligant. Prior actus vocatur *promissum gratuitum*, posterior *pañum*<sup>8</sup>. Cap. 9.


VI. *Promissio* potest dividi in *imperfectam Promissio* & *perfectam*. Illa est, quando ipsi quidem *imperfecta*, qui promittimus, utique obligari volumus; ut *quæ non dat jus rem* tamen alteri jus ad exigendum non demus, *exigendi*. sed ut nolimus ad promissum nostrum imple- c. v. § 6. dum violenter compelli. v. g. Si ita concipiam promissum, ego serio destinavi hoc vel illud tibi præstare; & peto, ut mihi credas<sup>9</sup>. Sic enim videor obligatus magis ex lege veracita- tis

---

36. Quibus addendum est hoc in loco officia *perfectæ* obligationis vocari, quæ leges civiles à nobis exigunt, *imperfectæ* verò, quæ lex naturæ præcipit, civiles autem in medio relinquunt. Sed quisquis horum naturam penitus perfectam habeat, huic manifestò constabit ea non minùs obligare, quam quæ obligationem secum ferre vulgò dicuntur, eorumque neglectum civilis societatis commodo haud minùs officere. Cujus rei testem appellamus SENECAM: “ut scias per se ex-  
“petendam esse grati animi affectionem, per se fugi-  
“enda res est ingratum esse; quoniam nihil æque  
“concordiam humani generis dissociat ac distrahit,  
“quam hoc vitium.” *De Benef.* L. IV. c. 18.

<sup>8</sup> Huic affinis est divisio *Grotiana* in actus beneficos, & permutatorios. *De Jure B. & P.* L. II. c. xii. § 2. In jure Romano aliæ sunt pactorum divisiones, quas tutò præterire possumus, quippe sint extra juris naturalis disciplinam.

<sup>9</sup> Magis accurata est divisio promissionis *de futuro*, quam GROTIUS acceptam referimus. “*Primus gradus*  
“est assertio explicans de futuro animum qui nunc  
“est:

Cap. 9.  tis, quam justitiæ; maloque videri propriæ constantiæ & gravitatis impulsu ferri ad faciendum officium, quam propter jus alterius. Huc spectant pollicitationes virorum potentum aut gratiosorum, quibus alicui non per verba honoris, sed serio suam commendationem, intercessionem, promotionem, aut suffragium spondent: quæ tamen hautquaquam velut jure aliquo abs se volunt exigì, sed in solidum suæ humanitati ac veracitati cupiunt imputari; ut officii sui gratia eo major sit, quo longius ab eodem coactio abfuerit.

*Perfecta,  
quæ dat  
omnino.*

c. v. §. 7.

VII. PERFECTA autem promissio est, quando non solum ipse utique obligari volo, sed & simul

---

“ est: & ad hanc ut vitio careat, requiritur veritas  
 “ cogitationis pro tempore præsentì, non autem ut in  
 “ ea cogitatione perseveretur. Habet enim animus  
 “ humanus non tantum naturalem potentiam mutandi  
 “ consilium, sed & jus. Quod si in mutatione sententiae vitium sit aliquod, aut accedit, id non est,  
 “ intrinsecum mutationi, sed ex materia, putà quia  
 “ prior sententia erat melior. *Secundus* gradus est  
 “ cum voluntas seipsam pro futuro tempore determinat, cum signo sufficiente ad indicandam perseverandi necessitatem. Et hæc pollicitatio dici potest,  
 “ quæ seposita lege civili obligat quidem aut absolute  
 “ aut sub conditione, sed jus proprium alteri non dat.  
 “ Multis enim casibus evenit, ut obligatio sit in nobis  
 “ & nullam jus in alio: sicut in depito misericordiae  
 “ & gratiae reponendæ apparet, quibus simile est hoc  
 “ debitum constantiæ sive fidelitatis.” *De Jure B. & P. L. II. c. xi. § 2, 3.* Itaque malè, ut opinor, statuit HOBBSIUS de promissis *de futuro*, ea nihil transferre: cujus hoc exemplum profert. “ Qui de  
 “ futuro sic dicet, *cras dabo*, apertè significat, se non  
 “ dedisse

simul jus in alterum conféro, ut rem promissam velut debitam plene me poscere queat. Cap. 9.

VIII. PORRO ut promissa & pacta nos obligent ad aliquid dandum aut faciendum, quod antea non debebamus; aut omittendum, quod antea jure poteramus facere; maxime requiritur *ultroneus noster consensus*<sup>10</sup>. Nam cum cujusvis promissi & pacti impletio cum aliquo onere sit conjuncta, nulla propior ratio est quare super eo conqueri recte nequeamus, quam quia ultro in id consensimus, quod evitare penes nos erat.

IX. CONSENSUS etsi regulariter per *signa*, *Qui quandoque expressus est, aliquando tacitus.* puta voces, literas, nutusque exprimi solet<sup>11</sup>: c. vi. § 1.

---

“ dedisse. Toto itaque hodie jus immotum est, manetque etiam crastino die, nisi interea actu dederit. “ Quod enim meum est, meum manet, nisi post dederim. Quod si de presenti loquar, puta hoc modo, *do vel dedi habendum cras*, illis verbis significatur “ me dedisse, & jus habendi cras transulisse hodie.” *De Cive*, c. 2. § 6. Sed non video, quare verbo futuro nequit transferri jus. Qui sic dicit, *cras dabo*, significat se jus hodie alteri dedisse, quod crastino die actu possidebit.

<sup>10</sup> Consensus est convenientia duarum pluriumve voluntatum circa rem eandem ejusque circumstantias. Requisita ejus sunt, primo ut declaretur § 9. Secundo, ut sit verus, § 10—15. Tertiò, ut sit mutuus, § 16. OTTO.

<sup>11</sup> “ Sunt & signa quædam muta ex consuetudine “ significantia, ut olim vittæ & rami olivarum. VIRG. “ *Æneid.* viii. 127. Apud Macedones hastarum erectio. LIV. xxxiii. 10. Apud Romanos scuta capiti “ imposita, signa supplicis deditiōnis, quæ proinde “ obligant

Cap. 9. aliquando tamen contingit, ut ille citra isthæc signa ex ipsa negotii natura, aliisque circumstantiis liquido colligatur. Sicuti interdum *silentium*, cum certis circumstantiis consideratum. loco signi consensum exprimentis valet. Unde & dantur *pacta tacita*, quando nempe consensus noster non per ejusmodi signa, quæ regulariter in commercio hominum recepta sunt, exprimitur; sed quando idem ex negotii natura, aliisque circumstantiis liquido colligitur. Sic & principali pacto sæpe adhæret pactum tacitum, quod ex ipsa negotii natura profluit. Sicut & usitatissimum, ut in pactis tacitæ quædam exceptiones, & conditiones necessariæ sint subintelligendæ<sup>12</sup>.

*Promissa  
& pacta  
infantum,  
amentium,  
ebriorum.  
c. vi. § 4. 5.*

X. UT autem aliquis liquido consentire possit, requiritur *usus rationis* hætenus, ut præsens negotium intelligat, an sibi conveniat, & abs se præstari queat, eoque perpenso consensum suum sufficientibus signis exprimere possit. Unde sequitur, promissa & pacta *infantum*, ut & *amentium* ac *furiosorum*, nisi ubi dilucidis

---

“obligant ad arma ponenda.” GROTIUS. *De Jure B. & P.* L. III. c. xxiv. § 5.

<sup>12</sup> Ex eo oritur tacitus consensus, quod ex quibusdam circumstantiis agens consensum præbuisse præsumitur. Exemplum attulit auctor in opere majori, ubi supra § 2.  
“1. Si quis peregrinus in civitatem aliquam externos  
“amicè tractare solitam amicâ sub specie accedat, etsi  
“nunquam expresse fidem dederit, tacitè tamen & ex  
“ipso accessionis actu fidem dedisse censetur, quod pro  
“ratione status sui velit sese legibus ejus civitatis at-  
“temperare. 2. Si quis cum altero paciscatur de tuto  
“accessu

dilucidis intervallis furor distinguitur, nulla  
 esse. Id quod & de promissis *ebriorum* est pro-  
 nunciandum, si ebrietas jam eo usque procef-  
 ferit, ut ratio sit plane obruta & sopita. Nam  
 pro vero & deliberato consensu haberi nequit,  
 si quis vel maxime momentaneo & inconsulto  
 impetu in aliquid inclinet, aut signa quædam  
 edat consensum alias exprimentia, eo tempore,  
 quando mens velut medicamine quodam loco  
 mota fuerat. Sed & impudens foret, tale  
 promissum, præsertim cum magno onere con-  
 junctum, exigere velle <sup>13</sup>. Quin si quis ebrie-  
 tatem eam captavit, & observata alterius fa-  
 cilitate promissum astute elicit, ne abs doli  
 quidem fraudisque crimine immunis erit. Ast  
 qui, discussa crapula, per ebrietatem acta rata  
 habuerit, utique obligabitur, non tam ex eo  
 quod ebrius, quam quod sobrius egit.

XI. CÆTERUM quousque in *pueris* duret *Quæ ætas*  
 imbecillitas rationis, contrahendam obligatio- *obligationi*  
 nem impediens, lege naturali adeo accurate *contrahen-*  
 definiri nequit; cum in aliis citius, in aliis *dæ idonea?*  
 tardius *c. vi. § 5.*

---

“ accessu in aliquem locum, etiam de reditu convenisse  
 “ judicatur, etsi de hoc expressa mentio nunquam  
 “ fuerit facta: quod alias priore pacto nihil foret actum.  
 “ 3. Qui cubiculum in ædibus suis alicui locat, con-  
 “ cessisse etiam judicatur usum earum partium, quibus  
 “ ille carere nequit; puta januæ & viarum quæ ad  
 “ illud ducunt, saltem hætenus ut foras prodire ac  
 “ redire liceat.” Conf. GROTIUS. *De Jure B. & P. L.*  
 III. c. xxiv.

<sup>13</sup> Prudenter in *Flandria* (teste BURGUNDO in *Præf.*  
*ad consuetud. Flandr.*) nullus contractus in cauponâ initus  
 obligat

Cap. 9. tardius judicium maturescat. Sed illud est ex  
 ~~~~~  
 cujusvis quotidianis actionibus judicandum. Et si in plerisque civitatibus leges civiles certum heic temporis terminum in universum constituerint <sup>14</sup>. Sicuti & alicubi salutariter est receptum, ut aliorum prudentiorum auctoritatem adhibere necessum haberent in contrahendis obligationibus, quousque inconsultus ille juventæ impetus deferbuisse censeretur. Quippe cum ea ætas, etiam quando negotium quod geritur intelliget, vehementi fere ac parum provido impetu feratur, ac in promissa sit facilis, spei plena, liberalitatis famam captans, in amicitias ambitiose colendas prona, ac diffidere nescia. Unde & dolo vix caret, qui istius ætatis facilitati imminet; & juniorum dispendiis locupletari vult, quæ isti per judicii imbecillitatem prævidere aut æstimare non norunt.

*Error quousque consensus impedit?* XII. CONSENSUM quoque impedit *error* <sup>15</sup>. Circa  
 c. vi. § 6.

obligat, nisi die sequente rati habeatur. Similem fuisse morem *Persarum* testatur HEROD. I. 133. *Cretensium*, ATHEN. 4. 5. & veterum *Germanorum*, TACIT. de Mor. Germ. c. 22. OTTO.

<sup>14</sup> Diversis gentibus diversæ sunt leges, quæ certum maturæ ætatis terminum designant, prout indoles singuli populi fert. Sic apud Hebræos adolescentis, qui annum XIII implevisses; puellæ, quæ XII annum, promissio valebat. Apud Persas, Indos, & Atheniense, post annum XVIII; apud Britannos non nisi post annum XXI infantes vel *minores* (ut aiunt) esse desinunt. Notandum est autem non eandem ætatis periodum ad omnia negotia exigi: sic in Anglia matrimonium contrahere vel guardianum eligere possunt annos XIV nati,



Circa quem hæ regulæ sunt observandæ. I. U-  
 bi in promissione aliquid tanquam conditio-  
 nem supposuerim, citra cujus intuitum pro-  
 missurus non fueram, naturaliter promissionis  
 nulla erit vis. Nam promissor consensit non  
 absolute, sed sub conditione : qua non adpa-  
 rente, promissio quoque nulla est. II. Si ex  
 errore ad paciscendum aut contrahendum fue-  
 rim impulsus, eumque re integra, & quando  
 nihil adhuc fuit præstitum, deprehendero ; æ-  
 quum sane fuerit, ut facultas pœnitendi mihi  
 concedatur : præsertim ubi præ me tulero, dum  
 ad paciscendum accedo, quæ me causa impel-  
 lat ; nec alter ex mea pœnitentia detrimentum  
 patiatur, aut id pensare ego paratus sim. Ve-  
 rum ubi res non amplius est integra, & ubi  
 error tunc demum patuerit, quando jam pactum  
 est impletum, ex toto aut ex parte ; qui er-  
 ravit, a pacto resilire non poterit, nisi quan-  
 tum alter ex humanitate velit indulgere <sup>16</sup>.

## III.

---

pati, quorum promissiones in plerisque negotiis usque  
 ad annum XXI irritæ ac nullæ sunt.

<sup>15</sup> Ad hunc locum recte nos monet TREVERUS  
 errorem impellentem pactum non dirimere. 1. Quia  
 causa paciscendi ad naturam pacti non pertinet, sed  
 extra negotium est. 2. Quia sic multi, ubi facti cos  
 pœniteret, ad ejusmodi errorem provocare possent ad  
 eludendam pacti molestiam. 3. Nulla causa subest,  
 cur alteri error meus magis imputari debeat quàm mihi.  
 4. Aliud est, quid officio humanitatis aliquis præstiturus  
 sit, & an juri suo velit renunciare, quod pacto sibi  
 acquisivit ; aliud an jure perfecto ad id teneatur.

<sup>16</sup> Ex lege naturali nihil omnino valet, utrum res  
 sit integra, an pactum sit impletum vel ex toto vel ex  
 parte.

Cap. 9. III. Ubi error contigerit circa ipsam rem, de qua convenitur; pactum vitatur non tam ob errorem, quam quia legibus pacti non fuit satisfactum. Nam in pactis ipsa res, de qua convenitur, ejusque qualitates debent esse cognitæ; citra quam cognitionem liquidus consensus intelligi nequit. Unde defectu deprehenso, qui lædendus fuerat vel a contractu rescindi potest, vel alterum ad defectum suppleendum adægere, vel etiam ad pristandum id quod interest, ubi ipsius dolus aut culpa intervenit.

*Dolus an,  
& quis.  
promissa  
& pacta  
violat?  
c. vi. § 8.*

XIII. Quod si quis *dolo* & malitiosa fraudulentia alterius inductus fuit ad promittendum aut paciscendum, ita est habendum. I. Si tertius dolum adhibuerit, non colludente eo, quicum paciscimur; negotium erit firmum: ab eo tamen, qui dolum adhibuit, poterimus

---

parte. Nam si in hoc casu firmus stabit assensus, quare & non in altero? Tota res pendet ex ipsâ naturâ erroris; sive circa ipsam rem versetur, sive circa circumstantiam rei non essentialem. Sic si me virginem emere putarem, cum esset jam mulier, emptio valebit, in sexu enim non est erratum. Cæterum si ego mulierem venderem, tu puerum emere existimasti, quia in sexu error est, nulla emptio, nulla venditio est. *Digest.* L. XVIII. Tit. i. Itaque error circa essentiam rei pactum vitat. Attamen hoc intelligendum volui non tantum de physicâ rei essentiâ, de qua pactum initur, sed etiam de qualitatibus istis, quas paciscens præcipue vel unice respexerit. Unde non solum irritus erit contractus, si ab altero Davum emi, & ille mihi Syrum tradiderit; sed etiam ubi professus sum me servum quærere coquendi peritum, & ejus artis imperitus mihi

rerimus repetere id quod intererat, nos non Cap. 9.  
fuisse deceptos. II. Qui dolo suo malo cau-  
sam dedit ut ipsi quid promitterem<sup>17</sup>, cum eo ve  
pacisceretur, ei ex isthoc actu hautquaquam ob-  
ligor<sup>18</sup>. III. Si quis ultro quidem & liquida  
cum destinatione animi ad paciscendum acce-  
serit; in ipso tamen negotio, puta, circa ob-  
jectum, ejusve qualitates & æstimationem do-  
lus intercesserit; hætenus pactum erit vitio-  
sum, ut in arbitrio decepti sit illud penitus  
dissolvere, aut læsionis pensationem exigere.  
IV. Quæ ad essentiam negotii non faciunt,  
nec expresse fuerunt designata, actum de cæ-  
tero rite conceptum non vitiant; licet forte  
alter de iis, dum paciscitur, tacite cogitavit;  
aut ejus opinio actu fuit confirmata, quousque  
contractus conclusus foret.

XIV. *Metus* qui circa promissa & pacta in- *Metus de-  
ceptionis  
quantum  
iis detra-  
bat:*

mihi traditus fuerit. Ibid. § 7. Sed, ut resè nos mo-  
net GROTIUS, si promissor negligens fuerit in re  
explorandâ, aut in sensu suo exprimendo, & damnumc. vi. § 10:  
inde alter passus sit, tenebitur id resarcire promissor,  
non ex vi promissionis, sed ex damno per culpam  
dato. Si verò adfuerit quidem error, sed in quo  
fundata non fuerit promissio, ratus erit actus. *De  
Jure B. & P. L. II. c. xi. § 6.*

<sup>17</sup> Jure naturæ perindè est, an dolus causam dederit  
contractui, an in contractum *inciderit*, Sed Leges  
Romanæ illam servant differentiam, ut contractus  
bonæ fidei; actione ex contractu natâ, possint rescindi;  
in contractibus verò stricti juris opus est clausulâ de  
dolo, quam CICERO *everriculum omnium malitiarum*  
vocat. *De Nat. Dcor. iii. 30.* OTTO.

<sup>18</sup> Quoniam scilicet nemo ex delicto meliorem suam  
conditionem facere potest; ut loquuntur jurisconsulti.  
*Digest. Lib. L. Tit. xvii.*

tervenit

Cap. 9. *tervenit dupliciter sumitur: vel pro suspitione* probabili fore, ut ab altero decipiamur; idque vel quia ejusmodi vitium in animo ipsius hæret, aut quia malignam suam voluntatem sat perspicue significavit: vel pro *vehementi animi terrore* orto ex intentato gravi malo, ni promissum aut pactum inire velimus. Circa *priorem speciem* metus ita habendum. I. Qui confidit illius promissis & pactis, cui fidei religio in universum nihili sit, imprudenter quidem facit; sed eam solam ob causam pactum non redditur irritum <sup>19</sup>. II. Ubi pactum jam sit initum, ac nulla nova emergant indicia intentatæ deceptionis; non licebit a pacto resilire ex obtentu vitiorum, quæ ante pactum erant cognita. Nam quæ causa aliquem non prohibuit, quo minus pacisceretur; eadem quoque prohibere non debet, ne pactum impleat. III. Ubi post pactum initum certissima emergant indicia, alterum id agere, ut mihi, quando meum priore loco præstitero, illudat; non

---

<sup>19</sup> Cum quocunque pactum initum est, id violare non licet; nam in pactis nullus habendus est ad personas respectus. Fuerunt inter philosophos, qui idem docebant: refertur discipulorum ZOROASTRIS hoc fuisse dogma. *Ne putes tecum dicere, quamvis pactum fregero, id tamen non erit mihi peccatum, & si ve sit cum aliquo in religione nostra, si ve extra eam, res perinde est.* HYDE de Relig. Vet. Persar. Imprudenter quidem agit, qui pactum init, cum iis, qui vel sæpe fidem violârunt, vel apertè dogmata profitentur, quæ omnem religionem pactorum destruunt. Recte CICERO: *Primo decipi incommodum est, iterum stultum, tertio turpe. Summa igitur amentia est in eorum fide spem habere, quorum perfidia toties deceptus sis.*

non prius ad præstandum adigi potero, quam Cap. 9.  
contra eam deceptionem mihi cautum sit <sup>20</sup>.

XV. CIRCA alteram speciem metus hæc re- *Metus ex*  
gulæ observandæ. I. Pacta, quæ ineuntur *intentato*  
propter metum a tertio incussum, valida sunt. *malo an*  
Nam in hoc utique nullum residet vitium, *ea reddat*  
*irrita ?*  
quo minus alter jus ex pacto sibi adversus me c. vi. § 14.  
adquirere queat ; & metum ab altero inten-  
tatum discussisse, pensatione utique dignum  
est <sup>21</sup>. II. Quæ pacta ex metu aut reverentia  
imperii legitimi ineuntur, aut ob auctoritatem  
eorum quibus magnopere devincti sumus, va-  
lida sunt <sup>22</sup>. III. Pacta, ad quæ ab illo ipso,  
cui promittit aut quicum paciscitur, injusta e-  
jusdem vi quis compellitur, invalida sunt. Nam  
injuria, quam alter incusso metu injusto mihi  
infert, incapacem eum reddit, ut jus sibi ad-  
versus me ex illo actu quærere possit. Et cum  
quis alias teneatur pensare damnum abs sese  
datum ; per compensationem velut tolli obli-  
gatio

*sis.* <sup>1</sup> De Invent. I. xxxix. Quod si cum talibus pacif-  
cor, eo ipso declaro ea vitia nihil ob stare, quo minùs  
his fidem habere possim ; ideoque pacto stare adstrin-  
gor.

<sup>20</sup> Conf. PUF. *De Jure Nat, & G. L.* III. c. vi. § 9.  
GROT. *De Jure B. & P. L.* II. c. xi. § 7. RACHÉ-  
LIJ *Notas ad Cic. de Off. I. x.* GUNDLINII *Tract.*  
*de efficientiâ metûs.* BOHMERI *Dissert. de Exceptione*  
*metûs injusti in statu naturæ.*

<sup>21</sup> Nihil enim (ut loquitur SENECA) *meâ refert, an tu*  
*cogaris, si non à me cogaris. Meam culpam esse oportet, ut*  
*meâ pœna sit.* Controv. IV. xxii.

<sup>22</sup> Exemplis sint, quæ affert noster in opere majori.  
*Ubi supra, § 11.* “ Si princeps aliquis milites suos  
“ extraneo

Cap. 9. gatio intelligitur, si non solvitur id, quod statim restitui debebat <sup>23</sup>.

*Mutuus  
consensus  
etiam in  
promissis  
requiritur.*  
c. vi. § 16.

XVI. PRÆTEREA oportet *consensum* non in pactis solum; sed & promissis esse *mutuum*; sic ut consentire debeat non solum qui promittit, sed & cui promittitur. Quando enim huius consensus abest, seu quando is oblatum promissum acceptare detrectaverit, res promissa penes promissorem manet. Qui enim alteri rem suam offert, neque invito eam vult impingere, neque pro derelicta habere. Ergo si alter non acceptet, juri promittentis in rem

---

“ extraneo cuiuspiam velit præsidii causâ adjungere, &  
“ ad majorem securitatem compellat eos isti quoque  
“ fidem dare : non poterunt hi promissa eludere ob-  
“ tentu metûs sibi injecti, utpote ab eo profecti coi-  
“ talia quocunque modo exigendi jus erat. Sic si po-  
“ namus patrem filiæ etiam invitæ sponsum dare posse,  
“ ubi ea metu paterni imperii sponso invita fidem  
“ dederit, hautquidquam illum deinceps fallere possit.  
“ Nam in sponso nihil hæret vitii, quare sibi ex eo  
“ promisso jus non potuerit quærere; & debebat filia  
“ ultrò patris jussâ capeßere.”

<sup>23</sup> Sic statuunt jurisconsulti Romani. *Nihil consensui tam contrarium est, quam vis atque metus, quem comprobare contra bonos mores est.* Digest. Lib. L. Tit. xvii. Idem sentit CICERO. *Jam illis promissis standum non esse, quis non videt, quæ coactus quis metu, quæ deceptus dolo promissor sit? Quæ quidem pleraque jure prætori libervantur, nonnulla legibus; i. e. XII tabularum De Offic. I. x. Sed de hac re magna est sententiarum varietas. Ego GROTII [ubi supra, § 7.] sententiæ maximè accedo, qui existimat, sepositâ lege civili (quæ obligationem potest tollere aut minuere) eum, qui metu promissit ali-*  
quid

rem oblatam nihil decedit <sup>24</sup>. Quod si rogatio Cap. 9. antecessit, censebitur ea durare, nisi expresse fuerit revocata; eoque casu in antecessum acceptatio facta intelligitur; ita tamen ut rogationi respondeat obligatio. Nam si hæc discrepet, expressa requiritur acceptatio; quia sæpe mihi non consulitur, nisi tantundem quantum rogavi accepero.

XVII. CIRCA materiam promissorum & Promissæ pactorum requiritur, ut quod promittimus aut pactique paciscimur non sit supra nostras vires, neve id materia non nisi patrare lege aliqua prohibeamur: alias enim possibilis c. vii.

quid, obligari: quia consensus hic adfuit, nec conditionalis sed absolutus. Nequit cogi voluntas, & qui metu coactus promittit, eo ipso obligatur, quod consensum præbuit, tanquam e duobus malis minus eligens. Sepositis igitur omnibus ambagibus, quibus in tenebris occultari solet hæc quæstio, luculentissimè patet, nulla pacta vel promissa metu dissolvi vel irrita fieri posse. V. infra. cap. xi. § 6.

<sup>24</sup> Similiter GROTIUS: " Ut promissio jure transfe-  
 " rat, acceptatio hic non minus quàm in dominis  
 " translatione requiritur; ita tamen ut hic quoque  
 " præcedens rogatio durare intelligatur, ac vim habe-  
 " re acceptationis. — Illud etiam quæri solet, an satis  
 " sit acceptationem fieri, an verò etiam innòlescere  
 " debeat promissori, antequam promissio plenum effec-  
 " tum consequatur. Et certum est utroque modo  
 " fieri posse promissionem; aut hoc modo, *volo ut va-*  
 " *leat, si acceptetur*: aut hoc modo; *volo ut valeat, si*  
 " *acceptatum intellexerò*. Et in his quidem quæ ad mu-  
 " tuam pertinent obligationem, posterior sensus præ-  
 " sumitur; in promissis verò merè liberalibus potius  
 " est, ut prior sensus credatur adfuisse, nisi aliud ap-  
 " pareat." De Jure B. & P, L. II. c. xi. § 14, 15.

U

aut

Cap. 9. aut stolide aut improbe promittimus<sup>25</sup>. Exinde consequitur, neminem sese obligare posse ad id; quod ipsi est impossibile. Quod si autem res, quæ tempore pacti initi possibilis habebatur, post impossibilis aliquo casu citra paciscentis culpam facta sit; re integra pactum erit nullum. Ubi quid præstitum ab altero jam fuit, id restituendum, aut æquipollens reponendum. Si ne hoc quidem fieri possit, summus erit conatus adhibendus, ne alter detrimenti quid capiat. Nam in pactis primario respicimus ad id, de quo expresse fuit conventum; ubi hoc obtinere non possumus, sufficit æquipollens exhiberi: saltem ne damnum sentiamus, omnimodo cavendum est. Qui vero dolo aut gravi culpa sibi ipsi vires præstandi detraxit, non solum ad summum conatum tenetur, sed & velut in supplementi vicem malo insuper poterit mactari<sup>26</sup>.

XVIII.

<sup>25</sup> Circa materiam pacti *impossibilem* videndum. 1. An impossibilitas illa ortum traxerit ex culpâ vel dolo paciscentis cujusdam, an omnis culpa exulet. 2. An uterque paciscentium sciverit rem esse impossibilem necne. 3. An sit impossibile *ex se*, & quidem vel impossibilitate naturæ vel juris vel facti, an *ex accidenti*. TREVER.

<sup>26</sup> Exemplum attulit ipse auctor in opere majori, quod hanc rem probè illustrat. " Debitores obæratî  
" ubi casu fortuito & citra suam culpam solvendo esse  
" defierint, summum solvendi conatum debent. Ubi  
" tamen æquitas & humanitas requirit, ut mora aliqua  
" ipsis



XVIII. PATET quoque ad *rem illicitam* Cap. 9.  
 præstandam obligari nos non posse. Nam ne-  
 mo valide se potest obstringere ulterius quam *Atque li-*  
 ipsi est potestas. Ast qui legē actionem pro- *cita; ut*  
 hibet, adimit utique potestatem eam suscipi- *turpium*  
 endi; & de eadem præstanda obligationem ad- *nulla sit*  
 mittendi. Contradictorium quippè est; ex ob- *obligatio.*  
 ligatione per leges confirmata aliquid neces- *c. vii. § 2.*  
 sario debere facere; quod per easdem leges est  
 omittendum. Unde peccat quidem, qui illi-  
 cita promittit; sed bis peccat, qui eadem præ-  
 stat. Ex quo & hoc colligitur; non servari  
 debere promissa, quæ illi, cui fiunt, noxæ sunt  
 futura; cum naturali lege prohibitum sit, ne  
 quis alteri; etiam stolide volenti; malum infe-  
 rat. Si igitur pactum circa rem turpem fue-  
 rit initum; neuter ad id explendum tenebitur.  
 Quin & ubi turpe facinus ab uno fuit præsti-  
 tum, alter ad solvendam conventam mercedem

---

“ ipfis indulgeatur, circumspiciendis & parandis sol-  
 “ vendi mediis. Sicuti &, nefas fuerit tales omni suâ  
 “ substantiâ exutos, ad mendicitatem redigere. Quin  
 “ & alias certarum personarum favori hoc dederunt  
 “ leges Romanæ, ut non condemnarentur, nisi qua-  
 “ tenus facere possunt. Nisi tamen creditor, quæ præ-  
 “ sentes facultates excedunt; condonaverit, ad residua  
 “ solvenda tenebuntur; quando in re lautiore esse  
 “ cœperint. Dolus autem & culpa decoctorum etiam  
 “ malo aliquo potest coerceri, in quos demum illud  
 “ tritum valet; *qui non habet in ære, luat in corpore.*  
 L. III. c. vii. § 3. Conf. GROTIUM ubi supra, §  
 8, 9.

Cap. 9. non obligabitur<sup>27</sup>. Quod tamen illo intuitu jam est datum, repeti nequit<sup>28</sup>, nisi forte dolus aut enormis læsio accefferit<sup>29</sup>.

*Pacta & promissa circa res alienas, frustranea,* XIX. DENIQUE & hoc manifestum est, frustra promittere nos aut pacisci circa *res alienas*, in quantum illæ non nostræ, sed alterius directioni & arbitrio sunt subjectæ. Quod si autem ita promisero, me operam daturum; ut alter, (cui pro imperio me quid imperare non posse præsupponitur) præstet; tunc teneor omni modo moraliter possibili; (i. e. quantum alter honeste a me postulare potest, & quantum vitæ civilis ratio fert) laborare, ut ad eandem præstandam alter permoveatur. Sed & super rebus aut actionibus nostris, in quas jam alteri jus fuit quæsitum; tertio valide promittere non possum, nisi forte in eum casum, quo

---

<sup>27</sup> E contra docet GROTIUS, crimine perpetrato eum qui conduxit, ad mercedem solvendam obligari: cujus rei exemplum affert in *Juda Jacobi filio*, qui *Ibamari*, quam meretricem putabat, promissam mercedem, tanquam debitam, persolvit. *Ubi supra*. Cui affinis est *Ulpiani Observatio* ad L. IV. § 3. *D. de cond. ob turp. caus.* "Meretricem turpiter facere, quod sit meretrix, non turpiter accipere, cum sit meretrix." Sed me iudice, præferenda est nostri sententia, quoniam dari non potest actio de re illicita. *ex. gr.* Si quis sicario pactam mercedem solvere recusaverit, actio non datur sicario, quoniam id ipsum, quo querelæ causam defensurus est, nequit non ex injusta actione & re illicita promanare.

<sup>28</sup> Cujus hanc rationem afferunt jurisconsulti, *in pari turpitudine melior est conditio possidentis*. Similiter GROTIUS: "Non quicquid vitiose fit, effectu juris caret, quod"

quo alterius jus expiraverit. Nam qui prioribus promissis aut pactis jus suum in alterum jam transtulit, ipse utique nullum tale jus reliquum amplius habet, quod in tertium possit conferre. Ac nullo negotio omnia promissa & pacta possent fieri irrita, si liceret aliud inire, in quo contraria priori disponderentur, ac quicum prius simul expleri nequit. In quo fundatur tritum illud: *qui prior tempore, posterior jure.* Cap. 9.

XX. Est præterea circa promissa potissimum observandum, illa concipi solere vel *pure* & absolute, vel sub conditione; ut scilicet validitas promissionis conferatur in aliquem eventum a casu aut arbitrio humano pendentem. Sunt autem *conditiones* vel *possibiles* vel *impossibiles*. Illæ subdividuntur in *casuales* seu fortuitas, *Promissa sub conditione possibili, impossibili.*  
c. viii.

“ quod in prodiga donatione apparet. Hoc interest,  
“ quod donatione factâ jam cessat vitiositas: nam sine  
“ vitio res relinquitur apud donatarium.” *Ubi supra.*

<sup>29</sup> Vid. quæ notavit cl. BARBEYRACC. ad opus majus. L. III. c. vii. § 6. n. 2. Ubi prolixius de hac re differit, quoniam materiam de pactis circa res illicitas non satis explanatam esse ab auctore existimat. Sed neque ab eo rem penitus confectam esse vult TREVERUS ob neglecta jura principia. Itaque rem totam evidenter enucleatam esse judicat, si ad Ideam relationem illiciti attendamus, quæ involvit comparisonem actionis cum lege, per quam aliquid prohibetur vel illicitum redditur; adeoque pacta tunc solum de rebus illicitis fieri, cum materia illorum juri perfecto alterius detrahat. Sed mihi sufficere videntur, si modo diligenter in animo perpensa sint, quæ de hac re auctor differuit

Cap. 9. tuitas, quæ ut existant vel non existant penes nos non est <sup>30</sup>: *potestativas* seu arbitrarias, quæ ut existant vel non existant, penes eum est, cui promittitur <sup>31</sup>: & *mixtas*, quarum impletio partim ab arbitrio ejus, in quem confertur, partim a casu dependet <sup>32</sup>. *Impossibiles* autem sunt vel *physice* tales, vel *moraliter*; i. e. quædam per rerum naturam fieri a nobis non possunt, quædam per leges & honestatem fieri non debent. Et impossibiles quidem conditiones,

---

differuit. Et nequeo non profiteri, me tam hebetis esse ingenii, ut, lectis relectisque; utriusque horum doctissimorum ad hunc locum notis, ne hilum quidem ipse profecerim, nec quiddam majus, quam quod ex ipso PUFENDORFIO percepi, de naturâ pactorum circa res illicitas intellexerim. Plurima verba rem per se satis manifestam perturbant & obscurant. Quis autem, qui quid sit illicitum, percipit, de hoc axiomate errare potest: *ad rem illicitam præstandum nequit dari obligatio?*

<sup>30</sup> Exempli causâ: Dabo tibi decem libras, si intra triduum non pluet. Ad conditionem vero requiritur, ut eventus sit incertus, nam adjectio conditionis, quam certò eventuram esse scimus, (v. g. si sol cras oriatur) absoluto promisso æquipollet.

<sup>31</sup> Verbi gratiâ: Dabo tibi decem libras, si Titiam uxorem non duxeris.

<sup>32</sup> Verbi gratiâ: Dabo tibi decem libras, si Titiam duxeris.

<sup>33</sup> Quod si per alterum paciscentium steterit quo minus conditio pacti impleri queat, alter rectè ab eo postulare potest, ut pactum integrum maneat. Hoc modo statuunt Romani jurisconsulti. “Labeo scribit, si mihi Bibliothecam ita vendideris, si Decurio, si Campani locum mihi vendidissent, in quo eam ponerem;

tiones, si naturalem interpretandi simplicitatem sequamur, orationem promittentem faciunt negativam<sup>33</sup>. Etsi per leges fieri possit, ut si adjectæ sint negotio alicui serio, habeantur pro non adjectis; ne per actus nullum eventum fortituros, hominibus illudatur<sup>34</sup>.

XXI. DENIQUE promittimus & paciscimur non solum per nosmetipsos, sed etiam aliorum hominum interventu, quos ipsi voluntatis nostræ internuncios atque interpretes constituimus<sup>35</sup>, c. ix.

*Promissa*

*& pacta*

*per inter-*

*nuncium*

*facta obli-*

*gant.*

“ponerem; & per me stet, quo minùs id à Campanis impetrem; non esse dubitandum, quin præscriptis verbis agi possit. Ego etiam ex vendito agi posse puto, quasi impletâ conditione, quum per emptorem stat, quo minus impleatur.” *Digest.* L. XVIII. F. i. *De contrab. Empt.* l. 50.

<sup>34</sup> Sic leges Romanæ (ut recte observat noster in opere majori. L. III. c. viii. § 5.) in testamentis adjectas condiciones impossibiles, turpes aut ludicras pro non adjectis declarant; quòd absurdum videretur in tali actu, quem maximè serium gravemq; conveniebat esse, ita petulanter per inanes clausulas illudi. “Conditiones contra Edicta Imperatorum, aut contra leges, aut quæ legis vicem obtinent scriptæ, vel contra bonos mores, vel derisorix, aut hujusmodi quas Prætores improbaverunt, pro non scriptis habentur, & perinde ac si conditio Hæreditati five Legato adjecta non esset, capitur Hæreditas Legatumve.” *Digest.* L. xxviii. tit. vii. *De condit. leg.* l. 14. A pud PETRONIUM Eumolpus testamento suo ita cavet: *Omnes, qui in testamento meo legata habent præter liberos meos, hac conditione percipient, quæ dedi, si corpus meum in partes conciderint, & adstante populo comederint.* Apud HORAT. 2. Serm. 5. 84. *Tiresias* ita dicit:

Cap. 9. mus<sup>35</sup>. Per quos, ubi bona fide egerint<sup>36</sup> quod a nobis in mandatis habebant, valide obligamur apud eos, qui cum istis velut nostras vices gerentibus egerunt<sup>37</sup>.

XXII. ATQUE hæc sunt officia hominis absoluta, ut & per quæ velut transitus ad alia fit. Reliqua præsupponunt aliquod institutum humanum, generali pacto subnixum, & in genus humanum introductum; vel etiam statutum aliquem peculiarem. Institutorum istorum deprehenduntur potissimum tria; *sermo, dominium rerum*, earundemque *pretium*, & *imperium humanum*. De singulis, ut & quæ inde resultant officiis, deinceps exponendum.

C A P.

---

*Me sene, quod dicam, factum est; anus improba Thebit  
Ex testamento sic est elata: Cadaver  
Unctum oleo largo nudis humeris tulit hæres;  
Scilicet elabi si posset mortua: credo,  
Quod nimum insliterat viventi.*——

<sup>35</sup> Hic rectè notat TITIVS, personas intermedias aliquando solius instrumenti rationem habere, aliquando verò suo etiam consensu pacisci. Illo casu pactum eas plane non attinet; hoc autem, quamdiu qualitas intermedie personæ in iis durat, ipsæ etiam ex pacto agere & convenire possunt: quorum pertinent procuratores, & institores simileve personæ.

<sup>36</sup> Non tantum qui *bonâ fide* agunt: nam fieri potest, ut nos obliget qui negotio præpositus est, agendo contra voluntatem nostram sibi significatam. “ Distincti  
“ (inquit GROTIUS) sunt actus volendi; unus quo  
“ nos obligamus ratum habituros, quicquid ille in  
“ tali negotiorum genere fecerit; alter, quo illum  
“ nobis obligamus, ut non agat, nisi ex præscripto,  
“ sibi

## C A P. X.

## DE OFFICIO SERMOCINANTIUM.

I. QUAM utile ac plane necessarium sit <sup>Officium</sup> instrumentum societatis humanæ Ser-<sup>sermocin-</sup>mo, nemo est qui ignorat : cum multi vel ea <sup>nantis, Ne</sup> sola facultate collegerint, hominem ad agen-<sup>alterum de-</sup>ciat. <sup>L. iv. c. i.</sup>dam vitam socialem a natura destinatum. Circa hujus ergo legitimum & societati humanæ proficuum usum, id officii lex naturalis hominibus dicitur *ut ne quis sermone, aut aliis*

“ sibi non aliis cognito. Quod notandum est ad ea, “ quæ legati promittunt pro regibus ex vi instrumenti “ procuratorii, excedendo arcana mandata.” *De Jure B. & P. L. II. c. xi. § 12.*

37 Si cui venditio commissa est, assignatio & receptio pretii huic mandata esse videtur, nisi de contrario expresse constet.

1 Nimirum ARISTOTELES, CICERO, aliiq; quos laudat auctor in opere majori. Οὐδὲν γὰρ μᾶλλον ἢ φύσις ποιεῖ, λόγον δὲ μόνον ἀνθρώπου ἔχει τῶν ζώων. Τὸ το γὰρ περὶ τὰ ἄλλα ζῶα τοῖς ἀνθρώποις ἴδιον, τὸ μόνον ἀγαθὸν τε καὶ κακὸν καὶ δικαίον καὶ ἀδίκον καὶ τῶν ἄλλων αἰσθῆσιν ἔχειν. ἢ δὲ τῶν κοινωνία ποιεῖ οἰκίαν καὶ πόλιν. κ. τ. λ. *Natura nihil facit frustra; homini vero soli inter omnia animalia competit sermonis facultas. Hoc enim præter cætera animalia hominibus proprium est; ut boni & mali, justi & injusti, aliorumq; ejusmodi sensum soli habeant. Horum enim communio facit domum & civitatem. ARISTOT. Polit. L. I. c. ii.* Non vult Philosophus sermonem hominibus

Cap. 10. *aliis signis ad exprimenda animi sensa institutis, alterum decipiat.*

*Verbis in  
recepta sig-  
nificatione  
cur uten-  
dum?*

§. i. § 4.

II. SED ut indoles sermonis penitius intel-  
ligatur, sciendum est, circa sermonem voce  
viva aut literis expressum, duplicem obliga-  
tionem occurrere. Una est, qua isti, qui ea-  
dem lingua utuntur, certæ rei certum vocabu-  
lum, prout usus cujusque linguæ fert, adpli-  
care tenentur. Cum enim neque voces, neque  
certi literarum ductus certam rem natura no-  
tent<sup>2</sup>: (alias enim omnes linguæ aut scripturæ  
genera coincidere deberent;) inde, ne usus  
linguæ foret inanis si quisque quo vellet vo-  
cabulo quamlibet rem nuncuparet, necessum  
est inter eos, qui eadem lingua utuntur, ta-  
citam intercessisse conventionem, ut certam  
rem certo, & non alio vocabulo denotent<sup>3</sup>. Nā  
enim in uniformem vocum adplicationem fue-

hominibus naturā ingenitum esse (quæ opinio longè à  
veritate aberrat) sed naturam facultatem discendi ser-  
monem humano generi indulgisse, quo melius societa-  
tem inire possint: quippe sine sermone vix aut ne vix  
quidem subsistere potest vita socialis. Quo sensu dixit  
CICERO; "Moderatio vocis, conciliatrix est huma-  
næ maximè societatis." *De Leg.* 1. 9.

<sup>2</sup> Similiter GROTIUS: "Voces naturā ipsā & ci-  
tra hominum voluntatem nihil significant; nisi forte  
vox sit confusa & ἀναρρητός, qualis in dolore, quæ  
ipsā rei magis appellatione venit quam locutionis.  
Addendum est non solis vocibus tale fieri indicium,  
sed & nutibus, ut apud mutos, sive illi nutus ali-  
quid habent cum re significatā commune ipsā natu-  
rā, sive tantum ex instituto significant." *De Jure*  
*B. & P. L. III. c. i. § 8.*

rit



rit conspiratum, impossibile est ex sermone al-  
 terius sensa animi colligere. Unde vi istius  
 pacti quilibet tenetur ita adhibere in sermone  
 communi vocabula, prout receptus ejus linguæ  
 usus fert<sup>4</sup>. Ex quo etiam hoc consequitur,  
 ut quanquam sensa animi a sermone discrepare  
 queant, id tamen in vita humana quisque vo-  
 luisse censeatur, quod verba ejus præ se ferunt;  
 etsi fortasse intrinseca mentis destinatio ab  
 istis discedat. De hoc enim cum nisi per sig-  
 na constare nequeat; omnis usus sermonis red-  
 deretur irritus, si interna animi cogitatio,  
 quam sibi quisque pro lubitu fingere possit, id  
 quod signa præ se ferunt in communi vita eli-  
 dere possit.

III. *Altera obligatio, quæ in sermone in-*  
*tervenit, in eo consistit, ut quis alicui per ser-*  
*monem* *Obligatio  
ad alteri  
mentem a-  
periendam  
unde?*

<sup>3</sup> Sermonem naturâ suâ nihil significare, sed vim  
 ejus significativam esse ab impositione hominum satis  
 quidem certum est. Sed an illa impositio simplici  
 consensu, an obligatorio facta sit, quæritur? Autor  
 posterius asserit, sed prius magis verum est. Nam r.  
 Homines, impositionis faciendæ causâ, nunquam con-  
 venerunt; sed potius successive impositio facta est,  
 adeo ut sæpe ab uno hodie illa fiat, reliqui vero eam  
 ultro sine ullâ se obligandi intentione admittant, non  
 secus ac uno historiam vel fabulam narrante, multi  
 ejus redduntur participes, atque ita communis noti-  
 tia sed nulla obligatio existit. 2. Si conventionem facta  
 esset impositio, tum innoxia etiam mutatio in vitio  
 esset, quod tamen nemo dixerit & experientia refellit.  
 TITIVS. Hisce variis rationes subjungit TREVERVS,  
 quibus TITII observationem confirmat.

<sup>4</sup> Bene loquitur QUINTILIANVS. Instit. I. vi. *Utæn-*  
*dum est sermone, ut nummo, cui publica forma est.*

monem

Cap. 10. monem animi sui sensa ita debeat pandere, ut hæc ex illo liquido cognoscere queat. Cum enim non loqui tantum, sed & tacere homo queat, & cum non semper, quod quis in animo volvit, id coram quibusvis aperire teneatur : igitur necessum est, ut peculiaris existat obligatio, quæ alicui necessitatem adferat tum ad loquendum, tum ad ita loquendum, ut alter sensa animi nostri intelligat. Oritur autem illa obligatio, vel *ex peculiari pacto*, vel *ex communi præcepto legis naturalis*, vel *ex præsentis negotii indole*, cui contrahendo sermo adhibetur<sup>s</sup>. Sæpe enim expresse cum aliquo convenitur, ut quis animi sui sensa super aliquo negotio mihi aperiat ; ut, si quem informatorem mihi in aliqua disciplina adsciscam. Sæpe quoque præceptum aliquod legis naturalis meam scientiam alteri communicare jubet, ut hoc modo ipsi profim, vel noxam ab eodem avertam, aut ad noxam accipiendam causam

---

<sup>s</sup> Vid. Quæ prolixius & distinctius de obligatione ad sensa animi verbis exprimenda commentatur vir doctissimus J. BARBEYRACCIUS, in *notis* ad opus majus, L. IV. c. i. § 7. n. 1.

<sup>6</sup> Exempla proferam ex auctoris opere majori. L. IV. c. i. § 7. “ Sic si quem misero ad explorandum certæ rei statum, is ex pacto tenetur indicare omnia, quæ super eâ re ipsi comperta fuerint. Sic si an exhibendum sit officium humanitatis, quod sermone peragitur, ad sensa animi nostri verba quoque esse conformanda in aperto est. Sic denique in commerciis hominum & quibusvis negotiis, in quibus ex consensu jus vel obligatio est nascitura, circa

“ ea

causam vel occasionem non præbeam. Ali-  
quando denique præsens negotium, quod cum  
alio susceptum est, aliter expediri nequit, ni  
judicium meum super eo pandam; ut circa ce-  
lebrandos contractus contingit <sup>6</sup>.

IV. QUIA autem non semper usu venit, ut *Hac ces-*  
ex aliquo horum capitum quævis cogitata mea *sante lice-*  
alteri sint significanda; patet, me non alia *diffimu-*  
teneri alteri sermone meo indicare, quam ad *lare silen-*  
*do*:  
quæ ex me intelligenda *jus perfectum aut im-*  
*perfectum* habet. Adeoque recte tacendo dis-  
simulare; me posse, utut maxime interroger,  
quæ ut ex me sciat alter jus non habet, neque  
ad id aliqua obligatione ego teneor.

V. IMO quia sermo *non solum* est inventus *Diversum*  
propter alios, sed & propter nos ipsos: ideo *que ab eo,*  
tibi aliqua mea in eo versatur utilitas, neque *quod animo*  
cujusquam alterius jus læditur, licebit mihi *voluitur,*  
sermonem ita formare, ut diversum ab eo, *expriment-*  
quod animo *do* volvo, exprimat <sup>5</sup>.

## VI.

“ ea quæ ad præsentem rem spectant, sensa animi nos-  
“ tri liquido sunt exprimenda illis, quibuscum a-  
“ gitur.

<sup>7</sup> Ad hunc locum differentiam inter *simulare* & *disimu-*  
*lare* notat LEHMANNUS; de quâ citat SERVIUM ad  
*Virg. Æn. 1. 516. Dissimulamus nota, simulamus ignota;*  
*dissimulamus quod sumus, simulamus quod non sumus:*

<sup>8</sup> Hanc magnam quæestionem, latebrosam traſtationem,  
disputationem inter doctos alternantem agnoscit AUGUSTI-  
NUS; quæ ab isto aliisque quamplurimis viris celeberrimis  
nimis rigidè determinatur. Quasi veritas per se  
prosequenda sit, & omnis omnino ab eâ deviatio per  
se prava & fugienda. AUGUST. *Enchirid. ad Laurent.*

C.

## Cap. 10.

*Fictio ser-  
mone quo,  
et quo ca-  
su, uti li-  
ceat.*

VI. DENIQUE quia sæpe isti, ad quos lo-  
quimur, ita sunt dispositi, ut si sermone sim-  
plici & aperto rem ipsam perciperent, detri-  
mento hoc ipsis futurum esset, nec nobis bo-  
num quem intendimus finem adsequi liceret :  
igitur hisce in casibus licebit uti ficto colora-  
toque sermone, & qui nostram sententiam &  
intentionem audientibus directe non repræsen-  
tet. Nam qui alicui prodesse vult & debet,  
non

c. xxii. Eandem partem tuentur ARISTOTELES,  
(*Eth.* L. IV. c. ii.) GREGORIUS, (*Moral.* L. XVIII. c.  
iv.) WHITBEIUS, (*Eth.* L. II. c. v.) VANDER MUY-  
LEN, (*ad* GROTIUM, L. III. c. i. § 9.) WOLLASTO-  
NUS, (*De Relig. Nat.* S. i. Prop. 4.) &c. Neque de-  
est virorum doctissimorum auctoritas, qui pro parte  
nostri auctoris steterunt; viz. QUINTILIANUS, (*In-  
stit.* XII. i.) GROTIUS, (*ubi supra*) BUDDEUS (*Philos.  
Præf.* c. iv. § 6.) & inter Philosophos veteres SOCRA-  
TES, PLATO, XENOPHON, CICERO; cujus testem  
habemus GROTIUM, *loc. cit.* Mirum sane, tantam  
esse in re satis per se clarâ sententiarum varietatem.  
Nam luce clarius videtur veritatem non esse *ultimum  
finem*, non esse *per se* optabilem; sed quasi *medium* quod  
huic fini, nimirum utilitati publicæ, inservit: unde  
sequitur ipsam veritatem, si quando noxia sit, deserenda  
esse. Plurimæ sunt causæ, in quibus falsiloquio  
uti possumus, quas hic à GROTIO adducam, qui eas  
plenè & accuratè enumeravit. “ *Primum* est, etiam si  
“ quid dicatur, quod falsam habeat significationem;  
“ infanti aut amenti, in eo mendacii culpam non  
“ esse. Ratio proxima est, quia cum in infantibus &  
“ amentibus non sit iudicii libertas, non potest eis  
“ circa eam libertatem injuria fieri. *Secundum* est,  
“ quoties sermo ad eum dirigitur, qui non decipitur,  
“ etiam si



Cap. 10. mi nostri sensus debitum aliquod commodum nanciscatur; vel ne, ubi diversum fuerit significatum, damno præter meritum multetur. Ex quo & hoc obiter patet, non semper mendacium admitti, quando etiam data opera non dicitur, quod vel cum ipsa re, vel cum cogitationis nostris examissim congruit: adeoque veritatem quasi *logicam*, quæ in congruentia verborum cum rebus consistit, cum veritate *moralis* non per omnia coincidere <sup>10</sup>.

*Mendacium, ejusque requisita.*

VIII. *Mendacium* contra est, ubi de industria sermo aliam præ se fert sententiam animi nostri, quam quæ vera est; cum tamen hanc ipsam is, ad quem sermo dirigitur, intelligendi jus haberet, nobisque obligatio incumberet efficiendi, ut ille nostram sententiam utique intelligeret <sup>11</sup>.

*Mendacio annuendum: fictus sermo: non qui vis.*

IX. Ex dictis igitur constat, mendacii notam hautquaquam contrahere, qui fictis sermonibus, fabulisque utuntur adversus pueros aut

---

<sup>9</sup> *Veritas moralis* est concordia verborum cum mente loquentis. Unde patet eum, qui verum dicit judicans esse falsum, aut nesciens utrum verum sit an falsum, *formaliter* mentiri.

<sup>10</sup> *Non per omnia*] Legit WEBERUS, non semper.

<sup>11</sup> *Essentia mendacii* consistit in eo, quod juri alterius aliquid detrahendi habeamus animum, suppressione veritatis quam intelligendi jus habet: non vero in ratione damni, quod exinde promanat. Nam id quoque mendacium erit, quando sine alterius damno veritatem reticeo, quam sciendi jus habebat. Contra, non semper mendacium est secundum jus naturæ, quando falso sermone damnum alicui infertur, qui juri omni excidit intelligend?

aut similes, ad eorum meliorem informa-  
 tionem, quatenus nudæ veritatis non sunt ca-  
 paces<sup>12</sup>. Et qui alii fictum sermonem bono  
 fine adhibent, quem plano adsequi non lice-  
 bat; puta, si innocens protegendus, iratus  
 placandus, mœstus demulcendus, meticuloso  
 animus addendus, fastidiosus ad medicamenta  
 capienda movendus, pertinacia alicujus fran-  
 genda, aut malum propositum alterius inter-  
 vertendum, aut si arcana reip. & consilia, quæ  
 interest aliorum notitiæ subtrahi, fictis rumo-  
 ribus velut obvelanda, & aliorum importuna  
 curiositas sit amolienda; aut si hosti, quem a-  
 perta ratione lædere poteramus, fabulis in  
 stratagematis vicem illudamus.

X. CONTRA si aliquis utique tenebatur  
 alteri sensa animi sui liquido significare; cul-  
 pam non effugit, si vel partem duntaxat veri  
 dicat, aut ambiguo sermone alteri illudat, aut  
 tacitam quandam restrictionem, a communi  
 usu abhorrentem, in mente reservet<sup>13</sup>.

## C A P.

intelligendi veritatem. E. C. Si quis latronem vel  
 hostem falsis narrationibus vel rumoribus in insidias  
 trahat. Qui jus perfectum non habet in nostram  
 veritatem, illi non fit injuria, si falsa dicamus. TREV.

<sup>12</sup> Hanc rem pulchrè illustrat LUCRETIVS, i. 935.

*Sed veluti pueris absinthia tetra medentes  
 Cum dare conantur, prius oras pocula circum  
 Contingunt mellis dulci flavoque liquore,  
 Ut puerorum ætas improvida ludiscetur  
 Laborum tenuis; interea perpoiet amarum  
 Absinthii laticem, deceptaque non capitur,  
 Sed potius tali facto recreata valescat.*

<sup>13</sup> Equivocationes & mentales reservationes nihil  
 aliud

## C A P. XI.

## DE OFFICIO JURANTIUM.

*Officium  
jurantium  
ex natura  
jurisju-  
randi.*

L. I. A. c. ii.

GROT. L.

II. c. xiii.

I. **P**ER *Jusjurandum* sermōni nostro, omnibusque actibus, circa quos sermo intervenit, insigne accedere firmamentum judicatur. Est quippe illud *assertio religiosa, qua divinæ misericordiæ renunciamus, aut divinam pœnam in nos deposcimus; nisi verum dicamus*<sup>1</sup>. Dum autem omniscius & omnipotens testis simul vindex invocatur, præsumptio

aliud sunt quam *ars mentiendi*. WHITB. Eth. L. II. c. v. § 12. Hujusmodi sermonum exempla ab auctoris opere majori huc transferam. L. IV. c. i. § 14. " Quid hoc vel rationis vel subtilitatis habet, si interrogatus an fecerim, jurem non feci, nempe aliud quidpiam, aut alio die? Aut si petenti pecuniam dicam, non habeo, scil. quam tibi dem. Aut promitto me tibi daturum scil. dicis causâ? Stultum autem est, quod ejusmodi hominem a mendacii & perjurii crimine volunt eximere ideo, quia is tantum non dicit unam veritatem determinatam, quam audientes concipiunt, ac verba illa significare videntur, sed aliam veritatem disparatam.

<sup>1</sup> Sic rectius definitur quam a cel. SANDERSONO qui hoc tantum in definitione postulat, ut Deus tanquam *testis* invocetur, ἀπλῶς & præcise, non ut judex & vindex. Deus proculdubio ut judex & vindex invocatur, pœnas gravissimas jurisjurandi religionem insuper habentibus inflicurus. Quod quidem non negat



tio veritatis ideo excitatur, quod nemo te-  
mere tam impius credatur, ut ita petulanter  
gravissimam Numinis indignationem in se de-  
poscere sit ausurus<sup>2</sup>. Inde officium jurantium  
hoc esse intelligitur, *ut & ad jurandum cum  
reverentia accedant, & quod juratum est reli-  
giose observent.* Cap. 11.

II. *Finis* porro & *usus juramenti* in hoc  
maxime vertitur, ut homines ad enunciandum  
verum, aut servandum promissum pactumve  
eo firmiter adstringantur, metu divini Numi-  
nis omniscii & omnipotentis<sup>3</sup>; cujus vindicta  
am, si scientes fallant, per jusjurandum in se  
invocant, ubi alias metus ab hominibus im-  
minens non satis efficax videbatur; quippe

---

negat SANDERSONUS, sed fatetur utrumque facere  
eum qui jurat, *viz.* Deum & testem adducere veritatis,  
ejus quod dicitur, & *vindicem* falsitatis; illud quidem  
primariò & per se, hoc secundariò & ex consequenti.  
*De Juramenti oblig.* Præl. i. § 4.

<sup>2</sup> Apud ipsos philosophos ethnicos maxima semper  
vis fuit & sanctimonia jurisjurandi. “Nullum (in-  
quit CICERO) vinculum ad adstringendam fidem ju-  
rejurando majores arctius esse voluerunt. Id indi-  
cant leges in XII Tabulis, indicant sacratæ, indi-  
cant fœdera, quibus etiam cum hoste devincitur fi-  
des; indicant notiones animadversionesque censorum,  
qui nulla de re diligentius quam de jurejurando  
judicabant.” *De Off.* III. xxxi. Conf. HEROD. L.  
VI. c. lxxxvi. HESIOD. Theog. v. 231. Et admi-  
randa vicissim est impietas HOBBSII, qui *extra sta-  
tum civilem juramento non esse locum*, vel ullam obliga-  
tionem profitetur. *De Hom.* p. 57.

<sup>3</sup> Eodem modo *Apostolus*. *Hominibus omnis contrōver-  
sæ finis est ad confirmationem juramentum.* Hebr. vi. 16.

Cap. 11. quorum vires contemnere aut declinare, vel  
 scientiam fallere se posse sperabant.

*Per Deum* III. QUIA vero præter Numen nihil est  
*quo sensu* ; omniscium, aut omnipotens, inde absurde ju-  
*quo sensu* ramentum concipitur *per rem* aliquam, quæ  
*per res ali-* opinione divinitatis destituitur, hoc sensu, ut  
*as juretur.* c. ii. § 3. ea res testis atque ultrix perjurii invocetur.

Et si hoc frequens sit, ut in juramentis certa  
*res nominetur, per quam juretur*, hoc sensu, ut  
 Deus, si jurans fecerit, vindictam suam in  
 istam potissimum rem exferat, tanquam ju-  
 ranti charissimam, & maximi æstimatam 4.

*Jurandi*  
*formula*  
*jurantis re-*  
*ligioni ap-*  
*tanda.*

IV. IN juramentis formula illa, qua Deus,  
 dum

c. ii § 4.

4 Audiamus SANDERSONUM, qui hanc rem præ-  
 clare (ut solet) expedit. “ Sciendum est in istiusmo-  
 “ di formulis, in quibus fit creaturæ alicujus mentio,  
 “ quasi per modum jurandi, per Deum tamen reverà  
 “ sæpe jurari interpretativè. Ut in omnibus iis quæ  
 “ ex communi more concipiendi habent in se vim  
 “ quandam execratoriam: ut *per animam, per salutem*  
 “ *meam* hoc vel illud faciam; quæ sunt perinde intel-  
 “ ligenda ac si diceretur, *ne sit Deus animæ meæ pro-*  
 “ *pitiæ, ne mihi Deus salutem æternam donet, ni fecero.*”  
 De Juram. Oblig. Præl. V. § 2. De formulâ quidem,  
 quâ quis per animam suam jurat, positum hoc est extra  
 omnem controversiam: sensus enim est, quod Deus  
 animæ nostræ gravissimas immittere adflictiones debe-  
 at, nisi veritas dictis constet. Per aliorum autem sa-  
 lutem si jusjurandum concipiatur, supponitur eam no-  
 bis charissimam, immo ipsâ vitâ nostrâ chariorem esse.  
 Sic per salutem Pharaonis juravit Josephus. Gen. xlii.  
 15. Ad quem locum sic commentatur doctissimus  
 CLERICUS: “ Est jusjurandum *per salutem Pharaonis,*  
 “ quemadmodum postea *per salutem Cæsaris* jurabant  
 “ Romani

dum testis & vindex invocatur, describitur, Cap. 11.  
*accommodanda est ad persuasionem* seu religionem, *quam circa Deum fovet, qui jurat.*  
 Frustra quippe jurando quis adigitur per Deum, quem non credit, adeoque nec metuit. At nemo per Deum jurare se putat alia sub formula, aut alio sub nomine, quam quod suæ, i. e. ex opinione jurantis, veræ religionis præceptis continetur. Inde quoque est, quod qui *per falsos Deos* jurat, quos ipse tamen pro veris habet, utique obligetur; & si fefellerit, revera perjurium admittat. Quia sub quocunque speciali conceptu generalem Numinis notionem ante oculos habuit; adeo-

† Romani & qui iis parebant. Sic. 1. Sam. xx. 3.  
 † *Vivit Jehova & vivit anima tua*, similis est jurandi formula. Sensus hujus jurisjurandi est: ut verum est  
 “ vivere Pharaonem, sic vere hoc vestri sumam experimentum, vel [potiùs] *ut verè salutem Pharaoni*  
 “ *precor, ita verè*, &c. Sic & veteres Christiani per  
 “ salutem Cæsarum jurare non dubitabant. *Juramus*  
 “ *sicut non per genios Cæsarum, ita per salutem eorum,*  
 “ *quæ est augustior omnibus gentis, ait* TERTULLIANUS. *Apol. c. 32.* ad quem vid. *Des. Herald.* Cæterum qui per creaturam jurat absolute ita ut constitutur in aliquâ creaturâ finis & vis juramenti sine relatione ad Deum, id, quod simpliciter illicitum est, agit; cujus hanc rationem affert SANDERSONUS: quia exhibetur eo pacto creaturæ reverentia Deo soli debita, Unde istiusmodi juramentum planè est idololatricum.

ⁱ Unde atheorum juramentis nulla fides habenda est. Ipse HOBBSIUS fatetur frustra aliquem adigi ad jurandum per Deum, quem non credit, ideoque non metuit. *De Cive, c. ii. § 21.*

Cap. II. que dum sciens pejeravit, divinæ majestatis  
 { reverentiam, quantum in se, violavit <sup>6</sup>.

*Juramenti obligatio deliberatum animum possit.* V. Ad juramenti obligationem requiritur, ut *animo deliberato* id susceptum sit <sup>7</sup>. Unde juramento hautquidquam obstrictus erat, qui simpliciter juramentum *recitando* protulerit, aut ejusdem verba concepta in prima persona alteri præverit <sup>8</sup>. Ast qui speciem serio juraturi præ se tulit, is utique obligabitur, quicquid demum in animo suo dum jurat agitaverit. Nam alias omnis usus juramentorum, imo omnis ratio intervenientibus signis sese obligandi ex humana vita tolleretur, si quis tacita sua intentione posset impedire, ne effectus ille actum aliquem sequatur, cui producendo idem est institutus.

*Jurandum obligationem firmat, non parit.*

VI. JURAMENTA in se non producant novam

c. ii. § 6. <sup>6</sup> Vel, ut loquitur GROTIUS, quia quanquam sub falsis notis, generali tamen complexione numen intuetur; ideoque Deus verus, si pejeratum sit, in suam injuriam id factum interpretatur. *De Jure B. & P.* L. II. c. xiii. § 12.

<sup>7</sup> Quæ suprà de promissis docentur, (vid. Cap. ix.) hic locum habere possunt; & iis intellectis, facillè intelligitur, quid sentiendum sit de obligatione juramenti. Hinc planè patet infantium, amentium, omniumque, qui vel intellectu vel voluntate ne uti quidem possunt, juramenta esse irrita & prorsus nulla.

<sup>8</sup> Sic OVID. *Heroid.* xxi. 139.

*Sed si nil dedimus præter sine pectore vocem,  
 Verba suis frustra viribus orba tenes.  
 Non ego juravi, legi jurantia verba.*

<sup>9</sup> Jus jurandum novam obligationem creare non posse, etsi vim quandam addit obligationi prius validæ,

EX

vam & peculiarem obligationem ; sed obligationi in se validæ velut *accessorium quoddam* Cap. II.  
*vinculum* superveniunt ? Semper enim dum juramus, supponimus aliquid, quo non præstito divinam pœnam in nos provocamus. Quod ineptum esset, nisi illicitum foret non præstare id, quod supponitur ; adeoque nisi jam antea obligaremur. Ex quo sequitur, quod actus, quibus in se vitium adhæret obligationem impediens, per juramentum accedens obligatorii non fiant. Sicuti nec per subsequens juramentum antegressa obligatio valida eliditur, aut jus per eandem quæsitum alteri tollitur. Inde frustra quis juraverit, sese alteri debitum non soluturum. Nec obligabit juramentum, ubi constat eum qui juravit factum aliquod

---

ex ipsâ naturâ obligationis facillè patebit. In omni negotio vel datur obligatio ad veriloquium, priusquam juravimus : vel ex ipso juramento nulla oritur obligatio. Si assertorium sit, res in aperto jacet ; si promissorium, casus est paulò difficilior, quoniam obligatio cum actu jurandi cœva esse potest. Attamen vim obligandi recipit jusjurandum à naturâ promissi ; hoc obligante, illud est obligatorium, & vice versâ : juxta hanc regulam quæ ex naturâ pactorum elicitur : *ubique obligatio in pactis cessat, ibi jusjurandum quoque non obligat*. Et hinc facile judicari poterit, quid de juramentis per dolum, metum, errorem, aut super rebus illicitis & impossibilibus conceptis censendum sit. Neque obstant dubia, quæ huic sententiæ à GROTIUS opponuntur, qui per jusjurandum novam obligationem creari autumat, semper quidem adversus Deum, aliquando etiam adversus alios homines. Cui rectè respondet BUNDEUS, in jurejurando nihil promitti Deo, ideoque intelligi non posse, quo pacto nova inde erga Deum

Cap. II. aliquod supposuisse, quod revera ita se non habebat; ac nisi id credidisset, non fuisse juraturum; imprimis ubi per dolum ejus, cui juratur, in errorem fuerit adductus. Nec qui injusto metu me ad jurandum adigit, ex eo juramento jus sibi acquirit ad aliquid a me recte postulandum<sup>10</sup>. Nullas quoque habebit vires jusjurandum super præstanda re quapiam illicita; imo & super omittendo aliquo bono, quod legibus divinis aut humanis præcipitur. Denique juramentum non immutat naturam &

Deum oriatur obligatio. Interim yi imperii, quod Deo in homines competit, non tantum ut legibus ejus obtemperent, sed & ne quisquam aliquid, quo omnipotentia aut omniscientia ejus lædatur, admittat, merito ab omnibus postulat; & secus se gerentes gravissime puniendi causam habet justissimam. Sed nec erga alios homines jusjurandum novam producit obligationem; cum nec illis novi quid promittit jurans, sed quæ promissit sancte se observaturum asseverat. Relinquitur ergo, quod jusjurandum obligationem saltem antea jam existentem confirmat. Vid. BUDDEI *Theol. Moral.* P. II. cap. iii. S. v. § 12.

<sup>10</sup> Eandem sententiam tuetur CICERO. *Si prædonibus, inquit, pactum pro capite pretium non attuleris, nulla fraus est, ne si juratus quidem, id non feceris. Nam pirata non est perduellium numero definitus; sed communis hostis omnium. Cum hoc nec fides debet, nec jusjurandum esse commune.* De Offic. III. xxix. Cui opinioni suffragatur SENECA: *Nemo jurejurando tenetur, ad quod per necessitatem adactus est.* Controv. i. 6. Hic autem in eundem errorem delabuntur viri celeberrimi, quem supra commisit noster de promissis ex metu, Huc igitur applicari possunt, quæ notavimus ad Cap. ix. § 15. n. 23. Quibus adjungam sententiam cl. SANDERSONI. "1. Si juramentum contineat in se quid illiciti, ne vel  
" mortis

& substantiam promissi pactive, cui accedit. Cap. 11. Inde frustra jurantur impossibilia. Et promissio conditionata per juramentum non mutatur in absolutam, seu puram. Et æque in jurato promissio requiritur acceptatio.

VII. Hoc autem efficiunt juramenta propter <sup>Effectum</sup> interpositam Dei invocationem, quem ne <sup>juramenti</sup> que astu quis deceperit, & cui nemo impune <sup>circa juratam fidem.</sup> illuserit, ut non solum *atrocior pœna* censeatur c. ii. § 12. manere eum, qui juratam, quam qui injuratam fidem fefellit; sed ut a negotiis, quibus

“ mortis vitandæ causâ à viro honesto suscipi debere;  
 “ nec susceptum posse sine peccato servari. 2. Si res  
 “ exigatur intentata vi aliqua aut gravi metu, quæ  
 “ nec illicita est, nec cuiquam injuria, sed ipsi tantum  
 “ juranti plus minusve incommoda: ut si quis iter faci-  
 “ ens incideret in latrones, qui mortem ei strictis  
 “ gladiis minarentur, nisi promissâ sub juramento  
 “ certæ pecuniæ summâ vitam redimat: licitum esse  
 “ in hoc casu pecuniam promittere, & promissionem  
 “ jurejurando firmare. Ratio est, quia è duobus ma-  
 “ lis licet & prudentem decet minus eligere. 3.  
 “ Juramentum istiusmodi obligare & pactum cum  
 “ prædonibus pretium omnino esse persolvendum.  
 “ Nam qui jurat rem licitam & possibilem, tenetur id  
 “ præstare.” Et sic deinceps. Idem sentit AUGUS-  
 TINUS. Epist. 124. Et GROTIUS. *De Jure B. &*  
*P. L. II. c. xiii. § 14. Et L. III. c. xix. § 5.* Restat  
 autem casus; qui forsan magis difficilis videbitur:  
 “ Si quis (inquit SANDERSONUS) incidens in latrones  
 “ cogatur, ne ab eis occidatur, juramento silentium  
 “ promittere. Quæro, licuitne ei in tam certo vitæ  
 “ discrimine jurare silentium vel non licuit? Si non li-  
 “ cuit, certo pereundum ei fuit: & quis tum superesset,  
 “ qui magistratui latrones indicaret? At si licuit, lice-  
 “ bit & juramentum observare; nisi forte (quod fieri  
 “ potest) casus aliquis insperato emergens rem, quo  
 “ tempore jurabatur, licitam reddiderit postea ex  
 “ accidente illicitam.” *De Juram. Præl. IV. § 15—17.*

ad.

Cap. II. adjiciuntur, omnis dolus & *cavillatio* sit excludenda<sup>11</sup>.

*Jusjurandum quandoque stri-* VIII. Non tamen semper late, *sed & stricte*  
*ctum inter-* quandoque juramenta sunt interpretanda, si-  
*pretandum.* quidem subiecta materia id requirere videatur; puta si juratum sit in odium alterius, &  
c. ii. § 13.

non tam promissioni, quam minis juramentum sit adjectum<sup>12</sup>. Quin nec juramentum excludit tacitas conditiones & limitationes, quæ ex ipsa rei natura rite fluunt: Puta, si alicui quidquid velit petendi optionem jurato concessi, ubi iste iniqua aut absurda petierit, hautquidquam tenebor. Qui enim aliquid indefinite alteri roganti promittit, antequam noverit, quid iste sit petiturus; præsupponit alterum petiturum honesta, moraliter possibilia, non absurda, non sibi aut aliis perniciofa.

*Jurandum sensu illius qui juramentum desert.* IX. Id quoque notandum, in juramentis  
sensum totius orationis valere, prout capere se illum profitetur is, qui juramentum desert, seu cui  
c. ii. § 15.

<sup>11</sup> Vid. *supra*, Cap. x. § 10.

<sup>12</sup> Hoc vult auctor, non necesse esse, ut ultra litæram & receptum loquendi morem extendatur jurisjurandi significatio, si modo materia ejus sit inutilis vel perniciofa. Sic *Davus Terentianus* herum decipere voluit, neque tamen juramenti verba violare. *Andr. Act. 4. Sc. 4.* Frustra. Nam interpretandi regulæ prorsus eadem sunt in pacto jurato, quæ in injurato. Qui jurando vult alium decipere, perjurii reus postulatur, etfi contra literam jurisjurandi & verba strictè sumpta non peccat, quoniam in juramentis interpreta-



cui juratur. Hujus enim præcipue, non ju-  
 rantis causa juramentum præstatur. Unde e-  
 jusdem quoque est concipere verba juramen-  
 ti; & quidem quantum fieri potest planissime;  
 sic ut ipse significet, quomodo illa intelligat &  
 jurans annuat se istius sensum probe percipere;  
 eaque mox ab hoc liquido sunt exprimenda,  
 sic ut nulla ratione eadem cavillari & eludere  
 queat.

X. *Divisio* juramentorum commode desu-  
 mitur *ab usu*, cui illa in vita communi adhi-  
 bentur. Quædam enim promissis pactisque  
 adduntur, ut eo majore cum religione obser-  
 ventur. Quædam autem adhibentur ad con-  
 firmandam alicujus assertionem circa factum  
 illiquidum, & ubi veritas aliis rationibus com-  
 modius investigari nequit. Quale exigitur a  
 testibus, sive qui alieni facti conscii habentur.  
 Quandoque etiam ipsi, qui inter se discep-  
 tant, deferente judice, aut altera parte, suo  
 juramento litem solvunt<sup>13</sup>.

---

tio fieri debet ad mentem ejus, cujus causa juratur.  
 Itaque mallem auctorem dixisse de hujusmodi jura-  
 mentis, quod si eorundem materia sit illicita, iis stare  
 non liceat.

<sup>13</sup> Hinc ritè dividitur jusjurandum in *assertorium* &  
*promissorium*; & tutò negligi potest multiplex divisio  
 in judiciale, & extrajudiciale; publicum & privatum;  
 simplex & solenne; nudum & execratorium; absolu-  
 tum & conditionale, & similia. Sed frustra conten-  
 dit HOBBSIUS omne jusjurandum esse promissorium.  
*De Cive*, c. ii. § 20.

## C A P. XII.

DE OFFICIO CIRCA ADQUIRENDUM  
RERUM DOMINIUM.

*Permissum homini rebus uti, easque usu destruere.* I. CUM ea sit conditio corporis humani, ut adsumtis extrinsecus rebus indigeat, quæis nutriatur, & contra ea, quæ ipsius compagem destructum eunt, muniatur; per L. iv. c. 4. complures quoque res isthæc vita commodior & mollior reddi possit: inde tuto colligitur, volente utique summo universi Moderatore fieri, quod homo alias creaturas ad usus suos adhibeat: quin ut etiam multas earundem destruat.

<sup>1</sup> De vegetabilibus nullus est dubitandi locus; tum quia sensu destitutis nequit iis inferri injuria, tum quia necessaria sunt ad vitas hominum sustentandas. Sed de animalibus neque hæc neque illa valebit ratio. 1. Nobis non videntur necessaria ad victum, quippe vegetabilia, lac, ova, & similia ad vitam humanam sustentandam abunde sufficere possint; neque queri debent homines parcam esse naturam, aut necessitatibus suis haud satis prospicientem, licet jus in vitas animalium iis non concessum fuisset. 2. Cum animalibus sensus sui inest, ut voluptatibus frui, & doloribus affligi possint; & præsertim cum vitis, quas creatori visum est iis indulgere, non sine cruciatu destituantur; non video, quomodo ex lege naturali jus in eorum vitas possit hominibus competere. Nec sapientia, nec alia quævis perfectio (ut nonnullis placet) jus imperij in alterum tradit; quod omnino ab aliis principiis originem trahit. Vid. *supra*, cap. ii. § 5. not. 10. Nec majori

struat. Neque id solum obtinet circa vege-  
tabilia, & quæ citra sensum corrumpuntur; sed  
& circa innoxia animalia, quæ utut cum do-  
lore moriantur, citra peccatum tamen ab ho-  
mine cibi causa occiduntur & consumuntur.

II. CÆTERUM ab initio omnes istæ res in-  
telliguntur abs Deo *velut in medio hominibus* Res præ-  
mum in  
medio post-  
tæ qui  
faciæ bo-  
minum?  
*expositæ*, ita ut non magis ad hunc, quam ad  
alterum pertinerent. Ita tamen ut sic circa  
eas disponderent homines, prout conditio hu-  
mani generis, & ratio pacis ac tranquillitatis,  
bonique ordinis in eodem conservandi videre-  
tur exigere. Inde cum adhuc intra paucos  
genus mortalium subsisteret, placuit, *ut illa*  
*quidem cuiusque fierent, nec ab altero ipsi eripi*  
*deberent, quæ quis adprehendisset*, hac inten-  
tione,

---

majori vi pollet argumentum, quod affert noster, (*De  
Jure N. & G. L. IV. c. iii. § 5.*) nullum hominibus  
brutisque jus, nullam obligationem invicem intercede-  
re: unde sequi voluit statum belli inter eos, qui se  
mutuo lædere possunt. Dogma quidem HOBBSII  
placitis quod nimium faver, sed rationi & æquitati  
minùs convenit. Quid enim? Licetne potentiori do-  
lorem pro arbitrio alteri infligere, vel vitam eripere?  
Si homines adversus homines ita se præstare tenentur,  
ut nec aliorum felicitatem imminuant, nec vitas adi-  
mant; quidni & adversus bruta? Ex alio igitur fon-  
te jus hominum in animalia, ut ea occidant & carnes  
edant, derivare oportet: nimirum ab expressâ illâ li-  
centiâ, quam Deum NOACHO statim post diluvium  
concessisse sacris literis traditum est. *Genes. ix. 3.*  
*Quicquid reptat & vivit, id vobis victui erit; omnia non*  
*secus ac virentem herbam vobis do.* Ante diluvium jus  
quidem fuit homini in animantia; ut scilicet lacte,  
lanâ,

Cap. 12. tione, ut eadem ad usus suos applicaret; ipsa tamen corpora, ex quibus illæ res provenirent, in medio ad neminem peculiariter spectantia manerent<sup>3</sup>. Sed postea, multiplicatis hominibus, & cum cultura cœpisset adhiberi rebus, ex quibus homini alimenta & tegumenta proveniunt; ad evitandas rixas, & introducendo bono ordini, ipsa quoque corpora

---

lanâ, & mortuorum suo fato exuviis, utque viventium labore, quo suus imminueretur, ad ferenda aut trahenda onera uteretur; at non ut ea in cibum verteret. Frustra alioquin hoc NOACHO permetteretur, quod dudum licitum erat; cum præsertim MOSES antea satis indicasset (*Gen. i. 29.*) herbas & fructus antediluvianis hominibus in victum datos. Vid. GROTIUM *in loc.*

<sup>2</sup> *Intentio*, five merus animi actus non per se sufficit; ut res in dominium venire possint; quippe actu externo opus est, quo significare & testari possumus rem occupatam & apprehensam nostri propriam nos facere voluisse. Conf. GROT. *de Jure B. & P. L. II. c. ii. § 2.*

<sup>3</sup> Fructuum proprietas non involvit dominium rei, unde proveniunt; quarum vero rerum usus sufficit omnibus, communes in statu suo naturali relinquuntur. Sic in mundi primordiis; cum pauci fuerunt telluris incolæ, solum commune manebat, licet quisque colligendo fructus occuparet; & ad proprium usum applicaret. Sic quercus communis esse potuit, cum glandes, quæ decidebant, ejus fiebant, qui legendo eas occupasset, sibi que secluso aliorum jure fecisset proprias.

<sup>4</sup> Recte notat VANDER MUYLEN ad GROT. *ubi supra*; non opus esse fictione alicujus tacitæ conventionis five consensûs, quo convenisse homines fingendum; ut occupatio justa esset, five legitimus acquirendi dominii modus: quasi sine ejusmodi pacto aut conventionē;

*pora rerum inter homines divisa, & cuilibet* Cap. 12.  
 sua portio propria assignata; hac addita  
 conventionē, ut quæ in prima rerum  
 divisione in medio forent relicta, deinceps  
 ejus possent fieri, qui primus eadem sibi  
 asseruisset. Sic igitur volente Numine, prævio  
 consensu hominum, pactoque saltem tacito;  
*Propri-*

---

one, sola occupatione proprietas acquiri nequit. Immediata origo dominii proculdubio est *occupatio*: cum enim omnibus in omnia jus non potuit competere, neque res singulæ, quæ successivè existunt, communiter haberi; intelligendum est voluntatem fuisse creatoris, ut homines terrâ ejusq; fructibus uterentur; quod sine dominio fieri nequit. Voluit utique Deus res non communes manere; ideoque nec pacto quovis vel expresso vel tacito opus est, ut in proprietatem transire possint. *Occupatio* justus est acquirendi titulus. Luculentè hoc explicat TITIVS. "Origo dominii singularis a facto hominum repetenda est, & hoc quidem non aliud fuit quam *Occupatio*. Hoc sanè pro primo & antiquissimo meritò habetur. Nam quando universitati, quæ non simul & semel sed successive existit, nec res communiter habere potest aut debet, (qualem universitatem genus humanum representat) aliquid indefinite donatur; tum ex voluntate donantis primi homines eâ utique prærogativâ gaudent, ut occupando dominium contra alios valiturum sibi acquirere queant: imo in universum, ea vis occupationi voluntate donantis tribuitur, ut quivis per eam rem nullius sibi comparare possit; modò plus justo sibi non asserat, sed intra leges socialitatis subsistat; nec opus est cæterorum, qui excluduntur, consensu; nam ex ordinatione donantis vim excludendi occupatio sortitur. Jam si præsupponas originem generis humani, prout eam S. Literæ tradunt (nam sine ejusmodi præsupposito ratio

Cap. 12. *Proprietas rerum sive Dominium* fuit intro-  
ductum <sup>5</sup>.

*Dominium* III. EST autem DOMINIUM *jus, quo ali-*  
*quid? & cujus rei velut substantia ita ad aliquem per-*  
*quas patia-* *tinet, ut eodem modo in solidum non pertineat*  
*tur restric-* *ad alium.* Ex quo consequitur, ut de rebus;

c. iv. § 2. quæ tanquam proprie ab nos pertinent, pro  
arbitrio nostro disponere, & ad eorundem usu  
quosvis alios arcere possimus <sup>6</sup>; nisi quatenus  
per pacta singulare jus a nobis sibi quæsi-  
rint. Etsi in civitatibus contingere soleat, ut  
domi-

---

“ tio hîc philosophari nequit) tum probabile est primos  
“ homines statim occupando sibi aliquas res asseruisse.  
“ Hinc ADAMO, EVÆ, eorumque liberis, sub imperio  
“ paterno licet adhuc existentibus, proprias res tribu-  
“ ere nil vetat. (Vid. *Gen. iv.*) Reliqua quæ primis  
“ homines non attigerunt, remansere in statu conces-  
“ sionis divinæ; seu res *nullius*, donec multiplicatis  
“ hominibus, successive occupata dominium vel com-  
“ munionem subirent. Quod si adhuc res incognitæ  
“ vel saltem nondum acceptatæ occurrant, illæ erunt  
“ nullius; quemadmodum in illum statum recidunt,  
“ quæ a dominis derelinquuntur. Si verò quædam  
“ omnium usibus sufficiant, ut vastus oceanus, illæ  
“ accuratè loquendo non sunt amplius *nullius*, quia  
“ homines sibi eas asseruerunt, sed potius sunt commu-  
“ nes universaliter & negativè.”

<sup>5</sup> Sunt, qui Deum humano generi dominium singu-  
lare & definitum contulisse volunt statim à mundo con-  
dito, atque iterum mundo post diluvium reparato.  
Quorum doctrinam (nec veritati nec naturali hominum  
æqualitati consonam) sic refellit noster. *De Jure N.*  
G. L. IV. c. iv. § 10. “ Sane accepit homo jus  
“ in res ex concessione numinis, sed indefinitum, ge-  
“ nerale, indifferens, neque ad proprietatem aut  
“ com-

dominium non semper penes quosvis fit illi-  
 batum, sed certis limitibus circumscriptum per  
 imperium civile<sup>7</sup> aut ex dispositione & con-  
 ventione hominum inter se<sup>8</sup>. Quando autem  
 res una ad plures indivisim eodem modo per-  
 tinet, illa istis pluribus vocatur *communis*.

IV. SICUTI autem res non simul & semel  
 in proprietatem iverunt, sed successive; & prout  
 usus humani generis postulare visus est: ita  
 non necessum fuit, ut omnes & singulæ res

*Res non  
 nullæ ex  
 natura sua  
 relinquen-  
 dæ commu-  
 nes.*

c. v. § 4.

“ communionem; & quod homines, prout ratio &  
 “ necessitas suaderet, in peculiarem quasi formam  
 “ redigere possent. Neque sequitur: primus homo  
 “ non accepit aut usurpavit jus in res sub formali  
 “ ratione proprietatis, ergo posteri ipsius sub ea forma-  
 “ litate id non potuerunt exercere. Neque concessio  
 “ illa divina sacris literis expressa definitum aliquem  
 “ modum dominii designat, sed indefinitum jus res  
 “ adhibendi ad usus rationi & necessitati congruentes,  
 “ quod jus æquè in communione negativâ, quam in  
 “ proprietate exerceri potest. Male autem insertur;  
 “ mortales acceperunt jus in res ex concessione divinâ,  
 “ ergo proprietas non fuit nata ex occupatione &  
 “ divisione.” Conf. LOCKE *de Civ. Imp.* Summa  
 omnium huc redit: Deus dominium *generale* seu facul-  
 tatem rebus creatis ad sui conservationem utendi im-  
 mediate hominibus concessit, sed *particularia* dominia  
 per occupationem introducta ad instituta humana re-  
 ferenda sunt.

<sup>6</sup> Quod vocatur dominium *plenum*.

<sup>7</sup> Quod dominium est *minus plenum* aut restrictum;  
 ut *usufructus, servitus, pignus, hypotheca* & hujusmodi,  
 de quibus agunt Romani juris interpretes. Vid. *infra*,  
 § 8.

<sup>8</sup> Ut in contractibus, testamentis, donationibus, &  
 similibus.

Y

pro

Cap. 12. *propriæ fierent, sed salva pace generis humani aliqua potuerunt, aliqua debuerunt intra primævam velut communionem permanere.* Nam quæ utilia licet hominibus, *inexhausta* tamen sunt, sic ut omnium usibus possint patere, nec tamen singulis usus iste reddatur malignior; *ea* dividere velle supervacuum simul ac ineptum foret. Uti est lumen calorque solis, aer, aqua profluens, & si quæ sunt similia <sup>9</sup>. Quo refertur etiam vastus oceanus, magnis continentibus interjectus, quoad partes a litoribus remotissimas. Quippe cum ille non solum omnium usibus promiscuis sufficientissimus, sed & uni

c. v. § 4

<sup>9</sup> OVID. Met. vi. 349.

*Quid prohibetis aquas? Usus communis aquarum est;  
Nec solem proprium natura, nec aëra fecit,  
Nec tennes undas; ad publica munera veni.*

Similiter Romani jurisconsulti: *Naturali jure communia sunt omnium hæc; aër, aqua profluens, & mare, & per hoc litora maris.* Instit. L. II. tit. i. § 1.

<sup>10</sup> Quæstio sæpius versata est à viris doctissimis, utrum mare sit capax dominii. Jure liberum esse contendit GROTIUS; *clausum* esse posse disputat SELDENUS. Quæ contentio sic breviter dijudicari potest. Quod nec limitum nec custodiæ capax est, atque omnium usibus inservire potest; idem nequit esse dominii objectum. Hujusmodi est ipse oceanus; qui omnium navigationi & mercaturæ sufficit, & omnibus liber & communis esse debet, quippe occupationem nec natura nec usus publici ratio permittat. Sed alia ratio est maris juxta litora; quod instar munimenti esse potest, & in eorum proprietatem venire, quorum terras aluit; ideoque exteris in eo vel navigandi vel piscandi jus



uni alicui populo ejus *custodia moraliter sit* Cap. 12. *impossibilis*<sup>10</sup>. Ubi enim aliqua res ita sit comparata, ut nullo modo alii ab ejus usu arceri queant; illam dividi, aut propriam cuiuspiam fieri non supervacuum solum est, sed & inanibus litigiis materiam præbere aptum.

V. *Modi acquirendi dominii sunt vel originarii vel derivativi*. Per illos ab initio in rem aliquam proprietas introducitur. Per hos dominium jam constitutum ab uno in alterum transfit. Priores modi iterum sunt vel simpliciter tales, quibus dominium in corpus alicuius rei acquiritur; vel secundum quid, quæis

---

ius rectè prohiberi potest. " In diverticulo maris (quod fatetur ipse GROTIUS) sicut in diverticulo fluminis, si locum talem occupârim, ibique piscatus sim, maximè si animum privatim possidendi plurimum annorum continuatione testatus fuerim, alterum eodem jure uti prohibebo; non aliter quam in lacu qui mei dominii est." *Mare lib. c. v.* Et alibi. " Videtur mare occupari potuisse ab eo, qui terras ad latus utrumque possideat; etiamsi aut supra pateat ut sinus; aut supra & infra ut fretum: dummodo non magna sit pars maris, ut non cum terris comparata portio earum videri possit. Et quod uni populo aut regi licet, idem licere videtur & duobus aut tribus; si pariter mare intersitum occupare voluerint. Nam sic flumina, quæ duos populos interluunt, ab utroque occupata sunt, ac deinde divisa." *De Jure B. & P. L. II. c. iii. § 8.* Unde plane sequitur omnes maris partes quæ ad terram jacent, in dominium venire posse; earumque proprietatem rectè his attribui, quorum sunt terræ adjacentes.

" Scilicet *occupatione*, quæ solus est originarius modus dominium acquirendi.

Cap. 12 incrementum aliquod ad rem nostram adjungitur<sup>12</sup>.

*Ille est occupatio; quæ ad quas res se extendat.* VI. POST recepta inter homines divisa rerum dominia, ita inter homines conventum, ut quæcunque sub primævam divisionem non venerunt, ea cederent occupanti, i. e. ei qui c. vi. § 3. primus eadem corporaliter adprehendisset animo sibi habendi. Sic ut hodie originarius modus dominium in corpus alicujus rei adquirendi, sit sola *occupatio*<sup>13</sup>. Hoc igitur modo adquiruntur regiones desertæ, quas nullus unquam homo sibi asseruit: quæ fiunt illius qui primus eas ingreditur animo sibi habendi, ita ut culturam eis adhibeat, & certos limites constituat, quousque eas suas esse velit. Ubi autem coetus multorum hominum junctim occupaverit partem quampiam terræ, usitatissimum

<sup>12</sup> Conf. GROTI. *De Jure B. & P.* L. II. c. iii.

<sup>13</sup> Modi, quibus res occupantur, varii sunt pro rerum varietate. "Occupatio (teste GROTI) in mobilibus est apprehensio, in immobilibus instructio aut limitatio." *Mare lib.* c. v. "Tunc demum, inquit noster, occupasse rem aliquam dicimur, quando possessionem ejus adprehendimus; cujus initium est corporis ad corpus immediate, aut per idoneum instrumentum adjunctio. Igitur regulare est, ut occupatio rerum mobilium fiat manibus, rerum [immobilium ut] soli pedibus, cum intentione culturam iisdem adhibendi, ac constitutis limitibus vel exactè vel cum aliquâ latitudine," *Ibid.* § 8. *Mobilia* vocantur, quæ solo non adhærent, ut animalia, arbores excisæ, fructus decerpti, &c. *Immobilia* autem, vel solum, vel quæ solo adhærent; ut ædificia, arbores, fructus pendentes, &c. Romani jurisconsul-

num est, ut singulis ex eo coetu aliqua portio adsignetur; quæ supersunt, ad totum coetum pertinere censeantur. Per occupationem quoque adquiruntur feræ bestię, aves, pisces, in mari, fluminibus aut lacubus versantes; item si quæ a mari in litus solent ejici<sup>14</sup>; modo tamen per imperium civile promiscua ejusmodi rerum captura non sit interdicta, aut certo alicui assignata. Quas necessum est, si nostræ debent fieri, ut corporaliter adprehendamus, & in nostram potestatem redigamus. Occupatione quoque adquiruntur res, in quibus dominium, cui ante subjectæ fuerant, plane est extinctum. Puta, si quæ abjiciuntur ea intentione, ne amplius ea sint nostra; aut quæ ab initio inviti amittimus, sed post pro derelictis habemus<sup>15</sup>. Quo etiam pertinet *thesaurus*<sup>16</sup>, seu

---

ti immobiles dicunt *res, quæ soli sunt*. Digest. L. XXI. tit. i. leg. 1. § 1.

<sup>14</sup> “ Feræ bestię & volucres & pisces & omnia animalia, quæ mari, cœlo & terrâ nascuntur, simul atque ab aliquo capta fuerint, jure gentium statim illius esse incipiunt. Quod enim ante nullius est, id naturali ratione occupanti conceditur.” *Inst.* L. II. tit. i. § 12. Sed quænam animalia pro *feris* haberi debent, nequit tam certo definiri. Ex jure Romano pavones, columbæ, cervi & apes sunt *feræ naturæ*. Digest. L. XLI. t. i. l. 5.

<sup>15</sup> “ Pro *derelicto* habetur, quod dominus ea mente abjecerit, ut id in numero rerum suarum esse nolit, ideoque statim ejus dominus esse desinit.” *Inst.* L. II. tit. i. § 47. Unde rectè occupantis fieri manifestò patet.

<sup>16</sup> Vulgò vocatus, *Treasure-trove*.

Cap. 12. pecunia, cujus dominus ignoratur; qui inventori cedit, ubi per leges civiles aliter non est dispositum<sup>17</sup>.

*Accessio-*  
*num idem,*  
*qui rei do-*  
*minus est.*  
§. vii.

VII. CÆTERUM plurimæ res, quæ domino subjectæ sunt, non in eodem semper statu persistunt; sed variis *causibus* suam *substantiam dilatant*<sup>18</sup>: quibusdam extrinseca *incrementa* accedunt<sup>19</sup>, aliæ *fructus* proferunt<sup>20</sup>; multis per *formam* industria humana superinductam

<sup>17</sup> “*Thesaurus est vetus quædam depositio pecuniæ, cujus non extat memoria, ut jam dominum non habeat; sic enim fit ejus qui invenerit, quod non alterius sit. Alioquin si quis aliquid vel lucri causâ vel metûs vel custodiæ condiderit sub terrâ, non est thesaurus, cujus etiam furtum fit.*” *Digest.* l. XLI. t. i. leg. 31. Rebus hisce, quæ ex occupatione in proprietatem veniunt, addunt Romani jurisconsulti, ea, quæ ex hostibus capimus. *Bello capta ejus sunt. qui primus eorum possessionem nactus est.* Instit. l. II. tit. i. § 17.


<sup>18</sup> Ut aurifodinæ, lapidicinæ, &c. quæ perpetuò augescunt. Tales etiam sunt arbores & plantæ, quæ à parvo semine ad immanem magnitudinem, certo temporis intervallo, adaugentur.

<sup>19</sup> Sic quæ per alluvionem accrescunt, ejus sunt, qui est dominus & possessor agri.

<sup>20</sup> Ut animalia & vegetabilia. Notandum est autem ex jure Romano *fructus* intelligi deductis expensis, quæ quærendorum, cogendorum, conservandorumque eorum gratiâ fiunt. *Digest.* l. V. tit. iii. leg. 36.

<sup>21</sup> Ut si artifex horologium ex ære; vel pictor ex panno vilissimo pretiosam tabulam conficiat.

<sup>22</sup> Sed hæc regula non est perfecta & adæquata, quoniam sæpe fit quandam esse communionem dominii, & *accessionem* ex plurium dominorum concursu produci. Unde oriri necesse est communionem quandam fructuum

ductam pretium accrescit \*. Quæ omnia vo- Cap. 12.  
cabulo *accessionum* comprehendi possunt ; &   
in duas classes dividuntur. Quædam enim ci-  
tra factum hominis ex sola natura istarum re-  
rum proveniunt : quædam facto & industria  
hominum in solidum, aut ex parte procuran-  
tur. Circa quas ista est regula, ut qui est  
dominus rei, ad eundem quoque pertineant  
accessiones & quævis emolumenta \*\* ; & qui ex  
sua

fructuum aut accessionum, nisi transferendi voluntas  
interveniat. Exempla quædam ex jure Romano addu-  
cam. 1. Si equam meam equus tuus prægnantem fece-  
rit, non est tuum, sed meum, quod natum est. *Digest.*  
L. VI. tit. i. leg. 5. Nam *fiætus* (ut aiunt) *sequuntur*  
*ventrem* ; i. e. ad dominum matris pertinent. Sic sta-  
tuunt jurisconsulti : hoc autem non esse naturale exis-  
timat GROTIUS, nisi quatenus plerumque pater igno-  
ratur : at si probabili ratione de eo constaret, partus ex  
parte ad eum pertinet. *De Jur. B. & P. L. II. c. viii.*  
§ 18. 2. Si Titius alienam plantam in solo suo posuerit,  
ipsius erit ; & ex diverso, si Titius suam plantam in  
Mævii solo posuerit, Mævii planta erit ; si modo  
utroque casu radices egerit. *Instit. L. II. tit. i. § 31.*  
Hoc verò GROTIUS ex jure positivo non ex naturali  
ita esse censet : quoniam alimentum rei jam ante exis-  
tentis partem duntaxat facit ; atque ideo sicut ex ali-  
mento jus quoddam in rem soli domino nascitur ; ita  
domino seminis, plantæ aut arboris jus suum naturali-  
ter certè ob id non perit. *Ibid. § 22.* 3. Si quis in alieno  
solo ex suâ materiâ domum ædificaverit, illius fit do-  
mus, cujus & solum est. *Instit. L. II. tit. i. § 30.* Sed  
ex mente GROTII, in ædificio, cujus partes sunt solum  
& superficies, cummunio locum habebit ; & si mobile  
sit, nullum in eo jus habebit soli dominus. *Ibid.* 4. Si  
quis in alienâ tabulâ pinxerit, nobis videtur melius esse  
tabulam picturæ cedere. Ridiculum est enim pictu-  
ram

Cap. 12. sua materia speciem fecit, ejus speciei sit dominus.

*Dominio detrahentis servitutum species.* VIII. FREQUENTER tamen contingit, ut alii ex contractu, aut alia via jus sibi quæsi-  
 c. iiii. verint ex re nostra certum commodum percipiendi, aut etiam impediendi ne nostra re omni modo utamur<sup>23</sup>. Quæ jura solent vocari

ram *Apellis* vel *Parrhasii* in accessionem vilissimæ tabulæ cedere. *Instit.* L. II, tit. i. § 34. 5. cum res consent ex materia & specie tanquam suis partibus, si alt-  
 tior sit materia, alterius species, sequitur naturaliter rem communem fieri pro ratâ ejus quanti unumquodque est. GROTIUS, *ubi supra*, § 19. 6. Confusis materiis, ut si qui vina sua confuderint, aut massas argenti vel auri conflaverint, communio inducitur pro ratâ ejus quod quisque habeat. GROTIUS, *ubi supra*. De bonæ fidei possessore vid. *infra*, c. xiii. § 4.

<sup>23</sup> Hoc dominium *imperfectum*, vel jus minùs plenum vocatur, cujus quinque genera numerari solent. 1. Jus Emphyteuticum, quod nostrates dicunt, *The Right of holding in Fee*. Nam *Emphyteusis* contractus est à ZENONE Imp. primùm nominatus, cum ager eâ lege fruendus datur, ut quamdiu merces solvatur, nunquam ad dominum redeat. 2. Jus superficiarium, quo ædes in conducto solo certâ pensione annuâ positæ sunt. 3. Jus bonæ fidei possessoris. 4. Pignus seu Hypotheca. 5. Servitutes.

<sup>24</sup> Servitutes aut *personarum* sunt ut usus & usufructus; aut *rerum*, ut servitutes rusticorum prædiorum & urbanorum. *Digest.* L. VIII: tit. i. leg. 1.

<sup>25</sup> Usufructus est jus alienis rebus utendi & fruendi, salvâ rerum substantiâ. *Digest.* L. VII. tit. i. leg. 1, Constituitur autem usufructus non tantum in fundo & ædibus, verum etiam in servis & jumentis & cæteris rebus; exceptis iis, quæ usu consumuntur. Nam hæ res neque naturali ratione neque civili recipiunt usufructum; quo in numero sunt vinum, oleum, frumentum,

cari *Servitutes*. Ac dividuntur in *personales*, ubi Cap. 12. utilitas ex re aliena ipsi personæ immediate obvenit; & *reales*, ubi ex re aliena, mediante re nostra, utilitas capitur<sup>24</sup>. Inter illas numerantur usufructus<sup>25</sup>, usus<sup>26</sup>, habitatio<sup>27</sup>, operæ fervorum<sup>28</sup>. Reales iterum dividuntur in *servitutes prædiorum urbanorum*, & *rusticorum*.

frumentum, vestimenta; quibus proxima est pecunia numerata, namque ipso usu assiduâ permutatione quodammodo extinguitur. *Instit.* L. II. tit. iv. § 2. Porro statuunt jurisconsulti, eum, ad quem usufructus fundi pertinet, non aliter fructuum dominum effici, quàm si ipse eos perceperit. Et ideo, licet maturis fructibus, nondum tamen perceptis, decesserit: ad hæredes ejus non pertinent, sed domino proprietatis acquiruntur. *Instit.* L. II. tit. i. § 36.

<sup>26</sup> Minus est juris in *usu*, quam in usufructu. Nam is qui fundi nudum habet usum, nihil ulterius habere intelligitur, quam ut oleribus, pomis, floribus, sæno, stramentis & lignis ad usum quotidianum utatur. Nec ulli alii jus, quod habet, aut locare aut vendere, aut gratis concedere potest. *Instit.* L. II. tit. v. § 1.

<sup>27</sup> “ *Habitatio* jurisconsultis Romanis jus est, per quod omne emolumentum ex inhabitatione ædium alienarum provenire solitum percipitur. Ea ædificatio patet, quàm *usufructus*; quia ad hunc pertinet emolumentum, quod ex mercium receptione aliifve causis provenit. Latius tamen quam nudus *usus* extenditur, quod ædes ejusmodi aliis suo loco inhabitandas locare quis possit. *Puf. De Jure N. & G. L. IV. c. viii. § 9. Vid. Institut. L. II. tit. v. § 5. Cod. L. III. tit. xxxiii. leg. 13.*

<sup>28</sup> “ *Leges Romanæ* jûs *operæ fervorum* ærtius quàm eorum usumfructum esse tradunt: quia aliâ quoque viâ quàm per suas operas præstare utilitatem servus potest.” *Ibid. § 10. Vid. Digest. L. VII. tit. vii. De operis fervorum.*

Illæ

Cap. 12. Illæ sunt, v. g. servitus oneris ferendi<sup>29</sup>, luminum<sup>30</sup>, ne luminibus officiat<sup>31</sup>, prospectus<sup>32</sup>, stillicidii recipiendi<sup>33</sup>, &c. Hæ sunt, v. g. iter<sup>34</sup>, actus<sup>35</sup>, via, aquæductus, aquæ haustus, pecoris ad aquam appulsus, jus pascendi, &c. Quæ omnes fere ex occasione viciniae introductæ sunt.

*Modus ad-* IX. INTER modos acquirendi *derivativas*  
*quirendi* alii sunt, quibus res devolvitur in alium ex  
*derivativ-* *dispositione legis*; alii, quibus *facto prioris*  
*us varius.* *domini*. Et quidem ut vel *bonorum* alicujus  
c. ix. *universitas*, vel certa eorundem *portio* transfe-  
ratur.

*Mortis* X. UNIVERSITAS bonorum lege transi-  
*causa, vel* per mortem prioris domini in *successionibus ab*  
*per succe-* *intestato*. Cum enim & communi hominum  
*sionem ab* inclinationi repugnet, & ad pacem generis hu-  
*intestato.* mani minime omnium conducatur, bona, quæ  
c. xi. quis tanto cum labore, dum viveret, quæfivisset, a domini morte haberi pro derelictis, & cuivis occupanti patere; inde suadente ratione apud omnes populos receptum, ut, si quis de suis bonis ipse nihil disposuisset, ejus bona

<sup>29</sup> Quâ vicini paries, vel columna onus nostrarum ædium sustinere debet. *Digest.* L. VIII. tit. v. leg. 6. § 2. Eum debere columnam restituere, quæ onus vicinarum ædium ferebat, cujus essent ædes, quæ servirent. L. VIII. t. ii. leg. 33.

<sup>30</sup> Quâ quis nostras fenestras cogitur excipere. *Ibid.* leg. iv.

<sup>31</sup> Quâ quis nequit aliquid facere, quo quævis nostrarum ædium lumina obscurantur & minuantur. *Ibid.*

<sup>32</sup> Quod in prospectu quis habet, ne quid ei officia-



bona devolvantur ad eos, quos pro communi Cap. 12.  
hominum affectu charissimos habere judica-  
tur<sup>36</sup>. Quales sunt regulariter, qui ex nobis  
descendunt, & juxta hos alii sanguine nobis  
juncti, pro gradu quisque propinquitatis. Et  
licet aliqui homines dentur, qui vel propter  
accepta beneficia, vel ob peculiarem affectum  
alienos quosdam magis ament, quam suos con-  
sanguineos: tamen pacis interfuit, non consi-  
derato paucorum quorundam affectu, commu-  
nem potius mortalium inclinationem sequi,  
modumque succedendi observare planissimum,  
& nullis impeditis disceptationibus obnoxium:  
Quæ emerfuræ erant, si benefactores & amici  
cum iis, qui sanguinis jure nituntur, possent  
concurrere. Et si quis omnino benefactores  
aut amicos cognatis volebat præferre, debebat  
expresse super ea re disposuisse.

XI. Ex his consequitur, proximos cuique *In qua quo  
ordine hæ-  
redes suc-  
cedant:*  
*c. xi.*  
hæredes esse suos liberos, quos & natura pa-  
rentibus alendos educandosque solícite com-  
mendavit, & quibus quisque parentum cense-  
tur quam lautissime voluisse prospicere, ac quæ

---

tur ad gratiorem prospectum & liberum. *Ibid.* leg.  
xv.

<sup>33</sup> Quâ quis aquam onerosam in suam aream recipe-  
re tenetur. *Instit.* L. II. t. iii. § 1.

<sup>34</sup> Jus eundem ad prædium nostrum per alieptum.

<sup>35</sup> Jus agendi jumentum aut vehiculum. Cætera de-  
finitionibus vix indigent.

<sup>36</sup> Nihil est tam conveniens naturali æquitati (ut lo-  
quantur jureconsulti Romani) quam voluntatem domini,  
volentis rem suam in alium transferre, ratam haberi.  
*Instit.* L. II. tit. i. § 40.

sibi

Cap. 12. sibi superfluit ipsis potissimum relinquere <sup>37</sup>.  
 Per liberos autem intelliguntur præcipue, qui  
 ex legitimo matrimonio nati sunt. His enim  
 & ipsa ratio, & decor vitæ civilis, & leges po-  
 pulorum cultiorum præ naturalibus favent.  
 Ista tamen ita demum obtinent, nisi pater a-  
 liquem pro suo filio ob sufficientes rationes no-  
 luerit agnoscere, aut nisi ob atrocissimam ma-  
 litiam eundem abdicaverit. Sub liberis etiam  
 comprehenduntur ii, qui sunt ulteriorum gra-  
 duum; quos ut alere, ipsorum parentibus de-  
 functis, avus tenetur; ita ut & ipsi cum patruis  
 & avunculis ad hæreditatem avi concur-  
 rant æquissimum est; ne super calamitatem  
 mature defuncti patris, etiam avi hæreditate  
 excludantur. Ubi descendentes defunt, par  
 est ad *parentes* defunctorum liberorum bona  
 devolvi. Quibus liberi & parentes non sunt  
 superstites, iis *fratres* succedunt. Ubi & hi  
 deficiunt, hæres erit, prout quisque defunctum  
 sanguine propius contingit. Et si ad lites evi-  
 tandas, quæ heic exoriri possunt frequentis-  
 simæ, simulque ut ea res ad usum reip. probe  
 attem-

---

<sup>37</sup> Si quærat de jure primogeniti supra alios, ut  
 mihi videtur, successio ejus in bona parentum neuti-  
 quam ex lege naturæ, sed arbitrio parentum, aut con-  
 suetudine, aut lege civili, aut denique pactis & con-  
 ventionibus pendet. Naturaliter enim quoad successi-  
 onem ab *intestato*, omnes liberi ejusdem sunt conditio-  
 nis, eodemq; haberi debent loco. Eodem itaque jure,  
 quo per testamenta inæqualitas quædam introduci po-  
 test, nititur etiam prærogativa, qua præ reliquis gau-  
 dent primogeniti. De origine autem & fundamento  
 hujus

attemperetur, in plerisque civitatibus super Cap. 12.  
ordine successionis accurate deprehenditur dis-  
positum. Et hunc ordinem ut sequantur pri-  
vati, tutissimum est, nisi graves causæ peculi-  
ariter disponere subigant.

XII. FACTO domini prioris universitas *Vel per*  
rerum mortis causa transit per *testamentum* <sup>38.</sup> *testamen-*  
Nam & illud in qualecunque solatium morta- <sup>tum do-</sup>  
litis apud plerosque est receptum, ut quis <sup>minium</sup>  
vivid sua bona transferre posset in eventum <sup>transit :</sup>  
mortis, in eum, quem maxime amaret. Cæ-  
terum cum antiquissimis temporibus usitatum  
fuisse videatur, ut imminente jam fato palam  
suos hæredes nuncuparent; & patrimonium de  
manu in manum ipsis traderent; postea graves  
ob rationes multis populis aliud testamenti  
genus magis arrisit. Ut nempe quocunque  
tempore placeret, ultimam suam voluntatem  
vel palam significare, vel literis tacite con-  
signare possent; quam mutare pro libitu li-  
ceret, & ex qua hæredibus nuncupatis aut  
scriptis tunc demum jus nasceretur, quando  
testator exspiraret <sup>39.</sup> Atque tales ultimæ vo-  
luntates

---

hujus Juris vide quæ de hac re ex professo differuit  
BUDDEUS in disert. de successionibus primogenitorum,  
quæ existat in *Selectis Juris Nat. & Gent.* p. 151.

<sup>38</sup> Testamentum est voluntatis nostræ justa senten-  
tia, de eo quod quis post mortem suam fieri velit.  
*Digest.* L. XXVIII. tit. i.

<sup>39</sup> " Possum rem meam alienare non purè modò,  
" sed & sub conditione; nec tantum irrevocabiliter,  
" sed & revocabiliter; atque etiam retentâ interim  
" possessione, & plenissimo fruendi jure. Alieno  
" autem

Cap. 12. luntates licet merito magnum habeant favorem ; ita tamen temperandæ erunt, prout necessitudinum ratio, & utilitas civitatum requirit<sup>40</sup>. Quæ & inde legibus sueverunt caverè, quomodo cuique testamenta sint ordinanda. A quorum dispositione qui discesserit, queri non potest, suæ voluntatis non fuisse habitam rationem.

*Inter vivos vero donatione vel contractu.*

XIII. INTER vivos facto prioris domini res transeunt vel *gratis*, vel *interposito contractu*. Prioris

“ autem in mortis eventum ante eam revocabilis, re-  
 “ tento iiternm jure possidendi ac fruendi, est *testamen-*  
 “ *tum*.” GROT. *De Jure B. & P.* L. II. c. vii. §

14.

<sup>40</sup> Inter eruditos non cõvenit de testamentis, utrum ex jure naturali, an positivo originem trahant. Ex hac parte stat noster in opere majori (L. IV. c. x. § 4.) quia non necessarium videtur, ut dominium in se contineret facultatem disponendi, quid circa res alicujus post mortem debeat fieri : sed sufficere potest, si quis res suæ potestati subjectas haberet, quousque viveret, nec eam ultra vitam extendere posset ; de bonis autem eorum, qui inter homines esse desierunt, vivis disponendi cura relinquitur.” Quæ rationes non satis validæ videntur ad sententiam auctoris stabiliendam ; & rectius, ut opinor, decernit GROTIUS : “ Quanquam testamentum, ut actus alii, for-  
 “ mam certam accipere possit à jure *civili*, ipsa tamen  
 “ ejus substantia cognata est dominio, & eo dato, juris  
 “ *naturalis*.” *De Jure B. & P.* L. II. c. vii. § 14. Eisdem partes tuetur BUDDEUS ; quo judice, non tantum licet testamenta condere, sed naturaliter quoque vim habent & efficaciam rerum dominium ad eos, qui in illis hæredes scripti sunt, transferendi. Nulla enim profectò vis esset domini, nisi domino liceret ejusmo-

di

Prioris generis translationes vocantur *donationes* 41. De contractibus infra erit agendum 42. Cap. 12.

XIV. QUANDOQUE etiam invito priore domino res transferuntur, & quidem in civitatibus potissimum per modum pœnæ; dum ob delicta damnatis interdum omnia bona, interdum certa eorum portio eripiuntur, & vel publico, vel læso adplicantur. Sic & in bello invitis res per hostem viribus superiorem eripiuntur.

*Invito domino res quandoque transferuntur.*  
c. vi. §. 14.

di quid sancire, quod etiam post mortem ejus valeret. Et hoc sensu testamenta sunt juris naturalis, etsi à jure civili certi ritus ac cæremoniæ, quibus observatis valorem demum suum consequantur, addi possint, imò hoc ut variis hominum improborum molitionibus obviam eatur, consultum sit. *Theol. Moral.* P. II. c. iii. S. v. § 21. Idem pluribus demonstravit in dissert. de testamentis summorum imperantium, in *Select. Juris Nat. & Gent.* Eandem sententiam comprobat BARBETRAU. [ad PUF. *De Jure Nat. & Gent.* L. IV. c. x. § 4.] quam pluribus refellere conatur TREVERUS ad loc. sed laterem lavat.

41 Ad dominium transferendum requiritur ex lege civili *traditio*, non autem ex jure gentium. Sic enim GROTIUS: "Ad domini translationem *naturaliter* traditionem non requiri; quod & ipsi jurisconsulti in quibusdam casibus agnoscunt, ut in re donatâ usufructu retento, aut in eum collatâ, qui possideat, aut commodatam servet." *De Jure B. & P.* L. II. c. viii. § 25. Conf. L. II. c. vi. § 1.

42 Ipse vero donationes quiddam in se continent cum contractibus commune, quoniam ut valeat donatio, necessaria est acceptatio; requiritur mutuus donantis & accipientis consensus: ut ipse auctor ostendit supra, cap. ix. § 16.

piuntur,

Cap. 12. piuntur, raptorque adquiruntur <sup>43</sup>; ad quas tamen recuperandas pari violentia prior dominus jus non amittit, quousque per subsequentes pacis tractatus omni prætensionem ad eandem renunciaverit.

*Usucapio* XV. PECULIARIS denique modus acquirendi est *usucapio*; per quam is, qui *bona fide* iustoque titulo rei alicujus possessionem nactus est, eamque diu quietam & non interruptam obtinuit, demum pro perfecto domino ejus rei habetur, ita ut antiquum dominum, si postea rem eam vindicare velit, repellere queat <sup>44</sup>. Cujus juris introducti ratio fuit, partim quod pro relicta rem habere judicaretur, qui diu eandem vindicare neglexerit, cum longo tempore ad id occasiones vix deesse judicentur <sup>45</sup>: partim quod tranquillitatis & pacis interesset, aliquando possessiones rerum extra controversiam collocari <sup>46</sup>. Præsertim cum longe gravius videatur, post diuturnam possessionem re bona fide parta privari; quam olim amissa, & cujus desiderium dudum erat

<sup>43</sup> In hac re sequitur auctor jureconsultos Romanos. *Ea, quæ ex hostibus capimus, jure gentium statim nostræ sunt*, inquit JUSTINIAN. Instit. L. II. tit. i. § 17. Sed de hac re vid. infra. L. II. c. 15.

<sup>44</sup> Possessionem ita demum legitimam esse, cum omnium adversariorum silentio & taciturnitate firmatur: interpellatione vero & controversiâ progressâ, non posse eum intelligi possessorem, qui licet possessionem corpore teneat, tamen ex interpositâ contestatione, & causâ in judicium deductâ super jure possessionis vacillet ac dubitet. *Cod. L. VII. tit. xxxii.*

digestum, in perpetuum carere. Ut tamen in Cap. 12. civitatibus certi termini; prout ratio & utilitas civitatis suggererit, definiantur, intra quos usucapio compleatur; tranquillitatis & pacis interest <sup>47</sup>.

## C A P. XIII.

## DE OFFICIIS, QUÆ EX DOMINIO RERUM PER SE RESULTANT.

I. **E**X introducto rerum dominio ista officia inter homines provenerunt. Officia ex dominio:

PRIMO: *Ut quilibet teneatur alterum (non hostem) pati rebus suis quiete frui, neque vi aut per fraudem illas corrumpere, intervertere, aut ad se trahere sustineat.* Quo ipso furta, rapinæ, & similia crimina, in res alienas tendentia, vetantur <sup>1</sup>. Quisque re sua frui permittatur. L. iv. c. 13.

II. SECUNDO: *Quando res aliena ad nos pervenit sine nostro crimine, & bona nostra fide, eamque adhuc in nostra potestate habemus;* Res aliena nostræ potestatis reddenda domino. c. xiii. § 2.

<sup>45</sup> Sed diutina possessio tantum jure successionis sine justo titulo obtenta prodesse ad præscriptionem hanc solâ ratione non potest. *Cod. L. VII. tit. iii.*

<sup>46</sup> Bono publico usucapio introducta est, ne scilicet quarundam rerum diu & fere semper incerta dominia essent, cum sufficeret domino ad inquirendas res suas statuti temporis spatium. *Digest. L. XLI. tit. iii, leg. 1.*

<sup>47</sup> Conf. GROT. *De Jure B. & P. L. II. c. iv.*

<sup>1</sup> Conf. GROT. *De Jure B. & P. L. II. c. x.*

Z

tenemur

Cap. 13. *tenemur efficere, quantum in nobis est, ut illa in potestatem legitimi sui domini redeat.* Non tamen tenemur illam rem restituere nostris impensis ; & si quas in eam servandam fecimus, recte possumus repetere, aut rem tantisper, quoad illæ solvantur, retinere. Et ad restituendum tunc demum actu tenemur, quando innotuit nobis, illam rem esse alterius. Tunc enim debemus significare, rem eam penes nos esse, nec per nos stare, quo minus dominus suum possit recipere. Quod tamen iusto titulo adquisivimus, non tenemur ipsi in dubium revocare, & velut publice denunciare, an quis eam rem sibi velit vindicare. Atque isthoc officium præponderat contractibus particularibus iisque exceptionem dat. v. g. Si fur apud me incium furti rem furtivam deposuerit, & post verus ejusdem dominus adparuerit ; huic non furi, eadem erit restituenda.

III

---

<sup>2</sup> Tritum est jureconsultorum dogma : *Jure naturæ æquum est neminem cum alterius detrimento & injuria fieri locupletiores.* Eodem modo CICERO : *Contra naturam est ex hominis incommodo suum augere commodum.* De Offic. III. v. Sed auctoris opinioni de bonæ fidei possessore minimè adsentitur BARBEYRACCIUS, qui ejusmodi possessorem ad fructus consumptos restituendos haudquaquam teneri contra Grotium & nostrum disputat ; cujus hanc præcipue causam assignat : Bonâ fide qui rem aliquam possidet & tanquam suâ utitur, tantisper ejusdem verus & realis dominus existimari debet, ideoq; fructus ejus percipere jure potest. Ejusmodi possessio quasi interregnum est, quo durante interrumpitur veri domini proprietas ; dominoq; putativo



III. TERTIO : *Quod si autem res aliena, bona fide parta, sit consumpta; officii est tantum restituere domino, quantum facti sumus locupletiores* : ne ex immerito alterius damno lucrum capiamus <sup>1</sup>. *Consumpta quousque fecit locupletiores.*

IV. Ex hisce porro sequentes conclusiones deducuntur <sup>3</sup> : I. Possessor bonæ fidei <sup>4</sup> non tenetur ad ullam restitutionem, *si res periit* ; *seffione bona fidei* quia nec res ipsa penes eum est, nec lucrum <sup>variae.</sup> ex ea re. II. Bonæ fidei possessor tenetur ad restituendum non solum rem sed & *fructus adhuc exstantes*. Naturaliter enim ad quem pertinet res, ad eundem quoque fructus pertinent. Licebit tamen possessori detrahere omnes impensas in rem ejusque culturam, quo fructus provenirent, factas. III. Bonæ fidei possessor tenetur ad restitutionem rei & fructuum *consumptorum* ; si modo alias tantundem consumpturus fuerat, & possit rei evictæ pre- *c.xiii. § 9. Conclusio- nes de pos- sessione bo- na fidei varia.*

---

tativo percipiendi fructus, qui exinde accrescunt, jus competit. Igitur nullos redditus, nulla emolumenta restituere tenetur. Vid. Not. ejus ad loc. nec non ad opus majus. L. IV. c. xiii. § 3. not. 1. Similiter GROTIUM corrigit ad Libr. II. c. x. § 4. Non tenetur, inquit, ad restituendos etiam fructus exstantes rei ; quoniam ille, quamdiu fuit bonæ fidei possessor, secundum legem naturalem eadem plane jura habuit, ac si verus dominus fuisset.

<sup>3</sup> Quæ sequuntur, ex GROTIO transtulit auctor, ejusdem errores implicite amplectens. *De Jure B. & P. L. II. c. x. § 3—9.*

<sup>4</sup> *Possessor bonæ fidei* vocatur, qui rei alienæ, quam possidet, illam habet conscientiam. V. CALVINI *Lexicon. Jurid.*

Cap. 13. tium ab autore suo recuperare. Nam in hoc factus est locupletior, dum rem alienam consumendo suæ pepercit. IV. Bonæ fidei possessor non tenetur pensare fructus, quos *neglexit*. Quia nec rem habet, nec quidquam quod rei successit. V. Si bonæ fidei possessor rem alienam sibi donatam alii *donaverit*; non tenetur, nisi omnino ex officio aliquo tantundem donaturus fuerat. Tunc enim lucrum erit rei suæ pepercisse. VI. Si bonæ fidei possessor rem alienam oneroso titulo partam quocunque modo *alienaverit*; non tenetur, nisi quatenus ex ea lucrum fecit. VII. Bonæ fidei possessor etiam *oneroso partam titulo* rem alienam tenetur restituere, neque dominum id, quod erogavit, reposcere potest, sed illum duntaxat, abs quo eam rem accepit. Nisi quatenus dominus rei suæ possessionem recipere sine aliquo impendio probabiliter non potuit, aut *μὴν ὄσον* <sup>5</sup> ultro pollicitus fuerit <sup>6</sup>.

V.

---

<sup>5</sup> *Indicii præmium.*

<sup>6</sup> Omisit noster tres regulas, quas ex Grotii mente sequi tenetur bonæ fidei possessor, ideoque has supplebimus. “ VIII. Eum, qui rem alienam emit, non posse eam restituere venditori, ut pretium servet; quia ex quo res in ejus fuit potestate, jam coepit obligatio restituendi. IX. Eum qui rem habet at cujus dominus ignoratur, non teneri naturaliter eam rem pauperibus dare: quanquam valde hoc pium sit, & recte multis in locis constitutum. Ratio est, quia ex dominio nemo jus habet præter dominum. “ Non esse autem & non apparere, tantundem valent, “ quoad eum cui non apparet. X. Naturaliter quod

ob

V. Qui rem alienam *invenit*, quam domino invito excidisse probabile sit, non potest eam colligere hoc animo, ut eandem domino requirenti subtrahat. Ubi autem dominus non adparet, recte eandem sibi retinere potest.

Cap. 13.

*Res inventas quando retinere liceat?*

c.xiii. § 15.

## C A P. XIV.

## D E P R E T I O.

I. POST introducta rerum dominia cum nec omnes res ejusdem essent naturæ, nec eundem usum humanis necessitatibus præberent; nec cuivis ista rerum copia adesset, quam ad usus suos desideraret; mature inter homines receptum res invicem *permutare*<sup>1</sup>. Sed quia sæpissime contingeret, ut res disparis naturæ aut usus essent transferendæ; ne a ter-  
 pter ejusmodi permutatione læderetur, neces-  
 sum

*Pretii in transferendis rebus necessitas et usus.*

L. V. c. i.

“ ob causam turpem aut honestam, ad quam quis obligabatur, acceptum est, non esse restituendum; “ quanquam hoc quoque non immerito legibus quibusdam introductum est. Ratio est, quia ratione rei nemo tenetur, nisi res sit aliena; hic autem dominium transit ex prioris domini voluntate. Aliud erit si in ipso accipiendi modo vitium fuerit, puta extortio: hoc enim est aliud obligationis principium, de quo hic non agimus.” *Ibid.* § 10—12.

<sup>1</sup> Ex permutatione ortum est commercium, ex commercio pretium, & ex pretio nummus. Permutatio autem crevit vel ex naturali hominum indigentia, vel

Cap. 14. sum erat conventionem hominum rebus assignari aliquam quantitatem, juxta quam res invicem comparari, exæquarique possent. Quod itidem contingit circa actiones, quas in aliorum usum non gratis adplicare placuit. Ea quantitas nomine *pretii* venire solet<sup>2</sup>.

*Pretium  
vulgare in  
rebus, emi-  
nens in  
nummo.*

c. i. § 3.

II. DIVIDITUR pretium in *vulgare* & *eminentius*. Illud spectatur in rebus, & actionibus seu operis in commercium venientibus, quatenus

ex eorum luxuriâ. Cum enim industriâ hominum res naturâ communes in occupationem, & exinde in dominium venerunt, pleræque autem res, quæ usibus humanæ vitæ maximè inservire possint, breves & caducæ fuerunt; exinde res brevi perituras pro firmis & stabilibus permutare cœperunt, puta frumentum pro nucibus, victum pro vestitu; & sic institutæ sunt rerum permutationes & commercia. Deinde rebus quorundam indies crescentibus usque ad satietatem, neque tamen permutationi idoneis, (non enim facilè singula à loco ad locum deferri possunt) tandem inter homines convenit quiddam mutuò dare & accipere, quod diutius durare & nullo fere negotio tractari & deferri potuit; cujus valor ex arbitrio & consensu hominum æstimatus quasi communis mensura esset, ad quam omnia pretiosa referri possunt. Juxta illud ARISTOTELIS, *Eth. ix. 1. Περίεσσι κοινὸν μέτρον νόμισμα, πρὸς τὸτο ὃ πάντα ἀναφέρεται, καὶ τὸτῳ μετρεῖται πάντα.* Excogitatur pro communi mensura nummus; ad quam omnia referuntur, quaque mensurantur omnia. Metalla, aurum, argentum, æs, & si quid tale, huic usui maxime idonea fuerunt, quorum valor primum à pondere, deinde à signo his impresso (quod mensuræ vice fungi potuit) definitur. Et hæc est origo nummi. Audiamus de hac re Romanos jureconsultos: "Origo emendi vendendique à permutationibus cœpit. Olim enim non ita erat nummus, neque aliud merx, aliud

tenus usum aliquem & delectationem hominibus afferunt. Hoc autem cernitur in nummo, quatenus is omnium rerum & operarum pretium virtualiter continere, & communem iisdem mensuram præbere intelligitur. Cap. 14.

III. VULGARIS pretii *fundamentum* in se est aptitudo illa rei vel operæ, qua aliquid mediate aut immediate conferre potest ad vitæ humanæ necessitates, & ad eandem commodiorem aut jucundiorē reddendam. Unde *Illius quod fundamentum est quæ ab eo excepta?* c. i. § 4.

&amp;

---

“ aliud pretium vocabatur; sed unusquisque; secundum  
 “ necessitatem temporum ac rerum, utilibus utilia  
 “ permutabat; quando plerumque evenit, ut quod  
 “ alteri superest, alteri desit; sed quia non semper nec  
 “ facile concurrebat, at cum tu haberes, quod ego  
 “ desiderarem, invicem haberem quod tu accipere  
 “ vel les, electa materia est, cujus publica & perpetua  
 “ æstimatio difficultatibus permutationum æqualitate  
 “ quantitatis subveniret; eaque materia formâ publi-  
 “ cā percussa usum dominiumque non tam ex substan-  
 “ tiâ præbet, quàm ex quantitate: nec ultra merx  
 “ utrumque, sed alterum pretium vocatur.” *Digest.*

L. XVIII. tit. i.

<sup>2</sup> Pretium sic definiri solet: *Quantitas moralis rerum & actionum, quatenus aliquem usum habent in vitâ communi, atque invicem comparantur, quo in commercium venire aptæ sint.* Conf. GROTI. *De Jure B. & P.* L. II. c. xii. § 14. BUDDÆI *Theol. Mor.* P. II. c. iii. S. 5.

<sup>24.</sup>

<sup>3</sup> Sunt tamen, qui hoc non per se sufficere contendunt, sed præter utilitatem addendum putant, ut omnibus non sufficiant, adeoque suo modo res rara sit. Ita TITIUS & BARBEYRAC. *ad loc.* Rectè, ut opinor, nostrum defendit BUDDÆUS [*Theol. mor.* P. II. c. iii. S. v. § 24.] quoniam de solâ aptitudine recipiendi pretium loquitur PUFENDORFIUS: ut pretium *actu* im-

Z 4

ponatur

Cap. 14. & res nullum plane usum præbentes, nullius pretii solemus vocare. Dantur tamen res quædam, vitæ humanæ utilissimæ, quibus nullum certum pretium impositum intelligitur; vel quia dominio sunt & debent esse vacuæ, vel quia ad permutationem sunt ineptæ, & inde a commerciis sepositæ, vel quia in commerciis nunquam aliter quam appendix alterius rei considerantur. Sed & dum lex divina aut humana quasdam actiones extra commercium remouet, seu pro mercede obire vetuit, pretium quoque iisdem detraxisse intelligitur. Sic quia superiores partes aeris, æther, ac cœlestia corpora, vastusque oceanus a dominio humano sunt exempta, nullum quoque pretium iisdem tribui potest. Sic liberi capitis nullum est pretium, quia liberi homines in commercium non veniunt 4. Sic apricum solis lumen, liquidus & purus aer, amœna facies terræ, quatenus oculos duntaxat pascit, ventus, umbra, & similia in se & seorsim considerata, pretium non habent; cum homines sine talibus usu terræ frui nequeant. Quibus ipsis tamen magnum mo-

---

ponatur, accedere debet, ut non omnibus sufficiat. Aqua, si in tanta copia adsit, ut omnium usibus sufficiat, fundamentum pretii habet, utilitatem. In eo aptitudo ad recipiendum pretium consistit. Ut actu imponatur pretium, ob abundantiam non necesse est. Quod si vero rara fiat, pretium omnino actu imponitur. “ Mensura ejus, (inquit GROTIUS. L. II. c. xii. § “ 14.) quod res quæque valet, maxime naturalis est “ indigentia, ut ARISTOTELES recte ostendit. (*Estb.* “ L. V. c. viii.) quod in permutationibus rerum apud “ barbaros

momentum inest circa augendum aut minuen- Cap. 14.  
dum pretium regionum, fundorum atque præ-  
diorum. Sic illicitum est pretio addicere ac-  
tiones sacras, quibus effectus aliquis moralis  
ex instituto divino est assignatus; quod cri-  
men *Simoniam* vocant, & improbe justitiam  
venalem habet iudex.

IV. CAUSÆ autem, cur unius & ejusdem *Intensi vel*  
rei pretium *intendatur* vel *remittatur*, quod *remissi pre-*  
que adeo una res alteri præferatur, licet hæc *tii non una*  
æqualem aut majorem usum in vita humana *causa.*  
videatur obtinere, sunt variæ. Hæc enim us-  
que adeo necessitas rei aut nobilitas usus pri-  
mas semper non tenent; ut potius vilissima esse  
cernamus, quibus vita humana minime carere  
potest; ideo quod non sine singulari Dei pro-  
videntia uberem eorum proventum natura pro-  
fundat. Ad *intentionem* igitur pretii imprimis  
facit raritas; quæ non parum commendatur,  
ubi ex locis remotis res afferuntur. Inde am-  
bitiosa hominum luxuria multis rebus, quæ  
vita humana commodissime carere poterat, e-  
normia pretia posuit; puta unionibus, & gem-

---

“ barbaros populos maxime spectatur. Non tamen

“ hæc unica est mensura. Nam hominum voluntas,

“ quæ rerum domina est, multas res magis desiderat

“ quàm sunt necessarie. *Margaritis*, inquit PLINIUS,

“ (*Hist. Nat.* ix. 34) *pretia luxuria fecit.*”

‡ *Libertas inestimabilis res est.* Digest. Lib. L. t. xvii.

§ *Simoniam* (quàm Latini *ambitum* vocant, siquidem  
Simoniam non est vox Latina) dicitur, quando quis  
vult dare aut accipere dona Dei, datâ aut acceptâ pe-  
cuniâ. Et hinc tralatè dicitur de iis, qui *beneficia ec-*  
*clesiastica* vendunt aut emunt.

mis.

Cap. 14. mis 6. Rerum vero quotidiani usus pretia potissimum intenduntur, quando raritas earundem conjungitur cum necessitate seu indigentia. Pretia rerum artificialium præter raritatem maxime solent intendere subtilitas & elegantia artis, quam præ se ferunt; quandoque & fama artificis, nec non operis difficultas, artificum & operariorum raritas, & similia. Operarum & actionum pretia intendit earundem difficultas, dexteritas, utilitas, necessitas: agentium raritas, dignitas, libertas; & denique ipsa artis opinio, nobilis an ignobilis illa habeatur. Contraria horum pretium minuire solent. Aliquando denique certa aliqua res non in universum, sed a singulis magni æstimatur ex peculiari affectu; puta quod ille, a quo ista in nos profecta est, maximi a nobis fiat, exprimendoque ipsius affectui data sit: aut quod eidem adfueverimus, aut quia insignis casus sit monumentum, aut ejusdem ope magnum malum declinaverimus, aut quia a nobismetipsis confecta sit. Quod solet vocari *pretium affectionis*.

*Rerum  
pretia definiuntur  
conventionem, lege,  
usu.  
c. i. § 8, 9.*

V. Ast circa definienda singularum rerum pretia alia quoque considerari sueverunt. Et inter eos quidem, qui in naturali libertate invicem vivunt, rerum singularium pretia non aliter, quam contrahentium conventionem definiuntur, quippe cum illis liberum sit alienare aut acquirere, quæ velint; nec communem habeant

---

<sup>6</sup> Qui modus est in his rebus cupiditatis, idem est æstimationis;



habeant dominum, qui eorum commercia mo- Cap. 14.  
deretur. Ast in civitatibus duplici modo  
pretia rerum definiuntur: uno per decretum  
superioris, aut per legem: altero per commu-  
nem hominum æstimationem atque iudicium,  
seu usum fori; accedente consensu eorum qui  
inter se contrahunt. Illud pretium aliqui so-  
lent vocare *legitimum*, hoc *vulgare*. Ubi pre-  
tium legitimum in gratiam emptorum fuit con-  
stitutum, quod frequentius fit; non licebit  
venditoribus plus exigere; etsi minus accipere  
si velint, non prohibeantur. Sic ubi merces  
operarum publice sit taxata in gratiam eorum,  
qui conducunt; operario non licet plus exi-  
gere, etsi idem non prohibeatur minus acci-  
pere.

VI. ENIMVERO vulgare pretium, quod *Pretium*  
per leges non est taxatum, habet aliquam la- *ex usu fori*  
titudinem, intra quam plus minusve dari & *suam habet*  
accipi potest ac solet, prout inter contrahentes *latitudi-*  
fuit conventum. Quod tamen fere sequitur *nem.* c. i. § 10.  
usum fori. Ubi solet haberi ratio laborum  
& expensarum, quas mercatores communiter  
faciunt in mercibus adportandis & tractandis;  
necnon quo modo ematur aut vendatur, in  
magna quantitate, an minutatim. Subito  
quoque interdum mutatur commune pretium  
ex copia aut paucitate eementium, pecuniæ,  
aut mercium. Nam paucitas eementium &  
pecuniæ, (ex peculiari causa emergens) &

---

*tionis: difficile est enim finem facere pretio, nisi libidini fe-*  
*ceris.* CICERO in Verr. iv. 7.

mercium

Cap. 14. mercium abundantia pretium minuit. Contra  
 { emturientium & pecuniæ copia, & mercium  
 raritas, pretium intendit. Sic & ad minuendum  
 pretium facit, si merx quærat emtorem.  
 Contra intenditur pretium, ubi venditor ultro  
 rogatur, alias non venditurus. Denique &  
 illud solet attendi, paratam quis pecuniam  
 offerat, an in diem solutionem differat; cum  
 etiam dies sit pars pretii<sup>7</sup>.

*Expedi-  
 endis ne-  
 gotiis ne-  
 cessarius  
 est num-  
 mus.*

c. i. § 12.

VII. CÆTERUM postquam a primæva simp-  
 licitate mortales desciverunt, & varia quæ-  
 stus genera introduxerunt; facile fuit depre-  
 hensum, solum illud vulgare pretium non suf-  
 ficere expediendis hominum negotiis, & glif-  
 centibus commerciis. Nam tunc sola permu-  
 tatione commercia constabant; & operæ alio-  
 rum locari aliter, quam mutua opera, aut re-  
 tradita non poterant. Atqui postquam tam  
 varia desiderare ad commoditatem aut volup-  
 tatem cœpimus, non sane in proclivi fuerat  
 cuivis ejusmodi res possidere, quas alter suis  
 mutare vellet, aut quæ alterius rebus æquiva-  
 lerent. Et in civitatibus cultis, ubi cives va-  
 riis statibus distinguuntur, complura hominum  
 genera dari necessum est, quæ, si simplex illa  
 rerum & operarum permutatio vigeat, vitam  
 plane non tueri, aut ægre queant. Hinc ple-  
 risque gentibus, queis amplior vitæ cultus ar-  
 ridebat, visum fuit conventionem quadam *pre-  
 tium eminens* certæ rei imponere, ad quod

---

<sup>7</sup> *Dies solutionis, scuti summa, pars est stipulationis,*  
 Digest. L. II. t. xiii.

cæterarum rerum pretia vulgaria exigerentur, & in quo eadem virtualiter continerentur. Adeo ut interveniente illa re quamlibet rem venalem quis sibi comparare, & quævis commercia & contractus commode posset exercere. Cap. 14.

VIII. Hunc ad finem plerisque gentibus placuit adhibere *metalla* nobiliora, & non admodum frequentia. Nam & illa substantiæ sunt valde compactæ, sic ut usu non facile detereri queant, & divisionem in plurimas minutas particulas admittant. Nec minus custodiæ & tractationi eadem sunt habilia; & propter raritatem multis aliis rebus æquivalere possunt. Etsi quandoque ex necessitate, & apud quasdam gentes ex defectu metallorum, aliæ res in vicem nummorum sint adhibitæ.<sup>8</sup>

*Materia illi idonea nobiliora metalla.*  
c. i. § 13.

IX. In civitatibus porro *valorem nummi definire* est penes summos imperantes; & inde publica signa eidem solent imprimi. Est tamen in eo definiendo respicienda communis gentium vicinarum, aut quibuscum nobis commercia exercentur, æstimatio. Alias enim, si nimis magnum nummis suis valorem posuerit civitas, aut si materiam eorum rite non temperaverit, commercia civium suorum cum extraneis, quæ quidem sola rerum permutatione absolvi non possunt, valde sufflaminabit. Et ob eam ipsam causam non temere

*Nummi valor a quo, & qua cautela, definendus?*

<sup>8</sup> Ut corium apud Lacedæmonios. de quo vid. *SENEC. de Benef.* v. 15.

<sup>9</sup> Hinc nummi summorum imperantium imagines præferre solent.

Cap. 14. in valore nummorum fieri debet mutatio, nisi summa reip. necessitas id exigat. Et si gliscente auri argentique copia paulatim nummorum valor in comparatione ad pretium fundorum, & quæ inde dependent, soleat velut ultro crescere.

## C A P. XV.

DE CONTRACTIBUS, QUI PRÆTIA RERUM PRÆSUPPONUNT, ET FLUENTIBUS INDE OFFICIIS.

*Contractus rerum dominia & pretia supponunt.* I. **P**ACTUM in genere est consensus & conventio duorum pluriumve in idem placitum. Sed quia frequenter simplicia *pacta contractibus* contradistinguuntur, id *discrimen* L.V. c. ii. in hoc potissimum videtur consistere, quod *contractus* vocentur pacta, quæ circa res & actiones in commercium venientes versantur, adeoque dominia & pretia rerum præsupponunt. Sed quæ circa alia ineuntur conventiones, communi *pactorum* vocabulo insigni-

\* Alii alias differentias inter contractus & pacta constituunt. HOBBS. *De Cive*, c. ii. § 9. VITRIARIJ Institut. *Jura. N. & G. L. II. c. xii. Qu. 2.* Sed ex jure Romano videntur tantum in eo differre, ut pactum sit *genus*, contractus *species*, Illud enim definire solent, *duorum pluriumve in idem placitum consensus*. Digest. L. II. tit. xiv. Sed conventiones, quæ pariunt actiones, in suo nomine non stant, sed transeunt in proprium nomen *contractus*, ut emptio, venditio, locatio, &c. *Digest. ibid.*

\* Conf. GROT. L. II. c. xii.

untur

untur <sup>1</sup>. Etsi ex hisce quibusdam promiscue <sup>Cap. 15.</sup>  
 pactorum & contractuum nomen tribuatur <sup>2</sup>.

II. CONTRACTUS dividi possunt in *bene-* <sup>Sunt du-</sup>  
*ficos* & *onerofos*. Illi alteri contrahentium <sup>plures, alii</sup>  
 parti gratis commodum aliquod afferunt; uti <sup>benefici,</sup>  
 mandatum, commodatum, depositum <sup>3</sup>. Hi <sup>alii oner-</sup>  
 utramque partem ad æquale onus adstringunt; <sup>cf. ii. § 8.</sup>  
 quippe in quibus eo fine præstatur aut datur  
 aliquid, ut tantundem recipiatur <sup>4</sup>.

III. HABENT autem hoc omnes contractus <sup>In onerosis</sup>  
*onerofos*, ut in illis servari *æqualitas* debeat, <sup>contracti-</sup>  
 seu ut uterque contrahentium tantundem nan- <sup>bis ser-</sup>  
 ciscatur: & ubi inæqualitas intervenerit, alteri, <sup>vanda æ-</sup>  
 qui minus accepit, nascatur jus ad postulan- <sup>qualitas.</sup>  
 dum, ut suppleatur quod sibi deest, aut ad <sup>c. iii. § 1.</sup>  
 contractum plane abrumpendum. Id quod  
 tamen in civitatibus potissimum obtinet, ubi  
 usu fori, aut lege, pretia rerum definiuntur.  
 Ad hanc autem æqualitatem inveniendam &  
 determinandam requiritur, ut utrique contra-  
 hentium res ipsa, circa quam contrahitur, cum  
 suis qualitibus, quæ aliquod momentum  
 heic habent, sit *cognita*. Unde &, qui per

<sup>3</sup> v. g. Si quis rem minoris vendat, animo beneficium  
 dandi; cujus exemplum vid. apud SÆTON. in *Jul.*  
*Cæs.*

<sup>4</sup> Quorum à jurisconsultis quatuor enumerantur  
 species. 1. *Do ut des*, ut pecuniam pro pecuniâ, vel  
 rem pro pecuniâ, vel usum rei pro re aut pecuniâ aut  
 usu rei. 2. *Facio ut facias*, cujus innumeræ sunt spe-  
 cies pro factorum varietate. 3. *Do ut facias*, ut pecu-  
 niam pro servitute. 4. *Facio ut des*, ut in conduccioni-  
 bus. *Digest.* L. XIX. tit. v. *Conf. GROT.* L. II. c.  
 xii. § 3.

Cap. 15. contractum rem in alterum est translaturus, indicare debet non solum qualitates rei æstima-  
biles, sed & earundem privationes, & vitia<sup>5</sup>. Citra hoc enim justum pretium constitui ne-  
quit. Etsi illas circumstantias, quæ per se rem non contingunt, indicare non sit necessum. Vitia autem utrinque jam nota non opus est indicari. Et qui sciens vitiosi quid comparat, habet quod sibi imputet.

*Erratum  
in ea; e-  
tiam citra  
culpam,  
corrigen-  
dum.  
c. iii. § 2.*

IV. EOUSQUE autem in hisce contractibus æqualitas est adhibenda, ut licet nihil diffi-  
mulatum sit, tamen si postea inæqualitas de-  
prehendatur, etiam citra culpam contrahen-  
tium, puta quia vitium latebat, aut in pretio  
est erratum, ea corrigenda sit; & demendum  
ei, qui plus habet, addendumque minus ha-  
benti

<sup>5</sup> Præceptum est in lege *Mosaicâ*. *Quum rem vena-  
lem vendideris quisque proximo suo, aut emeris e manu  
proximi tui, ne fraudem facito alter alteri. Levitic.  
xxv. 14.* Huic affine est illud *CICERONIS*: *Juris  
natura fons est neminem id agere, ut ex alterius prædetur  
inscientia. De Offic. III. xvii.* Omnem abesse diffi-  
mulationem à contractibus præcipit jus Romanum.  
*Dolum malum à se abesse præstare venditor debet, qui non  
tantum in eo est, qui fallendi causâ obscure loquitur: sed  
etiam qui insidiose obscure dissimulat. Digest. L. XVIII.  
tit. i.* Ac de jure prædiorum hoc sancitum esse testis  
est *CICERO*. *Quicquid esset in prædio vitii, id statue-  
runt si venditor sciret, nisi nominatim dictum esset præ-  
stari oportere. De Offic. III. xvi.*

<sup>6</sup> Ut legato, qui omnia ad præscriptum agere te-  
netur.

<sup>7</sup> Præclare *CICERO* de hac re disseruit. “ In priva-  
tis rebus si qui rem mandatam non modo malitiosus  
“ gessisset

benti. Etsi ad declinandam multitudinem li-  
tium leges civiles vix aliis quam enormibus  
Iæfionibus heic medeantur ; de cætero quem-  
que rerum suarum satagere jubeant.

V. *Contractus benefici* sunt præcipue tres : *Manda-  
tum est contractus  
benefici,  
& qualis?*  
Mandatum, Commodatum, & Depositum. *c. iv. § 1.*  
*Mandatum* est, quando quis gratis alterius  
negotia ipso requirente & committente ex-  
pedienda suscipit. Idque contingit *duplici*  
ratione, vel ut præscribatur ipsi modus rei  
expediendæ<sup>6</sup> ; vel ut is ejusdem judicio ac dex-  
teritati relinquatur. In hoc contractu uti  
summa cum fide & industria versandum est ;  
quippe cum nemo fere nisi amico, & de quo  
optime sentit, mandet<sup>7</sup> ; ita contra mandata-  
rius indemnis præstari debet a sumtibus in  
rem

“ gessisset sui quæstus aut commodi causâ, verum etiam  
“ negligentius ; eum majores summum admisisse dede-  
“ cus existimabant. Itaque *mandati* constitutum est  
“ judicium, non minus turpe quam furti. Credo prop-  
“ terea, quod quibus in rebus ipsi interesse non possumus,  
“ in his operæ nostræ *vicaria* fides amicorum  
“ supponitur : quam qui lædit, oppugnat omnium  
“ commune præsidium ; & quantum in ipso est, distur-  
“ bat vitæ societatem. Non enim possumus omnia  
“ per nos agere. Alius in aliâ est re magis utilis.  
“ Idcirco amicitie comparantur, ut commune com-  
“ modum mutuis officiis gubernetur. Quid recipi-  
“ dum conversurus es ? Cur mihi te offers, ac meis  
“ commodis, officio simulato, officiis & obitas ? Rece-  
“ de de medio : per alium transigam. Suscipis onus  
“ officii, quod te putas sustinere posse : quod mini-  
“ me videtur grave iis, qui minimè ipsi leves sunt.

A a

Ergo

Cap. 15. rem sibi commissam factis<sup>8</sup>: nec non a damnis,  
 in quæ ex causa mandati incidit, & quæ proprie ex ipsa re mandata profluxerunt<sup>9</sup>.

*Commodatum quale gratuitum usum no-  
 tet?*  
 c. iv. § 6.

VI. *Commodatum* est, quo rei nostræ usum alicui gratis concedimus. In quo observandum, ut quis eandem rem sollicitè & summa cum diligentia servet, tractetque: neque ipsam ad alios usus adhibeat, aut ulterius, quam commodans concessit: ac illæsam & prout accepta fuit restituat, nisi quantum per ordinarium usum eidem decessit. Quod si res ad certum tempus fuerit concessa, & interea dominus eadem valde indigere incipiat, ex casu aliquo tempore commodationis factæ non præviso; repetenti eadem citra tergiversationem erit restituenda. Quod si autem res commodata casu fortuito & improvise citra omnem commodatarii culpam perierit; ejus æstimatio non

---

“ Ergo idcirco turpis hæc culpa est, quod duas res  
 “ sanctissimas violat, amicitiam & fidem. Nam neque  
 “ mandat quisquam fere, nisi amico, neque credit nisi ei  
 “ quem fidelem putat. Perditissimè est igitur hominis,  
 “ simul & amicitiam dissolvere, & fallere aum, qui læsus  
 “ non esset nisi credidisset.” *Pro Sex. Rosc. c. xxxviii, xxxix.*

<sup>8</sup> Sic si à latronibus spoliatus sit, vel naufragium fecerit, mandans ad damnum refarciendum tenetur.

<sup>9</sup> Quæri solet, an negotio tibi dato & quid omnino faceres definito; contra quid facere debeas, si eo facto videri possit res eventura prosperius exque utilitate ejus, qui tibi id negotium mandavit? De quâ quæstione vid. A. GELL. N. A. L. I. c. xiii. Hanc sic accuratè dirimit noster. “ Distinguendum est inter mandatum, “ quod per imperium superioris, & quod ex contractu ultroneo suscipitur. In privatis negotiis facile “ et



non erit solvenda, ubi eadem apud dominum Cap. 15.  
quoque peritura fuerat. Alias æquum vide-  
tur commodatarium æstimationem rei præstare,  
quippe quam dominus amissurus non fuerat,  
ni adversus alterum benignus fuisset <sup>10</sup>. Vice  
versa, si quid utilium aut necessariorum im-  
pensarum in rem commodatam factum sit ex-  
tra eas, quæ alias usum rei regulariter comi-  
tantur, id a domino refundendum erit.

VII. *Depositum* est, quo rem nostram, aut *Depositum*  
ad nos quocunque modo spectantem alterius <sup>natura, &</sup>  
fidei committimus, ut eandem gratis custodiat. <sup>officia</sup>  
In quo requiritur, ut res concredita diligenter <sup>circa illud.</sup> c. iv. § 7.  
custodiatur, & quodocunque deponenti pla-  
cuerit restituatur; nisi ea restitutio domino  
aut aliis noxia sit futura, eoque intuitu diffe-  
renda sit <sup>11</sup>. Neque licebit re deposita citra  
consensum domini uti, siquidem ea ullo modo  
per

“ est, ut modus expediendi negotium alteri præsuma-  
“ tur præscriptus duntaxat in vicem consilii, in quo  
“ immutando prudentiæ mandatarii locus est relictus.  
“ At vero qui pro imperio aliquid alteri mandat, non  
“ censetur ipsi nisi meram executionem injunxisse, ide-  
“ oque non licebit à modo præscripto discedere.”  
*De Jure N. & G. L. V. c. iv. § 5.*

<sup>10</sup> Sic statuunt jurisconsulti Romani. “ Si commo-  
“ davero tibi equum, quo uteris usque ad certum  
“ locum, si nullâ culpâ tuâ interveniente in ipso itine-  
“ re deterior equus sit, non teneris commodati: nam  
“ ego in culpa ero, qui in tam longum iter commoda-  
“ vi, qui eum laborem sustinere non potuit.” *Digest.*  
L. XII. tit. vii. l. 23.

<sup>11</sup> Tempora enim incidere possunt in quibus deposti-  
tum reddere non debemus; ut si quis nante caput  
gladium

Cap. 15. per usum fiat deterior, aut domini interfit ne ea conspiciatur. Ac si quis hoc ausus fuerit, quævis pericula, in quæ res ob usum incidit, præstabit. Sed nec licet rem depositam exuere illis vinculis aut receptaculis, quibus a deponente fuit inclusa. Cum autem valde turpe sit & scelerius furto, depositum abnegare; tum id multo est turpius, si quis inficiatus fuerit depositum miserabile, seu quod ob periculum incendii, ruinæ, tumultus deponitur. Vicissim a deponente sumtus in rem depositam facti sunt refundendi.

*Contractuum onerosorum primus, permutatio.* VIII. INTER *contractus onerosos* antiquissimus fere, & quo solo ante inventum nummum commercia expediebantur, est *permutatio*, qua utrinque res pro re æquivalente datur. Et si & hodie post inventam pecuniam inter mercatores cum primis usitatum sit genus permutationis, quo non simpliciter res inter se comparantur, sed prius pecunia taxantur, & deinde loco pecuniæ invicem traduntur. Diversum tamen negotii genus a contractu permutationis est *reciproca donatio*; in qua ut æqualitas observetur necessum non est.

*Emtio, venditio, eique adjici solita pacta.*

IX. *Emtio venditio* est, qua pro pecunia rei  
 c. v. § 2. gladium requirat. SENECA. *De Benefic.* IV. x. “ De-  
 “ positum reddere per se res expetenda est; non tamen  
 “ semper reddam, nec quolibet loco, nec quolibet  
 “ tempore. Aliquando nihil interest, utrum inficiet,  
 “ an palam reddam. Intuebor utilitatem ejus cui  
 “ redditurus sum, & nociturum illi depositum per-  
 “ gabor.”

ali-

alicujus dominium, aut eidem æquipollens jus  
adquiratur. Ejus simplicissimum genus est, si  
ubi in pretium fuit consensus, emtor statim  
pretium, venditor mercem offerat, tradatque.  
Frequenter tamen ita convenitur, ut merx  
quidem statim tradatur, pretium autem post  
certum intervallum sit solvendum<sup>12</sup>. Aliquan-  
do super pretio quidem convenitur, sed ut tra-  
ditio rei seu mercis ad certum terminum de-  
beat fieri. Ubi æquitati conveniens videtur,  
ut ante elapsum eum terminum res sit pericu-  
lo venditoris : sed si post eum elapsum emtor  
in mora fuerit, quo minus eam sibi tradi cu-  
rarit, emtori deinceps res peribit<sup>13</sup>. Solent &  
*emtio & venditionis* contractui varia pacta ad-  
jici : uti est *addictio in diem*, qua res ita ven-  
ditur, ut liceat venditori meliorem conditio-  
nem, ab altero intra certum tempus oblatam,  
acceptare<sup>14</sup>. Item *lex commissoria*, quando ita  
convenit, ut si ad certum diem pretium non  
solvatur, res sit inempta<sup>15</sup>. Item *retractus*,  
seu pactum de retrovendendo ; quod vel ita  
concipitur, ut si pretium intra certum tempus  
aut quodocunque offeratur, emtor rem te-

---

<sup>12</sup> Emtio & venditio contrahitur, simul atque de  
pretio convenerit, quamvis nondum pretium numerat-  
um sit, ac ne arrha quidem data fuerit. *Instit.* L.  
III. tit. xxiv.

<sup>13</sup> Vel venditori, si ipse in morâ fuerit. TRE-  
VER.

<sup>14</sup> *Digest.* L. XVIII. tit. ii.

<sup>15</sup> *Ibid.* tit. iii.

Cap. 15. neatur venditori restituere<sup>16</sup>; vel ut si res offeratur, venditor pretium teneatur restituere<sup>17</sup>; vel ut si emtor ultro sit iterum venditurus, prior venditor ad emendum præ cæteris admitatur: quod etiam dicitur jus *προτιμήσεως*<sup>18</sup>. Sic & frequens est, ut ex prædiis venditis aliquam sibi particulam, aut certum ejus usum recipiat venditor. Est quoque emtionis genus, quod vocant *per averfionem*, quando multæ res disparis pretii non sigillatim æstimatæ, sed conjunctim & velut confusæ taxatæ emuntur. In eo modo venditionis, quæ vocatur *αυτίο*, res demum illi addicitur, qui ex pluribus licitantibus plurimum obtulerit. Est denique & genus emtionis, quo non certa res, sed probabilis tantum *spes* emitur; cui aleæ quid est admixtum, sic ut neque emtor, si spes fefellerit, neque venditor, si ea multum supra fuerit, queri debeat.

*Locatio conductio, Et quæ in ea observanda?*  
c. vi.

X. *Locatio conductio* est, qua pro mercede alicui usus rei, aut opera addicitur<sup>19</sup>. In qua licet regulariter in antecessum de mercede soleat conveniri: tamen si quis citra definitam prius mercedem alteri operam aut usum suæ rei addixerit, censetur id expectare quantum

<sup>16</sup> *Cod. L. IV. tit. liv.*

<sup>17</sup> *Ibid.*

<sup>18</sup> Quod in linguâ vernaculâ vocamus, *The Refusal*. e. g. Qui fundum vendidit, ut eum certâ mercede conductum ipse habeat; vel si vendat, non alii sed sibi distrahatur, vel simile aliquid paciscatur: ad complendum id quod pepigerunt ex vendito agere poterit; *Digest. L. XVIII. tit. i. l. 75.*

communis usus aut conductoris æquitas tulerit<sup>19</sup>. Circa hunc contractum observandum, si res locata plane perierit, ex eo tempore conductorem ad mercedem seu pensionem non amplius teneri. Quod si res locata certum ac definitum habeat usum ; uti dominus eam præstare debet, quo ei usui sit idonea : ita si illa detrimenti quid ceperit, conductor de pensione detrahit, quantum usui rei decesserit. Sed si rei locatæ proventus sit incertus, & aliquid aleæ contineat ; uti exuberans proventus conductoris lucro, ita malignus ejusdem damno est ; nec stricto jure de pensione ob sterilitatem quidquam detrahendum ; præsertim cum unius anni sterilitas alterius ubertate soleat pensari. Nisi casus, qui proventum interceperint, rariore fuerint, & de quorum alea in se suscipienda conductor non cogitasse præsumitur. Hos enim ad pensionem minuendam, aut remittendam valere utique æquum est. Cæterum uti qui rem aliquam alteri locavit, præstare tenetur, ut ipsa usui sit habilis, impensasque necessarias tolerare : ita conductor ad boni patrisfamilias modum eadem uti, & quæ ipsius culpa perdita fuerunt, restituere debet. Et qui opus faciendum conduxit, quod sua

<sup>19</sup> Locatio & conductio proxima est emtioni & venditioni ; iisdemque juris regalis consistit. *Instit. L. III. tit. xxv.*

<sup>20</sup> Conductio tacito consensu fieri potest. Sic qui impleto tempore conductionis remansit in conductione, reconduxisse videbitur. *Digest. L. XIX. tit. ii.*

Cap. 15. culpa corruptum est, itidem præstat. Qui  
momentaneam suam operam alicui locavit, ubi  
eam quocunque casu præstare impeditus fue-  
rit, mercedem petere non potest. Sed qui  
continuum alicujus operam conduxit, ubi is  
morbo aut alio casu per modicum tempus ad  
operam inutilis fuerit factus, inhumaniter ip-  
sum vel plane sua functione dejicit, vel de pen-  
sione quid eidem detrahit.

*Mutuum,  
tum gra-  
tuitum,  
tum etiam  
usura.  
c. vii:*

XI. IN contractu *mutui* datur alicui res  
fungibilis ea lege, ut is post intervallum idem  
genus reddat in eadem quantitate & qualitate.  
Vocantur autem res, quæ mutuo solent dari,  
*fungibiles*, seu quæ functionem in suo genere  
recipiunt, ideo, quia quodlibet ex isto genere  
vicem alterius ita subire potest, ut qui ex eo-  
dem genere, eadem quantitate & qualitate re-  
ceperit, idem quod dedit recepisse dicatur.  
Eadem quoque respondere, numero, & men-  
sura determinantur, & specificantur: quo re-  
spectu etiam quantitates solent adpellari, spe-  
ciebus

---

<sup>21</sup> Neque obstant leges divinæ, quæ *usuras* prohibere  
videntur, apud *Exod.* xxii. 25. *Levit.* xxv. 36. *Deuter.*  
xxiii. 19. uti ostendit BUDDEUS. *Theol. Mor.* P. II.  
c. iii. S. v. § 28. Nam ob terræ canaaniticæ conditio-  
nem, aliasq; rationes Deo causæ justissimæ erant, cur  
*Israelitis* omnes cujuscunque generis *usuras* a *fratribus*  
accipere prohiberet. Sed generatim ad omnes homines  
hoc extendendum non esse patet ex *Deuter.* xxiii. 20.  
quod tamen non de præcepto, sed de permissione  
tantum est intelligendum; ab alienigenis scil: illis li-  
citum esse *usuras* accipere. *Usuræ* vero intelligun-  
tur, quæ charitati & æquitati naturali non repugnant:  
cum

ciebus contradistinctæ. Cæterum datur aliquid Cap. 15.  
 mutuo vel gratis, ita ut non plus, quam datum  
 fuit, recipiatur; vel cum aliquo emolumento,  
 quod *usuræ* vocabulo insignitur. Quæ nihil  
 habet naturali juri repugnans, siquidem fue-  
 rit modica, & respondens lucro, quod alter ex  
 pecunia, aut alia re credita facit; meoque  
 damno, aut lucro cessanti, quod ex absentia  
 rei meæ capio; & ubi non exigatur ab homi-  
 nibus tenuibus, apud quos mutuum vicem e-  
 leemosynæ subit <sup>21</sup>.

XII. IN contractu *societatis* duo pluresve *Societas,*  
 inter se pecuniam, res, aut operas conferunt *cujusque jura*  
 eo fine, ut quod inde redit lucri inter singulos *ra & condi-*  
 pro rata dividatur; & si quid damni capiatur *ditiones,*  
 id simili modo a singulis pro rata feratur. In *c. viii.*  
 qua societate, uti officii est fidem & indus-  
 triam adhibere <sup>22</sup>; ita ex illa intempestive &  
 in fraudem socii discedi non debet. Cæterum  
 societate soluta, quilibet post detractum lu-  
 crum aut damnum, quantum intulit, recipit.  
 Quod

cum nec peregrinum opprimere fas sit, ipsos *Israelita*,  
 hujus officii admonente Deo, *Exod. xxiii. 9.* Sunt  
 qui generale Salvatoris nostri præceptum, [*ἵνα μὴ ὡς οἱ Ἰσραηλῖται* *Luc. vi. 35.*] quasvis usuras pro-  
 hibere existimant. Sed manifestò constat hic non de  
 mutuo officioso, sed de eleemosynis sermonem esse;  
 adeoque ad usuras compensatorias & negotiatorias  
 hæc verba minimè trahenda esse.

<sup>22</sup> " In rebus minoribus socium fallere turpissimum  
 " est: neque injuriâ, propterea quod auxilium sibi se  
 " putat adjunxisse, qui cum altero rem communicavit.  
 " Tecti esse ad alienos possumus, intimi multa aper-  
 " iora

**Cap. 15.** Quod si autem unus pecuniam aut rem, alter operam contulerit, videndum est, quo modo facta sit collatio. Quando enim alterius opera tantum versatur circa istius pecuniam aut rem tractandam aut distrahendam, partes lucri ita definiuntur, prout sese pecuniæ aut rei emolumentum ad pretium operæ habet, & fors salva est, ac perit ei qui contulit. Quando autem opera impenditur ad meliorandam rem ab altero collatam, iste pro ratione meliorationis in ipsa quoque re partem habere intelligitur<sup>23</sup>. Ast ubi omnium bonorum societas est inita, singuli focii, uti quæ lucrantur fideliter conferre debent; ita contra ex communi massa pro ratione conditionis suæ singuli sustentandi. Soluta autem societate, divisio bonorum sit pro ratione eorum, quæ singuli in societatem initio intulerunt; non attendendo, per  
cujus

“ tiora videant, necesse est; socium vero cavere qui  
 “ possumus? Quem etiam si metuimus, jus officii læ-  
 “ dimus. Recte igitur majores eum, qui socium se-  
 “ sellisset, in virorum bonorum numero non putarunt  
 “ haberi oportere.” *Pro. S. Roscio*, c. xl.

<sup>23</sup> “ Conveniens est viri boni arbitrio, ut non utique  
 “ ex æquis partibus focii simus, veluti si alter plus  
 “ operæ, industriæ, pecuniæ in societatem collaturus  
 “ sit.” *Digest.* L. XVII. tit. ii. l. 6.

<sup>24</sup> Sic ex legibus quarundam civitatum omnis vis ob-  
 ligandi sponsonibus fortuitis detrahitur, uti inter mer-  
 catores Amstelodamenses (teste Ev. OTTONE *in loc.*)  
 & in Anglia, *actio* de lucro, quod aleæ quæsitum est,  
 (nisi exiguum sit) irrita est. Romæ quidem & in aliis  
 bene moratis civitatibus aleatores lucri faciendi causâ  
 merito infamiâ notati sunt. Vid. *Cic. Philipp.* ii. 23.  
 ad



cujus bona societati lucrum aut damnum pro-Cap. 15.  
 venerit ; nisi aliter sit conventum.

XIII. DANTUR quoque complures *contrac-* *Sponso, lu-*  
*tus qui aleam continent.* Quos inter referre *us fortui-*  
 possis *sponsiones*, quando eventus alicujus, non- *tus, olla*  
 dum utrinque notorii, existentiam alter affir- *fortune,*  
 mat, alter negat, certo pretio utrinque depo- *asscura-*  
 sito, quod illi cedat, cujus assertioni eventus *tio.*  
 congruere deprehensus fuerit. Huc pertinent *c. ix.*  
 omnia *ludorum* genera, in quibus aliquo pre-  
 tio certatur. Inter quos tamen minus aleæ  
 habent, qui certamen ingenii, dexteritatis, fo-  
 lertiae aut roboris continent. In quibusdam  
 ingenium & alea pari vigore sese exserit. In  
 aliis denique alea prædominatur. Et recto-  
 rum civitatis fit despiciere, quousque ex usu pub-  
 lico aut singulorum fit, ejusmodi contractus to-  
 lerari <sup>24</sup>. Huc spectat *lotaria* <sup>25</sup>, quando plures  
 de re, quam collatitia pecunia emunt, post sorte  
 decer-

---

*ad Attic. i. 16.* Diversæ de ludis, qui sortem suppo-  
 nunt, virorum doctorum sunt sententiae. Sunt, qui  
 eos omnes omnino damnant, inter quos censendus est  
 cel. BUDDEUS. *Theol. Moral. P. II. c. iii. S. v. § 26.*  
 Alii eos, qui recreationis saltem causâ instituuntur,  
 haud illicitos esse judicant, si modo abusus absint. In  
 horum censum veniunt PLACETTE *des Jeux de hazard,*  
 & *Barbeyrac in traité du Jeu.* Me quidem iudice,  
 iudis uti ( in quibus certamen est ingenii, vel fortunæ )  
 animi recreandi gratiâ licet ; sed ( ut recte nos monet  
 CICERO ) “ sicut somno & quietibus cæteris, tum cum  
 “ gravibus feriisque rebus satisfecerimus. — Et luden-  
 “ di quidam est modus retinendus, ut ne nimis omnia  
 “ profundamus, elatique voluptate in aliquam turpi-  
 “ tudinem delabamur.” *De Offic. I. xxix.*

<sup>25</sup> Genus ludi, quod nostrates vocant, *Raffing.*

Cap. 15. decernunt, cui soli ea tota debeat cedere. Item *olla fortunæ* <sup>26</sup>, quando dejecto in urnam certo tesserarum seu schedularum numero inscriptarum & inanum, pretio redimitur facultas easdem extrahendi, ita ut extrahens id accipiat, quod illarum inscriptio præ se fert. Hisce contractibus affinis est *asscuratio*, seu contractus periculi avertendi & præstandi, quo quis certa pecunia accepta in se suscipit & præstat pericula, quæ subituræ sunt merces in alia loca transportandæ; ita ut si has interire contigerit, asscurator earundem pretium domino restituere teneatur.

*Fideijussio* XIV. Ad maiorem firmitatem & securitatem contractibus frequenter solent adjici *fideijussiones* & *pignora*. In *fideijussione* alius homo, qui creditori idoneus judicatur, principalis debitoris obligationem velut in subsidium in se suscipit, ita ut nisi iste solvat, hic ipsius vices subeat: ut tamen quod erogavit, a principali debitori ipsi refundi debeat <sup>27</sup>. Etsi autem ad maiorem summam fidejussor, quam debitor

<sup>26</sup> Linguâ vernaculâ, *Lottery*.

<sup>27</sup> "Solent autem alii pro aliis sese obligare triplicibus potissimum in negotiis. 1. In obligationibus circa præstandas res & actiones pretio æstimabiles, maximè inter privatos. 2. In criminibus, quod reus sententiam in se latam sit subiturus; qui proprio vocabulo vocantur *vades*. 3. In obligationibus publicis, quibus cavetur per sponsores & obsides."

PUF. *De Jure N. & G. L. V. c. x. § 9.*

<sup>28</sup> Sic statuunt jurisconsulti: "Fidejussores ita obligari non possunt, ut plus debeant, quam debet is, pro quo

debitor principalis teneri non possit ; non ta-  
 men repugnat istum, quam hunc arctius tene-  
 ri ; quippe cum huic plus quam illi, fidei  
 fuerit habitum <sup>28</sup>. Naturaliter tamen princi-  
 palis debitor prius, quam fidejussor est appel-  
 landus, nisi hic istius obligationem plane in  
 se receperit <sup>29</sup> ; qui *expromissor* vocari solet.  
 Quod si plures pro uno fidejusserint, pro rata  
 duntaxat erunt singuli conveniendi ; nisi forte  
 quis eorum solvendo non sit, aut ejusdem con-  
 veniendi non detur facultas. Tunc enim re-  
 liqui hujus portione onerabuntur.

XV. SÆPE quoque solet creditori in secu-  
 ritatem crediti tradi aut assignari a debitore  
 certa quæpiam res *Pignoris* aut *Hypothecæ*  
 nomine, quousque istud fuerit exsolutum. Cu-  
 jus finis est non solum, ut debitor ad solven-  
 dum urgeatur desiderio rei suæ recuperandæ :  
 sed & ut in promptu sit, unde sibi solvatur.  
 Inde regulariter & pignora tanti aut majoris  
 esse solent, quam ipsum debitum. Cæterum  
 res, quæ pignori opponuntur, sunt vel *fructuo-*  
*se,*

“ quo obligantur. Nam eorum obligatio accessio est  
 “ principalis obligationis ; nec plus in accessione po-  
 “ test esse, quam in principali re. At ex diverso ut  
 “ minus debeant, obligari possunt. Itaque si reus  
 “ decem aureos promiserit, fidejussor in quinque  
 “ recte obligatur ; contrà verò obligari non potest.  
 “ Item si ille purè promiserit, fidejussor sub conditio-  
 “ ne promittere potest : contrà verò non potest.”  
*Instit. L. III. tit. 21.*

<sup>29</sup> Sed ex jure Romano potestas est creditori, relin-  
 q̃endo, eligendi fidejussores ; nisi inter contrahentes aliud  
 placitum

Cap. 15. *sc.* vel *steriles*. Circa priores sæpe adjici solet pactum ἀντιχρήσιος<sup>30</sup>, seu ut creditor loco usuræ fructus istius pignoris percipiat. Circa posteriores autem *lex commissoria*, ut nempe pignus cedat creditori, ubi intra certum tempus solutio non sit facta<sup>31</sup>. Id quod naturaliter iniquum non est, ubi pignus pluris non est, quam debitum, & usura intermediū temporis; aut si quod excedit, domino restituatur. Uti autem creditor pignus solutione facta debet restituere: ita interea non minorem, quam propriis rebus illi custodiam debet: & ubi pactum *antichreticum* non accesserit, fitque talis res, quæ usu atteratur, aut si debitoris ullo modo interfit, invito hoc eadem uti non potest. Differt hypotheca a pignore, quod hoc constituatur rei traditione; hæc autem, re non tradita, constat nuda assignatione rei imprimis immobilis, ex qua, solutione non facta, creditor suo credito potiri queat<sup>32</sup>.

**Contrahentium officia.** XVI. CÆTERUM quænam contrahentium sunt officia, ex fine & natura horum contractuum liquido adparet.

placitum doceatur. *Cod. L. VIII. tit. xli. Conf. PUF. De Jure N. & G. L. V. c. x.*

<sup>30</sup> ἀντιχρήσιος est mutuus pignoris usus pro credito. *Digest. L. XX. tit. i.*

<sup>31</sup> Cujus hanc rationem reddunt jurisconsulti quod in hoc casu quodammodo conditionalis sit venditio. *Digest. ubi supra, l. 16. § 9.*

<sup>32</sup> Hanc linguā vernaculā dicimus, *a Mortgage*; illud vero, *a Pawns*.

C. A. P.

## C A P. XVI.

QUIBUS MODIS SOLVANTUR OBLIGATIONES QUÆ EX PACTIS ORIUNTUR.

I. **I**NTER modos solvendi obligationes *Obligatio ex pacto solvitur.*  
 ex pactis oriundas, quibusque adeo officia inde promanantia plane expirant, maxime naturalis est *expletio* aut solutio *ejus, de quo fuit conventum*<sup>c. xi. § 1.</sup>. Ubi licet regulariter is, qui debet,olvere teneatur: tamen si præstatio fiat ab alio, nomine ejus, qui obligationem contraxit, hæc dissolvitur: siquidem alias nihil interfit, abs quo *expletio* fiat<sup>2</sup>. Ita tamen ut qui pro altero animo non donandi solvit, ab hoc quod erogavit repetere queat. Solvendum præterea ei cui debetur, aut quem hic delegavit, ut ipsius nomine debitum recipiat. Et denique illud ipsum præstandum, aut solvendum, de quo conventum fuit; non aliud  
 ejus

<sup>1</sup> *Tollitur omnis obligatio solutione ejus quod debetur.*  
 Instit. L. III. tit. xxx.

<sup>2</sup> Quisolvere debet, aut potest, & cui aut quid solvendum est, omnino ex naturâ conventionis judicandum est. " Si navem à se fabricandam quis promiserit, vel insulam ædificandam, fossamve faciendam, & hoc specialiter actum est, ut suis operis id perficiat: fidejussor ipse ædificans vel fossam fodiens, non consentiente stipulatore, non liberabit reum." *Digest.* L. XLVI. tit. iii. l. 31. Ratio ibidem allata est, propterea.

Cap. 16. ejus loco : integrum, non mutilum, non pars duntaxat, non divisum, loco itidem & tempore convento. Et si sæpe humanitas creditoris aut impotentia debitoris subigat terminum solutionis prorogare, aut diffindere, vel etiam aliud pro alio accipere.

*Aut compensazione, compendii causa :* **II. TOLLUNTUR** quoque obligationes *compensatione,* quæ est crediti & debiti inter se contributio, seu quando debitor ideo liberatur, quia eidem ipse creditor rem ejusdem generis, & quæ tantidem est, vicissim liquido debet<sup>3</sup>. Cum enim imprimis in rebus fungibilibus tantundem sit idem ; & vero ubi mutuum est debitum, mihi statim tantundem esset reddendum, atque ipse accepi : igitur declinandis inutilibus solutionibus commodissimum est utrumque suum retinendo solutione fungi. Patet autem compensari proprie posse res fungibiles ejusdem generis, quarum solvendarum tempus præsens est, aut præterit ; non alias res aut præstationes diversæ naturæ<sup>4</sup> : nisi

---

propterea quod inter artifices longa differentia est & ingenii & naturæ & doctrinæ & institutionis.

<sup>3</sup> “ Justitia expletrix, quoties ad idem non potest pertingere, fertur ad tantundem, quod est morali ælimatione idem.” GROT. *De Jure B. & P.* Lib. II. c. viii § 2.

<sup>4</sup> Non tantum ejusdem generis, sed æquè bonæ reddi debent. Sic jubet jus Romanum : *Non licet debitori deteriorem rem, quæ ex eodem genere sit, reddere ; veluti vinum novum pro veteri.* Digest. L. XII. tit. i.

<sup>5</sup> “ Acceptilatio est imaginaria solutio. Quod enim ex verborum obligatione Titio debetur, si id velit Titius remittere, poterit sic fieri, ut patiatu

“ torem

nisi forte illæ utrinque in sui æstimationem, Cap. 16. seu in pecuniam resolvantur.

III. TOLLITUR quoque obligatio *condonatio* seu remissione ejus, cui quid debebatur, *Aut condonatione*, & cujus interest obligationem fuisse expletam. *seu expressa, seu tacita*. Ea solet fieri vel expresse per adhibita signa: consensum testantia, puta, data acceptilatione<sup>5</sup>, redditis aut abolitis chirographis; vel tacite, si quis ipse impediatur, aut in causa sit, quo minus, quod sibi debetur, possit præstari<sup>6</sup>.

IV. SOLENT quoque solvi obligationes, quæ *Aut, re* utriusque partis præstatione constant, re adhuc integra, *Mutuo dissensu*; nisi leges positivæ id prohibuerint<sup>7</sup>. Ubi autem ab altera *Aut, re* parte jam quid sit præstitum, accedat oportet vel hujus condonatio, vel ut alia ratione id sarciantur<sup>8</sup>.

V. PRÆTEREA non tam solvitur, quam *Abrumpitur* obligatio, alterius partis *perfidia*. *Quando* *tio alterius perfidia*.  
c. xi. § 9.

“torem hæc verba dicere: *Quod ego tibi promisi, habesne acceptum?* Et Titius respondeat, *Habeo.*”

<sup>6</sup> Exempli causâ: “Si cum aliquo ita mihi convenit, quod ipsum sim admoniturus, ubi opera erit obeunda, admonitione à me omiſſâ istam censebor remiſſiſſe. Ubi etiam quando alium ejusdem vices obituro substituturo.” PUFEND. *De Jure N. & G. L. V. c. xi. § 7.*

<sup>7</sup> Ut in contractibus matrimonialibus, si modo non detur consummatio.

<sup>8</sup> Eæ obligationes, quæ contrahuntur consensu, contrariâ voluntate dissolvuntur. Nam & Titius & Seius

B b

inter

Cap. 16. Quando enim unus non præstat, de quo est conventum, neque alter tenetur præstare, quod intuitu istius præstationis recipit<sup>9</sup>. Nam capita præstandorum in pactis priora posterioribus insunt per modum conditionis, quasi ita dictum foret; Præstabo, si tu præstiteris prius.

*Exspirat, mutato statu in quo fundatur;* VI. EXSPIRANT quoque obligationes, quando *statum*, in quo *cæ* tum unice fundabantur, *mutaverit* vel ille, qui præstare, vel is, cui præstari debebat<sup>10</sup>.

*Aut lapsa tempore, à quo suspensa fuit;* VII. IPSO tempore expirant obligationes, quarum duratio a puncto aliquo temporis suspensa fuit; nisi expressa aut tacita partium conventionione illa prorogata fuerit. Necessum est tamen, ut intra illud tempus facultas exigendi obligationem extiterit<sup>11</sup>.

*Morte quoque, nisi obset pecuniæ ratio.* VIII. MORTE denique solvuntur obligationes in persona alicujus radicatæ. Subjecto quippe

c. xi. § 11.

inter se consenserint, ut fundum Tusculanum emptum Seius haberet centum aureis; deinde re nondum secutâ, id est, neque pretio soluto neque fundo tradito, placuerit inter eos, ut discederetur ab eâ emptione & venditione, invicem liberantur. *Instit.* L. III. tit. xxx. § 4. Sed non poterimus eâdem ratione uti post pretium solutum emptione repetitâ, cum post pretium solutum infectam emptionem facere non possumus. *Digest.* Lib. XVIII. tit. 5.

<sup>9</sup> Frustra sibi fidem quis postulat ab eo servari, cui fidem à se præstitam servare recusat. *Decret.* L. VI. tit. ult.

<sup>10</sup> Exempla sunt in manumissis, emancipatis, tutoribus, &c. qui depositâ conditione, vel munere pristino, ad specialia non ampliùs obligantur. *Conf. Digest.* L. XLVI. tit. iii,

sublato,



sublato, accidentia quoque extinguere necessarium est. Sæpe tamen in superstitionibus defunctorum obligatio continuatur. Idque vel quia superstes ex officio pietatis, aut alias ob rationes defuncti obligationes explendas in se suscepit; vel quia ex defuncti bonis obligationi erat satisfaciendum, quæ cum isto onere in hæredem transferunt.

IX. PER *delegationem* substituit quis creditori suo consentienti debitorem suum, ut hic loco ipsius debitum suum exsolvat <sup>12</sup>. Ubi creditoris quidem consensus requiritur, non autem tertii istius debitoris, quem etiam igno-<sup>Delegatio per substitutum debitorem</sup>rum & invitum alteri volenti delegare possum <sup>13</sup>. Nam nihil interest, utri quis solvat: multum autem, a quo quis debitum exigat <sup>14</sup>.

C A P.

<sup>11</sup> Hoc autem non fit naturaliter, sed ex jure civili. Tempus nihil agit, nisi in ipsâ conventionem expresse stipulatur: ut si hæc expressa sit conditio: *nisi intra triennium repeteres, debitum non solvam*. Sic moris est, ut fidejussor ad certum duntaxat tempus sese obliget; eo nimirum fine, ut maturè, quamdiu adhuc solvendo est, debitorem creditor urget; ne in infinitum iste obstrictus hæreat.

<sup>12</sup> Delegare est vice suâ alium reum dare creditori, vel cui jusserit. *Digest.* L. XLVI. tit. ii. l. ii.

<sup>13</sup> Delegatio debiti, nisi consentiente & stipulante promittente debitore, jure perfici non potest. *Cod.* L. VIII. tit. xlii.

<sup>14</sup> Hisce modis obligationes solvendi duos alios addit jus Romanum, *Confusionem* sc. & *Novationem*. 1. Additio hæreditatis nonnunquam jure confundit obligationem; veluti si creditor debitoris vel contra debitor creditoris adierit hæreditatem. *Digest.* L. XLVI.

B b 2

tit.

## C A P. XVII.

## DE INTERPRETATIONE.

*Officio ser-  
vit recta  
verborum  
interpreta-  
tio.*

*L.v.c. 12.*

**I**T A quidem est, ut neque in illis, quæ imperio injunguntur, quis ulterius obligetur, quam hic voluit; neque ad quæ quis ultro sese adstringit, ulterius teneatur, quam ipse voluit. Quia tamen de voluntate hominis alter homo judicare non potest, nisi ex actibus & signis in sensus incurrentibus; inde demum *in id quilibet obligari in foro humano censetur, quod recta signorum interpretatio suggeret*<sup>1</sup>. Unde tam ad leges quam ad pacta rite intelligenda, & exinde officio explendo plurimum prodest *regulas bonæ interpretationis circa verba* potissimum, tanquam communissimum signum, constitui<sup>2</sup>.

*Verba popularia accipienda populari usu.*

*c. xii. § 3.*

**II.** DE *verbis popularibus* hæc est regula: Verba regulariter intelligenda sunt in proprio suo & famoso significato, quem ipsis imposuit non tam proprietas aut analogia grammatica

tit.iii.l.95. 2. *Novatio* est prioris debiti in aliam obligationem, vel civilem vel naturalem, transfusio atque translatio: hoc est cum ex præcedenti causâ ita nova constituitur, ut prior perimatur. Novatio enim à novo nomen accepit, & à novâ obligatione. *Digest. L. XLVI. tit. ii.*

aut derivationis conformitas, quam popularis Cap. 17.  
usus ;

*Quem penes arbitrium est, & jus & norma  
loquendi*<sup>1</sup>.

III. *Vocabula artium* explicanda sunt secundum definitiones prudentum cujusque artis. *Vocabula artium*  
Quod si vocabula artium a diversis diversimode *juxta definitiones.*  
definiantur, ad lites præscindendas facit, popularibus verbis exprimere, quid per eas  
voces intelligamus. c. xii. § 4.

IV. *Conjecturis* autem ad eruendum genuinum sensum opus est, si vel verba simplicia, *Conjecturae locus in ambiguis aut pugnantibus.*  
aut verborum complexio sint *ambigua* ; aut si partes quædam orationis sibi invicem *videantur repugnare*, ut tamen dextra explicatione  
adhibita conciliari invicem possint. Nam ubi certa & manifesta est repugnantia, posterius  
derogabit prioribus 4. c. xii. § 6.

V. CONJECTURÆ voluntatis, rectique sensus in sermone ambiguo aut intricato petuntur *Conjecturae formanda ex substrata materia, ex effectu, ex subiecta materia ;*  
potissimum *ex substrata materia, ex effectu, ex subiecta materia ;*  
& *conjunctis*. Circa materiam hæc est regula ; c. xii. § 7.  
verba regulariter sunt intelligenda secundum substratam materiam. Nam semper illi, qui locutus est, materia, de qua sermo institutus

<sup>1</sup> Valere etiam hanc regulam coram tribunali divino decernit BARBEYRAC.

<sup>2</sup> Conf. GROT. *De Jure B. & P.* L. II. c. xvi.

<sup>3</sup> HORAT. *Ars Poet.* v. 73. De regulis interpretandi vid. CLERICI *Art. Critic.* P. II.

<sup>4</sup> *Ubi duæ contrariæ leges sunt, semper antiquæ abrogat novæ.* LIV. ix. 34.

Cap. 17. est, ob oculos versari præsumitur; ideoque  
 { semper ad eandem sententia verborum adtem-  
 peranda <sup>5</sup>.

*Aut ex ef-  
fectu &  
consequen-  
tibus;* VI. DE *effectu & consequentibus* hæc est  
 regula: Ubi verba crude & simpliciter accep-  
 ta vel nullum, vel absurdum aliquem effectum  
 c. xii. § 8. post se essent tractura, a receptiori sensu paulif-  
 per deflectendum <sup>6</sup>, quatenus nullitatis aut  
 absurditatis vitandæ necessitas requirit <sup>7</sup>.

*Aut ex con-  
junctis, vel  
loco, vel  
origine.* VII. Ex *conjunctis* validissimæ sumuntur con-  
 jecturæ; quia regulariter quilibet sibi constare  
 præsumitur. *Conjuncta* sunt vel loco, vel tan-  
 c. xii. § 9. tum origine. De prioribus hæc est regula: Si  
 sensus in ejusdem sermonis loco aliquo plane &  
 perspicue sit expressus, obscuriores locutiones  
 ex illis planis sunt interpretandæ. Cui vicina  
 est altera: In omni sermone interpretando ac-  
 curate ad antecedentia & consequentia est at-  
 tendendum, quibus interjecta attemperari & re-  
 spondere præsumuntur. De posterioribus au-  
 tem ista habetur regula: Unius & ejusdem ho-  
 minis obscurum dictum interpretandum est ex  
 ipsius

<sup>5</sup> " Sic vox dici, si triginta dierum pactæ sint in-  
 " ducæ, non debet de diebus naturalibus, sed civili-  
 " bus intelligi: id enim materiæ congruit. " GRO-  
 TIUS, *ubi supra*. § 5.

<sup>6</sup> Sic Bononiæ lege sancitum est, ne quis alteri san-  
 guinem in plateâ effundat: iniquum tamen esset ton-  
 sorem, qui venam in plateâ secuit, criminis reum  
 postulare. BARBEYRAC.

<sup>7</sup> In ambigua voce legis ea potius accipienda est sig-  
 nificatio, quæ vitio caret; præsertim cum etiam vo-  
 luntas legis ex hoc colligi possit. *Digest.* L. I. tit. iii.

Cujus

ipsius dictis clarioribus, licet alio tempore & Cap. 17.  
loco prolatis; nisi manifeste adpareat, ipsum  
sententiam mutasse.

VIII. PLURIMUM quoque prodest ad ve- *Sensus legis*  
rum sensum investigandum, in legibus cum pri- *eruitur ex*  
mis, inspicere *rationem legis*, seu causam & *ratione*  
respectum illum, qui ad legem ferendam lato- *legis.*  
rem moverit; imprimis ubi constat, unicam *c. xii § 10.*  
eam legis rationem fuisse. De qua hæc regula  
est: Illa interpretatio legis est sequenda, quæ  
rationi legis congruit; & contra rejicienda,  
quæ ab eadem discrepat. Item, cessante ra-  
tione legis unica & adæquata, cessat ipsa lex.  
Verum ubi plures ejusdem legis fuerint ra-  
tiones, non statim una cessante tota lex cessat;  
cum reliquæ rationes ad ejus vim sustinendam  
sufficere possint. Sæpe quoque sola voluntas  
legislatoris sufficit, ut ratio legis subjectos  
lateat.

IX. OBSERVANDUM præterea est, multa *Favorabi-*  
vocabula habere plures una *significationes*, al- *lia latius,*  
*odiosa*  
*teram* *strictius*  
*interpre-*  
*tanda.*  
*c. xii. § 12.*

Cujus hanc rationem attulit CICERO: *Nullam esse le-*  
*gem, quæ aliquam rem inutilem aut iniquam fieri velit.*  
De Invent. II. § 138. Et ibid. I. § 68. *Omnes le-*  
*ges ad commodum reip. referre oportet, & eas ex utilitate*  
*communi, non ex scriptione, quæ in literis est, interpre-*  
*tari.*

<sup>8</sup> Optimam interpretandi regulam nobis præbuit  
CICERO: *Quæ in sententiâ scriptor fuerit, ex cæteris ejus*  
*scriptis, factis, dictis, animo atque vitâ ejus sumi oportebit.*  
De Inv. II. § 117.

<sup>9</sup> Exemplo sit illud, quod profert auctor ad Herenn.  
I. § 19. " Sit lex quæ jubeat eos, qui propter tempesta-

Cap. 17. *teram laxiorem, alteram strictiorem.* Sed & aliam *materiam esse favorabilem, aliam odiosam, aliam mixtam.* *Favorabile* est, quod utriusque partis æqualem facit conditionem, quod communem utilitatem spectat, quod actus quolibet conservat, quod pacem promovet, &c. *Odiosum* est, quod unam duntaxat partem, aut unam magis quam alteram gravat, quod pœnam in se continet, quod actum reddit irritum, aut priora immutat, quod bellum promovet. *Mixtum* est, v. g. si quod priora quidem immutat, sed pacis tamen causa. De istis hæc est regula: Favorabilia latius, odiosa strictius interpretanda \*.

*Interpretatio quandoque extendenda venit;*

X. DANTUR quoque conjecturæ aliunde quam ex verbis ortæ, quæ efficiunt, ut interpretatio quandoque sit extendenda, quandoque coarctanda. Etsi facilius dentur rationes, quæ suadent interpretationem coarctari, quam ex-

---

“ tem navim reliquerint, omnia perdere, eorum navim  
 “ cæteraque esse, si navis conservata sit, qui remanse-  
 “ rint in navi. Magnitudine tempestatis omnes per-  
 “ territi navim reliquerunt, scapham conscenderunt,  
 “ præter unum ægrotum; is propter morbum exire &  
 “ fugere non potuit. Casu & fortuito navis in portum  
 “ incolumis delata est, illam ægrotus possidet; navim  
 “ petit ille, cujus fuerat.”

10 Hanc distinctionem à GROTIUS transtulit noster; cum autem non adeo certe definiri potest, quænam sunt *favorabilia*, quænam *odiosa*; hanc regulam parùm utilem esse, nec satis certo fundamento niti, rectè nos monent TITIVS ad loc. & BARBEYRACC. ad GROTIUM. *De Jure. B. & P. L. II. c. xvi. § 10.*

tendi

tendi. Potest igitur lex ad casum, qui in Cap. 17. lege non exprimitur, extendi, si constet, rationem, quæ in illum casum quadrat, unicam fuisse, quæ legistatorem moverit, eamque ab ipso consideratam fuisse in sua generalitate, & ut æquipollentes quoque casus complecteretur. Sed & extendi lex debet ad illos casus, qui in fraudem legis ab hominibus prave solertibus inveniuntur".

XI. UT autem verba generaliter posita *restringenda* stringantur, contingit aut ex *defectu voluntatis originario*, aut ex *casus emergentis cum voluntate repugnantia*. Quod aliquis ab initio *restringenda ex originario defectu voluntatis* quid noluisse præsumitur, intelligitur, I. Ex *c. xii. § 1.* absurdo, quod alias inde sequeretur; id quod nemo sanus voluisse judicatur. Inde verba generalia sunt restringenda, in quantum alias absurditas inde erat emersura". II. Ex *defectu rationis*, quæ unice ipsius voluntatem movit

---

" Cujus rationem sic exposuit QUINTILIANUS;  
 " Nulla tanta providentia potuit esse eorum, qui leges  
 " componebant, ut omnes species criminum complec-  
 " terentur. Nam & semper caventes nequitia vicisset;  
 " & jus ita multiplex atque diffusum esset, ut pro in-  
 " certo haberetur ignotum. Fecerunt ergo ut rerum  
 " genera complecterentur. Et spectarent ipsam æqui-  
 " tatem. Multa ergo inveniuntur frequenter, quæ  
 " legum verbis non teneantur, sed ipsâ vi & potestate  
 " teneantur." *Declam. 331.*

" Exemplo fit, quod de *Aristide* narrant, qui denarium promiserat ei, qui veritatem ipsi dicturus sit. Cui sophista dicebat; *tu promissum denarium mihi non dabis*. Dubitatur, quid *Aristide* faciendum. Si dat dedit ei, qui veritatem non dixit; si non dat, verita-

tem

Cap. 17. movit. Inde sub generali locutione non comprehenduntur casus, in quos ratio legis unica & adæquata non quadrat <sup>13</sup>. III. Ex defectu materiae, de qua semper is, qui loquitur, cogitasse censetur. Inde & ad eandem verba generalia semper sunt adtemperanda <sup>14</sup>.

*Aut ex casu emergente, ad-  
verso vo-  
luntati.* XII. Quod autem casus, qui postea emergit, cum voluntate ejus, qui aliquid constituit, pugnet; id deprehenditur vel ex naturali ratione, vel ex aliquo signo voluntatis. Prius contingit, si ab æquitate foret discedendum, nisi certi casus ab generali lege eximerentur. Est quippe æquitas correctio ejus, in quo lex deficit ob universalitatem. Quia enim non omnes casus prævideri, nec ob infinitam varietatem exprimi possunt; ideo quando generalia verba ad speciales casus sunt adplicanda, eximendi sunt illi casus, quos exempturus fuerat ipse legislator, si super tali casu consultus

---

tem iste dixit, & Aristides promissum non servat. *PUR. De Jure N. & G. L. V. c. xii. § 16.*

<sup>13</sup> Sic jure Romano statutum est, patronum non posse adigere jurejurando libertum, ne uxorem ducat, aut liberos tollat: adjicitur vero; *quamvis nulla persona lege excipiat, tamen intelligendum est de his legem sentire, qui liberos tollere possunt. Itaque si castratum libertum jurejurando quis adegerit; dicendum est non puniri patronum hac lege. Digest. L. XXXV. tit. xiv.*

<sup>14</sup> v. g. Si feudum concessum sit alicui pro se & descendentes masculis, non intelliguntur nepotes ex filiâ; quia natura ejusmodi feudi repugnat, quæ sceminas & descendentes ex illis planè excludit. *PUR. De Jure, &c. ibid.*

fuiſſet



fuiſſet. Ad iſthanc tamen æquitatem decur-  
 rere non licet, niſi ſufficientia indicia ſubigant. Cap. 17.  
 Inter quæ certiffimum eſt, ſi adpareat, viola-  
 tum iri legem naturalem, ubi preſſe quis li-  
 teram legis humanæ ſequi velit<sup>15</sup>. Proximum  
 ad hoc, ſi non quidem illicitum ſit verba legis  
 ſequi ; ſed tamen rem humaniter æſtimanti  
 id nimis videatur grave & intolerabile, ſive  
 in univerſum omnibus hominibus, ſive certis  
 perſonis : aut ſi finis tanti non videatur, qui  
 tam care ſit redimendus<sup>16</sup>.

XIII. DENIQUE & ab univerſali locutione *Quæ lex*  
 facienda eſt exceptio, ſi verba alio loco poſita *ſi utrique*  
 cum præſenti lege aut pacto non quidem *nequit ſa-*  
 directe pugnant ; ſed propter certam tempo- *tis fieri,*  
 ris circumſtantiam heic & nunc ſimul obser- *præferen-*  
 vari nequeunt. Heic igitur certæ ſunt obser- *da ?*  
 vandæ regulæ, ut intelligi poſſit, *quænam*  
*lex in eo caſu, ubi utrique ſimul ſatis fieri nequit,*  
c.xii. § 23.

<sup>15</sup> Hic notavit TITIVS auctorem, dum nimis ſecurè  
 GROTIUM ſequitur, in modo docendi varie impinge-  
 re. 1. Facit duas adhibendæ reſtriſtionis cauſas, cum  
 ſaltem unica ſit. 2. Tria adducit interpretandi funda-  
 menta cum tamen plura dentur. 3. Eandem rem ſub  
 novis ſaltem, iisſque ambiguis repetit. 4. Æquitatem  
 cum interpretatione reſtriſtivâ vel confundit, vel illam  
 huic ſoli adjungit. Porro idem exiſtimat totam rem  
 ſic breviter & perſpicuè proponi poſſe. Reſtriſtione  
 opus eſt, quoties deficit voluntas ; defectum autem  
 illum ex conſuetis interpretandi fundamentis ( inter quæ  
 tria hæc utique occurrunt ) colligimus.

<sup>16</sup> Vid. quæ ſupra notavimus de æquitate ad cap. ii.  
 § 9, 10.

*præ-*

Cap. 17. *præferri debeat* <sup>17</sup>. I. Id quod permittitur tantum, cedit ei, quod jubetur <sup>18</sup>. II. Quod faciendum est certo tempore, præfertur ei, quod quovis tempore fieri potest <sup>19</sup>. III. Affirmativum præceptum cedit negativo; seu quando præcepto affirmativo satisfieri nequit, nisi violato præcepto negativo, istius impletio erit in præsens omittenda <sup>20</sup>. V. Inter conventiones, legesque cætera æquales, peculiaris præfertur generali <sup>21</sup>. V. Inter quas præstationes, certo temporis articulo invicem collatas; quarum una causas magis honestas aut utiles, quam altera habet, hanc isti cedere par fuerit <sup>22</sup>. VI. Injuratum pactum cedit

<sup>17</sup> Has regulas transtulit auctor ex GROTIUS *de Equitate*; cap. i.

<sup>18</sup> *Plus valet sanctio permissione.* Auct. ad Herenn. L. II. c. x. Cujus hanc rationem attulit CICERO. *Id quod imperatur necessarium est; illud, quod permittitur, voluntarium est.* De Invent. II. § 145.

<sup>19</sup> Deinde ex lege utrum statim fieri necesse sit: utrum habeat aliquam moram & sustentationem; nam quod statim faciendum est, perfici prius oportet. Ibid.

<sup>20</sup> Deinde utra lex jubeat, utra vetet. Nam sæpe ea, quæ vetat, quasi exceptione quadam corrigere videtur illam quæ jubet. Ibid.

<sup>21</sup> Deinde utra lex de genere omni, utra de parte quadam; utra communiter in plures, utra in aliquam certam rem scripta videatur. Nam quæ in partem aliquam, & quæ in certam quandam rem scripta est, promptius ad causam accedere videtur & ad judicium magis pertinere. Ibid.

<sup>22</sup> Leges oportet contendere considerando, utra lex ad majores, hoc est, ad utiliores, ad honestiores ac magis necessarias res pertineat. Ex quo conficitur, ut si leges duæ aut

jurato, quando utrique simul satisfieri nequit. **Cap. 17.**

VII. Obligationi perfectæ cedit imperfecta. **Cap. 17.**

VIII. Lex beneficentiæ, cæteris paribus, cedit legi gratitudinis <sup>23</sup>.

*aut si plures, aut quotquot erunt, conservari non possint, quia discrepent inter se; ea maxime conservanda putetur, quæ ad maximas res pertinere videatur. Ibid.*

<sup>23</sup> De hac re legas omnino cl. BUDDEI exercitationem juris naturalis de comparatione obligationum, quæ ex diversis hominum statibus oriuntur, in *Select. Juris N. & G.* p. 677.



SAM. PUFENDORFII

DE

OFFICIO

HOMINIS &amp; CIVIS.

LIBER SECUNDUS.

DE OFFICIO CIVIS.

CAPUT I.

DE STATU HOMINUM NATURALI.


*Officia ex  
diverso statu  
oriun-  
da.*

I. **P**ROXIMUM est <sup>1</sup>, ut inquiremus de illis *officiis* quæ homini obeunda incumbunt *ex diverso statu*, in quo in  
L.II. c. ii. vita communi degere deprehenditur. Vocamus autem *statum* in genere illam conditionem, in qua homines constituti intelliguntur ad certum genus actionum obeundum. Quem etiam peculiaris fere jura comitantur.

II.

<sup>1</sup> Hoc caput est quasi ἀνακεφαλáισις eorum, quæ supra dicta sunt in Lib. I. c. iii. ad c. vii. inclusivè.

<sup>2</sup> Quâ ratione officia triplici modo dividuntur secundum objecta. 1. Officia erga Deum. 2. Erga  
nosmet-

II. *Status* hominum est vel naturalis, vel ad-Cap. 1,  
ventitius. Naturalis triplici modo considerari,   
solo prælucente rationis lumine, potest; vel <sup>Status na-</sup>  
in ordine ad Deum creatorem, vel in ordine <sup>turalis tri-</sup>  
<sup>plex consti-</sup>  
*singulorum hominum ad seipsos*, vel in ordine <sup>deratio;</sup>  
*ad alios homines* <sup>3</sup>.

III. *Priori modo* consideratus naturalis status <sup>Vel in or-</sup>  
hominis est illa conditio, in qua a creatore est <sup>dine ad</sup>  
constitutus, dum eximium præ cæteris animal <sup>Deum</sup>  
eundem esse voluit. Ex quo statui fuit, quod <sup>creatorem;</sup>  
homo debeat autorem sui agnoscere, colere,  
& ipsius opera admirari; ac diversa plane ra-  
tione a brutis vitam suam exigere. Inde & ei  
statui *opponitur vita & conditio brutorum* <sup>3</sup>.

IV. *Altero modo* statum hominis naturalem <sup>Vel in ordi-</sup>  
considerare possumus, si animo fingamus, qua- <sup>ne singu-</sup>  
lis ejusdem conditio futura esset, si quilibet <sup>lorum ad</sup>  
sibi soli relictus foret sine ullo adminiculo ab <sup>seipsos;</sup>  
aliis hominibus accedente; & quidem posita  
illa naturæ humanæ conditione, qualis jam de-  
prehenditur. Quæ sane miserior quam cujus-  
vis belluæ videtur futura fuisse, si expendatur,  
quanta cum debilitate in hunc mundum jam  
egrediatur homo, periturus statim sine aliorum  
auxilio: & quam rudem sit vitam idem exac-  
turus, si nihil aliud cuique adesset, quam quod  
propriis viribus ingenioque debeat. Quin po-  
tius quod ex tanta imbecillitateadolescere po-  
tuimus, quod infinitis jam commoditatibus

---

nosmetipsos. 3. Erga alios homines. De quibus  
supra differitur. L. I. c. iv. y. yi.

<sup>3</sup> Conf. L. I. c. iv.

fruiuntur.

Cap. I. fruimur, quod animum corpusque in nostrum  
 & aliorum usum excolimus; id omne ab auxilio aliorum hominum provenit. Et in hoc sensu status naturalis *opponitur vitæ per industriam hominum excultæ* <sup>4</sup>.

*Vel denique  
 in ordine  
 ad alios  
 homines.*

V. *Tertio modo* statum hominis naturalem consideramus, prout intelliguntur homines sese invicem habere ex nuda illa & communi cognitione, quæ ex similitudine naturæ resultat, ante pactum aliquod aut factum humanum, quo peculiariter unus alteri redditus fuit obstrictus. Quo sensu in statu naturali invicem vivere dicuntur, qui neque communem habent dominum, & quorum unus alteri non est subjectus, quique inter se neque beneficio neque injuria sunt cogniti <sup>5</sup>. Quo sensu status naturalis *opponitur statui civili*.

*Hic spectari  
 potest  
 vel fictus  
 vel verus.*

VI. Hujus porro naturalis status indoles considerari potest vel prout *per fictionem* representatur, vel prout *revera* existit. Prius fit, si vel concipiamus ab initio aliquam multitudinem hominum simul extitisse sine ulla unius ab altero dependentia; uti de Cadmæis fratribus in fabulis est: vel si fingamus totum genus

<sup>4</sup> Conf. L. I. c. iii:

<sup>5</sup> Quo statu omnes utuntur, nisi consensu suo expresso vel tacito pactum cum aliis inierunt, & communione societatis cum hominibus conjunguntur. Hunc locum contra adversarios suos defendit noster in *Eride Scandinica*. p. 185.

<sup>6</sup> Recte hunc statum vocat *fiatitium*, quem tamen *realem* esse existimabant veteres philosophi; necnon & recentioribus HOBBIUS. (*De Civitate*, c. viii.) Vid.

genus humanum jam ita dissolutum esse, ut Cap. I. quilibet seipsum seorsum gubernaret, & nemo ulli alio esset vinculo conjunctus, quam similitudine naturæ<sup>6</sup>. Sed status naturalis, qui revera existit, id habet, ut quis cum aliquibus hominibus peculiari societate jungatur; cum reliquis autem omnibus nihil præter speciem humanam obtineat commune, nec alio nomine quidquam ipsis debeat. Qualis status jam inter diversas civitates ac cives diversarum rerum publicarum existit, & quondam inter patres familias segreget obtinebat.

VII. MANIFESTUM quippe est universum genus humanum nunquam simul & semel in statu naturali extitisse. Qui enim ex protoplastis geniti erant, ex quibus quidquid est mortalium originem ducit, prout divinæ tradunt Scripturæ; eidem potestati patriæ subiecti erant<sup>7</sup>. Neque tamen eo minus postea status hicce naturalis inter quosdam homines emerfit. Nam primi mortalium, ut orbem adhuc vastum implerent, & laxiorem sibi suisque pecoribus habitationem quærerent, relictis laribus paternis in diversa discesserunt, suam-

*Filius paulatim revera obtinere cepit.*

Vid. supra, L. I. c. iii. § 3. not. 5. Et plura ejusmodi in opere majori. L. II. c. ii. § 2. Nos autem qui lumine revelationis gaudemus, certiores de primævo hominum statu facti sumus. Conf. *Erid. Scand.* p. 301, 362.

<sup>7</sup> Civile imperium revera originem suam à paterno duxisse admodum verisimile videtur, & vetustissimæ historiæ tum sacræ tum profanæ congruum. Vid. *Hister. Univ.* L. I. c. ii. § 7. Vol. 1. p. 171.

C c

que

Cap. I. que sibi fere singuli mares familiam constituerunt. Inter quorum posteros itidem sese dispergentes, peculiare cognationis vinculum, & ortus inde affectus paulatim exolevit, & commune tantum illud, ex similitudine naturæ resultans, remansit. Donec postea, cum genus humanum insigniter fuisset multiplicatum, depressa vitæ segregis incommodis, paulatim proximi quique cohabitantes in civitates coivere, minores primo, dein majores, ex pluribus minoribus ultro aut per vim coalitis. Quas inter civitates, utpote nullo alio, quam communis humanitatis vinculo junctas, status naturalis utique adhuc existit.

*Esque status libertatis & æqualitatis;* VIII. EORUM autem, qui in statu naturali vivunt, hoc est præcipuum *jus*, ut nemini præterquam Deo sint subiecti atque obnoxii. Quo respectu etiam ille status nomine *libertatis naturalis* venit; per quam quilibet citra antegressum factum humanum, sui juris potestatisque, ac nullius hominis imperio subiectus esse intelligitur. Quo ipso etiam quivis cuivis alteri, cui neque ipse subiectus est, neque eundem sibi subiectum habet, *æqualis* censetur\*. Cum porro homini lumen rationis sit insitum, quo prælucente actiones suas temperare possit; consequitur, quemlibet, qui in naturali libertate vivit, in regendis suis actionibus a nullo mortalium dependere; sed ex proprio iudicio atque arbitrio omnia, quæ sanæ rationi

---

\* De naturali hominum æqualitate, vid. supra. L. I. c. vii.



ni congruunt, agendi habere potestatem. Et Cap. I.  
 cum homo ob communem inclinationem, omnibus animantibus insitam, non possit non ad conservationem sui corporis vitæque, nec non ad dispellenda ea, quæ eandem destruere videntur, omnibus modis incumbere, mediaque ad eum finem adhibere; & vero in statu naturali nemo habeat alterum hominem superiorem, cui voluntatem, judiciumque suum submitterit: inde in eo statu quilibet ex proprio judicio definit de aptitudine mediorum, an ad conservationem sui conducant, necne. Nam si vel maxime alterius consilium audiat, penes ipsum tamen est, an velit alienum consilium probare vel non. Ut tamen isthæc propria sui gubernatio recte sese habeat, requiritur, ut ea juxta dictamen rectæ rationis legemque naturalem suscipiatur.

IX. STATUS naturalis, utut libertatis non *Gravissime* mine, & immunitatis ab omni subjectione *mis inter-* insigniter blandiatur; idem tamen antequam *rim incom-* hominibus in civitates fuerit concessum, *modis ex-* plura habet adjuncta *positus.* *incommoda*; sive fingamus omnes & singulos in eo existere, sive consideremus conditionem patrum familias segregum. Nam si animo concipias hominem etiam adulta ætate in hoc mundo destitutum solum, & sine omnibus commodis & adminiculis, quibus vitam cultiorem & molliorem reddidit solertia hominum; videbis animal nudum, mutum, inops, famem radicibus & herbis, sitim obvia aqua, injurias aeris antris utcumque dispellens, feris bestiis expositum, & ad cujusvis

**Cap. 1.** occursum pavidum. Paulo cultior vita potuit esse inter eos, qui in familiis segregibus degabant : Sed quæ tamen cum vita civili nullo modo comparari poterat ; non tam ob indigentiam, quam inter coercitas cupiditates familia sic fatis videtur posse dispellere ; quam quod securitati parum ibi sit consultum. Et ut in pauca rem conferamus, in statu naturali quisque propriis tantum viribus protegitur ; in civitate omnium : ibi fructus ab industria sua nemini certus ; heic omnibus ; ibi imperium affectuum, bellum, metus, paupertas, foeditas, solitudo, barbaries, ignorantia, feritas<sup>9</sup> ; heic imperium rationis, pax, securitas, divitiæ, ornatus, societas, elegantia, scientia, benevolentia<sup>10</sup>.

*Controversia in eo  
artæ quo-  
modo diri-  
menda?  
L. V. c.  
xiii.*

**X.** IN statu porro naturali, si vel quis alteri ultro non præstat, quæ ex pacto debet, aut si injuriam intulit, aut si alias controversiæ quid oriatur ; nemo est, qui pro imperio alterum ad præstandum debitum, reparandamve injuriam adigere, litemque decidere possit ; uti in civitatibus, ubi judicis communis auxilium implorare datur. Quia tamen non ob quamvis causam natura in bellum ruere permittit, etiam ubi quis de justitia suæ causæ ampliter sit persuasus ; igitur prius tentandum, num

<sup>9</sup> Hic paulò nimium causæ suæ inservit auctor, HORÆII vestigiis inhærens ; cujus verba hic apposuit ex cap. 10. *de Civis*, § 1. Vid. BARBEYRAC. ad opus majus. L. II. c. ii. § 2. & TITII observat. 460.

<sup>10</sup> Vid. supra, L. I. c. iii. § 3.

“ Cum sint duo genera decertandi, unum per dis-  
“ ceptionem, alterum per vim ; cumque illud pro-  
“ prium

num molliori via res possit componi, discepta-Cap. 1.  
 tione scilicet partim amica<sup>12</sup>, & puro (non  
 conditionato) compromisso<sup>12</sup>, seu *provocatione*  
*ad arbitros*. Qui arbitri æquos sese utrique  
 parti gerere debent, & in ferenda sententia ni-  
 hil odio aut gratiæ dare, sed unice merita  
 causæ respicere. Quam ob rationem etiam non  
 solet quis capi arbiter in ea causa, in qua ipsi  
 commodi, vel gloriæ peculiaris spes major ad-  
 paret ex victoria unius partis, quam alterius;  
 adeoque ubi ipsius interest alterum quocunque  
 modo causam obtinere. Hinc & nullum pac-  
 tum aut promissum intercedere debet inter ar-  
 bitrum & partes, cujus vi pronunciare in gra-  
 tiam alterius teneatur. Quod si arbiter neque  
 ex communi partium confessione, neque ex cer-  
 tis instrumentis, aut indubiis rationibus & sig-  
 nis, quid in facto sit cognoscere valeat, ex effa-  
 tis *testium* id erit cognoscendum. Quos licet ad  
 verum dicendum lex naturalis, & plerumque  
 juramenti religio adstringat: tutissimum tamen  
 fuerit tales non admittere, qui erga alterutram  
 partem ita sunt affecti, ut conscientiæ ipsorum  
 cum gratia, odio, vindictæ libidine, alioque  
 violento animi motu, aut etiam arctiore qua-  
 dam necessitudine sit velut luctandum; quibus  
 superandis non omnibus sat constantiæ est. A-

---

“ prium sit hominis, hoc belluarum, confugiendum est  
 “ ad posterius, si uti non licet superiore.” Cic. *de*  
*Offic.* I. xi.

<sup>12</sup> *Compromissum* est simultanea illa partium promissio,  
 quâ sua sponte ad alicujus boni viri arbitrium suam  
 remittunt controversiam. CALVINI *Lex Jurid.*

Cap. 1. liquando etiam per communium amicorum interpositionem lites tolluntur; quod merito inter sanctissima officia habetur. Cæterum in hoc statu executionem, ubi ultro ab altero non præstatur quod debetur, sibi quisque facit<sup>13</sup>.

XI. QUANQUAM autem natura ipsa inter homines aliquam cognationem esse voluerit, *Hominum amicitia in illo parum firma.* cuius vi nefas sit alteri homini nocere, & potius fas sit cuivis aliorum commodis sese distendere: *L.II. c. ii. § 5. — 8.* tamen inter eos, qui in naturali libertate invicem vivunt, hæc cognatio sat debiles fere exferit vires; ita ut quivis homo, qui non est noster civis, seu quicum in statu naturali vivimus, non quidem pro hoste, sed tamen *pro amico parum firmo* sit habendus<sup>14</sup>. Cujus rei ratio est, quod homines non solum sibi invicem maxime possint, sed & variis de causis sæpissime velint nocere. Alios quippe pravitas ingenii, aut dominandi & superflua habendi libido ad lædendos alios incitat; alii modesto licet ingenio, studio se conservandi, & ne ab aliis præveniantur, in arma ruunt. Multos ejusdem rei desiderium, alios ingeniorum contentio

---

<sup>13</sup> Tertia ratio dirimendi lites fit per *sortem*; de quâ suprâ, L. I. c. xv. § 13. Tres igitur sunt modi, quibus vitari potest, ne controversiæ in bellum erumpant, *viz.* Colloquium, compromissum, & per sortem. Conf. Puff. *De Jure N. & G.* L. V. c. xiii. GROTIUS. *De Jure B. & P.* L. II. c. xxiii. § 7, 8.

<sup>14</sup> Recte noster *Hobbesianum* statum naturæ (qui belli status est) repudiat. Hanc naturalem hominum cognationem justum esse pacis & amicitiae fundamentum uno ore testantur veteres Philosophi. Ex hoc (inquit

contentio committit. Inde in isto statu tantum non perpetuæ vigent suspiciones, diffidentia, studium aliorum vires subruendi, libido alios præveniendi, aut ex aliorum ruina vires suas augendi. Ergo uti probi est hominis rebus suis contenti alios non lacessere, nec aliena adpetere: ita cauti est, suæque salutis amantis, ita omnes homines amicos credere, ut tamen iidem mox hostes fieri queant; ita pacem cum omnibus habere, quasi quæ mox bello mutari possit. Qua de causa & felix habetur respub. quæ etiam in pace de bello cogitat.

Cap. 1.

## C A P. II.

## DE OFFICIIS CONJUGALIBUS.

I. **I**NTER *status adventitios*, seu in quibus homo factio aliquo humano antecedente constituitur, primo loco venit *matrimonium*: Quod ipsum etiam est primum velut specimen

*Status adventitius*  
*primus matrimonium*  
 L. VI. c. i.

CICERO *de Fin.* iii. 19.) “ nascitur, ut etiam communis hominum inter homines naturalis sit commendatio, ut oporteat hominem ab homine, ob id ipsum quod homo sit, non alienum videri.

15 Vid supra, L. I. c. iii. § 6.

1 Status adventitii recte in quatuor classes distribuuntur. Sunt enim vel *conjugalis*, vel *paternus*, vel *herilis*, vel *civilis*. Quorum ultimus itidem varios status speciales sub se complectitur. Modo haud multum ab simili distinguit CICERO: *Prima societas in ipso conjugio*

C c 4

est;

Cap. 2. specimen vitæ socialis, & simulque generis humani seminarium<sup>3</sup>.

*Extra hoc  
vetitum  
omne ge-  
nus libidi-  
nis. c. i.  
§ 5.*

II. CIRCA hoc initio constat, ardentem illam sexuum inter se proclivitatem a sapientissimo creatore institutam, non ad inanem voluptatem satiandam, quippe quæ unice spectata summam foeditatem & confusionem in genere humano excitaturâ erat: sed tum ut eo jucundior inter conjuges esset conversatio, tum ut eo libentius homines propagationi sobolis operam darent, ac molestias tolerarent, quæ istius susceptionem atque educationem comitantur. Ex quo consequitur, naturali legi repugnare omnem usum membrorum genitalium, qui ab hisce finibus abit. Quò nomine etiam vetita libido in diversam speciem, aut eundem sexum ruens; quævis foedæ pollutiones, & denique omnis commixtio sive mutuo consensu suscepta, sive invitæ fæminæ intentata extra matrimonium.

*Quæ sit  
ad id con-  
trahendum  
obligatio?  
c. i. § 6.*

III. *Obligatio ad contrahendum matrimonium* considerari potest vel in respectu ad totum genus humanum, vel in respectu ad singulos. Illa in eo consistit, quod propagatio speciei humanæ hautquaquam sit instituenda per vagos & solutos concubitus; sed utique legibus conubialibus circumscribenda, adeoque per matrimonium duntaxat exercenda. Citra hoc enim decora & bene disposita inter homines

---

*est; proxima in liberis; deinde una domus, communia omnia; id autem est principium urbis, & quasi seminarium reip. De Offic. I. xvii.*

societas,

societas, vitæque civilis cultus intelligi nequit. Cap. 2. *Singuli* autem ad matrimonium ineundum tenentur, quando commoda sese ejus occasio offert: quam tamen non sola ætas generandique facultas absolvit; sed ut copia quoque sit decentis conditionis, nec non facultas alendi uxorem & prolem nascituram; ac ut mas quoque sit idoneus ad gerendam personam patrisfamilias. Nisi tamen aliquis compositus sit ad exigendum castum cælibatum, sentiatque plus se utilitatis posse procurare humano generi, aut civitati cælibem, quam uxoratum; præsertim ubi nulla prolis penuria sit metuenda.

IV. INTER eos qui matrimonium inituri sunt, intervenire solet & debet *pañi con-* *jugalis* *perfecti* *capita* *præcipua*, quod *pañum*, quod ubi *regulare* & *perfectum* fuerit, hisce capitibus absolvitur. Primo, quia vir (abs quo ut contractus incipiat, utriusque sexus indoli magis congruit) propriam utique sibi sobolem intendit quærere, non supposititiam aut adulterinam: igitur *fidem dare viro debet femina*, ut nemini præterquam ipsi corporis sui usuram velit concedere. Quod itidem a marito *femina vicissim* solet stipulari. Deinde cum nihil magis ab indole vitæ socialis & civilis abhorreat, quam vita vaga ac defultoria, incerto lare, nulla fortunarum sede; cumque communis sobolis educatio commodissime instituatur,

<sup>2</sup> Matrimonii institutionem luculenter describit Mos. Es. Gen. II. 20. seq.

<sup>3</sup> Conf. GROTI. *De Jure B. & P. L. II. c. v.*

conjunctis

Cap. 2. conjunctis utriusque parentis operis ; ac cohabitatio continua plurimum contineat jucunditatis inter conjuges bene compositos, per quam etiam marito certius de castitate uxoris constare potest : igitur in id quoque fidem marito dat uxor, ut *viro continuo cohabitare*, adeoque in arctissimam vitæ societatem, eandemque familiam cum ipso coalescere velit. Cui ipsi & mutua promissio de tali invicem conversatione, qualem insoles ejus societatis requirit, inesse intelligitur. Quia autem non solum naturali utriusque sexus conditioni maxime congruit, ut in matrimonio viri conditio sit potior, sed & maritus familiæ, a se utique constitutæ, caput sit ; consequitur, ut uxor in negotiis matrimonium ac familiam spectantibus directioni mariti sit obnoxia. Inde & mariti est de domicilio constituere ; nec uxor isto invito peregre abire aut secubare potest. Ta-

---

4 Imperium mariti in uxorem non tam ex naturâ, quàm ex lege civili oriri videtur : Sunt mariti quidam qui suæ causæ nimium faventes, ex masculini sexus præstantiâ colligi posse existimant dignum esse maritum ut potiores in conjugio partes teneat. Quid autem, anne ideo jus habet imperandi ? Quod si hoc sit concessum, tum concesso itidem sæminam viro esse sapientiâ præstantiorem, hinc pronè sequitur uxorem esse marito superiorem, & imperium quoddam in eum tenere. Proculdubio nequit vel superior potestas, vel sapientia, vel alia quævis perfectio jus imperii in alterum tradere. Vid supra, L. I. c. ii. § 5. not. 10. Quicquid igitur juris mas habet in sæminam, id ex ipsius consensu quærendum erit : sunt enim naturâ æquales. Fieri utique potest neutrum alterius dominio subjici, vel maritum uxoris imperio esse obnoxium.

le



le tamen imperium, quod jus vitæ & necis, Cap. 2. gravemque coercionem, nec non plenam potestatem circa quævis bona uxoris disponendi comprehendat, ad essentiam matrimonii necessarium non videtur : sed illud ex peculiaribus pactis inter conjuges, aut ex legibus civilibus alicubi constituitur 4.

V. PORRO uti illud manifeste legi naturali *Polygamia omnis* repugnat, *unam mulierem pluribus viris simul* cohabitare : ita, ut *unus simul duas pluresve à ratione aliena.* uxores habeat, apud plurimas gentes, & in c. i. § 16. ipso quondam Judaico populo receptum. Ni- — 19. hilominus si vel maxime a primæva matrimonii institutione in divinis literis tradita abstrahamus ; ex ipsa tamen recta ratione constat, longe decentius juxta atque utilius esse, unum una esse contentum. Id quod & usus omnium quas novimus gentium Christianarum a tot seculis comprobavit 5.

## VI.

---

5 Polygamiam non esse jure naturæ vetitam alibi statuit noster : “ Quod *Polygamiam* atinet, certum quidem est talem, quâ una pluribus simul viris uxor est, à natura & fine matrimonii prorsus abhorre-  
 “ re ;  
 “ at vero ut unus pluribus sæminis simul jungatur,  
 “ etsi lege divinâ positivâ inter Christianos jam credatur interdictum, legi tamen naturæ in se haud  
 “ repugnat. Non enim necessum est, ut quemadmodum uxor nemini viro corporis sui copiam debet  
 “ facere, præterquam uni marito ; sic & maritus aliæ  
 “ sæminæ præterquam unicæ uxori. Nam prius necessarium est ob certitudinem sobolis. Gravissimis  
 “ de causis concessam antehac *Polygamiam*, post per  
 “ positivas leges prohibitam fuisse censendum est.”  
*Elem. Jurispr. Univ. L. II. Observ. v. § 7.* Notavit etiam

Cap. 2. VI. NEC minus natura tam arctæ conjun-  
 ctionis ostendit, *matrimonium debere esse per-*  
*petuum*, & non nisi alterutrius conjugum morte  
 finiendum: nisi principalis pacti matrimonialis  
 capita fuerint violata per adulterium, & ma-  
 litiosam desertionem. Ob mores autem male  
 compositos, & qui cum malitiosa desertione  
 eundem non producant effectum, separatio  
 duntaxat *quoad iborum & mensam* inter Chri-  
 stianos recepta est, sine permissione ad secunda  
 vota transeundi. Cujus inter alias etiam hæc  
 ratio est, ne facultas divortii contumaciam  
 morum alat; sed potius alterius conditionis  
 desperatio ad commoditatem morum, mutua-  
 que tolerantiam conjuges incitet. Cæterum ob  
 violata

---

etiam GROTIUS viros sanctos ante legem plures unâ  
 uxores habuisse, & in lege præcepta quædam dari his,  
 qui plures unâ habeant. *De Jure B. & P. L. II. c. v.*  
 § 9. Satis autem apparet, quid optimum sit Deoque  
 gratissimum ex primâ illâ conditione, quâ uni mari non  
 nisi unam sæminam Deus attribuit. Bene SALLUSTI-  
 US. *Jugurth. c. lxxxii.* *Apud eos qui plures uxores habent,*  
*levis ista ducitur necessitudo, quod animus multitudine dis-*  
*tractus nullam pro sociâ obtinet, omnes pariter viles sunt.*  
 Et CLAUDIAN. *De Bello Gildon. v. 442.*

---

*Connubia mille;  
 Non illis generis nexus, non pignora curæ,  
 Sed numero languet pietas*

---

Sequuntur & hoc Christiani, ut scilicet animus ab ux-  
 ore in solidum marito datus æquali retributione pense-  
 tur (1 *Corinth. vii. 4.*) quod, ubi diversæ sunt uxores,  
 nequaquam fieri potest. Sed licet plurimæ rationes  
 afferri queant, quibus probetur satius esse, & ad plu-  
 rima

violata pacti matrimonialis capita, pars læsa Cap. 2.  
tantum vinculo exsolvitur; quod in altero con-  
tinuatur, siquidem pars læsa velit, & cum al-  
tero in gratiam redire dignetur 6.

VII. CONTRAHERE licite matrimonium, *Contrahere mat-  
re matri-  
monium  
quibus li-  
ceat? c. l.  
§ 25.*  
ubi lex civilis non obstat, potest *quilibet cum*  
*qualibet*, si ætas corporisque constitutio matri-  
monio habilis adsit 7; *nisi impedimentum aliquod*  
*morale* obstat. Moraliter impeditur aliam  
conjugem adsciscere, qui, quæve alteri jam  
conjugi junctus, junctave est.

VIII. SED & pro morali legitimarum nup- *Non san-  
guine aut  
affinitate  
nimis vi-  
cinus.  
c. i. § 28.*  
tiarum impedimento habetur *arcta nimis san-  
guinis aut affinitatis conjunctio*. Quo nomine  
etiam naturali lege nefariæ judicantur nuptiæ  
inter

---

rima incommoda evitanda convenientius, ut unâ uxore  
contentus sit maritus, inde tamen non sequitur (ut rec-  
tè nos monet BUDDEUS) jure naturali Polygamiam  
esse prohibitam. Interim id inde liquet divinam pro-  
hibitionem, quæ ex institutione matrimonii primævæ  
petitur, æquissimis rationibus ad hominum etiam spec-  
tare salutem. *Theol. Mor. P. II. c. iii. S. 6. § 9.*

6 “ Christi lex, ut res alias, ita & hanc conjugii  
“ inter Christianos ad perfectiorem redegit normam,  
“ ex quâ & qui dimisisset uxorem non adulteram, &  
“ qui duxisset dimissam, adulterii reos pronunciat.  
“ (*Matt. v. 32.*) Et apostolus ejus atque interpres  
“ PAULUS non viro tantum jus dat in corpus uxoris  
“ (quod & in naturali statu procedebat) sed & uxori  
“ vicissim in corpus mariti, *1 Cor. vii. 4.* GROT.  
*De Jure B. & P. L. II. c. v. § 9.* CONF. LACTANT,  
*Instit. vi. 23.*

7 Hinc eunuchorum, aliorumq; omnium a quibus  
præcipuus matrimonii finis obtineri nequit, illicita esse  
conjugia existimat BUDDEUS. Idem judicat de con-  
jugis

## Cap. 2. inter ascendentes &amp; descendentes in infinitum.

Reliquas autem nuptias in limite transverso, puta cum amita & matertera, cum sorore; item in affinitate, cum noverca, socru, privigna; non solum lex divina, sed & cultarum leges gentium, & Christianorum consensus deestatur. Quin & multorum populorum leges civiles remotiores quosdam gradus prohibuerunt, ad obijciendam velut sepem prius dictis gradibus sanctioribus, ne ad hos temerandos ita facile rueretur<sup>3</sup>.

## IX.

jugiis *Senum*, quorum aut utraque aut alterutra pars ita comparata est, ut finis principalis, nempe procreatio sobolis obtineri non possit. Vid. *Theol. Moral. P. II. c. iii. S. 6. § 7.*

<sup>3</sup> De gradibus affinitatis, quibus licita sunt matrimonia, sæpe & acriter disputari solet, nec jure naturali facile definitur. "Causas certas ac naturales (inquit GROTIVS) cur talia conjugia, ita ut legibus aut moribus vetentur, illicita sint, assignare qui voluerit, experiendo discet quàm id sit difficile; imo præstari non possit." *De Jure B & P. L. II. c. v. § 12.* Ut mihi videtur, *ascendentium* & *descendentium* conjugia (v. g. parentum cujuscunque gradus cum liberis) in tantum juri naturali repugnant, in quantum inde commixtio & confusio obligationum diversæ naturæ oritur. Sed quoad fratrum & sororum, cæterorumque affinitatis graduum, eorumque sanguinis præsertim ex transverso limite, haud facile ratione assequi possumus, ea juri naturali adversari. Hic igitur in subsidium veniunt sacræ literæ, quæ collateralia ista matrimonia prohibent, & fines affinitatis definiunt, intra quos contrahi non debent. *Levit. c. xviii.* "Cessio (inquit GROTIVS) à mero jure naturæ non venire hæc interdicta, videri tamen possunt præcepto divina

IX. CÆTERUM uti aliis contractibus atque Cap. 2.  
negotiis certa quædam requisita fueverunt ad-  
dere leges civiles, quæ si observata non fue- *Solemnia*  
runt, in foro civili pro validis non habentur: *matrimo-*  
ita & circa matrimonium contingit, dum ali- *nia sunt*  
cubi per leges civiles honestatis & boni ordi- *juris civi-*  
nis causa *solennia* quædam requiruntur. Quæ  
licet extra jus naturale sint; citra illa tamen,  
qui legibus civilibus, subjiciuntur, legitimum  
matrimonium non contrahent; aur saltem e-

“ divina voluntatis hæc ivisse in vetitum : neque vero  
“ tale id esse præceptum, quod solos Hebræos astrin-  
“ gat, sed quod homines universos ; colligi videtur  
“ ex illis Dei verbis apud MOSEM (*Levit. xviii. 24*  
“ —27.) *Ne polluite vos ulla harum rerum : quia om-*  
“ *nibus istis polluti sunt populi, quos vobis advenientibus*  
“ *dispello. Mox. Ne facite ullam ex istis rebus abominan-*  
“ *dis : nam omnes istas fecerunt indigenæ terræ istius, quæ*  
“ *vobis exposita est, unde polluta est terra.*” Ibid. § 13.  
De gradibus autem affinitatis, observari in promptu est,  
in lineâ rectâ ascendente & descendente conjugium jure  
divino prohiberi in infinitum ; in lineâ collateralis æquali  
nuptias tantum esse prohibitas inter fratres & sorores ;  
in collateralis inæquali, inter eas quæ sibi parentum &  
liberorum loco sunt, etiam ex uno latere in infinitum.  
Sic nuptiæ cum amitâ, materterâ & patruo, i. e. secun-  
dus consanguinitatis gradus lineæ collateralis inæqualis,  
diserte prohibentur. Vid BUDDEUS ubi supra.

Porro notandum est leges quasdam civiles alias fa-  
cultates morales requirere, ut maturitatem ætatis,  
consensus parentum, &c. de quibus hoc observandum  
est, non ideo matrimonia jure esse irrita, quoniam juri  
repugnant : sæpe valet hæc regula, *quod fieri non debet*  
*factum valet* ; & sunt diversa, prohibere & irritum  
facere.

jusmodi

Cap. 2. *jusmodi conjunctio effectus justī matrimonii in civitate non habebit<sup>9</sup>.*

*Officiam tuam mariti & uxoris.*

X. *Officium mariti* est uxorem diligere, nutrire, regere, atque defendere : *Uxoris* maritum amare, honorare ; adjutorio esse ei, non solum in generanda & educanda sobole, sed & in parte curarum domesticarum capeffenda. *Utrique* autem indoles tam arctæ conjunctio- nis requirit, ut conjuges tam prosperæ quam adversæ fortunæ sint socii, & si qua alterutri calamitas obtingat, ab altero sublevetur ; nec minus ut prudenter mores ad concordiam in- vicem tolerandam attemperent ; qua tamen in parte concedere magis uxoris est.

---

<sup>9</sup> Id quidem habent matrimonia cum aliis pactis commune, ut per leges civiles certæ quædam ceremoniæ & ritus solennes iis adjungantur, quibus sepositis in foro civili pro validis non habentur. Vera tamen & indissolubilia esse possunt matrimonia, licet quibusdam effectibus civilibus destituantur. Nam conjunctio illa matrimonialis fit per mutuum utriusq; partis consensum. Unde facile dijudicari potest, quid de nuptiis, ab ebris, vel per errorem aut vim initis censendum sit. Nam eodem fere modo hæc se res habet, ac in aliis pactis. Sic si error fuerit in iis, quæ ad ipsam matrimonii essentiam ex fine ejus primario æstimandam pertinent, irrita sunt sponsalia. In eo vero hæc a reliquis pactis differunt, quod mutuo consensu dissolvi nequeunt.



C A P.

## C A P. III.

DE OFFICIIS PARENTUM  
ET LIBERORUM.

I. **E**X matrimonio provenit proles, in *Potestas* quam constituta est *potestas patria*; *patriis im-* antiquissimum juxta ac sanctissimum genus *perium ve-* imperii, quo parentum jussa venerari, eorum- *tusissi-* mum. demque præ se eminentiam agnoscere liberi *L.VI.c.ii.* tenentur <sup>†</sup>.

II. *Oritur* imperium parentum in liberos *du-* *Quibus* *plici* potissimum de *causa*: Primo quia ipsa *illa nita-* lex naturalis, dum sociabilem esse hominem *tur funda-* jussit, *parentibus curam liberorum* injunxit; *c. ii. § 4.* quæ ut eo minus negligeretur, tenerrimum simul affectum in prolem natura iisdem implantavit. Isti curæ exercendæ requiritur potestas liberorum actiones dirigendi ad ipsorum salutem, quam ipsi propter judicii defectum nondum intelligunt. Deinde id imperium *tacito quoque consensu prolis* nititur. Nam recte præsumitur, si infans eo, quo sublatuſ est, tempore usum rationis habuisset, ac perspexisset vitam se citra parentum curam ac junctum ipsi imperium servare non posse, lubenter illam in id consensuram, commodamque sibi educationem ab iisdem vicissim fuisse stipulaturam.

<sup>†</sup> Conf. GROTI. *De Jure B. & P. L. II. c. v.*

Cap. 3. *Actu* autem parentibus imperium in prolem constituitur, quando illam tollunt nutriuntque, & in commodum humanæ societatis membrum pro virili formandam suscipiunt<sup>2</sup>.

*Utra potestior potestas patris, matrisve?*

c. ii. § 5.

III. CUM autem ad generationem sobolis non mater minus quam pater concurrat, adeoque physice proles utrique sit communis; disquirendum, *utrius jus in prolem sit potius*. Super qua re distincte pronunciandum. Si enim *extra matrimonium* proles sit generata, illa primo matris erit; quia pater heic nisi indicio matris cognosci nequit<sup>3</sup>. Inter eos quoque, qui *in libertate naturali* & *supra leges civiles* degunt, pacto conveniri potest, ut non patris, sed matris jus potius sit. Sed *in civilibus* utique per mares constitutis, cum regulariter

---

<sup>2</sup> Alii ab aliis principiis jus parentum in liberos deducunt. Vult GROTIUS generatione parentibus jus in liberos acquiri; utrique scil. parentum, patri ac matri. *De Jure B. & P. L. II. c. v. § 1.* Impossibile esse pronunciat HOBBSIUS, ut dominium omnino acquiratur solâ generatione; & contendit jure naturæ dominium infantis ad eum primum pertinere, qui primus in potestate suâ ipsum habet. Sic infans qui modò nascitur prius est in potestate *matris*, quàm cujusquam alterius, ita ut illum vel educare vel exponere suo arbitrio & jure possit. A matre autem ad alios transit dominium diversis modis. 1. Si jus suum dereliquerit, sive abjecerit filium exponendo; is qui expositum educaverit, idem habebit dominium, quod habebat mater. 2. Si mater bello capta sit, natus ex eâ capientis est. 3. Si mater civis sit, is qui in civitate summum habet imperium, dominium habebit ejus, qui ab eâ nascetur. 4. Si contractus sit inter marem &



gulariter contractus matrimonii a patre incipiat, & is caput familiæ sit, potius erit jus patris : sic ut licet proles matri utique reverentiam, gratumque animum debeat ; jussis tamen matris non obligetur, quæ quidem non iniquis patris præceptis repugnant \*. Defuncto tamen patre jus ipsius in prolem, saltem nondum adultam, *matri* videtur *accrefcere* ; & hac ad secundas nuptias transeunte, *vitrico*, siquidem ipse in fidem & curam naturalis parentis succedat. Et qui desertum, aut orbatum parentibus, liberaliter educandum suscipit, jure suo ab eo filialem observantiam exigere potest.

IV. UT autem accurate intelligatur, quanta *Ea quousque*  
*parentum sit in liberis potestas*, distinguendum *que se extendat ;*  
 est tum inter *patres familias segreges*, & qui in *quousque*  
 non ?

c. ii. § 6.

& scēminam ad cohabitationem, liberi geniti patris sunt, quia in omnibus civitatibus imperium domesticum viri est : HOBBS. *De Cive*, c. ix. § 2—6. Noster *tacitum consensum* proles requirit ad imperium paternum stabiliendum. Enimvero mihi videntur rectius ad scopum tendere, qui ut in cæteris societatibus, ita & in paternâ imperium & obligationes ex fine societatis derivant. Hic autem *finis* est nutritio & educatio sobolis, qui sine quodam imperio obtineri nequit : unde plane sequitur parentibus imperium in liberos competere, à liberis autem obsequium exigi. Quod si illis nulla sit liberorum cura, imperium suum cessat, & ad eos pertinet, qui ipsos alendo & educando conservant.

3 Lex naturæ hæc est, ut qui nascitur sine legitimo matrimonio, matrem sequatur, nisi lex specialis aliud inducit. *Digest.* L. I. tit. v. leg. 24.

\* Si contendant inter se imperia, præfertur patris imperium ob sexûs præstantiam. GROTIUS *ubi supra*.

D d .2

*civilitatem*

Cap. 3. *civitatem subierunt ; tum inter potestatem quam habet genitor ut talis, & quam habet ut est caput suæ familiæ. Patri ut tali cum sit a natura injunctum, ut liberos bene educet, quo in commoda humanæ societatis membra evadant, quousque ipsi sibi prospicere queant : inde tanta eidem in liberos potestas concessa intelligitur, quanta ad hunc finem sufficit. Quæ hautquaquam eousque se extendit, ut parentes prolem intra materna viscera latentem elidere, aut editam abjicere, necareque possint<sup>5</sup>. Nam excitatur quidem ex substantia parentum soboles ; ut tamen in æqualem conditionem humanam cum illis locetur, & injuriæ etiam ab ipsis parentibus capax sit. Neque etiam hæc potestas ad jus vitæ & necis ex occasione delicti exercendum videtur porrigi, sed ad modicam duntaxat castigationem : quippe*

---

<sup>5</sup> Homicidii reus est qui prolem exponit juxta illud Pauli jurisconsulti. *Necare videtur non tantum is, qui partum perfocat, sed & is qui abjicit, & qui alimonia deneget, & is qui publicis locis misericordiæ causâ exponit, quam ipse non habet.* Digest. L. XXV. tit. iii. l. 4. Attamen expositio liberorum, (utut inhumanum sit & crudele) plerisque gentibus, iisque (quod miro simile videtur) cæteroquin excultis & bene moratis, Græcis & Romanis, haud inusitata fuit. De Romanis id tradit DIONYSIUS HALICAR. *Antiq. Rom.* L. II. VALERIUS MAX. L. v. c. 8. Idem de Græcis testatur ARISTOTELES, suoq; calculo probat in *Polit.* L. VI. c. 16.

<sup>6</sup> Sunt qui sentiunt patribus in statu naturali, prout opponitur civili, constitutis, jus vitæ & necis tribuendum esse ; sed falsa nituntur hypothesi, ac si status familiarum

quippe quæ versatur circa ætatem teneram, Cap. 3. in quam tam atrocia delicta, quæ morte sint expianda, vix cadunt <sup>6</sup>. Sed si tamen citra spem emendationis omnem disciplinam pertinaciter adspernetur puer, poterit domo patria ejici, atque abdicari.

V. ISTHÆC porro potestas, ita presse accepta, considerari potest *juxta diversitatem* <sup>Quanta</sup> *in prima ætate* <sup>fit in prima ætate</sup> <sup>liberos?</sup> Nam *in prima ætate*, ubi immaturus adhuc rationis usus est, omnes liberorum actiones directioni parentum subjacent. Quo tempore, si quid bonorum ab aliis in impuberem transferatur, id parens loco filii acceptare, & administrare debet, ut tamen dominium ipsi filio adquiratur; etsi ut fructus patri cedant ad plenam usque filii ætatem æquissimum sit. Sic & quod ex filii labore lucri aut emolumenti provenit, id merito sibi pater vindicat, cui ex adverso filii nutritio & educatio incumbit <sup>7</sup>. IV.

familiarum in statu naturali viventium non differat a statu civili, & quod in illo patribus ceu capitibus familiarum summum aliquod imperium competat. Quam sententiam post HOBBIUM defendendam sumpsit D. Robert. FILMERUS, in libro, cui titulus *Patriarcha*: quem ex instituto refutarunt ALGERN. SIDNEY & J. LOCKIUS de *imperio civili*.

<sup>7</sup> " Ut res omnes liberorum parentibus acquirantur, " non naturale est sed ex quorundam populorum legibus." GROTIUS *ubi supra*. Et rectè de hac re BUDDEUS. " Si liberi propria industria aliquid adquirant, omnino sibi adquirunt. Imperium enim " paternum facultate acquirendi, qua per naturam " gaudent, eos privare nequit. Quod si autem ex rebus " parentum aliquid adquirunt, non sibi sed parentibus

Cap. 3.

*Quanta  
in eisdem  
ætatis  
adultæ?  
c. ii. § 10.*

VI. *In adulta ætate*, ubi liberi pleno quidem iudicio præditi sunt, pars tamen adhuc familiæ paternæ existunt; distincte considerari potest potestas, quam pater habet *ut genitor*, & quam habet *ut caput familiæ*. Illa cum commodam educationem & gubernationem liberorum pro scopo habeat, patet adultos quoque liberos auctoritatem parentum tanquam prudentiorum sequi debere. Et qui vult ex paternis bonis sustentari, ac in ea deinceps succedere, necessum est, ut ad familiæ paternæ rationes sese attemperet; quam moderari utique penes patrem est<sup>8</sup>.

*Quæ in  
statu na-  
turali, quæ  
in civi-  
tate?  
c. ii. § 11.  
12.*

VII. CÆTERUM *patres familias*, qui nondum in civitates successerant, in domo sua imperium aliquod instar principum gerebant. Inde & liberi in eorum familia adhuc hærentes ipsorum imperium tanquam summum venerari debebant<sup>9</sup>. Verum postea imperium istud familiare, (uti & alia jura) ad usum & decus civitatum fuit attemperatum; & alicubi multum,

---

“adquirunt; cùm fructus ad dominium rei pertineant,  
“& industria liberorum alimentis pensetur. Ast quod  
“liberis usu rationis destitutis donatur, liberorum est.  
“Parentes enim in acceptione vices illorum sustinent,  
“& nulla ratio suadet, ut liberi eodem priventur.”  
*Phil. Pract. P. II. c. iv. S. 11. § 12.*

<sup>8</sup> “Verum hoc debitum cùm non sit ex vi facultatis  
“moralis, sed ex pietate, observantia, & gratiæ re-  
“pendendæ officio; non efficit ut irritum sit, si quid  
“contra sit factum.” GROTIUS *ubi supra*.

<sup>9</sup> Vult HOBBSIUS civile imperium à paternâ potestate derivari. *De Cive*, c. v. § 12. Eandem partem  
tuetur

multum, alicubi parum de eo patribus relic-  
tum. Inde observamus, in quibusdam civita-  
tibus patres jus vitæ & necis, ex causa delicti-  
exercendum, in liberos obtinuisse; in aliis id  
ipsum iis ademptum, ne forte parentes sua in  
liberos potestate in fraudem boni publici, aut  
ad iniquam istorum oppressionem, abuterentur;  
aut ne ob mollitiem paterni affectus dis-  
simularentur vitia, in exitum publicum erup-  
tura; aut ne patri tam tristis sententiæ pro-  
nunciandæ necessitas imponeretur.

VIII. SED ubi *proles familia paterna plane excessu*  
*excessit*, & vel novam sibi familiam constituit, *prolis è fa-*  
vel alteri adjungitur, potestas quidem patria *milia an*  
solvitur; ut tamen semper pietatis & obser- *solvatur?*  
vantia debita maneat; quippe fundatum in *c. ii. § 13.*  
meritis parentum, quibuscum paria facere li-  
beri nunquam aut rarissime creduntur. Et  
ista merita non in eo tantum consistunt, quod  
parentibus liberi vitam debeant, occasionem  
omnium bonorum; sed & quod laboriosam ac-  
sum-

---

tuetur Dominus ROB. FILMER, in libro cui titulus,  
*Patriarcha*. Unde absolutam & irresistibilem potentiam  
civili magistratui attribuunt. Hos autem præclare  
refellit LOCKIUS *de Civ. imperio*, & validissimis argu-  
mentis evincit civile imperium à paterna auctoritate  
derivari non posse. Supra ostensum fuit (L. I. c. vii.)  
*omnes homines esse naturâ æquales*. Infantes quidem hac  
æqualitate non potiuntur, propterea quod non sunt  
ratione præditi. Postquam vero ex ephebis excefferunt  
& maturâ ætate utuntur, omnino sunt *autægeioi*  
suique juris; manente tamen illo pietatis & observan-  
tiæ debito, cujus causa perpetua est. Imperium civile

Cap. 3. sumtuosam educationem eorum susceperint, quos in commoda humanæ societatis membra formarunt, ac sæpe de mediis vitam commode & copiose exigendi iisdem prospexerunt.

*Alteri quousque prolis educatio committi possit?*

IX. ETSI autem parentibus obligatio educandi prolem a natura sit injecta : id tamen non obstat, quo minus, utilitate prolis aut necessitate exigente, ejusdem administratio alteri commendetur, ita tamen ut inspectionem sibi in istum delegatum parens reservet. Unde & pater non solum præceptoribus idoneis filii informationem recte committit : sed & eundem alteri adoptandum dare potest, siquidem exinde in filium aliquod sit emolumentum redundurum. Et si nulla alia ratio sit prolem alendi ; potius quam inopia extinguatur, pater eam oppignorare, aut vendere in tolerabilem servitutem potest, saltem sub lege retractus, ubi pater ad lautiorum fortunam pervenerit, aut quispiam ex cognatis istum redimere velit. Quod si autem parens per inhumanitatem prolem exposuerit & abjecerit, is qui eandem sustulerit atque educaverit, in paternum quoque

---

& paternum prorsus diversi sunt generis : nec origine, nec fine, nec usu conveniunt. Fieri quidem potest, & probabile videtur in primævo rerum statu, priusquam homines in civitates venerunt, patres-familias imperium aliquod civile in suis familiis gessisse : id autem à consensu liberorum vel expresso vel tacito ortum est, qui prudentiam & affectum parentum experti facili sibi utile esse judicarunt, ut eorundem imperio & directioni subjicerentur. Exinde autem nullo modo effici potest civilis magistratus imperium à paterno jure derivari

quoque jus succedet; ita ut iste alumnus filialem observantiam educatori suo debeat. Cap. 3.

X. UTI autem *pater prolem familia sua ejicere non debet*, educatione & auxilio istius ad huc indigentem, citra gravissimas causas: ita & proles non nisi cum bona patris venia ex ipsius familia excedet. Cæterum cum liberi matrimonii fere contrahendi occasione paternam familiam relinquunt; & vero parentum utique interfit, cui proles sua jungatur, & ex quibus nepotes sibi proveniant: inde officium filiale plane requirit, ut *patris consensum hec sequantur liberi*, nec eo invito conjugii socientur. Quod si tamen de facto invitis parentibus matrimonium contraxerint, & consummaverint liberi, jure quidem naturali id irritum non videtur; præsertim ubi familiam paternam non amplius isti onerare velint, & alias conditio non sit indecora. Inde si alicubi ejusmodi matrimonia habentur irrita, aut illegitima, id ex legibus civilibus est <sup>10</sup>.

XI. *Officium parentum* in hoc præcipue consistit, ut liberos commode alant, corpusque & animum *Officia parentum erga liberos quæ?*

derivari posse. Vid supra, cap. I. § 7. not. 7. Conf. LOCKE *De Civ. Imp.* P. II. c. vi.

<sup>10</sup> Sic ex jure Romano quædam nuptiæ irritæ sunt, si consensus patris deficit: quod non ex natura esse, sed ex juris conditorum voluntate recte nos monet GROTIUS. *De Jure B. & P.* L. II. c. v. § 10.

Cap. 3. *animus per dextram & cordatam educationem ita forment, quo idonea & utilia membra societatis humanæ & civilis fiant, probi, cordati, & bene morati. Item & eosdem ad idoneum & honestum vitæ genus adplicent; & quantum ratio & occasio fert, fortunam ipsorum fundent & promoveant*<sup>11</sup>.

*Que vici-  
cissim bo-  
rum erga  
illos?*

XII. *Liberorum contra debitum est parentes honorare, id est, reverentiam illis exhibere, non externis tantum signis, sed multo magis interna æstimatione, tanquam autoribus vitæ, ac tantorum aliorum beneficiorum; iisdem obedire; pro viribus inservire, inprimis senio aut egestate confectis; sine consilio & auctoritate eorum nihil magni momenti suscipere; & denique eorum morositatem, aut vitia, si qua inveniuntur, patienter ferre*<sup>12</sup>.

<sup>11</sup> Recte JUVENAL. Sat. xiv. 70.

*Gratum est quod patriæ civem populoque dedisti,  
Si facis, ut patriæ sis idoneus, utilis agris,  
Utilis & bellorum, & pacis rebus agendis.  
Plurimum enim intererit, quibus artibus, & quibus  
hunc tu  
Moribus instituas*—————

<sup>12</sup> Bene sancitum est à JUSTINIANO reverentiam parentibus etiam impiis deberi: *licet enim legum consentor & impius sit, tamen pater est.* Novell. L. XII, c. ii.



## C A P. IV.

DE OFFICIIS DOMINORUM ET  
SERVORUM.

**I.** POSTQUAM genus humanum mul- *Introducæ*  
tiplicari cœpisset, atque deprehensum *servitutis*  
fuiſſet, quam commode res domesticæ aliorum *in famili-*  
ministerio curari poſſent; mature introductum *am occaſo.*  
fuit, ut ad operas domesticas obeundas *L. vi. c. iii.*  
*in familiam adſciſcerentur ſervi.* Quos ab initio  
ultro ſeſe obtuliſſe probabile eſt, inopia adactos,  
aut propriæ hebetudinis ſenſu; ſtipulatoſque  
ſibi perpetuam alimentorum & aliarum neceſ-  
ſitatum præbitionem, in perpetuum hero ſua  
minifteria addixiſſe<sup>1</sup>. Dein cum bella paſſim  
increbeſcerent, apud plurimos populos recep-  
tum, ut quibus *bello captis* vita donata eſſet,  
ſervitio addicerentur, una cum prole, quæ de-  
inceps ex ipsis eſſet proventura<sup>2</sup>. Etsi apud  
multos populos nulla ejuſmodi ſervitus in uſu,  
ſed omnia munia domesticæ per mercenarios ad  
tempus conductos expediuntur<sup>3</sup>.

<sup>1</sup> Sequitur ex naturali hominum æqualitate, funda-  
mentum ſervitutis eſſe pactum; & nullos eſſe naturā  
& ante omne factum humanum in ſtatu ſervili.

<sup>2</sup> Quod omnino injuſtum eſt; vid, *mox infra.* not. 5.

<sup>3</sup> Conf. GROTI. *De Jure B. & P. L.* II. c. v. § 26.  
Et L. III. c. xiv.

Cap. 4. II. PRUT autem sunt *diversi* velut *gradus* *servitutis*: ita & potestas herorum, & servo-  
*Quæ vero* rum conditio variat. *in servum* *Mercenario temporario*  
*mercena-* dominus conventam mercedem; iste huic vi-  
*tium po-* cissim conventam operam debet. Et quia in  
*testas:* eo contractu domini melior est conditio, ideo  
 c. iii. §3. etiam ejusmodi minister domino pro ratione  
 dignitatis reverentiam exhibere tenetur; &  
 ubi malitiose aut negligenter opus fecerit, e-  
 jusdem coercitioni est obnoxius; quæ tamen  
 ad gravem corporis afflictionem, multo minus  
 ad mortem, propria autoritate sumendam,  
 procedere nequit<sup>4</sup>.

*Quæ in* III. EJUSMODI autem *servo*, qui *se ultro*  
*servum,* *alicui in perpetuum servitium addixit*, domi-  
*qui se ultro* nus perpetua alimenta, & quæ alia vitæ neces-  
*ei addixit?* saria sunt; ille huic vicissim perpetuas operas,  
 c. iii. §4. quasque dominus præscripserit, præstare  
 debet, & quicquid ex illis provenit, domino  
 fideliter consignare. In quibus tamen virium &  
 dexteritatis servi humaniter rationem habebit  
 dominus, ne vires ipsius excedentem laborem  
 cum asperitate exigat. Castigationi quoque  
 domini iste subest, non solum ad expellendam  
 negligentiam in opere exsequendo; sed & ut  
 ipsius mores ad decus & tranquillitatem fami-  
 liæ componantur. Non tamen invitus alteri  
 vendi talis potest; quia ultro hunc, & non  
 alium dominum adscivit; & ipsius interest, u-  
 tri serviat. Si atrox delictum in alium extra  
 familiam

---

<sup>4</sup> GROTIUS servitus est *perfecta* vel *imperfecta*: Prior  
 est quæ perpetuas operas debet pro alimentis & aliis  
 quæ

familiam admiserit : in civitatibus poenæ po-  
testatis civilis subjacet : ubi familia segrex  
fuerit, expelli inde poterit. Sed ubi delictum  
in ipsam familiam segregem sit admissum a do-  
mino etiam per extrema coerceri poterit.

IV. IN istos autem *servos, qui bello capti* <sup>*Quæ in il-  
lum, qui  
bello cap-  
tus est ?*</sup> fuerant, a plerisque durius agi coeptum, quod  
hostilis adhuc iræ quid in eo superesset, &  
quia ipsi extrema nobis nostrisque fortunis in-  
tentaverant. Quamprimum tamen inter ejus-  
modi victorem victumque mutua fides circa  
consociationem in familiam intercessit, omnis  
antegressa hostilitas remissa censetur. Et tunc  
utique injuriâ etiam taliter adquisito servo  
facit dominus, si vel necessaria ad victum non  
suppeditet, vel citra rationem in eum sæviat ;  
multoque magis si citra condignum delictum  
eundem occidat.

V. CIRCA illos quoque *servos, qui bellica* <sup>*Servos*</sup>  
vi in eam conditionem fuerant abstracti, nec <sup>*quos, &*</sup>  
non qui pretio emuntur, receptum, ut non se-  
cus ac aliæ res nostræ in quemcunque placeret <sup>*qua lege,  
alienare  
liceat ?*</sup> transferri, & ad instar mercium venire possent. c. iii. § 11  
Sic ut ipsum *corpus servi domini esse* intellige-  
retur. Ubi tamen humanitas jubet, ut nun-  
quam obliviscamur, servum utique hominem  
esse : adeoque nequaquam eum ita tractemus  
velut alias res nostras, quibus pro libitu uti  
abutique, easque destruere possimus. Et ubi  
talem servum alienare placet ; ne iis data ope-

---

quæ vitæ necessitas exigit : posterior verò, quæ in diem  
est aut sub conditione, aut ad res certas. *De Jure B.*  
§ P. L. II. c. v. § 27, 30.

Cap. 4. ra aut præter meritum addicatur, apud quos  
inhumana ipsum tractatio est mansura.

*Vernæ quo jure fiant domini matris?* VI. DENIQUE & id passim receptum, ut quæ ex servis parentibus nascitur *proles*, servilis & ipsa sit conditionis, pertineatque tan-

c. iii. § 9. quam Mancipium ad dominum matris. Id quod isthoc argumento defenditur, quod cujus est corpus, ejus quoque par sit fructum esse, qui ex eo corpore provenit: Et quia ista proles nascitura plane non erat, si dominus jure belli in parentem usus fuisset: Et quia parens nihil habet proprii, nulla ratio prolem ejusmodi alendi superest, nisi ex bonis herilibus. Cum igitur dominus alimenta præbeat ejusmodi proli diu ante, quam ipsius opera utilis esse queat, & sequentes operæ sui temporis alimenta non multum fere excedant; effugere eidem servitutem invito domino non licebit. Manifestum tamen est, cum ejusmodi vernæ nulla sua culpa in servitutem perveniant, nullum esse prætextum, quare isti durius debeant tractari, quam conditio perpetuorum mercenariorum admittit.

C A P.

---

§ Naturalis quidem servitus eorum, qui ex servis nascuntur, axiomatici isti, *homines esse naturâ æquales*, directè adversatur; quam ob causam opinionem auctoris omnino repudiamus. Qui in servitutem non consenserunt, nec justo bello redacti sunt, domino nulum in eos imperium competit. Præterea mitiorem conditionem proculdubio merentur, qui ex ejusmodi servis nati sunt, & præter culpam suam in hunc statum devenerunt. Audiamus GROTIUM: "Romano jure & jure gentium circa captivos, ut in bestiis, ita in  
servilis

## C A P. V.

DE CAUSA IMPULSIVA CONSTITUEN-  
DÆ CIVITATIS.

I. **Q**uanquam vix sit jucunditatis quid at-  
que commoditatis, quod per hactenus enumerata officia statusque obtineri non  
posse videatur; quare tamen mortales, non  
contenti parvis illis primisque societatibus,  
magnas societates, quæ *civilatum* nomine  
veniunt, constituerint, jam investigandum  
restat. Ex hisce enim fundamentis deducen-  
da est ratio officiorum, quæ statum hominum  
civilem comitantur.

II Hæc igitur non sufficit dixisse; *Homi-* *Ad eam*  
*nem per naturam ipsam rapi ad societatem* *hominem*  
*esse na-*  
*tura pro-*  
*num non*

“ servilis conditionis hominibus *partus matrem sequitur*; *sufficit.*  
“ quod tamen juri naturali non satis congruit, ubi *c. i. § 3.*  
“ pater aliqua ratione sufficiente cognosci potest. Po-  
“ namus autem, quo minor sit difficultas, utrumque  
“ parentem servitutem servire; & videamus, an na-  
“ turaliter partus servilis futurus sit conditionis. Cer-  
“ te si alia nulla fuerit ratio educandi partum, potue-  
“ runt parentes prolem sibi nascituram in servitutem  
“ secum addicere: quippe cum tali ex causâ etiam in  
“ libertate natos vendere parentibus liceat. Sed cum  
“ hoc jus naturaliter ortum ducat ex ipsâ necessitate,  
“ extra eam non est jus parentibus prolem suam cui-  
“ quam addicere.” *De Jure B. & P. L. II. c. v.*  
§ 29.

“ *Concilia cætusque hominum jure sociati civitates appel-*  
*lantur.* Cic. Somn. Scip. c. iii.

*civilem*

Cap. 5. *civilem*, ut citra eam nec possit, nec velit vere. Sane enim cum apertum sit, hominem esse tale animal, quod seipsum & suam utilitatem quam maxime amat; necessum est, ut dum ultro societatem civilem affectat, aliquam utilitatem inde sibi proventuram respexerit. Et quanquam extra societatem cum sui similibus homo erat futurus animal longe miserrimum: tamen cum naturalibus desideriis & necessitatibus hominis per primas societates, & per officia ex humanitate aut pactis præstita, abunde potuerit satisfieri; non statim ex socialitate hominis inferri potest, ejus indolem præcise ad societatem civilem ferri.

*Triplex in  
hanc rem  
considera-  
tio.*

III. Id quod planius fiet, si consideremus, quænam conditio ex constitutis civitatibus apud homines proveniat; Quid requiratur, ut quis vere dici queat *animal politicum*, i. e. *bonus civis*; Quid denique deprehendatur in natura hominis, indoli vitæ civilis repugnans.

*Primo,  
conditionis  
ex hac so-  
cietate pro-  
venientis;*

IV. Qui civis fit, libertatis naturalis jacturam facit, ac imperio se subicit, quod jus vitæ & necis complectitur; & cujus jussu plurima facienda, abs quibus quis alias abhorrebat; & omittenda, quæ vehementer adpetebat. Pleræque etiam actiones ad bonum societatis referendæ, quod sæpe a bono singulorum

---

<sup>2</sup> Similiter CICERO: "Hanc ob causam maxime ut sua tenerent, resp. civitatesque constitutæ sunt. " Nam etsi *duce naturâ* congregabantur homines, tamen spe custodiæ rerum suarum urbium præsidia quærebant. " *De Offic.* II. xxi. Male autem statuit

rum videtur discrepare. Atqui ad hoc per in- Cap. 5.  
clinationes jam congenitas fertur homo, ut ne-  
mini subjectus esse, ut omnia suo agere arbi-  
trio, ut proprio commodo in omnibus velifi-  
cari velit.

V. *Animal vere politicum* 3, i. e. *bonum ci-* Tum, re-  
*vem* illum dicimus, qui iussis imperantium quisiro-  
promte paret, qui ad bonum publicum omni- rum ani-  
bus viribus connititur, ac post illud privatum malis po-  
bonum lubenter habet; imo qui nihil sibi bo- litici;  
num credit, nisi idem bonum quoque sit civi-  
tati; qui denique adversus alios cives commo-  
dum sese gerit. Atqui paucorum ingenia ul-  
tro ad hunc finem attemperata inveniuntur;  
maxima pars metu poenæ utcunque continen-  
tur; multi per totam vitam mali cives, &  
animalia non politica manent.

VI. DENIQUE *nullum homine animal fero-* Tum, na-  
*cius*, aut indomitum magis, & quod in plura tura hu-  
vitia pacem societatis perturbare apta sit pro- manæ vi-  
clive. Præter desideria enim cibi, Venerisque, tæ civili  
quibus bruta quoque solent committi, multis repugnan-  
homo agitur vitiis, quæ bruta ignorant; uti  
est superfluarum rerum insatiabilis cupido, &  
sævissimum malorum, ambitio. Vivax item ni-  
mis injuriarum memoria, & vindictæ ardor,  
longo post tempore adhuc gliicens. Nec non

---

tuit HOBBSIUS *De Cive*, c. i. § 2. congressum omnem  
spontaneum vel egestate mutuâ conciliari, vel captandâ  
gloriâ, & has solas esse causas societatis quærendæ.

<sup>3</sup> Ἀνθρωπὸς ἐστὶ φύσει ζῶον πολιτικόν. Homo naturâ  
est animal politicum. ARISTOT. Polit. L. I. c. ii.

E. c

infinita

Cap. 5. infinita diffimilitudo inclinationum & adpetituum, & cuique pro studio suo extollendo per-  
 vicacia. Accedit, quod eo furore in proprium  
 genus sævire gaudeat homo, ut maxima pars  
 malorum, quibus humana conditio vivit ob-  
 noxia, ab ipso homine proficiscatur 4.

*Causa ci-  
 vitatis  
 constituen-  
 da, vitæ  
 securitas.*  
 c. i. § 7. VII. GENUINA igitur & principalis causa,  
 quare patresfamilias, desertâ naturali liberta-  
 te, ad civitates constituendas descenderint,  
 fuit; ut *præsidia sibi circumponerent contra  
 mala, quæ homini ab homine imminet.* Nam  
 uti post Deum O. M. homo homini plurimum  
 prodesse; sic & idem non minus obesse potest.  
 Et recte malitiam hominum, ejusque remedium  
 æstimant, qui in proverbii vicem receperunt:  
 nisi judicia essent, unus alterum devoraret.  
 Postquam autem per civitates in talem sunt  
 digesti ordinem homines, ut a mutuis læsioni-  
 bus tuti esse possent; ultro deinde consecutum  
 fuit, ut eo uberius fruerentur commodis, quæ  
 ex hominibus in homines provenire apta sunt;  
 puta, ut moribus a puero imbuerentur com-  
 modioribus, & varias invenirent atque exco-  
 lerent

---

4 In tribus novissimis sectionibus auctor HOBBSII  
 vestigia maximè insequitur. Conf. *De Cive*, c. i.

5 De origine civitatum similia tradidit CICERO:  
 " Mihi quidem non apud Medos solum, ut ait HERO,  
 " DOTUS, sed etiam apud majores nostros, justitiæ  
 " fruendæ causâ, videntur olim bene morati rege-  
 " constituti. Nam cum premeretur inops multitudo  
 " ab iis, qui majores opes habebant, ad unum aliquem  
 " confugiebant, virtute præstantem, qui cum pro-  
 " bere



lerent artes, quibus vita humana copiosa & Cap. 5.  
commoda fuit reddita 5.

VIII. ILLUSTRIOR adhuc fiet causa consti-  
tuendæ civitatis, si consideremus, *alia media* <sup>Quam per</sup>  
*non fuisse suffectura* reprimendæ hominum ma- <sup>sese homini</sup>  
litia. Quanquam enim *lex naturalis* præcipiat, <sup>non præ-</sup>  
ut ab omnibus injuriis inferendis homines sese <sup>stat lex</sup>  
abstineant <sup>naturæ;</sup> 6; tamen ejus legis reverentia id  
præstare non potest hominibus, ut in libertate  
naturali satis tuto degere queant. Et si enim  
forte dentur homines animo ita modesto, ut  
ne impunitate quidem data alios violare ve-  
lint; alii quoque metu proventuri inde mali  
cupiditates suas utcunque compescant; magna  
tamen ex adverso eorum turba datur, quibus  
omne jus vile est, quoties spes lucri arriserit,  
& fiducia propriarum virium, aut solertia, qua  
repellere aut eludere læsos sese posse sperent.  
Quos uti nemo non cavere nititur, qui salutem  
suam amat: ita cautio illa commodius, quam  
ope civitatum obtineri nequit. Nam ut ut ali-  
qui mutuo fidem dederint de auxiliis invicem  
ferendis; ni tamen adsit aliquid, quo & judi-  
cia eorum uniantur, & voluntates firmiter ad-  
stringantur ad explendam fidem; frustra ab

---

“beret injuriâ tenuiores æquitate constituendâ, summos  
“cum infimis, pari jure retinebat.” *De Offic. II.*  
xii.

6 Etiam si auctor in plurimis HOBBSIIUM sequitur;  
ex hisce tamen plane patet eum longe ab impiâ hujus  
hypothesi abhorruisse, quæ docet *λυσινὴν*, seu *raptò*  
*vivere*, in statu naturali, non esse contra legem naturæ.  
Conf. *De Civit.* c. v. § 2.

E c 2

iisdem

Cap. 5. iisdem certum auxilium sibi quis promittit.

*Neque Numinis metus, & morsus conscientia.*

IX. DENIQUE licet lex naturalis hominibus satis insinuet, non impune laturos, qui alios injuria affecerint : tamen neque *metus divini Numinis*, neque *conscientiæ morsus* sat validamprehenduntur vim habere quorumvis hominum malitiæ coercendæ. Nam apud multos educationis & consuetudinis vitio vis rationis velut obsurdescit. Unde fit, ut illi præsentibus tantum immineant, futurorum parum curiosi ; ac non nisi iis moveantur, quæ in sensus incurrunt. Cum autem vindicta divina lento fere pede soleat incedere ; inde pravis mortalium præbetur occasio ad alias causas impiorum mala referendi ; præsertim cum sæpe videant, improbis affatim adesse, quæis vulgus felicitatem metitur. Accedit, quod stimuli conscientiæ, qui facinus antecedunt, non ita validi videantur, quam qui idem subsequuntur, quando id, quod factum est, infectum amplius fieri nequit. Enim vero pravis cupidinibus reprimendis præsentaneum, & ad indolem hominum probe attemperatum remedium in civitatibus reperitur.



## G A P. VI.

DE INTERNA CIVITATUM  
STRUCTURA.

I. **P**ROXIMUM est, ut investigemus, *Avertendis* qua ratione civitates sint extructæ, *malis utilis* earundemque *interna compages* cohæreat. Ubi *conjunctio* illud primo manifestum est, adversus mala ab *hominum* hominum pravitatem imminetia singulis hominibus neque locum aliquem, neque arma, neque animantia bruta commodius & efficacius præsidium potuisse suppeditare, quam *alii homines*. Eorum autem vis cum in longe distantia non feratur, necessum erat *conjugi* per quos finis iste obtinendus erat.

II. NEC minus constat, ejusmodi securitatem adversus alios homines præstare non posse *Neque eorum paucorum, sed bene multorum;* duorum vel trium consensionem. Quia facile *c. ii. § 2.* est, ut ad paucos hosce opprimendos tot conspirent, ut certissimam sibi de illis victoriam spondere possint; quibus spes successus & impunitatis fiduciam ad aggrediendum est data. Igitur ad istum finem necessarium est, *insignem* hominum multitudinem sese conjungere; ut paucorum hominum ad hostes accessio, non sit ipsis conspicui momenti ad victoriam.

III. INTER multos istos, hoc fine coeuntes, *Per eadem* oportet ut sit *consensus circa adhibenda media* *media in eundem finem idonea.* Nam etiam multi, *nem con-* nisi consentiant inter se, sed distracti sententiis *spiranti-* *um.*  
E e 3 - *in c. ii. § 3.*

Cap. 6. in diversa tendant, nihil efficient. Aut licet  
 { ad tempus consentiant, impellente aliquo af-  
 fectu, mox tamen, prout mutabilia sunt ho-  
 minum ingenia & inclinationes, in diversa abi-  
 bunt. Et quamvis pacto inter se promittant,  
 quod ad defensionem communem vires suas  
 sint adplicaturi; tamen ne hoc quidem modo  
 ad diuturnitatem isti multitudini sat cautum  
 erit. Sed oportet ut quid amplius accedat,  
 ut qui semel ad pacem & mutuam auxilium  
 causa communis boni consenserint, prohibe-  
 antur, ne postea, cum bonum suum privatum  
 a publico discrepare visum fuerit, iterum dis-  
 sentiant.

Huc spectat  
 voluntas  
 sum sub u-  
 na potes-  
 tate unio.  
 c. ii. § 5. IV. CÆTERUM in humano ingenio duo po-  
 tiffimum occurrunt vitia, quæ impediunt, quo-  
 minus multi sui juris, & abs se invicem non  
 dependentes, diu in communem aliquem finem  
 possint conspirare. Unum est *diversitas incli-*  
*nationum* & *judicii* circa discernendum, quod  
 ad finem est utilissimum; cui in multis est con-  
 juncta *hebetudo* ad dispiciendum, quæ senten-  
 tia ex pluribus sit magis proficua; & *pervica-*  
*cia* mordicus defendendi, quod semel utcun-  
 que arriserit. Alterum est *torpor* & *aversatio*  
 ultro faciendi quod utile est, ubi desit aliqua  
 necessitas, quæ tergiverfantes velint nolint ad  
 officium faciendum subigat. Priori vitio oc-  
 curritur, unitis in perpetuum voluntatibus  
 omnium: posteriori autem, si constituatur ali-  
 qua potestas, quæ præfens, & in sensus incur-  
 rens, malum infligere possit communi utilitati  
 reluctantibus.

V. *Uniri multorum hominum voluntates* nul-  
la alia ratione possunt, quam si unusquisque  
suam voluntatem voluntati unius hominis, aut  
unius consilii subjiciat; ita ut deinceps pro  
voluntate omnium & singulorum sit habendum,  
quicquid de rebus ad securitatem communem  
necessarii ille voluerit.

VI. *Potestas* autem talis, quæ omnibus sit  
*metuenda*, itidem inter multos homines nulla  
alia ratione constitui potest, quam si omnes &  
singuli sese obligaverint, ut eo modo vires suas  
sint adplicaturi, sicut ille voluerit, in quem  
omnes virium suarum directionem resignarunt.  
Ubi autem & voluntatum & virium unio facta  
fuerit, tunc demum multitudo hominum in  
validissimum corpus, civitatem nimirum, ani-  
matur.

VII. PORRO ut civitas *regulari modo* coa-  
lescat, requiruntur *duo pacta*, & *unum decre-*  
*tum*. Primo enim omnium illi multi, qui in  
libertate naturali constituti intelliguntur, ubi  
ad civitatem faciendam congregantur, inter  
se *singuli cum singulis pactum* ineunt, ut in  
unum & perpetuum coetum coire velint, suæ-  
que salutis ac securitatis rationes communi  
consilio ac ductu administrare; uno verbo, ut  
velint concives mutuo fieri. In quod pactum  
omnes & singuli ut consentiant necessum est;  
& qui non consenserit, is extra futuram civi-  
tatem manet.

VIII. *Post* isthoc pactum oportet, ut de-  
cretum fiat, *qualis forma regiminis* sit intro-  
ducenda. De hac enim antequam constitutum  
sit,

E c 4

sit,

Cap. 6. sit, nihil constanter poterit expediri, quod ad  
 communem salutem faciat.

*Denique,  
 pactum in  
 ter cives  
 & impe-  
 rantem.*

c. ii. § 8.

IX. POST decretum circa formam regimi-  
 nis, altero pacto opus est, quando constituun-  
 tur ille vel illi, in quem, vel quos regimen  
 nascentis civitatis confertur: quo quidem  
 pacto hi ad curam communis securitatis & sa-  
 lutis, reliqui ad obsequium his præstandum  
 sese obstringunt; quo ipso etiam omnes suam  
 voluntatem subijciunt voluntati istius vel isto-  
 rum simulque suarum virium usum & adpli-  
 cationem ad communem defensionem eidem,  
 vel iisdem deferunt. Atque hoc pactum ubi  
 rite fuerit executioni datum, tunc demum  
 perfecta & regularis civitas inde provenit.

*Civitatis  
 natura &  
 definitio ex  
 traditis.*

c. ii. § 13.

X. CIVITAS ita constituta ad modum u-  
 nius personæ concipitur, unoque nomine ab om-  
 nibus particularibus hominibus distinguitur,  
 atque dignoscitur, habetque peculiaria jura ac  
 res proprias, quæ neque singuli, neque multi,  
 neque

---

<sup>1</sup> Hanc auctoris doctrinam perstringunt TITIVS &  
 BARBEYRACCIUS; præcipuè eo nomine, quod ex  
 falsâ hypothese resultat, quasi ingens hominum multitudo,  
 civitatis condendæ causâ convenerit, aut omnes vel primæ  
 saltem civitates libero consensu constructæ sunt; quarum  
 neutra tamen est veritati consentanea, quoniam vis est  
 civitatum origo valde probabilis. Quæ quidem omnia,  
 salvâ auctoris doctrinâ, facile concedi possunt. Non  
 enim quæritur quænam sit de facto civitatum origo, sed  
 quid de earum origine præcipit jus naturale, Quod si  
 vero rationi & philosophiæ consona sit theoria, quam  
 noster proposuit, quod quidem negari non potest, nihil  
 omnino valet, si vix ullum deprehendere possumus  
 exemplum civitatis, quæ regulariter & per ejusmodi  
 pacta

neque adeo omnes simul citra eum, qui summum habet imperium, seu cui regimen civitatis commissum, sibi asserere possunt. Unde CIVITAS definitur quod sit *persona moralis composita, cujus voluntas ex plurium pactis implexita & unita, pro voluntate omnium habetur, ut singulorum viribus & facultatibus ad pacem & securitatem communem uti possit*<sup>2</sup>.

XI. EXERIT autem sese voluntas civitatis, tanquam principium actionum publicarum, vel per unum hominem, vel per unum concilium, prout in illum aut hoc summa rerum fuit collata. Ubi penes unum hominem est regimen civitatis, civitas velle intelligitur, quodcumque isti homini (cui sanam rationem constare præsupponitur<sup>3</sup>) placuerit, & quidem circa negotia quæ ad finem civitatum spectat.

*Regimen civitatis vel uni homini ;*  
c. ii. § 14;

XII. VERUM ubi regimen civitatis collatum est in concilium, ex pluribus hominibus constans, quorum quisque suam retinet voluntatem.

*Vel concilio ex pluribus collecto commissum.*  
c. ii. § 15.

pacta expressa coaluerit. Conf. LOCKE *de Civ. Imp.* P. II, c. vii. ALG. SIDNEY *de Civ. Imp.* c. iii.

<sup>2</sup> Hanc definitionem ex HOBBSIO *de Cive*, c. v. § 9, desumpsit noster, quam non satis esse accuratam notavit TITIVS, cum civitatem & imperantem confundat. Aliam ipse affert in *Specim. Juris Publ.* L. VI. c. vii. § 14. Accipe autem GROTIANAM. Civitas est cætus perfectus liberorum hominum juris fruendi & communis utilitatis causâ sociatus. De Jure B. & P. L. I. c. i. § 14. Quæ ab ista CICERONIS haud multum differt, quam supra attulimus ad cap. v. not. 1.

<sup>3</sup> Recte addit, cui sanæ ratio constet ; cui adjungit TITIVS, juxta præscriptum legum fundamentalium.

tatem

Cap. 6. tatem naturalem; regulariter illud habetur  
 ~~~~~ pro voluntate civitatis, in quod consenserit  
 major pars hominum, ex quibus concilium  
 componitur<sup>4</sup>; nisi expresse statutum sit, quo-  
 ta pars concilii consentiens requiratur ad re-  
 præsentandam voluntatem universitatis<sup>5</sup>. Ubi  
 autem duæ sententiæ discrepantes pares sint,  
 nihil agetur, sed res in priori statu manebit<sup>6</sup>.  
 Inter plures sententias discrepantes illa præ-  
 valebit, quæ singulis dissentientibus major est;  
 modo in eam tot conspirent, quot alias volun-  
 tatem universitatis per sanctiones publicas re-  
 præsentare possunt<sup>7</sup>.

*Membra  
 civitatis,  
 imperans  
 & civis.  
 c. ii. § 19.*

XIII. CIVITATE ita constituta, ille in  
 quem imperium est collatum, prout vel est  
 unus homo, vel unum concilium paucorum  
 aut univerforum, *Monarcha, Senatus*, aut *Populus liber* dicitur; reliqui *Subditi* audiunt,  
 aut *Cives*, vocabulo hoc *latius* accepto. Et si  
 pressius illi quibusdam duntaxat cives soleant  
 dici, quorum coitione & consensu primo ci-  
 vitas coaluit, aut qui in horum locum succef-  
 ferunt; nempe patresfamilias. Sunt porro  
*cives vel originarii vel adscititii*. Illi sunt, qui

---

<sup>4</sup> Similiter GROTIUS: Pars major nomine universi-  
 tatis obligant singulos, qui sunt in societate. *De Jure*  
*B. & P. L. II. c. v. § 17.*

<sup>5</sup> Sic in POLONIA una vox negativa contra cæteras  
 omnes ita valebit, ut re infectâ concilium dissol-  
 vatur.

<sup>6</sup> Nova vis requiritur ad novum effectum creandum;  
 unde paribus sententiis æquum est res manere *in statu*  
*quo*. SENEC. *Epist.* 81. *Reus sententiis paribus absol-*  
*uitur.*



vel initio civitati nascenti interfuerunt, vel Cap. 6.  
 qui ex hisce sunt geniti; quos etiam *indigenas* adpellari mos est. Hi autem sunt, qui  
 civitati jam constitutæ extrinsecus accedunt eo  
 fine, ut fortunarum ibi sedem figant. Nam  
 qui tantum ad tempus commorandi causa in  
 civitate versantur, etsi tantisper ipsius impe-  
 rio subjiciantur; cives tamen non habentur,  
 sed peregrini aut inquilini vocantur.

XIV. ISTA tamen, quæ super origine ci- <sup>*Imperium*</sup>  
 vitatum tradita sunt, non obstant, quo minus <sup>*civile quo*</sup>  
*imperium civile a Deo* esse recte dicatur. Cum <sup>*sensu a*</sup>  
 enim idem legem naturalem ab omnibus ho- <sup>*Deo fit?*</sup>  
 minibus exerceri velit; & vero post multi- <sup>*c. iii.*</sup>  
 plicatum genus humanum tam horrida vita in-  
 ter homines proventura fuerit, ut legi natu-  
 rali vix ullus relinqueretur locus; cujus tamen  
 exercitium per institutas civitates egregie pro-  
 movetur: ergo (cum qui jubet finem, jubere  
 etiam censeatur media ad finem necessaria)  
 Deus quoque mediante dictamine rationis an-  
 tecedenter præcepisse humano generi multipli-  
 cato intelligitur, ut civitates, quæ summo im-  
 perio velut animantur, constituerentur. Qua-  
 rum

---

7 Exempli causâ: Si tres voces steterint pro unâ  
 parte, quatuor pro alterâ, & quinque pro tertiâ, tum  
 vincet, quæ quinque habet: si modo tot sint voces  
 conspirantes, quot ex legibus civitatis universitatem  
 representare possunt. In plerisque societatibus requi-  
 ritur, ut major pars totius numeri conspiret.

<sup>8</sup> Qui verò contendunt civile imperium à Deo oriri,  
 quiddam prorsus diversum significatum esse volunt;  
*viz.*

Cap. 6. rum ordinem quoque in divinis literis 9 expresse adprobat, ejusque sanctimoniam peculiaribus legibus sancit, sibi que illud peculiari-ter curæ esse testatur.

## C A P. VII.

## DE PARTIBUS SUMMI IMPERII.

*Partes summi imperii variae:*  
L.vii.c.iv. I. **Q**UÆ *Partes* sint summi imperii, & quibus modis ejusdem sese vis in civitatibus exerat, ex natura & fine earundem liquido potest colligi <sup>1</sup>.

*Potestas scilicet ferendi leges:*  
c. iv. § 2. II. IN civitate omnes suam voluntatem submiserunt voluntati imperantium circa negotia ad salutem civitatis facientia, ut velint facere quicquid illi voluerint <sup>2</sup>. Hoc ut fieri possit, necessum est, ut *imperantes civibus significant*,

*viz.* immediatè & specialiter à Deo fundatum esse sine pactis aut ullo humano actu interveniente : unde hujusce opinionis defensores inviolabilem quandam majestatem & sanctitatem regibus inesse quasi cælitus dimissam, sibi in mente persuadeant : quam quidem sententiam argumentis tam ex sacris literis quàm ex lumine naturali petitis stabilire aggressi sunt regii imperii fortissimi assertores ; quales fuerunt HOBBE-  
US, FILMERUS, LESLEYUS, & alii. Sed nil nisi nugæ agunt. Ex iis quæ supra dicta sunt, facilè patebit civile imperium aliunde originem duxisse ; & neminem nisi consentientem alieno imperio subji-  
ci. Sed de hâc quæstione videtis LOCKE *de Civili Imp:*  
Vid supra *Histor. Juris Nat.* § 51 : p. 73.

que

quæ ipsorum circa talia sit voluntas. Istud *Cap. 7.*  
 igitur faciunt non solum *per mandata ad sin-*  
*gulos* directa circa negotia particularia; sed  
 etiam *per generales regulas*, unde omnibus in  
 perpetuum de agendis omittendisve constet.  
 Per quas etiam definiri solet, quid cuique  
 suum, quid alienum censi debeat; quid in  
 civitate pro licito, quid pro illicito, quid pro  
 honesto aut inhonesto habendum<sup>1</sup>; quid cui-  
 que ex libertate naturali supersit, aut quo-  
 modo quisque usum suorum jurium ad tran-  
 quillitatem civitatis temperare debeat; quid  
 denique & quo modo quisque suo jure ab al-  
 tero exigere queat. Hæc omnia enim liquido  
 definita esse, ad decus & tranquillitatem civi-  
 tatis plurimum facit.


III. Is porro potissimus civitatum finis est, *Et inter-*  
 ut homines mutua conspiratione & ope tuti *minandi*  
 sint adversus damna & injurias, quæ ab ho- *atque in-*  
*fligendi*  
 minibus *pænas:*  
*c. iv. § 3.*

9 "Notandum est (inquit GROTIUS) homines non  
 "Dei præcepto sed sponte adductos experimento  
 "infirmis familiarum segregum adversus violentiam  
 "in societatem civilem coisse; unde ortum habet  
 "potestas civilis, quam ideo humanam ordinationem  
 "Petrus vocat: (1 Ep. ii. 13.) quanquam alibi &  
 "divina ordinatio vocatur, quia hominum salubre  
 "institutum Deus probavit." (Rom. xiii. 1.) GROT.  
*De Jure B. & P. L. I. c. iv. § 7.*

<sup>1</sup> Conf. GROT. *De Jure B. & P. L. I. c. iii. § 17.*

<sup>2</sup> Quæ de legibus in genere ferendis supra dicta  
 fuerunt (L. I. c. ii.) huc etiam applicari possunt.

<sup>3</sup> De iis scilicet rebus, quas in medio reliquit lex divina,  
 quod obiter monendum esse duxi, ne confundatur  
 nostri

**Cap. 7.** minibus invicem inferri possunt & solent.  ut obtineatur ab hominibus, quibuscum eandem societatem conjungimur, non sufficit ut mutuo inter se paciscantur de injuriis non inferendis; neque etiam ut nuda superior voluntas civibus innotescat: sed opus est *metæ pœnæ, & facultate eandem repræsentandi*. Quæ pœna, ut huic fini sufficiat, ita est temperanda, ut aperte majus malum sit leges violasse, quam observasse; utque adeo pœnæ acerbitas voluptati aut lucro, quod ex injuria capitur aut speratur, præponderet. Nam non possunt homines non ex duobus malis minus eligere. Licet autem multi per imminentem pœnam ab injuriis non reprimantur, id tamen inter minus frequentia habendum est; quæ plane evitare conditio humana non patitur s.

IV.

---

nostri doctrina cum impietate Hobbesianâ, quæ fas & nefas, honestum & turpe omnino ab arbitrio principis pendere docet. HOBBS. *de Cive*, c. VI. § 9. Vid. è contra CUDWORTH. *de Æternâ & Immut. Moralit.*

4 Hinc oritur jus vitæ & necis. Vid. *infra*, cap. xiii.

5 Addendum est justam dari proportionem inter delictum & pœnam, quam observare debent legislatores; & quoad hanc proportionem imprimis respiciendum esse ad damnum, [quod sustinebit civitas ex crimine perpetrato; ut quo majus hoc sit, eo graviore pœnas subiret delinquens. Porro pœnas remittere potest imperator, si modo lex quiddam duri præcipiat, vel utilitas reip. id suadeat. V. *supra*, L. I. c. ii. § 10.

6 De imperantis facultate judiciariâ, quæ à nonnullis *jurisdictio* vocatur, pauca hic notanda veniunt, quæ ex BVD.

IV. QUIA etiam sæpe controversiæ super Cap. 7.  
 recta legum adplicatione ad facta singularia  
 oriri solent, ac multa accurate expendenda oc-  
 currant, si quid contra leges factum esse dica-  
 tur : inde, ut inter cives tranquillitas constet,  
 summi imperii est *lites civium cognoscere &*  
*decidere*, singulorumque facta, quæ legibus  
 contraria arguuntur, examinare, ac pœnam  
 legibus convenientem dictitare & exsequi <sup>6</sup>.

V. UT autem qui in civitatem coiverunt *Etiam po-*  
 adversus extraneos tuti sint, summi imperii *testes belli*  
 est congregare, unire, & armare tot cives, aut *& fæde-*  
 eorum loco conducere, quot pro incerto nu- *rum :*  
 mero & viribus hostium ad communem de- *c. iv. § 5.*  
 fensionem opus visum fuerit ; rursusque ubi  
 expedierit pacem facere <sup>7</sup>. Cumque & belli  
 & pacis temporibus inserviant *fœdera*, ut &  
 commoda diversarum civitatum melius com-  
 municari possint, & validior hostis junctis vi-

BUDDEO supplebimus. “ Ut judicium rite procedat,  
 “ ratio postulat, ut primò adsit *accusator*. Perinde  
 “ autem est, sive accusatio fiat à læso, sive ab illis, qui  
 “ publicâ auctoritate ad hoc sunt constituti. Deinde  
 “ ut accusato concedatur *defensio*, ne non auditus  
 “ damnetur. Huc pertinent *advocati*. Præterea si  
 “ causa non sit liquida, ut instituatur *inquisitio*. Hæc  
 “ autem instituatur per *testes*, *jusjurandum*, &c. *Tortura*,  
 “ ut vocatur, non tam ad inquisitionem, quàm ad delicti  
 “ confessionem est comparata, Denique *sententia* fera-  
 “ tur, & quidem secundum *acta* & *probata*. Si con-  
 “ scientia judicis repugnet, iterum & quidem accu-  
 “ rationi studio inquisitio instituatur.” *Phil. Prag.*  
 P. II. c. iv. S. 13. § 25.

<sup>7</sup> Vid. *infra*, cap. xvi.

Cap. 7. *ribus repelli, aut in ordinem redigi queat; penes summum quoque imperium erit, utrique tempori inservientia foedera inire, universosque subditos ad ea servanda obstringere, simulque exinde redundantia commoda in civitatem derivare<sup>8</sup>.*

*Nec non  
creandi  
magistra-  
tus:*

VI. CUM etiam civitatis amplæ negotia, tam belli quam pacis tempore occurrentia, ab uno homine sine *ministris & magistratibus* executioni dari nequeant; opus erit ab summo imperio constitui homines, qui ipsius vice controversias civium examinent, vicinorum consilia explorent, milites gubernent, opes civitatis colligant, & dispensent, ac denique utilitati civitatis undique prospiciant. Quos ipsos summus imperans ad officium faciendum compellere, gestorumque rationes poscere potest ac debet<sup>9</sup>.

*Imperandi  
tributa &  
vestigia:*

VII. QUIA porro nec belli nec pacis tempore civitatis negotia sine *sumtibus* geri possunt, summi imperii est adigere cives, ut eodem

c. iv. § 7.

<sup>8</sup> Vid. *infra*, cap. xvii.

<sup>9</sup> Vid. *infra*, cap. xi. § 9.

<sup>10</sup> Vid. *infra*, cap. xi. § 10.

<sup>11</sup> De jure imperantis *in rebus sacris* gravis est inter eruditos contentio: neque nostri est tantas lites componere. Sed ne quæstio intacta maneat, sententiam cl. BUDDEI, quæ mihi maxima ex parte arridet, lectoribus sistam. "Ut rite intelligatur, quousque summo  
"imperanti hoc competat, duo sunt observanda: primo imperantem tum absolute *ut imperantem*, tum ut  
"imperantem *Christianæ religioni additum* posse consistere, sed in ipsa reipublicæ administratione, hæc debere

dem suppeditent. Id quod variis modis con-  
tingit; puta, si vel cives aliquam bonorum  
aut proventuum regionis abs se infessæ par-  
tem ad hos usus seponant, vel singuli cives de  
suis bonis conferant, simulque ubi opus sit o-  
peras suas præbeant; vel si vectigalia impo-  
nantur mercibus, quæ importantur, & expor-  
tantur (quorum illud tamen magis cives, hoc  
exteris onerat) aut si de pretio rerum, quæ  
consumuntur, modica pars decidatur<sup>10</sup>.

VIII. DENIQUE cum singulorum actiones  
a sua cujusque opinione regantur; plerique  
autem de rebus ita soleant judicare, prout as-  
sueverunt, & prout communiter judicari vi-  
dent; paucissimi proprio ingenio vera & ho-  
nesta dispicere queant: inde civitati expedit,  
ut publice ejusmodi *doctrinis* personet, quæ  
cum recto fine & usu civitatum congruunt, si-  
mulque animi civium à puero istis imbuantur.  
Ejusmodi igitur doctrinas qui publice doceant,  
summi imperii est constituere<sup>11</sup>.

## IX.

“debere esse conjunctissima: deinde religionem  
“Christianam quoad *externa*, directione quadam opus  
“habere, sed hanc directionem ita instituendam esse,  
“ne indoli & naturæ hujus religionis adversetur.  
“Hæc adeo clara esse arbitror, ut à nemine in dubium  
“vocari possint.

“Hisce præmissis, assero, primo summum imperan-  
“tem obligatum esse ut impediatur, ne religio talis in-  
“troducatur, quæ statum civitatis evertere, aut tran-  
“quillitatem per se turbare possit: multo minus itaque  
“*atheismo* locum concedet, cum hic palam saluti civi-  
“tatis adversetur: deinde summum imperantem ut

Cap. 7. IX. SUNT autem istæ partes summi imperii naturaliter ita *connexæ*, ut, siquidem regularis forma civitati constare debeat, omnes & singulæ penes unum radicaliter esse debeant. Nam si una vel altera plane abfuerit, mancum erit imperium, nec ad finem civitatis pro-

*Quæ imperii partes natura sunt indivisæ.*  
c. iv. § 11.

“ *Christianum*, obligatum esse, ad salutem æternam  
“ suorum civium promovendam, & hunc in finem illi  
“ omnem operam navandam esse, ut vera religio flo-  
“ reat ; sed per vim eam propugnare nequit, cum na-  
“ tura veræ religionis hoc non exigat, nec permittat;  
“ interim impedimenta, quæ obstant quo minus flo-  
“ reat, aut in integritate sua conservetur, recte remo-  
“ vere potest : non autem summi imperantis est  
“ *prædicare verbum, administrare sacramenta, &c.* nam-  
“ que nec natura reipublicæ, nec officium summi  
“ imperantis, nec indoles Christianæ religionis hoc  
“ requirunt.

“ Hæc cum satis manifesta sint, haud difficulter  
“ quibus partibus jus majestatis circa sacra, absolvatur,  
“ intelligitur. Nimirum, summus imperans curare  
“ debet, ut idonei *ministri* constiteantur, sed ita ut  
“ invitis nemo obtrudatur, nisi manifesta sit auditorum  
“ malitia : Summus imperans corruptam ecclesiam  
“ quoad mores, & quoad dogmata, *reformare* potest :  
“ Summus imperans ad religionem quandam amplec-  
“ tendam neminem cogere potest : si nova *hæresis*  
“ ingruat, prohibere doctoribus potest, ne nova dog-  
“ mata disseminent, nisi forte pacta specialia obstant,  
“ quod si nihilo secius id faciant, punire eos potest ;  
“ quidni enim hanc malitiam ut cætera delicta rem-  
“ publicam turbantia, punire posset ? *Seductos* in qui-  
“ bus nulla est malitia, punire nequit, præsertim si  
“ error per se rempublicam non turbet ; omnem tamen  
“ operam navare debet, ut in rectam viam revocen-  
“ tur : Summus imperans *ceremonias & ritus sacros* præ-  
“ scribere potest, in quantum cum ipsa religione non  
“ pugnant :



procurandum idoneum. Sin autem istæ divi- Cap. 7.  
dantur, ita ut quædam radicaliter sint penes  
unum, reliquæ penes alium; irregularem  
remp. & male cohærentem emergere neces-  
sum est <sup>12</sup>.

## C A P.

“ pugnant : huc & pertinet *indictio festorum*, &c.  
“ Summus imperans recte convocat *concilia*, eadem di-  
“ rigit, iisdem præest, & illorum decretis vim obli-  
“ gandi civilem addit ; *disputationibus* quoque de rebus  
“ sacris modum, limites, & formam præscribere po-  
“ test : qui sacris operantur, omnino summo imperan-  
“ ti, sunt subjecti, hoc enim requirit reipublicæ salus :  
“ Ad summum imperantem pertinet administratio  
“ suprema *bonorum ecclesiasticorum*, constat enim quod  
“ bona ecclesiastica revera sint publica, adeoque sum-  
“ mi imperantis, ad certos saltem usus destinati, hinc  
“ & urgente necessitate ea abalienare, aut in alios con-  
“ vertere usus, potest. Qui autem temere hoc facit,  
“ animum Numinis & religionis contemptorem palam  
“ prodit. Denique & constitutio *fori ecclesiastici* huc  
“ pertinet. De cæteris autem ex hætenus dictis  
“ iudicium ferri potest.

“ Ita ergo cum intelligatur, quænam juris hujus sint  
“ partes, nunc quod soli imperanti hoc competat, pro-  
“ bo : primo quia natura civitatis requirit, ut omnium  
“ rerum & negotiorum suprema administratio sit penes  
“ summum imperantem : deinde, quia nec uatura  
“ religionis, nec ecclesiæ Christianæ requirit, ut penes  
“ alium quam supremum imperantem sacrorum sit  
“ dispensatio ; & denique quia exemplis, & aucto-  
“ ritate veteris ecclesiæ, idem comprobari potest.”

*Phil. Pract.* P. II. c. iv. S. 13. § 19 — 22. Vid su-  
pra *Hist. Juris. Nat.* not. 88. p. 80.

<sup>12</sup> Sed nil vetat quo minùs imperium inter plures  
dividatur, ut forma sit *Aristocratia*, vel *mixta Monar-*  
*chia*.; & ut diversis imperii partibus diversæ constitu-  
antur potestates. Sic in Britannia suprema potestas  
Regi

## C A P. VIII.

## DE FORMIS RERUMPUBLICARUM.

*Formæ rerump. varia.* I. **S** UMMUM imperium, prout vel in uno homine vel in uno concilio ex paucis aut universis constante reperitur, diversas formas rerump. producere solet.

*Vel regulares vel irregulares.* II. SUNT autem formæ civitatis vel regulares vel irregulares. Illæ sunt, ubi imperium summum in uno subiecto ita est unitum, ut illud indivisum & inconvulsum ab una voluntate per omnes civitatis partes atque negotia sese dispenset. Ubi hoc non deprehenditur, irregularis forma civitatis erit.

*Illæ Monarchia, Aristocratia, Democratia.* III. CIVITATIS regularis tres sunt formæ. Prima, quando summum imperium est penes unum hominem; & dicitur *Monarchia*. Altera, quando summum imperium est penes concilium ex selectis duntaxat civibus constans; & vocatur *Aristocratia*. Tertia, quando summum imperium est penes concilium ex universis patribus-familias constans; & appellatur *Democratia*. In prima is, qui re-

---

Regi & consilio optimatum & populi (quod *Parlamentum* vocant) competit; attamen *Regi* soli quædam potestates peculiariter adhærent, v. g. jus belli & pacis, administratio legum; & similiter quædam *Parlamento*, v. g. jus indicendi tributa; & quædam utrique conjunctim, v. g. jus leges ferendi & abrogandi.

rum

rum potitur, dicitur *Monarcha*; in secunda, Cap. 8.  
*Optimates*; in tertia, *Populus*.

IV. IN omnibus hisce formis potestas quidem est eadem. Sed in eo insignem habet *Monarchiæ præ aliis commoditatis.* *commoditas.* *c. v. § 9.* *commoditatem* monarchia præ reliquis formis, quod in ea ut deliberetur & decernatur, i. e. ut imperium actu exerceatur, non opus sit temporibus & locis conditis, sed quovis loco & tempore deliberari & decerni possit; sic ut Monarcha semper in proxima sit potentia ad actus imperii exercendos. Sed ut Optimates & Populus, qui non sunt una persona naturalis, decernant, necessum est, ut certo loco & tempore conveniant ibique super negotiis publicis deliberent & decernant: cum alio modo voluntas senatus ac populi, quæ ex conspirantibus majoris partis sententiis resultat, cognosci nequeat <sup>1</sup>.

V. CÆTERUM uti circa alia jura, ita & *Vitia civitatis,* circa summum imperium contingit, ut id alicubi bene, alicubi pravè & imprudenter administretur. Unde fit, ut aliæ civitates *sanae, aut bonorum,* aliæ *morbidae & corruptæ* dicantur: etsi propter istiusmodi morbos, peculiare formas aut species rerumpublicarum comminisci necessum *c. v. § 10.*

<sup>1</sup> Singulæ civitatum formæ & commoda & incommoda sibi adjuncta habent: de quibus auctores plurima disceptarunt. Neque tamen (ut cum OTTONE loquar) magna hujus disceptationis est utilitas: nam optima forma est, quæ cum genio populi cujusque maxime convenit. Est quoddam genus naturâ factum ad herum recipiendum, aliud ad regem, aliud reip. aptum, & æqualitatis amans, ut pulchrè ARISTOTELES exemplis docuit, *Polit. L. VII. c. vii.*

Cap. 8. non sit. Eorum autem morborum, quibus civitates infestantur, alii in hominibus, alii in ipso statu hærent. Inde alia vitia hominum, alia vitia status audiunt.

*Vitia hominum in Monarchia.*

VI. *Vitia hominum in Monarchia* sunt, si qui solum obtinet, regnandi artibus destituitur, nullaque aut non sufficiente reipubl. cura tangitur, eamque pravorum ministrorum ambitioni aut avaritiæ lacerandam prostituit; si sævitia & iracundia idem est terribilis; si etiam citra necessitatem remp. in casum dare gaudet; si quæ ad tolerandos sumptus reip. conferuntur, luxu, aut per inconsultas largitiones dissipat; si pecunias civibus extortas præter rationem accumulatur; si contumeliosus, si injustus est; & si quæ sunt alia, per quæ mali nomen principis comparatur.

*Vitia hominum in Aristocratia.*

VII. *Vitia hominum in Aristocratia* sunt, si per ambitum, pravaeque artes via in senatum patet viris improbis aut ineptis, exclusis melioribus; si optimates factionibus distrahantur; si plebe tanquam mancipiis abuti, & bona civitatis augendo privato patrimonio intervertere student.

*Vitia hominum in Democratia.*

VIII. *Vitia hominum in Democratia* sunt, si inepti & turbulenti homines turbulenter & impertune sententias suas tueri solent; si egregiæ & reip. non prægraves virtutes opprimuntur; si per levitatem leges temere figuntur atque refiguntur, & quæ modo placuerunt mox citra rationem displicent; si sordidi & inepti homines rebus gerendis præficiuntur.

IX. *Vitia*

IX. *Vitia hominum*, quæ in quamvis civitatibus speciem cadunt, sunt; si, quibus imperii administratio incumbit, officio suo negligenter aut prave funguntur; & si cives, quibus sola obsequii gloria relicta est frænum mordent.

Cap. 8.

*Vitia hominum in quavis forma.*

X. *AST Vitia Status* sunt, ubi leges aut instituta civitatis non sunt attemperata ad genus populi, aut regionis; aut ubi eadem cives disponunt ad turbas internas, aut ad iusta vicinorum odia incurrenda; aut si eosdem ineptos reddunt ad obeundas functiones, quæ reip. servandæ sunt necessariæ: puta, si per leges civitatis non possint non in imbellem segnitiam resolveri, aut inidonei ad pacem ferendam reddi; aut si leges fundamentales ita sint dispositæ, ut per eas negotia publica non possint non tarde aut difficulter expediri<sup>2</sup>.

*Vitia status nonnulla notata.*

XI. MORBIDIS ejusmodi rebus publ. multi peculiariter quoque vocabula adplicant; ita ut vitiosa Monarchia vocetur *Tyrannis*; vitiosus status paucorum *Oligarchia*; vitiosus status popularis *Ochlocratia*. Etsi frequenter contingat, ut multi per isthæ vocabula non tam morbum reip. quam suum affectum aut displicentiam in præsentem statum, imperantesve exprimant. Sæpe enim, cui vel Rex vel status Monarchicus displicet, Tyrannum aut Dominum solet vocare etiam legitimum & bonum principem, præsertim ubi is leges severe exsequitur. Sic & cui dolet Senatu se excludi,

*Tyrannis, Oligarchia, Ochlocratia, quæ?*  
C.V. § 11,

<sup>2</sup> Ut in *Poloniâ*, ubi in concilio (quod *Diet* appellant) omnium ad unum consensus requiritur, ut quidam ratum sit.

Cap. 8. cum tamen aliis senatoribus inferiorem sese  
 hautquaquam arbitretur; per contemptum &  
 invidiam αἰγυς illos vocat, q. d. paucos quos-  
 dam, qui cum nulla re cæteros emineant, in  
 pares tamen aut meliores non sine fastu impe-  
 rium exerceant. Denique superbo homines  
 ingenio, & quibus æqualitas popularis invisa  
 est, ubi in Democratia pari omnes jure de  
 republ. suffragia ferre vident cum tamen in  
 quavis civitate plebis maximus sit numerus;  
 Ochlocratiam id vocant, q. d. statum, ubi vi-  
 lis turba rerum potitur, nec egregiis viris,  
 quales ipsi se ducunt, aliqua prærogativa re-  
 linquitur.

*Reipublica irregularis* XII. *Respublica irregularis* est, in qua non  
*irregularis* ita perfecte unio illa, in qua essentia civitatis  
*variæ species.* consistit, deprehenditur; idque non per mo-  
 c. v. § 14, dum morbi, aut vitii in administratione reip.  
 15. hærentis; sed ut publica lege aut consuetudine  
 ea velut legitima sit recepta. Cum autem ab-  
 errationum a rectitudine infiniti esse modi  
 queant, non possunt etiam irregularium re-  
 rump. certæ & definitæ species constitui. In-  
 doles tamen ejus ex uno aut altero exemplo  
 plane potest intelligi. v. g. Si in aliqua re-  
 publica senatus & populus summo utrinque  
 jure

---

<sup>3</sup> Hic autem recte notat OTTO non ideo labe  
 aut vitio adspergi remp. quod irregularis est. Irregula-  
 ris forsan vocabitur regni Britannici forma, (quippe  
 quod in eo suprema potestas regi, optimatibus & popu-  
 lo conjunctim attribuatur) quam tamen optimè consti-  
 tutam esse compertum fuit. Ipse CICERO remp. tri-  
 pliciter temperatam optimè constitutam judicavit.  
 Sic

jure negotia publica tractent, ita ut neuter alteri obnoxius sit. Aut si in regno aliquo procerum potentia ita invaluerit, ut regi deinceps non alio modo, quam inæquales fœderati subsint.

XIII. *Systemata civitatum* vocamus, ubi plures perfectæ civitates aliquo peculiari vinculo ita connectuntur, ut ipsarum vires fere pro unius civitatis viribus haberi queant. *Systema civitatum duplex.* Exsurgunt autem systemata *duplici* potissimum modo: uno per communem Regem, altero per fœdus.

XIV *Mediante communi Rege systema* emergit, quando plura separata regna vel ex conventionione, vel ex occasione matrimonii, hæriditatis, aut victoriæ, unum & eundem habent regem: ita tamen ut ideo in unum regnum non coalescant, sed singula juxta suas leges fundamentales a communi rege administrentur. *Aliud emergens ex communi rege:*

XV. *Altera species systematum* provenit, quando plures civitates vicinæ perpetuo fœdere ita connectuntur, ut aliquas partes summi imperii, quæ præcipue defensionem contra extraneos spectant, non nisi consensu omnium exercere velint, salva manente de cætero singularum civitatum libertate & independentia.

---

Sic enim scribit de Rep. apud NONIUM: *Status esse optime constitutam remp. quæ ex tribus illis generibus, regio optimatum & populari confusa modicè, nec puniendo irriter animum, immanem ac ferum, nec omnia prætermittendo licentia cives deteriores reddat.*

+ Ut in Belgio Fœderato, cujus singulæ provinciæ propriam remp. constituunt; & omnes in rebus communis defensionis contra extraneos conjunguntur.

C A P.

## C A P. IX.

## DE AFFECTIONIBUS IMPERII CIVILIS.

*Imperium  
civitatis  
summum  
est.  
L. VII. c.  
vi.*

I. **H**ABET hoc omne imperium, quo universa aliqua civitas regitur in qualibet reip. forma; ut sit *summum*, i. e. in sui exercitio a nullo homine tanquam superiore dependens, sed ex proprio iudicio & arbitrio sese exferens, sic ut ejusdem actus a nemine tanquam superiori queant irriti reddi <sup>1</sup>.

*Adeoq. in  
terris in-  
dependens.  
c. vi. § 2.*

II. INDE etiam est, quod idem imperium sit ἀνυπεύθυνον <sup>2</sup>, seu nemini mortalium obstrictum ad reddendas rationes eo cum effectu, ut si eas alteri non adprobaverit, poenis humanis aut coercitioni, velut a superiore profectis, eo nomine sit obnoxium <sup>3</sup>.

<sup>1</sup> Conf. GROTIUS. *De Jure B. & P.* L. I. c. iii. iv.

<sup>2</sup> ARISTOT. *Polit.* L. IV. c. x.

<sup>3</sup> Conf. HOBBS. *De Cive*, c. vi. § 14.

<sup>4</sup> Illud imperatorem præclare admonet CLAUDIUS. *De Conf. Honor.* iv. 296.

*In commune jubes si quid, censesque tenendum,  
Primus jussa subi; tunc observantior æqui  
Fit populus, nec ferre negat, cum viderit ipsum  
Authorem parere sibi: componitur orbis  
Regis ad exemplum, nec sic inflectere sensus  
Humanos edicta valent, ut vita regentis.*

III. Cui



III. Cui conjunctum est, ut idem summum Cap. 9.  
imperium *legibus humanis & civilibus*, ut ta-  
libus, *sit superius*, iisdemque adeo directe non <sup>*Legibusque*</sup>  
obstringatur. <sup>*civilibus*</sup> Istæ enim leges a summo im-  
perio tam in origine, quam in duratione de-  
pendent. Inde fieri non potest, ut per istas  
idem obligetur; cum alias idem seipso supe-  
rius foret. Et si ubi summus imperans quæ-  
dam civibus lege injunxerit, quorum materia  
in ipsum quoque cadit, decorum sit & ad au-  
toritatem legi addendam proficuum, ut ad ea-  
dem iste ultro sese componat 4.

IV. HABET denique & peculiarem *sancti-  
moniam* summum imperium, ut non solum <sup>*Sanctum-*</sup>  
ejus jussis legitimis resistere nefas sit, sed & <sup>*que, cui*</sup>  
ejusdem asperitas, non secus atque a probis <sup>*resistere*</sup>  
liberis parentum morositas, a civibus sit pa-  
tienter ferenda. Quin & ubi atrocissimas in-  
jurias intentaverit, singuli potius fuga sibi  
consulent, aut quantamcunque calamitatem  
sustinebunt, quam ferrum in durum quidem,  
sed tamen parentem patriæ stringent 5.

## V. PRÆ-

---

Regem timendum & honorandum esse omnes boni  
fatentur & suadent; etiam malum & injuriosum diu  
tolerandum, nec facile tentanda ultima remedia. Ita-  
que nequaquam audiendi sunt, qui summos imperantes,  
quoties imperio suo male utuntur, protinus coercen-  
dos esse docent. Non videtur autem omnino negan-  
dum jus populi ad injurias propulsandas; sed distin-  
guendum est cum BARBEYRACCIO (ad GROTIUM,  
*De Jure B. & P. L. I. c. iv. § 2.*) inter injurias *dubias*  
& *tolerabiles*, & *manifestas ac intolerandas*. Quæ prioris  
generis sunt, eas pati quisque debet, non propter  
principem.

Cap. 9.

*Summum  
imperium  
alibi abso-  
lutum ;  
c. vi. § 7.*

V. PRÆTEREA summum imperium, in Monarchiis potissimum & Aristocratiis, alicubi *absolutum*, alicubi *limitatum* deprehenditur. *Absolutum imperium* monarcha habere dicitur, qui illud administrare potest proprio ex judicio non ad normam certorum ac perpetuorum statutorum, sed prout præsens rerum conditio videtur exigere, quique adeo proprium ad arbitrium salutem reipubl. prout ejusdem tempora postulaverit, procurat.

*Alibi certis  
limitibus  
circum-  
scriptum.*

c. vi. § 9.

VI. VERUM quia unius hominis judicium ab erroribus non est immune, & voluntas in prava

principem, qui ne quidem minimam injuriam inferendi jus habet, sed ne societas civilis turbetur. Posterioris autem generis nemo pati tenetur; easque repelli finis ipse civitatum constitutarum postulat: tantum abest ut vetet. Consistentem habemus ipsum GROTIUM, fortissimum regiae majestatis & inviolabilis sanctimoniae assertorem, casus summæ necessitatis tacitam habere exceptionem, & in gravissimo & certissimo discrimine legem de non resistendo nos non obligare; adhibita tantum cautione, in tali periculo personæ regis parcendum. Qui se hostem populi totius profitetur, (verbis GROTIANIS utor) is eo ipso abdicat regnum. *De Jure B. & P. L. I. c. iv. § 7, 11.* Similiter BUDDEÛS: Cum imperans hostilem erga rempublicam induit animum, atque in tyrannum degenerat, omnino ut illi resistatur, par est. Hoc natura & finis civilis societatis postulat, in quam homines coiverunt, non ut perderentur sed ut conservarentur. Multo magis hoc tum licet, si imperantis limitata sit potestas, atque status aut ordines regni in consortium summi imperii quodammodo veniunt. In eo tamen citra controversiam fallitur GROTIUS, dum populo jus puniendi principem seu summum imperantem tribuit. Cum enim Populus summus

prava flexilis, in tanta cum primis libertate; Cap. 9.  
 quibusdam populis consultum visum, ejus *im-*  
*perii exercitium certis limitibus circumscribere*.  
 Id quod factum, dum ad certas leges circa  
 administrationem partium imperii in dela-  
 tione regni regem adstrinxerunt; & si quan-  
 do negotia summam rerum spectantia, quæ-  
 que in antecessum definiri nequeunt, inci-  
 derent, voluerunt ea suscipi non nisi præscien-  
 te & consentiente populo, aut ejusdem de-  
 putatis in comitia convocatis, ut eo minor  
 occasio regi præbeatur a salute regni aber-  
 randi.

summo imperanti resistere potest, hoc fit per modum  
 belli, non per modum judicii & pœnæ, quæ superio-  
 rem supponit. Populus autem non est superior sum-  
 mo imperante. Interim etiam quoad facultatem resis-  
 tendi, quam populo tribuimus, certi observandi sunt  
 gradus. *Primo* enim, cum summi imperantes aliquid  
 jubent, quod legibus divinis adversatur, fas est non  
 obedire. *Act* 4. 9. Sed non statim vim usurpare licet.  
*Deinde*, si ipse imperans vim addat, incipiatque sævire  
 in innocentes, sed, ut hætenus remp. directè non pes-  
 fundet, quidvis potiùs præsertim religionis causâ tole-  
 randum, quam violenter resistendum est, exemplo  
 christianorum primitivæ ecclesiæ. *Denique*, si non  
 tantum in innocentes sæviat, sed leges etiam funda-  
 mentales violet & cuncta conturbet, tum demum ei ut  
 hosti resistere licet. *Theol. Moral.* P. II. c. iii. S. 7. §9.  
 Ut paucis dicam; urgente tantum summâ necessitate,  
 i. e. cùm respublica aliter servari nequeat, supremo  
 magistratui resistere licet.

<sup>6</sup> Manifestum est igitur id iniquè admodum statu-  
 tum esse ab HOBBSIO, *Summum imperium neque viri-*  
*bus civitatis neque ullâ aliâ limitandum.* De Cive, c. vi.  
 § 18.

VII. SOLET

Cap. 9 VII. SOLET denique in regnis occurrere  
 aliquod discrimen circa *modum habendi* reg-  
*Regna ha-* num, qui non in omnibus æqualis deprehen-  
*bentur in* ditur. Quidam enim reges dicuntur regnum  
*patrimonio* suum habere *in patrimonio*, ita ut illud pro  
*vel usu-* libitu dividere, alienare, transferre possint,  
 § 14.-16. in quemcunque voluerint. Quod potissimum  
 continget illis, qui armis regnum sibi quæ-  
 sivere, ac suum sibi populum ipsi fecerunt.  
 Reliqui autem reges, qui ultro a populo sunt  
 adsciti, etsi summo jure imperium exerçant;  
 regnum tamen pro libitu dividere, alienare,  
 aut transferre nequeunt; sed in eo ad successores  
 demittendo legem fundamentalem, aut con-  
 suetudinem in populo receptam sequi tenen-  
 tur; eoque a quibusdam certo respectu cum  
*usufructuariis* comparantur<sup>7</sup>.

## CAP. X.

DE MODIS ADQUIRENDI IMPERIUM,  
*imprimis* MONARCHICUM.

*Imperii* I. QUANQUAM ad quodvis Imperium  
*adquirendi* legitimum constituendum *consensus*  
*duplex mo-* subjectorum requiratur, is tamen non ubi-  
 L. VII. c. que  
 vii.

<sup>7</sup> Similiter GROTIUS: " Summum imperium dicta-  
 " tor Romanus habebat jure *temporario*: Reges ple-  
 " rique tam qui primi eliguntur, quam qui electis le-  
 " gitimo ordine succedunt, jure *usufructuario*: at qui-  
 " dam reges *pleno jure* proprietatis, ut qui justo bello  
 " imperium quæsierunt, aut in quorum ditionem  
 " populus

que pari modo elicitur. Interdum enim <sup>Cap. 10.</sup>  
*per violentiam bellicam* aliqui adiguntur in  
 victoris imperium consentire; interdum *ul-*  
*tro* ad aliquem principem constituendum cives  
 accedunt<sup>1</sup>.

II. *Modus* acquirendi imperii *violentus* so- <sup>*Violentus*</sup>  
 let vocari *occupatio*, quando scilicet aliquis, <sup>*per occupa-*</sup>  
 iusta bellandi causa subnixus, favente vi ar- <sup>*tionem, &*</sup>  
 morum ac fortuna, populum aliquem eo re- <sup>*jusque ti-*</sup>  
 digit ut ipsius deinceps imperio sese subicere <sup>*tulum :*</sup>  
 cogatur. Cujus imperii legitimus titulus non <sup>*c. vii. § 34*</sup>  
 inde solum deducitur, quod victor, si rigore  
 belli voluisset uti, vitam plane victis adimere  
 potuisset, atque sic, dum minore istos incom-  
 modo defungi patitur, clementiæ insuper lau-  
 dem nanciscatur : sed & quod cum altero in  
 bellum descendens, quem ipse antea læserat, &  
 cui æquam satisfactionem præbere renuit, om-  
 nes suas fortunas aleæ martis exponat, sic ut  
 jam in anteceßum tacite consenserit in quam-  
 cunque conditionem, quam eventus belli ipsi  
 est assignaturus.

III. *Ultroneo* autem *consensu* populi paratur <sup>*Consensu,*</sup>  
 regnum interveniente *electione*, qua populus <sup>*per electio-*</sup>  
 constituendus, aut jam constitutus, ultro cer- <sup>*nem a po-*</sup>  
 tum hominem, suo judicio imperii capacem, <sup>*pulo fact-*</sup>  
 designat ; cui quando decretum populi fuerit <sup>*am.*</sup> <sup>*c. vii. § 6,*</sup>

---

“ populus aliquis, majoris mali vitandi causâ, ita se  
 “ dedit ut nihil exciperetur. ” *De Jure B. & P.*  
 L. I. c. iii. § 11. Ubi rectè notat BARBEYRACCIUS,  
 re verâ nullum omnino regnum esse in *patrimonio*, nisi  
 ex consensu expresso vel tacito populi.

<sup>1</sup> Conf. GROT. *De Jure B. & P.* L. II. c. vii

Cap. 10. significatum, idque ille acceptaverit, promisso  
 { populi obsequio imperium confertur.

*Interreg-*  
*num, ejus-*  
*que incom-*  
*modum.*  
 c. vii. § 7. IV. ELECTIONEM in civitate jam consti-

tuta, siquidem illa suscipiatur rege priore defuncto, antecedere solet *interregnum*. In quo licet ad imperfectam formam recidat civitas, dum cives primo tantum pacto inter se connectuntur: multum tamen firmitatis ei adhuc addit nomen & affectus communis patriæ, civiumque plerorumque fortunæ isti loco fere affixæ; quæ bonos cives subigunt, ut ultro tantisper pacem inter se colant, & quantocyus ad plenum imperium instaurandum incumbant. Etsi magnopere ad incommoda, ex interregnis oriri apta, evitanda faciat, si in antecessum constituentur, penes quos solio vacante interim reip. administratio esse debeat<sup>2</sup>.

*Successio*  
*constituta*  
*arbitrio*  
*regis vel*  
*populi.*

c. vii. § 11.

V. CÆTERUM alicubi quidem singulis monarchis defunctis nova instituitur electio. Alicubi autem regnum ea lege in alterum confertur, ut citra novam intervenientem electionem in alios per successionem transeat. Illud jus successionis constituitur vel *arbitrio ipsius regis*, vel *arbitrio populi*.

*In priori*  
*disponit*  
*monarcha*  
*pro libitu.*

VI. *Reges*, qui regnum suum habent in patrimonio, pro libitu *super successione* possunt *disponere*; quorum dispositio æquæ ac privatorum testamentum observabitur, præsertim ubi abs aliquo regnum fuerit conditum ac partum. Ubi licebit ipsi, si placuerit,

---

<sup>2</sup> Ubi regnum hæreditarium est, non datur interregnum: unde vox illa in Britannia valet, *Regem non mori*.

regnum inter plures liberos dividere, etiam <sup>Cap. 10.</sup> filiabus non exclusis; imo & hæredem instituere filium adoptivum, naturalem, aut qui nulla plane cognatione ipsi est junctus.

VII. VERUM ubi ejusmodi rex super sua <sup>Si nihil</sup> successione nihil peculiariter disposuit, <sup>disposu-</sup> *præsumitur*, Primo, eum nequaquam regnum suum <sup>erit, quid</sup> secum expirare velle, sed ut omnino in libe- <sup>præsumen-</sup> dum? ros suos propter communem mortalium affectum id devolvatur. Dein ut post ipsum monarchica forma conservetur, quippe quam ipse suo exemplo comprobavit. Tum ut regnum maneat indivisum; quippe cum divisio cum regni juxta & familiæ regiæ convulsione sit conjuncta. Præterea ut inter pares gradu mas præferatur fœminæ, primogenitus deinceps genitis. Denique ut liberis deficientibus ad proximum quemque sanguine regnum devolvatur.

VIII. IN illis autem regnis, quæ ab initio <sup>Populus</sup> ultronea populi voluntate sunt constituta, <sup>quando &</sup> *ordo* <sup>qualem</sup> *successionis originarie ab ejusdem populi volun-* <sup>successio-</sup> *tate* <sup>nem defini-</sup> *dependet.* Qui ubi in regem una cum imperio jus quoque successoris constituendi <sup>at?</sup> contulerit, succedet quem hic voluerit. Ubi <sup>c.vii. § 12.</sup> hoc non fuit factum, id jus populus sibi reservasse intelligitur. Cui si placuit in electum regem hæreditario jure regnum conferre, *ordinem succedendi vel simplicibus hæreditatibus consimilem*, quantum salus regni admittit, effecit; vel *peculiari* ipsum ratione temperavit.

IX. UBI *simpliciter* populus regem jusserit <sup>In hoc suc-</sup> hæreditario jure regnum obtinere, nec quid <sup>cessionis</sup> peculiariter addiderit; voluit quidem, ut reg- <sup>genere</sup> num <sup>nonnulla</sup> *notanda.*

G g

Cap. 10. num eo ordine devolvatur, quo privatae hæreditates; sed non sine aliquo temperamento. Nam in hisce fere ut a privatis hæreditatibus discedat successio in regnis, salus civitatum requirit, I. Ut regnum sit individuum. II. Ut successio stet intra eos, qui a primo rege descendunt. III. Ne succedant, nisi qui nati sunt secundum leges patriæ, non nothi tantum, sed & adoptivi. IV. Ut in pari gradu mares præferantur foeminis, etiam majoribus natu. V. Ut successor regnum agnoscat tanquam beneficium populi, non tanquam beneficium antecessoris<sup>3</sup>.

*Successio  
linealis  
in quo con-  
sistat?  
c.vii. § 13.*

X. VERUM quia facile inextricabiles controversiæ oriri poterant, uter ex familia regnatrice nuper defunctum proxima cognatione contingeret, ubi ab autore stirpis longius discessum fuerat; inde multos apud populos *successio linealis* introducta est. Quæ in hoc consistit, ut prout quisque ab autore stirpis regnatricis descendit, ita lineam velut perpendicularem constituat; & inde quilibet ad regnum vocetur, prout ipsius linea alias præcedit; nec de una linea in alteram fiat transitus, quoad ex priore aliquis adhuc superfit; licet forte existat, qui propiore gradu proxime defunctum regem attingat<sup>4</sup>.

*Species e-  
jus duæ,  
cognatica  
& agna-  
tica.*

XI. SUCCESSIONIS linealis usitatissimæ sunt

<sup>3</sup> Has regulas ex GROTIUS transulit noster. *De Jure B. & P. L. II. vii. § 14—18.*

<sup>4</sup> Talis ordo succedendi in Britannia præscriptus est.

species



*Species Cognatica, & Agnatica.* In illa *foeminæ* Cap. 10.  
non excluduntur, sed postponuntur maribus in  
eadem linea, ita ut etiam ad ipsas fiat regres-  
sus, si mares potiori aut pari gradu defecerint.  
Hæc autem *foeminas*, & ex hisce natos etiam  
mares in perpetuum excludit <sup>5</sup>.

XII. UBI super successione in regno patri- *Lites super*  
moniali controversia oriatur, optimum fuerit *successione*  
ad arbitros ex familia regia ire. Si successio *a quo diri-*  
fuerit voluntate populi constituta, declaratio *mendæ?* c. vii. § 15.  
populi dubium tollet.

## C A P. XI.

### DE OFFICIO SUMMORUM IMPERAN- TIUM.

I. Q UIBUS præceptis Officium Sum- *Officia*  
morum Imperantium constet, ex in- *summi im-*  
dole ac fine civitatum, nec non expensis *perantis :*  
summi imperii partibus, perspicue colli- *L. VII. c.*  
gitur. *ix.*

II. UBI ante omnia requiritur, ut impe- *Ante om-*  
rantes ipsi diligenter *discant, quæ ad plenam nia quid*  
*ejus officii cognitionem* pertinent; cum nemo *sui officii*  
laudabiliter exercere possit quod non probe *fit, bene*  
*novisse.* c. ix. § 2.

<sup>5</sup> Sic in Galliâ *foeminæ* ab imperio excluduntur ex  
lege *Salicâ*; quæ (teste GRONOVIO) exinde nomen  
sortita est, quod in terrâ *Salicâ* nulla portio heredita-  
tis mulieri veniat; sed ad virilem sexum tota terræ  
hereditas perveniat.

G g 2

didicit.

Cap. II. didicit. Unde principi sequestranda illa studia, quæ ad huncce finem nihil faciunt. Circumcidendæ quoque voluptates, oblectationes, vanæque occupationes, quatenus istum finem intercipiunt. Ideo & in familiaritatem admittendi viri cordati, rerumque humanarum periti: adulatores, nugatores, & qui præter inania nihil didicerunt, procul arcendi. Enimvero, ut generalia prudentiæ reſtrictis præcepta rite adplicare norit; quam penitiſſime ipſi conditio ſui ſtatus, ſubjectique indoles populi eſt cognoscenda<sup>1</sup>. Illiſque præterea virtutibus cumprimis ſtudendum, quarum uſus in tantæ molis adminiſtratione maxime conſpicitur; moresque ad tanti faſtigii dignitatem componendi<sup>2</sup>.

*Salutem  
populi  
ſummam  
legem ha-  
bere.*

c. ix. § 3.

III. GENERALIS lex ſummorum imperantium eſt hæc, *Salus populi ſuprema lex eſt*<sup>3</sup>. Ea enim intentione in iſtos imperium eſt colatum, ut per id procuraretur finis, ob quem civitates ſunt inſtitutæ. Inde credere iidem debent, nihil ſibi privatim expedire, quod non idem expedit civitati.

*Disciplina  
publicæ  
cives aſ-  
ſuefacere.*

c. ix. § 4.

IV. AD internam civitatum tranquillitatem requiritur, ut voluntates civium ita temperentur, & dirigantur, prout ſaluti civitatis

<sup>1</sup> "Senatori eſt neceſſarium (inquit CICERO) noſſe  
"republicam; id quod latè patet, quid habeat mili-  
"tum, quid valeat ærario, quos ſocios habeat, quos  
"amicos, quos ſtipendiarios, quâ quiſque ſit lege, con-  
"ditione, ſcèdere; tenere conſuetudinem decernen-  
"di, noſſe exempla majorum." *De Leg. III.*  
xviii.

expedit.

expedit. Inde summorum imperantium est Cap. 11.  
 non solum idoneas ei fini *leges* præscribere ;  
 sed & *publicam disciplinam* ita sancire, ut non  
 tam metu suppliciorum, quam assuetudine,  
 cives ad legum præscripta sese componant. Ad  
 quem finem quoque facit curare, ut doctrina  
 Christiana, pura illa & sincera, in civitate  
 vigeat ; ac in scholis publicis talia dogmata  
 tradantur, quæ cum fine civitatum conveni-  
 unt 4.

V. AD eundem finem expedit, perscriptas *Leges cla-*  
 habere *leges perspicuas & planas* circa nego-<sup>*ras nec*</sup>  
 tia, quæ frequentissime inter cives versari so-<sup>*nimis mul-*</sup>  
 lent. Non tamen plura legibus civilibus san-<sup>*tas, ferre.*</sup>  
 cienda sunt, quam ad bonum civitatis & ci-  
 vium conducunt. Nam cum de eo, quod fa-  
 cere vel non facere debent, sæpius per ratio-  
 nem naturalem, quam per scientiam legum  
 homines deliberare solent ; ubi plures *leges*  
 sunt, quam ut facile memoria comprehendi  
 queant ; & per eas prohibeantur ea, quæ ra-  
 tio per se non prohibet ; necesse est, ut per  
 ignorantiam sine ulla prava intentione inci-  
 dant in *leges*, tanquam in laqueos. Quo ipso  
 civibus per imperantes supervacuum incom-  
 modum conciliatur ; quod est contra finem  
 civitatum 5.

<sup>2</sup> Vid. BARBEYRACC, ad opus majus. L. vii. c. ix.  
 § 2. 3. qui ibidem plurima pulchra ac utilia de princi-  
 pum officiis collegit.

<sup>3</sup> CICER. *De Leg.* III. iii.

<sup>4</sup> Vid. *supra*, c. xii. § 8.

<sup>5</sup> *Corruptissima rep. plurimæ leges.* TACIT. Ann. III. xxvii.

Cap. II. VI. QUIA autem frustra feruntur leges, si impune eas violari tolerant Summi Imperantes; igitur horum est *exsecutionem earundem propter pœnas*, curare; utque quivis suo jure potiatur, citra *procurare*. lentas moras, elusiones atque vexationes, efficere: pœnas quoque sumere pro cujusque facti conditione, transgressorisque intentione & malitiâ: nec sine sufficiente causa veniam indulgere; cum iniquum sit & ad irritandos civium animos efficacissimum, æqualiter meritos, cæteris paribus, non æqualiter tractare <sup>6</sup>.

*Pœnas ad usum civitatis temperare.* VII. UTI autem nihil pœnis sanciendum quod non ad usum civitatis facit: item pœnae quoque sunt temperandæ, ut ad finem istum *c. ix. § 6*. proportionem habeant, utque adeo cives non plus afflictionis, quam resp. utilitatis inde ferat. De cætero si scopum suum debent obtinere pœnæ, adparet eas eoulque esse intendendas, ut acerbitas earundem præponderet lucro & delectationi, quæ ex facto legibus vetito redundare potest <sup>7</sup>.

*Civium inter se injurias prohibere.* VIII. QUIA porro hoc fine in civitatem coiverunt homines, ut securitatem adversus injurias aliorum obtinerent; Summorum Imperantium est eo severius *civium inter se injurias prohibere*, quo faciliorem perpetua cohabitatio

<sup>6</sup> Conf. BUDDÆI *Philos. Pract.* P. III. c. v. S. 5.

<sup>7</sup> Vid. *supra*, c. vii. § 3.

<sup>8</sup> Præclare de hac re CICERO. "Nihil est exitio-  
"sius civitatibus, nihil tam contrarium juri & legi-  
"bus,

bitatio occasionem ad lædendum præbet, Nec Cap. II. discrimina ordinum ac dignitatum eo valere debent, ut potentiores tenuioribus pro libidine insultare possint. Sed & scopo summi imperii adversatur, ut cives, quas sibi factas arbitrantur injurias, privata violentia exsequantur<sup>1</sup>.

IX. PRÆTEREA quanquam ad omnia ci- *Ministros*  
vitatatis amplioris negotia immediate obeunda *aptos, &*  
unus princeps non sufficiat, sic ut necessario *prudentes,*  
*adhibere.*  
*Ministri* in partem curarum sint vocandi : ta- c. ix. § 9.  
men uti hi omnem a summo imperante pote-  
statem mutuuntur ; ita & bene & male ab ip-  
sis gestorum imputatio ultimo demum in istum  
redundat. Quam ob rationem, & quia prout  
ministri sunt, ita recte aut prave negotia ex-  
pediuntur ; summi imperantes tenentur ad  
munia civitatis adhibere viros probos, & ido-  
neos, & in eorum acta subinde inquirere ; eos  
denique, prout rem gessisse deprehenduntur,  
præmiis vel poenis mactare : quo cæteri intel-  
ligant, non minore fide ac diligentia publicam  
quam propriam rem tractandam. Sic & cum  
pravi mortalium ad scelera perpetranda spe  
impunitatis alliciantur ; quæ ipsis præbetur  
facillima, ubi *Judices* corruptionibus patent ;  
Summorum imperantium est, in ejusmodi ju-  
dices, tanquam fautores scelerum, queis secu-

---

“ bus, nihil minùs civile & humanum, quam compo-  
“ sita & constituta rep. quicquam agi per vim. Parere  
“ jubet intercessori, quo nihil præstantius : impediri  
“ enim bonam rem melius, quàm concedi malæ.”

*De Leg. III. xviii.*

Cap. II. *ritas civium abruptitur, severe animadvertere. Præterea licet ordinaria negotiorum expeditio ministris credenda sit: summi tamen imperantes querelis ac desideriis civium patienter aurem præbere nunquam detinebunt?*

*Tributa ad necessitatem imperare.* X. CUM ad *Tributa* & alia onera ferenda cives nullo alio nomine teneantur, quam quatenus ista necessaria sunt ad sumtus civitatis belli pacisque tempore tolerandos; igitur summorum heic imperantium officium erit, non plus extorquere, quam necessitates, aut insignes reip. utilitates requirant; & quantum fieri potest, ita onera temperare, ut quam minime cives iisdem affligantur. Deinde ut iusta in proportionem describantur; nec aliquibus civibus immunitates concedantur in fraudem & oppressionem reliquorum. Tum quæ collecta fuerunt, in usus reip. impendantur: non per luxuriam, largitiones, superfluum ostentationem, aut inania dissipentur. Denique providendum, ut erogationes redditibus respondeant, & qua hi non pertingunt, a parcimonia & circumcisis sumtibus non necessariis subsidium petendum<sup>9</sup>.

XI. QUANQUAM autem summi imperantes subditos alere non teneantur, (nisi quod eorum, qui per immeritam aliquam calamitatem seipsos sustentare non possunt, pecuniariam curam agere caritas jubeat;) tamen quia non solum ex bonis civium colligendi sunt

<sup>9</sup> Conf. *BUDDEI Philos. Pract. P. III. c. v. S. 6.*

<sup>10</sup> Conf. *BUDDEUM ubi supra. S. 7.*

sumtus, civitati conservandæ necessarii ; sed Cap. II.  
 etiam robur civitatis in virtute & opibus civi-  
 um consistit : igitur illis, quantum in se, pro-  
 videndum erit, ut *res familiaris civium* gliscat.  
 Ad hunc finem facit cives disponere, ut quan-  
 tum fieri potest, uberem proventum ex terra  
 & aquis capiant ; ut, quæ apud ipsos proveni-  
 unt, materiis industriam adhibeant ; aut quem  
 ipsi commode laborem obire possunt, ab aliis  
 non redimant : quod fit, siquidem artes me-  
 chanicæ foveantur. Maximi quoque est mo-  
 menti mercaturam, & in regionibus maritimis  
 navigationem excolere. Nec ignavia solum  
 proscribenda, sed & ad parcimoniam revo-  
 candi cives per *leges sumtuarias*, quæ super-  
 flui sumtus prohibeantur, imprimis illi, per  
 quos opes civium ad externos transferuntur. Et-  
 si majorem heic, quam quævis leges, effi-  
 caciam obtinent summorum imperantium ex-  
 empla <sup>11</sup>.

XII. QUIA etiam sanitas ac firmitas inter-  
 na civitatum ex *unione civium* provenit, quæ  
 quo accuratior fuerit, eo majore cum efficacia  
 vis imperii per universum sese civitatis corpus  
 dispensat : igitur summis imperantibus incum-  
 bit providere, ne in civitate *factiones* orian-  
 tur ; neve quidam cives inter se peculiaribus  
 pactis connectantur ; neve omnes aut aliqui  
 ab ullo alio, sive intra sive extra civitatem  
 constituto, sub quocunque obtentu, sacro aut  
 profano, magis dependeant, quam a legitimo

*Omne fa-  
 ctionum  
 genus præ-  
 cavere.  
 c. ix. § 12.*

<sup>11</sup> Conf. BUDDIUM, ubi supra. S. 8.

Cap. II. suo principe; & in nemine plus sibi præsidii quam in eodem repositum arbitrentur.

*Armis se-  
curitati  
civium  
prospicere.*  
c. ix. § 13.

XIII. DENIQUE cum status civitatum inter se sit pax satis infida; summorum imperantium est curare, ut *virtus civium, peritiaque armorum* alatur; & omnia, quæ ad vim repellendam requiruntur, mature parentur, munita loca, arma, milites, &, rerum gerendarum nervus, pecunia<sup>12</sup>. Ultro autem etiam posita iusta belli causa nemo laceffendus, nisi tutissima arriserit occasio, & conditio civitatis commode id ferat. Eundem quoque ob finem consilia & molitiones vicinorum accurate exploranda & observanda sunt; nec non amicitia & foedera prudenter contrahenda.

## C A P. XII.

### DE LEGIBUS CIVILIBUS IN SPECIE.

*Legum ci-  
viliū de-  
scriptio.*  
L. VIII. c.

†

I. **D**ISPICIENDUM quoque jam restat de partibus summi imperii in specie, & quæ circa eas peculiariter observanda occurrunt. Ubi primum locum occupant *leges civiles*, quæ sunt *decreta summi imperantis civilis*,

<sup>12</sup> Vid. *supra*, L. I. c. xiv.

<sup>1</sup> Conf. GROTIUS. *De Jure B. & P. Proleg.* § 15.

<sup>2</sup> Istæ vero minùs propriè *leges civiles* vocantur; sunt enim præcepta *juris naturalis*.

<sup>3</sup> Vim & observantiam legibus naturalibus addere possunt civiles, propterea quod quorundam tam iniqua sit



lis, per quæ civibus injungitur, quid in vita ci- Cap. 12.  
vili facere, quidve omittere debeant <sup>1</sup>.

II. DICUNTUR autem leges civiles duplici *Duplici*  
potissimum respectu ; vel *respectu autoritatis,*  
vel *originis.* Priori sensu leges civiles vocari *respectu*  
possunt omnes leges juxta quas in foro civili *ea dicun-*  
jus redditur, undecunque demum illæ origi- *tur tales.*  
nem suam trahant <sup>2</sup>. Posteriori sensu leges  
civiles dicuntur, quæ primo a voluntate sum-  
mi imperii civilis profectæ sunt, atque circa ea  
versantur, quæ jure naturali ac divino definita  
non sunt, sed ad peculiarem utilitatem singu-  
larum civitatum faciunt.

III. CÆTERUM uti legibus civilibus nihil *Legi natu-*  
est fanciendum, quod non *ad commodum reip.* *rali ad-*  
referatur : ita cum vitæ civilis decori & tran- *dunt vim*  
quillitati maxime expediat, legem naturalem *et effica-*  
a civibus probe observari ; hinc summis impe- *ciam ;*  
rantibus incumbit, isti vim atque efficaciam  
legis civilis impertiri. Nami apud plurimos  
mortalium tanta deprehenditur malitia, ut ne-  
que manifesta legis naturalis utilitas, neque  
metus divini Numinis ei reprimendæ sufficiat.  
Quo igitur utcunque vitæ civilis honestas ser-  
vari queat, summum imperium efficere potest,  
legibus naturalibus vim legum civilium tri-  
buendo <sup>3</sup>.

---

fit indoles, ut plus pœnas hujusce vitæ quam futuræ  
metuant. Sed non ideo sequitur (quod malè statuit  
HOBBSIUS *De Cive*, c. xiv. § 9, 10.) legibus naturali-  
bus totam obligandi vim à civilibus accedere, & ma-  
gistratum omnino ex suo arbitrio definire posse, quid  
honestum & turpe sit, quid furtum, adulterium, ho-  
micidium, &c. Vid. *supra*, L. I. c. iii. § 1.

#### IV. CON-

Cap. 12. IV. CONSISTIT autem *vis legum civilium*

*Per adjectionem scilicet.* in hoc, ut præceptis de faciendo vel omittendo addatur *sanctio pœnalis*; sive ut definiatur, quæ pœna in foro civitatis sit mansura cum, *sanctionem pœnarum*: qui facienda omiserit, aut fecerit omittenda.

Qua sanctione pœnali quæ destituuntur leges naturales, in foro humano impune violantur, salva tamen vindicta tribunalis divini.

*Et accommodatam ad eam actionem in foro.*

V. PRÆTEREA quia vitæ civilis indoles non fert, ut quod quisque sibi deberi arbitretur, propriam per violentiam exigat: inde & in eo legi naturali subveniunt leges civiles, quod ad ea, quæ ex illa debentur, hæ *actionem* accommodant, cujus vi ista in foro civili per subsidium magistratus exigì possunt. Quam vim quæ per leges civiles non acceperunt, ab invitis extorqueri non possunt, sed solo debentium pudore & conscientia stant. Solent autem leges civiles illis potissimum obligationibus actionem accommodare, quæ per expressa pacta inter homines contractæ sunt. Cæteris, quæ ex indefinito aliquo officio legis naturalis debentur, fere actionem denegarunt, ut esset materia, qua virtutem suam exercerent probiores mortalium; insignemque pararent laudem, si citra coactionem recte fecisse videntur. Sæpè etiam tanti non fuit visum negotium, ut ideo prætor fatigaretur.

*Legem naturæ adplicant & explicant.*

VI. CUM etiam multa lege naturali indefinite

---

<sup>4</sup> Hoc modo CICERO. "Aliter leges, aliter philosophi; leges quatenus manu tenere possunt; philosophi, quatenus ratione & intelligentia." *De Offic.* II. xvii. Similiter SENECA: "Multa legem non

nite præcipiantur, adplicatione in cujusvis ar-  
bitrio relicta; inde lex civilis ad decus & tran-  
quillitatem civitatis ejusmodi *actionibus tem-*  
*pus, modum, locum & personas* assignare, alias-  
que circumstantias determinare, quandoque  
& præmiis homines ad eas suscipiendas alli-  
cere solet. Si quid etiam in lege naturali ob-  
scuri sit, legis civilis est *explicare*. Quam ex-  
plicationem in agendo sequi cives tenentur;  
utut fortasse privata ipforum opinio in diver-  
sum abeat.

VII. CUM etiam plurimæ actiones per le-  
gem naturalem cujusque judicio & arbitrio  
sint relictae, quas tamen in civitate uniformi  
modo temperari tranquillitatis & decoris pub-  
lici interest: inde leges civiles ejusmodi actio-  
nibus & negotiis *certam formam* solent assign-  
are; uti contingit in ultimis voluntatibus, in  
contractibus, & multis aliis. Ob eandem cau-  
sam etiam leges civiles exercitium eorum ju-  
rium, quæ naturaliter competunt, circumscri-  
bere sueverunt.

VIII. DEBENT autem cives legibus civili-  
bus, quatenus aperte juri divino non repug-  
nant, *obtemperare*, non velut ex nudo poenæ  
metu, sed ex intrinseca obligatione, per ipsum  
jus naturale confirmata: quippe inter cujus  
præcepta quoque est, legitimis imperantibus  
esse parendum.

## IX. DE-

---

“ habent, nec *actionem*, ad quæ consuetudo vitæ huma-  
næ lege omni valentior dat aditum.” *De Benef. v. 24.*

Quæstio in scholis notissima est, *Utrum leges humanae*  
*conscientiam obligent?* i. e. Utrum ita alstringant aliquem  
ad

Cap. 12.

*Peculiari  
jussui im-  
perantis  
quibusque  
obedien-  
dum.*

c. i. § 6,  
7, 8.

IX. DENIQUE non minus *peculiaribus jussis* summorum imperantium, quam legibus communibus cives obtemperare debent. Ubi tamen observandum est, utrum summus imperans civem quid jubeat facere tanquam *actionem civi propriam*; an vero mandet suscipere nudam *executionem actionis*, quæ propria imperantis esse debeat. Nam posteriori casu necessitate ab imperante adhibita, citra proprium peccatum potest aliquid agere civis, quo patrato ipse imperans peccat. Sed ut civis velut proprio nomine peccatum legi naturali & divinæ repugnans perpetret, fieri recte non potest. Inde est, quod si in bello etiam injusto civis jussu summi imperantis arma gerat, non peccet. Sed si ejusdem jussu aliquis innocentem damnet, falsum testimonium dicat, calumniam alicui intentet, utique peccat. Nam civis militat nomine publico; sed proprio nomine judicat, testatur, accusat.

C A P.

---

ad obediendum (SANDERSONI verbis utor) ut si non pareat, non solum pœnæ temporali, aut legibus constitutæ, aut ex superioris arbitrio inferendæ obnoxius sit, sed & à propriâ conscientia velut neglecti officii contractæque inde offensionis Dei reus merito redarguatur? Idem partem affirmativam acutè defendit. Vid. *De Obligatione Conscientiæ*, Præl. 5tam.

<sup>6</sup> Hæc distinctio negotium haud expedit. Nequit cogi voluntas, & Deo potius obediendum quam hominibus; unde ne minimum quidem malum patrandum est, ut bonum exinde eveniat.

<sup>7</sup> Nequaquam hoc admitti debet, si subdito constet actionem esse illicitam.

<sup>8</sup> Rectius judicat GROTIUS milites, si quidem constet ipsis injustam esse belli causam, abstinere omnino debere.

## C A P. XIII.

## DE JURE VITÆ AC NECIS.

I. **S**UMMO imperio civili in vitam civium duplici modo jus competit; *indirecte vel directe*: illud quidem ad defensionem civitatis. hoc autem ad compescenda delicta <sup>1</sup>. *Jus imperantis in vitam civium:* L.VIII.c.

II. Cum enim sæpe vis exterorum per vim sit repellenda, aut jus nostrum violenter ab ipsis vindicandum; nec utique summo imperio cives ad hoc negotii compellere: ubi de industria non id agitur, ut cives vitam amittant, sed duntaxat periculo mortis eorum vita exponitur <sup>2</sup>. Qualibus in periculis ut strenue & dextre sese cives gerere possint, summum imperium exercere eos & præparare debet. Nulli autem civi ejus periculi metu ad munia militaria sese inutilem reddere licet <sup>3</sup>. *Indirectum, periculo eam exponendis:* c. ii. § 1, 3, 4.

debere. *De Jure B. & P. L. II. c. xxvi. § 2.* Quod si dubitent utrum bellum sit licitum, necne, principi parendum est; & nil obstat regula à GROTIUS allata, *quod dubitas ne feceris.* Vid. *supra*, L. I. c. i. § 6. not. n.

<sup>1</sup> Conf. GROTIUS. *De Jure B. & P. L. II. c. xx.* BUDDEI *Phil. Præf. P. II. c. v. S. 1.*

<sup>2</sup> Hoc sequitur ex fine civitatis; qui duplex est. 1. Ut avertantur mala. 2. Ut compescantur delicta.

<sup>3</sup> *Augustus* (referente SÆTONIO, c. xxiv.) equitem Romanum, quod duobus filiis adolescentibus causâ detrectandi sacramenti pollices amputasset, ipsum bonaque subjecit hastæ. Et ad hoc flagitium reprimendum plurimæ leges latæ sunt ab imperatoribus, *Traiano, Theodosio, Constantino*, aliisque. Conf. PUF. *De Jure N. & G. L. VIII. c. ii. § 3.*

Et

Cap. 13. Et qui militiæ est adscriptus, hautquaquam assignatam stationem ex formidine desere sed ad extremum potius spiritum pugnabit nisi intelligat imperantis voluntatem esse, ut potius vitam, quam locum conservet; aut locus iste tanti non sit civitati, quam vitæ ipsorum civium \*.

*Directum  
adimendi  
per modum  
pœnæ.*

III. DIRECTE autem vitam civibus adimere potest summum imperium ob atrociam delicta, & per modum pœnæ; quæ tamen & in alia hominis bona cadit. Quo loco de natura pœnæ quædam in universum erunt exponenda.

*Pœnæ rationem  
quænam  
habere  
possint.*  
c. iii. § 4.

IV. EST igitur POENA *malum passionis* quod infligitur ob *malum actionis*; seu malum aliquod molestum, quod per modum coactionis

---

\* Hoc in loco merito quæri potest, utrùm civem innocentem liceat hosti ad certam mortem tradere, ut evitetur imminens reip. ruina? Partem negativam tenetur noster in opere majori, L. VIII. c. ii. § 5. " Ut civitas (inquit) eum in tyranni manum tradat aut ut eundem cogat quo seipsum dedat, neque fas esse neque necessarium arbitror." Rectius (ut opinor) pro parte affirmativâ stat GROTIUS. Caritas & amor patriæ id à cive exigit, ut seipsum tradat; quoniam utilitati omnium plusquam unius alicujus aut suæ consulendum est. Quod si id facere tenetur, ad id recte cogi potest. " Superior (teste GROTIO) cogere potest ad ea, quæ virtus quælibet præcipit, quia in jure proprio superioris, quæ superior est, hoc est comprehensum. Sic in magna fragmenti penuria civis cogi possunt, quod habent, in medium conferre; quare & in nostra illa controversia verius videtur cogi posse civem, ut id faciat, quod exigit caritas."

De

nis & pro imperio, intuitu antegressi delicti, Cap. 13. alicui imponitur<sup>6</sup>. Licet enim sæpe alicui pœnæ loco imperentur quædam actiones; in iis tamen spectatur id, quod laboriosæ, & facienti molestæ sint, quodque agenti passio quædam per eas inferatur. In vitis autem pœna est infligenda, quia alias illa non obrineret finem suum, qui est, acerbitate sua homines a peccatis deterrere. Quem effectum non habent, quæ quis lubens admittit. Denique pœnæ rationem non habent mala, quæ in bello pugnave inter repugnandum inferuntur; quia non pro imperio: Neque quæ per injuriam quis patitur; quia non intuitu antegressi delicti inferuntur<sup>7</sup>.

## V. SI-

*De Jure B. & P. L. II. c. xxv. § 3.* Porro notandum est, ubi hostis potentior certos sibi cives *obsides* ad pacta quævis firmanda postulaverit; eos ad hoc onus suscipiendum adigi posse. Quod si illius, quicum pacificimur, aut nostræ civitatis nihil interest, è civibus quis obses fuerit; præcidendis querelis aptissimum erit sortem adhibere. *De Jure N. & G. L. VIII. c. ii. § 6.*

<sup>5</sup> Definitio ex GROTIUS petita. *De Jure B. & P. L. II. c. xx. § 1.*

<sup>6</sup> *Omnis pœna, si justa est, peccati pœna est.* AUGUSTI Retr. I. ix.

<sup>7</sup> Par in parem non habet imperium, ideoque pœnam propriè dictam ex auctoris definitione infligere non potest. Eadem ratione in statu naturali nemo pœnis humanis obnoxius esse potest, quoniam non datur superior. Hanc autem nostri doctrinam improbat BARBEYRACCIUS, & longâ verborum ambage probare aggreditur pœnam à paribus in pares infligi posse. Eodem modo bellum *punitivum* esse posse statuit GROTIUS; & libertatem saluti suæ perpœnas consulend initio

H h penes

Cap. 13. V. SICUTI autem libertas naturalis hoc habet, ut qui in ea constitutus præter Deum neminem habet superiorem, divinis tantum pœnis sit obnoxius : ita cum introducto inter homines imperio hoc quoque imperantibus fas lus societatum attribuit, ut ipsi malo repræsentato malitiam subjectorum coercere queant, quo plures homines securi invicem possint vivere.

*Imperanti  
competit  
jus punien-  
di.*

c. iii. § 7.

*In pœnis  
humanis  
respecien-  
da utili-  
tas :*

c. iii. § 8.

VI. ETSI autem in eo nihil videatur iniqui, ut malum patiatur, qui male egit : in pœnis tamen humanis non simpliciter respiciendum est, quodnam malum sit perpetratum ; sed & quæ utilitas ex pœna possit provenire. Sicuti & nequaquam eo fine pœnæ exercendæ, ut læsus animum pascat, & voluptatem capiat ex dolore & supplicio lædentis ; quippe cum hæc voluptas plane sit inhumana, & socialitati repugnans<sup>8</sup>.

*Aut pec-  
cantis, aut  
læsi, aut  
omnium.*

c. iii. § 9.

VII. GENUINUS pœnarum humanarum finis est præcautio læsionum & injuriarum ; quæ

---

penes singulos fuisse. *De Jure B. & P. L. II. c. xx. § 40.* Sed rectius, me judice, decernit noster ; in eo quod facultatem delinquentes puniendi paribus non concessit. Proculdubio licita est defensio per violentiam contra injurias, licitum est bellum in eos, qui jura nostra violarunt ; non autem per modum pœnæ, sed defensionis. Jure naturali, nemini alterius actiones dirigendi nedum puniendi competit facultas, in quem non habet imperium. Qui delictum aliquod admisit, pœnas luere debet ; sed ab eo solo, cujus leges migravit. Neque adeo gens gentem punire recte potest, quoniam par est utriusque conditio ; unde *bellum puni-  
tuum* GROTII figmentum recte haberi potest.

pro-



provenit, si vel in melius emendetur, qui peccavit; aut alii ejus exemplo, ne deinceps velint peccare; vel si ita coerceatur qui peccavit, ut non posset deinceps nocere. Id quod etiam ita potest exprimi; quod in pœnis respiciatur vel utilitas ejus, qui peccavit; vel ejus cujus intererat non fuisse peccatum, quique adeo per peccatum læsus fuit; vel indistinctim quorumlibet.

VIII. PRIMUM igitur in sumenda pœna respicitur *utilitas ejus, qui peccavit*, dum dolore pœnæ ipsius animus emendatur, & peccandi libido per eundem exstinguitur? Quale genus pœnæ etiam in plerisque civitatibus in suos domesticos exercere patribus familias relictum. Eo solo tamen fine ad mortem procedere posse non videtur; cum qui mortuus est, emendari nequeat<sup>10</sup>.

IX. DEINDE in pœna versatur *utilitas ejus, qui læsus fuit*, ne tale quid in posterum ab eodem aut aliis patiatur. Quorum prius ob- tinetur, si vel tollatur, qui peccavit; vel vi-

*Quomodo  
utilitas  
peccantis?*

*Quomodo  
utilitas  
læsi?  
c. iii. § 11.*

\* Sciè cecinit CLAUDIANUS, *Conf. Manlii. ver. 223.*

*Qui fruitur pœnâ, ferus est, legumque videtur  
Vindictam præstare sibi: Diis proximus ille est,  
Quem ratio non ira movet; qui facta rependens  
Consilio punire potest——*

9 “ Castigatio sincera & cum ratione aliquando necessaria est. Non enim nocet, sed medetur specie nocendi. Ingenia vitio prava dolore corporis animique corrigimus. SENECA de Ira. L. I. c. v.

<sup>10</sup> Conf. GROTIUS. *De Jure B. & P. L. II. c. xx. § 7.*

Cap. 13. res nocendi, salva vita, ipsi adimantur; vel  
 si malo suo dedoceatur delinquere. **Posterius**  
 autem obtinetur pœna aperta & conspicua,  
 cujusque adparatus ad terrorem aliis incuti-  
 endum aptus sit <sup>11</sup>.

*Quomodo  
 utilitas  
 omnium?*  
 c. iii. §  
 12.

X. DENIQUE in pœna *utilitas* quoque om-  
 nium quæritur, dum nempe id agitur, ut ne,  
 qui uni nocuit, aliis deinceps noceat, vel ut  
 exemplo territi cæteri a similibus patrandis  
 abstineant. Quod pari modo atque prius ob-  
 tinetur <sup>12</sup>.

*Pœnis hu-  
 manis ex-  
 empti actus  
 interni:*  
 c. iii. §  
 14.

XI. QUOD si porro tum fines pœnarum  
 tum conditionem generis humani considere-  
 mus; adparet, non omnia peccata esse ejusmodi  
 indolis, ut in foro humano ea puniri omnino  
 conveniat. Inde pœnis humanis eximuntur  
 actus mere interni, i. e. cogitatio delectabilis  
 de peccato aliquo, cupiditas, desiderium, de-  
 stinatio citra effectum; etsi postea per subse-  
 quentem confessionem ad notitiam aliorum  
 perveniant. Nam cum ejusmodi motu inter-  
 ro nemini noxa inferatur, nullius quoque ho-  
 minis interest, ut ob eundem quispiam punia-  
 tur <sup>13</sup>.

*Et lapsus  
 minutissi-  
 mi:*

XII. DURUM quoque nimis foret pœnis  
 humanis subijcere *minutissimos lapsus*, quos in  
 isthac

<sup>11</sup> Ibid. § 8.

<sup>12</sup> Ibid. § 9. Add. SELDEN, *De Jure Nat.* L. I.  
 c. iv.

<sup>13</sup> Id tamen non obstat (teste GROTIUS) quò minùs  
 actus interni quatenus in externos influunt, in æstima-  
 tionem

isthac naturæ conditione non datur effugere, Cap. 13. quantamcunque attentionem quis adhibere instituat <sup>14</sup>.

XIII. PRÆTEREA multos actus dissimulant *Et quæ leges humanæ ob tranquillitatem civitatis, aufserre jubet alias ob rationes*: puta, si splendidior futurum <sup>civitatis</sup> sit actus, ubi ex intuitu pœnæ non videatur <sup>tranquillitas</sup>: susceptus; aut ubi operæ pretium non sit iudices inquietari, aut si obscurissimæ res sit disceptationis, aut si inolitum plane malum citra convulsionem civitatis tolli nequeat.

XIV. DENIQUE & a pœna humana eximi *Aut con-* necesse est illa vitia animi, ex corruptione mor- *munis ho-* talium communi resultantia, quæ ita frequentia <sup>minum cor-</sup> reperiuntur, ut defuturi essent, quibus imp- *ruptio.* raretur, si severis ista pœnis plectere velis, quousque in enormes actus non eruperunt: ut est ambitio, avaritia, inhumanitas, ingratus animus, hypocrisis, invidia, superbia, iracundia, simultas, & similia.

XV. NEQUE tamen si quæ peccata sint pa- *Venia qui-* trata pœnis humanis idonea, semper necessum *bus casibus* est pœnam exigere. Quin aliquando contingit, *recte fiat?* c. iii. § ut delinquentibus recte peccati *Venia* fieri <sup>15</sup> possit. Id quod tamen citra graves causas fieri non debet. Inter quas sunt, si fines pœnarum in certo casu non videantur necessarii; aut si venia majorem quam pœna producere

---

tionem veniant non sui propriè, sed actuum externorum, qui inde meriti sui accipiunt qualitatem. *Ibid*, § 18.

<sup>14</sup> Ibid. § 19.

Cap. 13. utilitatem sit idonea; aut si fines poenarum alia via commodius obtineri possint. Item si qui deliquit alleget sua aut sibi conjunctorum eximia in rempubl. merita, peculiari præmio digna; aut si ab alia quapiam insigni re commendetur, puta, a raro aliquo artificio; aut si spes sit fore, ut peccatum illud egregiis factis eluatur; præsertim ubi aliqua ignorantia, licet non plane inculpabilis, intervenerit, aut si particularis ratio legis in aliquo facto cessaverit. Sæpe quoque ob multitudinem peccantium venia est danda, ne supplicii civitas exhauriatur<sup>15</sup>.

*Delicti  
gravitas  
unde fit æ  
stimanda?  
c. iii. § 18.  
22.*

XVI. *Gravitas autem delictorum* æstimatur ex objecto in quod peccatum fuit, prout illud nobile & pretiosum habetur: item ex effectu, prout multum aut parum damni in remp. inde redundat: & denique ex pravitate intentionis, quæ ex variis indiciis colligitur; puta, si facile potuit resistere causis, quibus quis ad peccandum fuit impulsus; aut si præter communem rationem peculiaris quædam accessit, quæ a peccando debebat absterre; aut ubi circumstantiæ singulares factum aggravant; aut si animum quis habuerit idoneum ad resistendum

<sup>15</sup> Ibid. § 21, &c.

<sup>16</sup> Ordinem delictorum quoad objecta sic instituit noster. 1. Præ cæteris maximè detestanda habetur actio quæ directe in Dei contumeliam tendit. 2. Quæ universam hominum societatem tangit. 3. Quæ publicum civitatis ordinem perturbat. 4. Quæ singulos homines tangit. Ubi in foro civili primo loco statuitur vita, quæ est fundamentum omnium bonorum temporalium; cum

dum peccatorum illecebris. Sed & confide-  
rari solet, primus quis, an aliorum exemplo  
seductus; semel, an sæpius, & post consum-  
tas frustra admonitiones quis peccaverit <sup>16</sup>.

XVII. Quod tamen *pænæ genus & quan-* *Unde defi-*  
*tum* præcise singulis peccatis sit infligendum, *niendum*  
penes summum imperium civile est definire; *pænæ ge-*  
quod heic unice utilitatem reipubl. præ oculis *nus &*  
habere debet. Unde fieri potest & solet, ut *quantitas?*  
eadem pœna imponatur duobus delictis inæ- *c. iii. § 23,*  
qualibus. Nam quæ æqualitas iudicibus circa *24.*  
reos observandos præcipitur, illa intelligenda  
est de reis, qui idem specie delictum commise-  
runt: hætenus, ut quod in uno vindicatur de-  
lictum, alteri citra gravissimam causam con-  
donari non debeat. Etsi autem quantum fieri  
potest, homo in hominem lenior esse debeat:  
interdum tamen pœnas exasperari salus civita-  
tis, & securitas civium jubet; puta, si contra  
gliscentia vitia asperiore medicina opus sit, aut  
ubi delictum aliquod reip. sit perniciosissimum.  
Id autem omnino observandum circa magni-  
tudinem pœnarum, ut illæ tantæ sint, quantæ  
sufficiant ad reprimendam libidinem morta-  
lium, qua feruntur in peccatum, in quod pœ-

---

tum membra non vitalia, citra quorum usum vita nisi  
miserrima trahi non potest, quæ pro nobilitate sui u-  
sus æstimantur. 5. Quæ familias privatorum, quarum  
fundamentum est matrimonium, perturbat maculæ.  
6. Quæ perdit aut avertit alias res expetibiles, vitæ  
necessitatibus aut commoditatibus inservientes; idque  
vel directè vel indirectè dolo malo causam damni dan-  
do. 7. Denique quæ famam aut existimationem civi-  
lem destruit. *De Jure N. & G. L. VIII. c. iii. § 18.*

Cap. 13. *næ* constituentur. Tum etiam, ne exigantur graviores pœnæ, quam legibus definitæ sunt; nisi atrociore circumstantiæ factum aggravent<sup>17</sup>.

*In hoc attendenda persona peccantis: c. iii. § 25.*

XVIII. QUIA tamen eadem pœna non omnes æque afficit, adeoque apud omnes non prærem effectum producit circa reprimendam peccandi libidinem; inde tam in generali pœnarum designatione, quam earundem ad singulos adplicatione, respicienda est *persona ipsius delinquentis*; & in eadem illæ qualitates, quæ sensum pœnæ augere vel minuere possunt; puta ætas, sexus, status, opes, vires, & similia<sup>18</sup>.

*Ob delictum alienum nemo puniendus: c. iii. § 23.*

XIX. PORRO uti ob alienum delictum in foro humano pœna proprie dicta nemo potest affici: ita si *ab universitate aliqua delictum sit admissum*, eo non tenebitur, qui in id non consenserit. Atque inde isti dissentienti nihil poterit eripi, quod nomine & beneficio universitatis non obtinebat. Etsi ex occasione punitæ universitatis & innocentes incommodum sentire soleant. Exspirant quoque delicta universitatum, quando nemo amplius superest eorum, quæ consentientibus & cooperantibus illud delictum fuit patratum.

XX.

<sup>17</sup> Vid. *supra*, c. vii. § 3. not. 5.

<sup>18</sup> Huc spectat illud JUVENALIS *Sat.* VIII. 140.

*Omne animi vitium tantò conspectius in se  
Crimen habet, quantò major qui peccat habetur.*

<sup>19</sup> Non autem pœnas sed infortunium subeunt. Unde facile intelligi potest, quâ ratione Deus (salvâ ejus justitiâ

XX. ID tamen frequenter contingit, ut a-  
 lienum delictum occasionem præbeat, ex qua in  
 alios incommodum proveniat, aut bonum an-  
 tea speratum intercipiatur. Sicuti bonis pa-  
 rentum ob delictum confiscatis ad paupertatem  
 rediguntur etiam innocentes liberi<sup>19</sup>. Et  
 reo aufugiente fide-jussor exsolvere multam  
 cogitur, non ex delicto, sed quia in talem e-  
 ventum ultro sese obligavit<sup>20</sup>.

Cap. 13.  
 Et si id oc-  
 casionem  
 incommodi  
 præbere  
 possit.

## C A P. XIV.

## DE EXISTIMATIONE.

I. EXISTIMATIO in genere est valor per-  
 sonarum in vita communi, secundum  
 quem aptæ sunt aliis personis exæquari aut  
 comparari, eisque vel antehaberi, vel post-  
 poni<sup>1</sup>.

Existima-  
 tio in ge-  
 nere quid?  
 L.VIII.c.

II. DIVIDITUR illa in simplicem & inten-  
 sivam. Utraque consideratur vel inter eos qui  
 in naturali libertate, vel qui in statu civili in-  
 vicem degunt.

Quotuplex  
 in duplici  
 statu?

III. Existimatio simplex inter eos, qui in na-  
 turali libertate vivunt, in hoc potissimum con-  
 titiâ) damnum posteris ob delicta majorum infligat.

Simplex in  
 libertate  
 naturali  
 in quo  
 fita?

Ferretne (inquit CICERO) ulla civitas latorem istiusmodi  
 legis, ut condemnatur filius aut nepos, si pater aut avus deli-  
 quisset? De Nat. Deor. III. xxxviii.

<sup>20</sup> Vid. GROTI. ubi supra, § 13, &c.

<sup>1</sup> Conf. auctoris Dissertat. Acad. de Existimatione. p.

sistit,

Cap. 14. sistit, ut quis talem se ferat, & pro tali habeatur, quicum agi queat tanquam cum viro bono, & qui cum aliis ad præscriptum legis naturalis vivere sit paratus.

*Ea quam diu maneat integra?* IV. Atque isthæc *integra* tamdiu habetur, quoad quis nondum per malitiosum aut enorme facinus sciens volensque dolo malo legem naturæ adversus alios violavit. Inde & naturaliter quilibet pro bono viro habetur, donec contrarium probetur <sup>2</sup>.

*Quibus facis diminuat?* V. EADEM existimatio *diminuitur* per facinora enormia contra legem naturalem malitiose patrata; quæ efficiunt, ut majore circumspeditione opus sit, si quis cum tali agere velit. Ea tamen macula elui potest, præstita ultro damni dati reparatione, & edito seriæ poenitentiae documento <sup>3</sup>.

*Quibus penitus extinguatur?* VI. Consumit eandem penitus vitæ genus & institutum directe spectans ad aliis promiscue nocendum, & rem ex manifestis aliorum injuriis faciendam. Cujus farinae homines quamdiu respiscere nolunt, tanquam communes hostes possunt tractari ab omnibus, quos ipsorum malitia ullo modo potest tangere <sup>4</sup>. Reparare tamen hi existimationem possunt, ubi præstita refusione damni, aut obtenta condonatione, honestum vitæ genus, vitioso ejurato, subierint.

<sup>2</sup> Iniquè igitur statuit HOBBSIUS omnes in statu naturali degentes pro malis habendos esse. *De Civ.* c. i.

<sup>3</sup> Vid. *supra*, L. I. c. v. § 17.

<sup>4</sup> Quales sunt latrones, piratæ, ficarii, & id genus tenebriones.



VII. *Existimatio simplex intra civitates de-* Cap. 14.  
*gentium* est, qua quis juxta leges & mores ci-  
 vitatis pro vitioso ejusdem membro non fuit *Simplex in*  
 declaratus, & aliquo numero esse intelligitur. *civitate*  
*quæ?*

VIII. Isthæc in civitate deficit vel ex me- *Ea quo-*  
*ro statu, vel ex delicto.* Prius contingit du- *modo defi-*  
*plici modo:* vel ut status ille in se naturaliter *ciat ex me-*  
 nihil turpe habeat; vel ut cum vitio, aut sal- *ro statu?*  
 tem ejus opinione, sit conjunctus. Illud con- *c. iv. § 6.*  
 tingit in quibusdam civitatibus, ubi servi nullo  
 numero sunt <sup>5</sup>. Hoc circa lenones, meretrices,  
 & similes obtinet; qui quamdiu publice tole-  
 rantur in civitate, communi quidem defensione  
 fruuntur, honestorum tamen hominum con-  
 sortio excludendi. Quod idem contingit qui-  
 busdam circa foeda aut vilia, licet naturaliter  
 non vitiosa, occupatis <sup>6</sup>.

IX. Ex *delicto* autem eadem plane deficit, *Quomodo*  
 quando quis juxta leges civiles ob certum de- *ex delicto*  
 lictum *Infamia* notatur: idque ut vel morte *per notam*  
 simul plectatur, & sic memoria ejus notatur; *infamiae?*  
 vel ut civitate expellatur; vel ut in civitate  
 retineatur tanquam infame & putridum mem-  
 brum.

X. Id autem manifestum est, existimatio- *Naturalis*  
 nem simplicem, seu *naturalem honestatem non honestas*  
 posse alicui eripi ex mero arbitrio summorum *arbitrio*  
 imperantium. Cum id nullo modo ad utili- *imperantis*  
 tatem civitatis facere, adeoque in ipsos nullo *non subest.*  
*c. iv. § 9:*

<sup>5</sup> Quam vilis fuerit eorum conditio apud Romanos,  
 omnibus notissimum est. Vid. L. XVIII. tit. v. l. 6.  
*ad L. Jul. de Adult.*

<sup>6</sup> Quales sunt carnifices, lictores, fornicarii, &c:

modo

Cap. 14. modo collatum, intelligi possit. Sicuti ne-  
 vera infamia videtur contrahi posse, dum qu-  
 jus civitatis per modum nudi ministri exse-  
 quitur.

*Existima-  
tio intensi-  
va, item-  
que honor.  
c. iv. §  
11.* XI. *Existimatio intensiva* est, secundum  
 quam personæ, alias quoad existimationem  
 simplicem æquales, sibi invicem præferuntur,  
 prout uni præ altero insunt, queis aliorum  
 animi ad exhibendum honorem permoveri so-  
 lent. Est autem *Honor* proprie significatio  
 judicii nostri de alterius præstantia.

*Varia ad  
ejus intel-  
ligentiam  
notanda.* XII. Hæc existimatio intensiva considerari  
 potest vel *inter eos, qui in naturali vivunt li-  
 bertate, vel inter cives ejusdem reipublicæ.*  
 Deinde expendenda sunt ejusdem *fundamenta,*  
 & quidem prout producant vel *aptitudinem*  
 duntaxat ad honorem ab aliis expectandum,  
 vel *jus stricte dictum* quo idem ab aliis tan-  
 quam debitus postulari queat.

*Funda-  
menta  
intensivæ  
existimati-  
onis quæ?  
c. iv. §  
12.* XIII. *Fundamenta intensivæ existimationis*  
 in genere censentur omnia illa, quæ insignem  
 perfectionem & præstantiam habent, aut ean-  
 dem judicantur arguere, & quidem talem, cu-  
 jus affectus cum fine legis naturalis aut civita-  
 tum congruit. Uti sunt perspicacia mentis, &  
 capacitas varias scientias & artes addiscendi,  
 acre judicium in rebus gerendis, animus fir-  
 mus & per externa inconcussus, illecebrisque  
 ac terroribus superior; eloquentia, forma &

7 Malè igitur HOBBIUS honorem in potentiâ fun-  
 davit. *Consistit honor* (inquit) *in solius potentiæ existima-  
 tione.* Leviath. cap. x. p. 47.

dexteritas corporis, bona fortunæ, & impri-  
mis res egregie gestæ<sup>7</sup>. Cap. 14.

XIV. Hæc tamen omnia non producant *Jus ad be-*  
*nisi jus imperfectum*, seu aptitudinem ad ha-  
bendum ab aliis honorem & venerationem. *norem im-*  
Unde si quis eundem aliis etiam bene meritis *perfectum,*  
denegaverit, non injuriam facit, sed duntaxat *perfectum.*  
ob inhumanitatem & velut incivilitatem male  
audit. Sed *jus perfectum* ad habendum ab al-  
tero honorem, aut ejus insignia, provenit vel  
ex imperio, quod quis in istum obtinet; vel  
ex pacto cum eodem ea super re inito; vel ex  
lege per communem dominum lata aut appro-  
bata.

XV. Inter principes autem & integros po- *Jus ad*  
pulos pro eminentia & *præcedentiam* solet alle-  
gari potissimum antiquitas regni & familiæ; *præceden-*  
amplitudo & opulencia ditionum, & potentia, *tiam inter*  
qualitas potestatis, qua quis imperium in suo *principes*  
regno obtinet, & splendor tituli. Quæ tamen *unde?*  
omnia per se non pariunt *jus perfectum* ad præ-  
cedentiam adversus alios reges populosve, nisi  
pacto aut concessione horum istud quæsitum  
fuërit. c. iv. §  
15, 16.

XVI. Inter cives autem *gradus dignitatis*  
*designare summi imperantis* est; qui tamen *gradus*  
heic recte cujusque præstantiam, & ad conse- *dignitatis*  
renda in remp. merita aptitudinem respicit. *civilis a*  
Quem autem iste civi dignitatis gradum assig- *quo desig-*  
naverit, eum recte hic contra concives suos tue- *nandi?*  
tur; nec minus eodem ipse adquiescere debet. c. iv. §  
23.

<sup>7</sup> Conf. BUDDI, *Philos. Pract.* P. II. c. iv S. 13  
§ 31.

## C A P. XV.

DE POTESTATE SUMMI IMPERII IN  
BONA CIVITATE CONTENTA.

*Jus imperantis in bona civium triplex. L. VIII. c. v.* I. Q UEMADMODUM ubi *Bona* ab summis imperantibus in cives profecta sunt, in istorum arbitrio est, quid hi in ea juris obtineat: ita in ea bona, quæ cives propria sibi industria, aut alio modo plenè quæsierunt, *triplex* potissimum *jus*, ex indole civitatum resultans, & ad harum finem necessarium, summis imperantibus competit.

*Leges ferendi circa eorum usum; c. v. § 3.* II. PRIMUM jus in eo consistit, ut civibus isti possint *leges præscribere* circa usum eorundem ad utilitatem civitatis adtemperandum, aut circa modum, qualitatemque possessionum<sup>1</sup>; uti & rationem transferendorum in alios bonorum, & quæ sunt ejus generis alia<sup>2</sup>.

III.

<sup>1</sup> Quales sunt *legēs sumptuariæ*, *legēs contra aleam* latæ, &c.

<sup>2</sup> Qualis erat Romæ lex Licinia, ne quis ultra Dagii jugera, neque pecoris majoris ultra C, minoris ultra D capita haberet. Vid PAUL. *Manut. de LL. Rom. ex Macrob. Sat. L. III.*

<sup>3</sup> Quales sunt *legēs circa modum donationum*, *legationum*, &c. & quæ vetant pecunias, vel certas quoddam merces extra civitatem exportari.

<sup>4</sup> Hanc vocem *Dominium eminens*, vel *supereminens*, primus usurpavit GROTIUS (*De Jure B. & P. L. II, c. xiv. § 7.*) de qua superiori sæculo litem moverunt eruditi

III. ALTERUM jus in hoc consistit, ut pos-  
sit particulam aliquam de ipsorum bonis *Tri-*  
*buti* aut *Vestigialis* nomine decerpere. Cum *Decerpen-*  
enim civium vita & fortunæ per civitatem sint *di de eis*  
defendendæ, oportet ut hi conferant, unde *vestigalia*  
sumtus ad eum finem necessarii tolerantur. *& tri-*  
c. v. § 4.  
Sic ut valde impudens sit, qui defensione qui-  
dem & commoditate civitatis frui vult, & ta-  
men nihil operæ aut rei ad eandem servandam  
conferre. Et si heic merito prudentes sese re-  
ctores ad querulum vulgi ingenium adtempe-  
rent, & ut quam minimo cum sensu ista cor-  
rogari queant, laborent, imprimis æqualita-  
tem observando, & modica potius, ac varia,  
quam grandia ac uniformia exigendo.

IV. TERTIUM jus est *Dominium eminens*<sup>4</sup>, *Casu ne-*  
quod in eo consistit, ut urgente reip. necessi-  
tate bona subditi cujuscumque, quibus præsens *cessitatis*  
tempus maxime opus habet, ad usum publicos *ad usum*  
arripi & applicari queant; licet ista longe su-  
perent ratam partem, quam iste ad sumtus *publicos*  
reip. conferre tenebatur. Ob quam tamen *applican-*  
di.  
c. v. § 7.

---

ruditi. Vip. *supra*, BUDDEI *Hist. Jur. Nat.* § 53.  
Non operæ est pretium de verbis contendere, cum fa-  
cultatem ipsam imperantibus competere manifestum  
sit: quæ tamen non nisi urgente necessitate exerceri  
debet. *Ut id fiat* (inquit GROTIUS *loc. citat.*) *ex vi su-*  
*pereminentis dominii, primum requiritur utilitas publica;*  
*deinde ut si fieri potest compensatio, fiat ei qui suum amisit,*  
*ex communi.* Minimè licet principi aliquem pro arbi-  
trio bonis suis spoliare: nec id concedendum esse  
HOBBEŒIO permittimus, *cives non ita proprium habere*  
*quicquam, in quod non habeat jus ille, qui habet imperium*  
*summum.* De Cive, cap. vi. § 15.

rationem

Cap. 15. rationem isti civi, quod excedit, de publice  
 aut ex collatione cæterorum civium, quantum  
 ejus fieri potest, refundi debet.

*Jus prin-*  
*cipis in fis-*  
*cum atque*  
*ærarium.*  
 c. v. § 8. V. PRÆTER hæc tria jura in multis civita-  
 tibus dantur *peculiaria bona publica*, quæ pa-  
 trimonium reip. aut regni solent adpellari.

Quod alicubi iterum distinguitur in *patrimo-*  
*nium principatus*, & *reipublicæ*, seu in *Fiscum*  
 & *Ærarium*. Quorum prius destinatum est  
 ad sustentationem regis, ejusque familiæ: po-  
 sterius ad publicas utilitates regni. Circa pri-  
 us rex habet usumfructum, & de fructibus in-  
 de provenientius pro suo arbitrio disponere  
 potest. Circa posterius autem administratoris  
 munus obit, idemque usibus, quibus destina-  
 tum est, adplicare debet. Neutrum nisi con-  
 sensu populi alienare potest.

*In remp,*  
*totam vel*  
*ex parte,*  
*alienan-*  
*dam.*  
 c. v. § 9  
 —11. VI. MULTO minus autem, qui regnum non  
 habet in patrimonio, totum regnum, aut ejus  
 partem alienare potest, nisi accedat consensus  
 populi, & posteriore casu etiam peculiariter  
 consensus partis alienandæ. Sicuti nec vice  
 versa membrum aliquod a civitate invita sese  
 abrumpere potest, nisi per vim externorum  
 hostium in eam sit redactum conditionem, ut  
 aliter nullo modo salvum esse queat s.

---

s Qualis lex olim fuit apud Argivos. OVID. Met.  
 XV. 28.

—————*Prohibent discedere leges*  
*Pænaque mors posita est, patriam mutare volenti.*

C A P.

## C A P. XVI.

## DE BELLO ET PACE.

I. QUANQUAM id legi naturali maxime sit *Bellum &*  
 conveniens, ut homines pacem in*justum &*  
 cem agitent, ultro ea præstando, quæ de*prudens*  
 bebant; imo pax ipsa sit status homini, qua*esse debet.*  
 L. VIII.  
 tenus a brutis distinguitur, peculiaris: ali*c. vi.*  
 quando tamen ipsi quoque homini *bellum* \* sit  
 licitum, & quandoque necessarium; quando  
 nempe per alterius malitiam nostra servare,  
 aut jure nostro potiri citra vim adhibitam ne-

\* Hinc plane patet, quicquid nonnulli criminantur,  
 auctorem à statu naturæ *Hobbesiano*, qui status belli est,  
 prorsus abhorruisse.

Ad hanc rem satis scitè & commodè scripsit QUIN-  
 TILIANUS vel quisquis erat. *Declam. IX.* "Na-  
 tura præter cætera animalia induit nostris pectori-  
 bus quandam societatem, quæ mutuo gaudere con-  
 gressu, contrahere populos, condere urbes edocuit,  
 & cum mentibus nostris varios imposuerit motus,  
 nullam profectò meliorem benevolentia tribuit af-  
 fectum. Quid enim foret humano genere felicius,  
 si omnes esse possent amici? Non bella, seditiones,  
 latrocinia, lites, cæteraque mala, quæ hominibus ex  
 seipsis nata sunt, fortunæ accessissent."

\* Bellum CICERO dixit *certationem per vim*. Offic.  
 I. xi. GROTIUS placuit, ut non actio sed status eo  
 nomine indicetur, ita ut sit bellum *status per vim certan-*  
*tium, quæ tales sunt.* De Jure B. & P. L. I. c. i. § 2.

I i

quimus 3.

Cap. 16. quimus 3. In quo ipso tamen prudentia & humanitas suadet, ut ne ad arma eamus, ubi et injuriarum nostrarum persecutione plus malum in eos nostrosque quam boni sit redundaturum 4.

*Belli def-*  
*ensivi &*  
*offensivi*  
*justæ*  
*causæ.*  
c. vi. § 3.

II. *Justæ causæ*, ob quas bellum suscipi possit, huc redeunt, ut nos & nostra servemus & tueamur contra injustam aliorum invasionem: aut ut quæ nobis debita ab aliis exhiberi renuuntur asseramus; aut injuriæ jam illatæ reparationem, & cautionem in posterum obtineamus. Ob priorem causam quod geritur *bellum defensivum*: quod ob posteriores *offensivum* dicitur 5.

*Prius sem-*  
*per tentan-*  
*da via*  
*amicitiæ.*  
c. vi. § 4.

III. NEQUE tamen confestim, ubi quis sese læsum arbitratur, ad arma est decurrendum, imprimis ubi adhuc dubii aliquid circa jus aut factum occurrit: sed tentandum, num

*amicitia*

---

3 Bellum esse licitum sequitur ex studio illo naturali, quod hominibus inest, *seipsos conservandi*. "Etenim, cum gentes integræ (ut BUDDI verbis utar) in statu quippe naturali constitutæ, communem judicem non habent, omnium tamen salus legum naturalium observationem requirat, Deusque ipse, ut *seipsam* quælibet *conservet*, velit; nihil aliud superest, quam ut vim illis opponant, qui migratis naturæ legibus vi eas opprimere aggrediuntur. Accedit quod Deus in S. Literis bella passim approbet, quod evidentissimum nobis documentum præbet, jure naturæ bellum gerere neutiquam nefas esse." *Philos. Pract. P. II. c. v. S. 2. Conf. supra, L. I. c. v.*

4 Conf. GROTI. *De Jure B. & P.* passim. BUDDI *Phil. Pract. P. II. c. v. S. 2.—7.*

5 Si strictè loquamur, omne bellum ob justas causas susceptum est *defensivum*; nemini enim licet alterum *offendere*



*amica* via res possit componi ; puta, colloquio Cap. 16.  
inter partes instituto, provocatione ad arbi-  
tros facta, aut re forti commissa. Præcipue  
autem hæc via tentanda illi, qui petit ; quippe  
cum possessionem cum aliquo titulo favor uti-  
que comitetur <sup>6</sup>.

IV. *Injustæ* porro bellorum *causæ* vel *a-*<sup>*Injustæ*</sup>  
*perte* tales sunt, vel *colorem* aliquem licet di-<sup>*belli causæ*</sup>  
lutum admittunt. Illæ ad duo potissimum <sup>*quæ &*</sup>  
capita referuntur, avaritiam & ambitionem,  
seu habendi, & dominandi libidinem. Hæ  
variæ sunt ; puta, metus ex opibus & poten-  
tia vicini, utilitas jure destituta, amor sedes  
meliores parandi, denegatio eorum quæ ex  
simplici aliqua virtute debebantur. stoliditas  
possessoris, cupido extinguendi jus alterius  
legitime quæsitum, quod nobis paulo molef-  
tius videtur ; & similia <sup>*quales ?*</sup> c. vi. § 5. <sup>7</sup>.

*fendere*, vel nocere. Adjungit GROTIUS bellum *puni-*  
*tivum*, quod verò minus propriè dictum est ; quoniam  
gentes inter se sint æquales, & *pæna* non nisi a superi-  
ori infligi possit. Vid. *supra*, c. xiii. § 4. not. 7.

<sup>6</sup> Vid. *supra*, L. I. c. v. § 7.

<sup>7</sup> Utut bella ob has causas suscepta justitiæ specimen  
& colorem præ se ferre possunt, tamen vere justa cau-  
sa belli suscipiendi nulla esse alia potest, nisi injuria.  
Itaque ad tot classes bellorum *causæ* commodè referri  
possunt, quot sunt injuriarum genera. Vid. *supra*, L.  
I. c. vi. Dividitur autem dupliciter à GROTIO causa  
belli (quæ & *principium* vocatur) in *justificam*, sc. &  
*suasoriam* ; illa est, quæ movet sub ratione justii, &  
bellum justum reddit ; hæc vero, quæ sub ratione uti-  
lis suadet. De Jure B. & P. L. II. c. i. & c. xxii.  
§ 2.

Cap. 16. V. ET SI autem *modus agendi in bello* maxime proprius sit vis & terror : non minus tamen adversus hostem fraude ac dolo uti licet, modo fides data non lædatur. Inde hostem licet decipere sermone assertivo, seu per fectas narrationes : nequaquam autem per promissa aut pacta \*.

*Vis in bello adhibenda moderamen.* VI. CIRCA vim, quæ in bello adhibetur adversus hostem ejusque res, distinguendum est inter id, *quod hostis sine injuria pati potest,* & *quod ipsi salva humanitate nos inferre possimus.*

---

\* Vid. *supra*, L. I. c. x. § 5. not. 7. Conf. GROTIUS *De Jure B. & P.* L. III. c. i. § 6. 7. 17. qui hoc argumentum ibidem plenè & accuratè tractavit.

9 Hanc rem fusè exposuit GROTIUS ( L. III. c. iv. —viii.) cujus doctrinam paucis complectitur BUDDEUS. “ In Bello licet hostem *interficere* : finis enim belli cæteroquin obtineri non posset. Non tamen in infinitum excurrit hæc interficiendi licentia. Nec infantes, nec scæminæ, nec captivi, nec supplices, nec qui seipsos dedunt, per se interfici possunt, nisi forte exinde singulare aliquod momentum ad finem belli conferatur. Quin omnis vis, in quantum hoc non facit, plane illicita est. Unde & nunquam sine horrendo & inexpiabili scelere stupra inferri scæminis possunt ; cum ad finem belli nulla ratione hoc quicquam faciat, & à plusquam barbarâ libidine procedat. Qui autem justè interfici possunt, recte interficiuntur in *solo* proprio, hostili, nullius : neutiquam autem in territorio tertii, quocum nihil nobis est negotii propter jus, quod illi in suum territorium committitur. Veneno an hostem interficere liceat, non adeo expeditum videtur, certe moribus quarundam gentium hoc repugnat. Naturæ tamen lege permissum est, hosti quocunque modo nocere, modò finis habeatur

*mus.* Qui enim hostem sese mihi declara- Cap. 16.  
vit, cum in hoc ipso sit professio extrema ma-  
la mihi intentandi, eo ipso quoque, quantum  
in se, mihi indulget facultatem adversus se in-  
finitum. Humanitas tamen jubet, ut quan-  
tum armorum impetus patitur, non plus mali  
hosti inferamus, quam defensio aut juris nostri  
vindictio, & in posterum securitas requirit<sup>9</sup>.

VII. SOLET bellum dividi in *solenne* & *mi-  
nus solenne*. Ad illud requiritur, tum ut ge- *Bellum so-  
lenne, mi-  
nus solen-  
ne.*  
ratur autore utrinque eo, qui summum habet  
c. vi. § 9.

“ beatur ratio. An ergo & spicula & fontes & aquas  
“ veneno inficere liceat, hinc itidem est definiendum.  
“ Quoad *percussores* omnino cum H. GROTIUS distinguo  
“ inter eos, qui fidem expressam vel tacitam violant;  
“ & qui eam non violant. Tales percussores, qui hos-  
“ ti nullo modo sunt obstricti, immittere, haud prorsus  
“ illicitum videtur; cum perinde sit, sive pauci, sive  
“ plures hosti noceant. Ast de illis qui fidem violant,  
“ secus est sentiendum. Si vitam hostium corpusque  
“ lædere, multò magis *res* vastare, eisque eripere licet.  
“ Nec excipio *res sacras* aut religiosas, quippe quæ  
“ ejus sunt, qui summum imperium habet. Nec tamen  
“ in rerum vastatione ultra limites progrediendum.  
“ Si enim rerum vastatio ad finem belli pacemque ac-  
“ celerandam nihil conferat, eam jure naturæ illicitam  
“ esse omnino assero. Stultum sane non minus ac  
“ impium est nullo suo bono nocere alteri. Quarum  
“ rerum vastatio itaque nobis nec necessaria nec ullo  
“ modo utilis est, eam intermittere ratio jubet. Sic  
“ cum rarò admodum sit necessarium templa, statuas,  
“ ædificia tum publica tum privata post victoriam cor-  
“ rumpere, iisdem parcere naturæ leges jubent.” *Phi-  
los. Pract. P. II. c. v. S. 5. § 4 — 10.* Conf. Ejusdem  
*Dissert. de Jure Belli circa res sacras.*

Cap. 16. imperium ; tum ut præcesserit *indictio* <sup>10</sup>. Minus solenne est, quod denunciatum non est, aut quod in privatos geritur. Quo etiam pertinent bella civilia.

VIII. *Jus bellum movendi* in civitate, - uti est penes eum, qui summum habet imperium, ita istud usurpare citra delegatam ab illo facultatem, supra mensuram magistratus est ; etiam ubi hic conjicit, summæ potestati, si consuleretur, placitum heic & nunc bellum geri <sup>11</sup>. Et si omnibus, qui alicui provinciæ aut loco munito cum copiis militaribus præficiuntur, ex fine muneris sui id quoque injunctum intelligatur, ingruentem hostem quovis modo a locis sibi commissis repellere : ut tamē

---

<sup>10</sup> A nonnullis alio nomine vocatur *jus feciale*. “ Belli quidem æquitas sanctissimè *feciali* populi Romani jure perscripta est : ex quo intelligi datur nullum bellum esse justum, nisi quod aut rebus repetitis geratur, aut denunciatum ante sit & indictum.” CIC. *De Offic.* I. xi. Indictionem vero solennem non ex jure naturæ sed ficto quodam jure gentium requiri contendit GROTIUS : ( L. III. c. iii. § 6.) quæ distinctio mihi omnino inutilis & vana videtur. Rectius [ut opinor] BUDDEUS : “ Cum præcipiat [jus naturæ] ut omnia prius ad lites componendas tentemus, quàm arma arripiamus ; sine dubio etiam præcipit, ut alter quem ut hostem invadere constituimus, hæc de re certior reddatur, ut hoc quoque modo illi occasio bellum evitandi subministretur. Atque cum omnes res bellicæ ad summum imperantem spectent, ab eo quoque indictionem fieri debere nemo inficiatus fuerit. “ Estque hæc belli indictio vel *conditionata*, quæ cum rerum repetitione est conjuncta, & alias *clarigatio*

men non temere bellum in ditionem hostilem Cap. 16. transferant.

IX. CÆTERUM ut qui in naturali libertate *Quæ pri-* vivit, ob injurias tantum abs se patratas bel-*vata inju-* lo potest peti: ita in civitate sæpe bello *in-* *ria fundet* vaditur rector civitatis, aut tota civitas, etsi iste *justum bel-* *lum?* autor injuriæ non fuerit. Sed ut recte hoc c. vi. § 12. fiat, necessum est, ut injuria ista aliquo modo in illum transierit. Ac rectores quidem civitatum ex injuriis per antiquos cives, aut qui recens ad eos confugiunt, patratis participant, si *passi* fuerint eas patrari, aut si *receptum* præstent. Ut patientia sit culpabilis, requiritur, ut quis & sciat delinqui, & possit prohibere. Sciri autem a rectore civitatis præsumuntur,

---

“ *tio* dicitur, & tum maxime locum habere videtur,  
 “ cum nihil antea de litibus amice finiendis actum fu-  
 “ it: vel *pura*, qua simpliciter alterius amicitiae & foci-  
 “ etati renunciamus, eumque hostem nostrum declara-  
 “ mus, quæ & speciali quadam ratione & per emin-  
 “ tiam *indictio* dicitur.

“ Habet autem indictio sive denunciatio saltem lo-  
 “ cum in bello, quod vocant, *offensivo*; in quo semper,  
 “ etiam cum legati violati fuerint, usurpanda est. In  
 “ *defensivo* autem supervacua videtur, cum ibi res ip-  
 “ sa doceat, invasorem constituisse armatâ manu jus  
 “ quod se habere putat, prosequi. Cum indictione  
 “ tamen non confundenda est belli *promulgatio*, qua  
 “ subditis significatur hunc vel illum à nobis pro hoste  
 “ haberi, & nihil nisi hostilia nos ab eo expectare posse.”

*Philos. Pract. P. II. c. v. S. 4. § 9—11.*

“ Quod si ita præsens sit periculum (utî recte nos  
 monet GROTIUS) ut tempus non ferat eum consuli,  
 qui supremum in civitate jus habeat: hic necessitas ex-  
 ceptionem porriget. *De Jure B: & P. L. I. c. iii.*  
 § 4.

Cap. 16. quæ a civibus aperte & frequenter fiunt. Facultas prohibendi semper præsumitur, nisi ejus defectus manifeste probetur. Ut tamen, qui noxium ad se confugientem poenæ duntaxat declinandæ causa recipit & protegit, bello peti possit; id magis ex peculiari pacto inter vicinos & socios, quam communi aliqua obligatione provenit; nisi iste profugus apud nos hostilia in eam civitatem quam deseruit machinetur <sup>12</sup>.

*Repressalia, præludia bellorum*

c. vi. § 13.

X. SED & illud inter gentes receptum, ut pro debito civitatis proprio, aut quod justitiam requisitam non administrando in se derivavit, singulorum civium bona teneantur hætenus, ut extranei, quibus debetur, istis apud se deprehensis manus injicere queant: Ita tamen ut civibus, quibus hoc modo sua eripiuntur, refusio sit procuranda ab illis, qui debita contraxerunt <sup>13</sup>. Quales executiones solent vocari *Repressalia*, quæ frequenter sunt bellorum præludia <sup>14</sup>.

*Pro altero bellum gerere qui possint?*  
c. vi. § 14.

XI. BELLUM gerere potest non solum quilibet pro se, sed & unus pro altero. Quod tamen ut recte fiat, requiritur in eo, pro quo bellum geritur, justa causa; in auxiliatore autem

<sup>12</sup> Sed rationi ideoque juri naturali consonum videtur, ut qui noxium defendat, criminis se reddat participem, & ob hanc causam recte bello petatur: unde peculiari pacto nihil opus esse videtur. Conf. GROTI. L. II. c. xxi, § 4.

<sup>13</sup> Licebit *repressalias* usurpare, ita quidem ut alterius reip. cives capiat, si ipsius subditi in altera civitate detineantur; bona autem, si bona fuerint prius capta: sin bona haberi nequeant, nihil obstat quo

minu

tem probabilis ratio, cujus intuitu pro isto in Cap. 16.  
 alium hostilia exercere queat. Inter eos au-  
 tem, pro quibus non solum possumus, sed &  
 debemus arma sumere, primo loco sunt sub-  
 diti nostri non universi solum, sed & singuli;  
 modo ex hocce civitas non evidenter majori-  
 bus malis sit involvenda. Sequuntur socii, in  
 quorum foedere id comprehensum est: Qui  
 tamen non modo civibus nostris cedunt, ubi  
 ipsi eodem tempore auxilio opus habent; sed  
 & apud eosdem iusta belli causa, & aliqua  
 prudentia in bello suscipiendo præsупponitur.  
 Hos excipiunt amici, etsi peculiariter id ipsis  
 non sit promissum. Denique ubi nulla alia  
 ratio est, vel sola communis cognatio sufficere  
 potest, ut injuste oppressum, nostra auxilia  
 implorantem, quantum commode facere pos-  
 sumus, defensum eamus <sup>15</sup>.

XII. *Licentia in bello* eousque se extendit, *Licentiam*  
 ut quamvis quis cædes patrando aut res va- *bello quo-*  
 stando atque eripiendo, ultra quam humani- *usque pa-*  
 tas admiserit, sit grassatus: Gentium tamen *teat?*  
 opinione pro infami, & quem honesti viri c.vi. § 16.  
 aversari debeant, non habeatur. Nisi quod  
 cultiores gentes modos quosdam nocendi hq-

<sup>13</sup> "minus ipsi homines capiantur." BUDDI *Phil.*  
*Præf.* P. II. c. v. S. 3. § 9. Conf. GROTI. *De Jure B.*  
 & P. L. III. c. ii.

<sup>14</sup> "Nonnulli huc referunt ἀνδροφίαν Græcis  
 "quondam maximè frequentatam, qua alterius civita-  
 "tis homines propter homicidam nec deditum nec pu-  
 "nitum capiebant & detinebant, donec alterutrum  
 "impetrarent." BUDDIUS, *ibid* § 5.

<sup>15</sup> De causis belli pro aliis suscipiendi, vid. GROTI.  
 L. II. c. xxv.

Cap. 16. stibus viles habent ; puta, veneno uti, aut  
 alterius cives militesque in dominorum cæ-  
 dem corrumpere <sup>16</sup>.

*Res bello* XIII. *Res mobiles* in bello tunc demum  
*captae qui-* *captae* intelliguntur, quando persecutionem  
*bis* hostilem effugerunt : immobiles autem, quan-  
*cedant ?* do ita à nobis detinentur, ut hostem inde ar-  
 cendi sit facultas. Etsi ut prioris domini jus  
 ad eas res recuperandas plane extinguatur,  
 necessum sit, ut per sublequens pactum omni  
 prætensionem renunciaverit. Alias enim vi par-  
 tum vi licebit iterum eripere. Cæterum uti  
 milites autoritate civitatis belligerant : ita quæ  
 ipsi hostibus eripiunt, proprie civitati, non  
 sibi adquirent. Etsi passim receptum, ut mo-  
 bilia, præsertim quæ non sunt magni pretii,  
 militibus qui ceperunt relinquuntur per con-  
 sumentiam, aut præmii, vel quandoque sti-  
 pendii loco ; aut ut alliciantur, qui citra ne-  
 cessitatem sanguinem suum locare velint.  
 Quando autem res captæ iterum hosti eripi-  
 untur, immobiles quidem ad antiquos domi-  
 nos redeunt ; nec minus mobiles debebant ;  
 etsi

<sup>16</sup> Vid. *supra* § 6. not. 9.

<sup>17</sup> Conf. GROTIUS. L. III. c. vi. BUDDEI *Phil. Pract.*  
 P. II, c. v. S. 6.

<sup>18</sup> Iis quæ dicta sunt de rebus ex hoste captis, quæ-  
 dam addenda sunt de *postliminio*, quod argumentum  
 fuscè tractavit GROTIUS. L. III. cap. ix. Est aut  
 POSTLIMINIUM (ex GROTII Def.) *jus quod nascitur*  
*ex reditu in limen*, id est, fines publicos. Et leg. 19.  
 ff. de capt. POSTLIMINIUM est *jus amissæ rei recupe-*  
*randæ ab extraneo, & in statum pristinum restituendæ inter*



etfi apud plerosque populos & hæ militibus Cap. 16.  
in prædam concedantur <sup>17</sup>.

XIV. SOLET denique bello *acquiri* etiam *Imperium*  
*imperium* tam in singulos, quam in integros *eo quæsi-*  
populos victos. Quod tamen ut fiat legiti- *tum qui*  
mum, & conscientias subjectorum stringat, *fiat legiti-*  
necessum est, ut victi victoribus fidem dede- *mum?*  
rint, & hi hostilem statum animumque ad- *c.vi. §. 24.*  
versus illos exuerint <sup>18</sup>.

XV. SUSPENDUNTUR actus bellici per in- *Induciæ*  
*ducias*, quæ sunt conventio, per quam ad *bellum sus-*  
tempus, manente belli statu ac lite ex qua *pendunt.*  
bellum fuit ortum, bellicis actibus offensivis *L.VIII.c.*  
est abstinendum; quibus elapsis, ni interea *vii. § 3.*  
pax coiverit, citra novam indictionem ad  
hostilitatem redditur <sup>19</sup>.

XVI. POSSUNT autem *induciæ* dividi in *Varie ea-*  
eas, quæ ineuntur subsistentibus in expediti- *rum no-*  
one exercitibus, retentoque utrinque bellico *tatæ spe-*  
adparatu; quæ ad modicum fere tempus su- *cies.*  
muntur: & eas, quibus adparatus bellicus  
utrinque dissolvitur. Hæ in satis longum  
tempus iniri possunt & solent, & plenæ pacis

---

*nos ac liberos omnes populos ac reges legibus ac moribus con-*  
*stitutum.* Et FESTUS ex Gallo *Ælio*, lib. i. signif. POST-  
LIMINIO RECEPTUM, ait esse eum, qui liber ex qua  
civitate in aliam civitatem abierat, in eandem civitatem  
redit. eo jure, quod constitutum est de postliminiis. Item qui  
servus à nobis in hostium potestatem pervenit, postea ad nos  
redit, in ejus potestatem cujus antea fuit, redit. In jure  
postliminium equi & muli & navis eadem ratione. Conf.  
BUDDEUM, ubi & supra. S. 6. § 26.

<sup>19</sup> Conf. GROT. L. III. c. xxi. § 6, &c. BUDD.  
P. II. c. v. S. 7. § 14.

faciem

Cap. 16. faciem gerunt, ac aliquando etiam pacis vocabulo insigniuntur cum adjectione certi temporis. Nam alias regulariter omnis pax æterna est, seu in perpetuum extinguat controversias, ob quas bellum conflatum erat. Quæ autem solent vocari induciæ tacitæ, nullam continent obligationem; sed partes ibi prohibitu utrinque quiescunt, & ad actus bellicos quandocunque placitum fuerit, procurrare iterum possunt <sup>20</sup>.

*Pacis natura, conditiones, firmitas.*  
L.VIII.c.viii.

XVII. PENITUS autem tollitur bellum, sancita per summos utrinque imperantes *pax*: cujus leges & conditiones definire, uti est penes paciscentes; ita illæ fideliter & convento tempore executioni dandæ & servandæ sunt. In cujus rei firmitatem non modo jusjurandum solet interponi, & obsides dari; sed & sæpe alii, imprimis qui paci conciliandæ interveniunt, ejus observationem præstandam recipiunt, auxilio promisso ei, qui contra leges pacis ab altero læsus fuerit <sup>21</sup>.

<sup>20</sup> Conf. GROTIJ. Lib. III. c. xxi.

<sup>21</sup> Conf. GROTIJ. L. III. c. xxii—xxv.



## C A P. XVII.

## DE FOEDERIBUS.

I. **B**ELLI juxta ac pacis temporibus *Fœdera* inserviunt *fœdera*, seu pacta inter *amicitiæ, vel specia-* summos utrinque imperantes inita. Isthæc *lis præsta-* intuitu *materiæ possunt dividi* in ea, quæ con- *tionis.* tituunt de aliquo officio invicem præstando, *L.VIII.c. ix.* quod jam antea lege naturali præcipiebatur; & quæ officiis legis naturalis aliquid superad- dunt, aut saltem eadem ubi indefinita videntur, ad certi quid determinant.

II. AD priorem classem referuntur fœdera, *Istorum præcipua quædam capita.* quibus de simplici duntaxat humanitate exer- cenda, aut noxa non inferenda convenitur. Quo pertinent & ea, quibus simplex duntaxat amicitia citra peculiarem præstationem sancitur. Aut quibus jus hospitii, aut commerciorum, quatenus id naturali lege debetur, stabilitur<sup>2</sup>.

III. POSTERIORIS classis fœdera sunt vel *Hæc æqualia, vel inæqualia.* Illa sunt, quæ utrin- *lia aut in-* que eodem se modo habent; seu quando non *æqualia:* solum æqualia utrinque promittuntur simpli- *et quæ illa?* citer, aut observata proportionem virium; sed *c. ix. § 3.*

<sup>1</sup> Conf. GROTIUS. *De Jure B. & P.* L. II. c. xv. Cujus vestigia in hoc capite auctor maxime insequitur.

<sup>2</sup> Vid. *supra*, L. I. c. xv..

Cap. 17. & æquali modo, ita ut neutra pars præ altera  
 fit deterioris conditionis, aut alteri obnoxia.

*Inæqualia quando, & a quibus, contra-*  
 IV. INÆQUALIA sunt, quando vel inæqua-  
 les præstationes invicem exhibentur, vel altera  
 pars est deterioris conditionis. Promittuntur  
 atuem inæqualia vel à fœderato digniore, vel  
 c. ix § 4. à minus digno. Prius fit, si potentior auxilia

*Summum  
 imperium  
 aut minu-  
 unt, aut  
 non.*

V. EORUM, quæ à fœderato inferiøre præ-  
 stantur, quædam sunt *conjuncta cum imminu-  
 tione summi imperii*; puta, si conventum sit  
 ne inferior focius partem aliquam summi im-  
 perii exerceat, nisi cum consensu superioris.  
 Quædam autem *summum imperium non dimi-  
 nuunt*, licet adjunctum habeant aliquod onus  
 transitorium, seu quo simul & semel licet de-  
 fungi; puta, si ex fœdere pacis alter teneatur  
 stipendium solvere alterius militibus, belli  
 sumptus restituere, certam summam pecuniæ  
 solvere, mœnia diruere, obsides dare, naves,  
 arma tradere, &c. Imo nec quævis perpetua  
 onera summum imperium diminuunt. Qualia  
 sunt; eosdem cum altero amicos & hostes ha-  
 bere, sed non reciproce; ne ad certa loca na-  
 vigare, &c. Item si unus fociorum alterius fo-  
 cii

3 Conf. LIV. L. XI. c. v.

Non possum non mirari, auctorem nihil omnino de  
*legatis* dixisse, quorum sanctimonia, privilegia, jura  
 tam notabilia ab iis, qui juri naturæ & gentium operam  
 dant;

cii majestatem comiter teneatur colere, seu reverentiam quandam ipsi exhibere, & sese ad ejusdem placitum modeste adtemperare. Cap. 17.

VI. CÆTERUM foedera tam æqualia quam inæqualia varias ob causas solent contrahi: inter quas arctissimam foederum speciem producunt, quæ ad conjunctionem aliquam perpetuam plurium civitatum spectant. Frequentissima autem sunt, quæ ad auxilia in bello defensivo aut offensivo præstanda, aut ad commercia regenda pertinent.

VII. CELEBRIS quoque est divisio foederum in *Realia* & *Personalia*. Quorum hæc sunt, quæ cum rege intuitu personæ ipsius euntur, eoque defuncto simul expirant. Illa vero sunt, quæ non tam ipsius regis, populi rectorum ut talium, quam reipubl. & regni intuitu contrahuntur, ac perdurant, istis licet mortuis, qui eorundem autores fuerant.

VIII. CONJUNCTÆ foederibus sunt *Sponsiones*, quæ proprie vocantur ista pacta quæ a ministro summæ potestatis circa negotia ad eandem spectantia sine ipsius mandato ineuntur. Quibus uti summus imperans non tenetur, nisi postquam eadem rata habuerit: ita si minister easdem absolute contraxerit, & ratihabitio secuta non fuerit; ipse viderit, quo modo satisfaciet illis, qui ejus fidem secuti inanibus pactis decepti sunt.

C A P.

---

dant, proculdubio negligi non debent. Quoniam verò solent foedera ut plurimum iniri operâ legatorum; de hisce quid naturæ leges præcipiant, haud inutilem operam me acturum esse duco, si hic paucis exponam.

Li-  
ceat

## C A P. XVIII.

## DE OFFICIIS CIVIUM.

*Offitium  
civis, ge-  
nerale,  
speciale.*

I. **O**FFICIUM *Civium* est vel *generale* vel *speciale*. Illud oritur ex communi obligatione, qua isti imperio civili sunt subiecti

ceat autem verbis cl. BUDDI uti, qui quidem omnia cum perite & scienter tum breviter & presse dixerit.

“ Summa (inquit) huc redit: *legatos non esse lædendos*.  
“ Eorum enim operâ & bella finiuntur, & pax & tranquillitas inter gentes conservatur. Sed cum lex naturæ in genere dictitet, neminem esse lædendum, legati tamen in eo præcipuum quid præ cæteris habent, quod ne belli quidem tempore & inter armorum strepitum lædi debeant. Idque ideo, quia humani generis, gentiumque omnium salus hoc requirit. Deus ergo qui omnia ea præcipit facienda, quæ ad hunc finem conducunt, legatos etiam non lædendos præcipit. Qui enim vult finem, media etiam huc ductentia approbare censetur.

“ Præcipue quidem hoc ad illos legatos pertinet, qui belli aut pacis causa mittuntur. Nec tamen illis qui commerciorum causa, aut ad amicitiam ineundam, vel firmandam, stabiliendamque, splendido hoc munere funguntur, sanctitas deneganda. Etenim ut commercia floreat, ut amicitia & concordia foveatur, hominum omnium, gentiumque maximopere interest, Saltem humanitatis leges palam migraret, qui ejusmodi legatos læderet.

“ Læditur autem legatus, primo si non sine prægnanti causa *admittatur*: deinde, si in corpore, bonis existimatione, famulis, sanctitas ejus *violetur*.

“ Quod ad *admissionem* attinet, possunt aliquando non  
“ *admitti*

subiecti. Hoc vero ex peculiari munere & Cap. 18.  
functione, quæ per summum imperium sin-  
gulis est injecta.

II. OFFICIUM generale civium respicit vel *Generale*  
*rectores civitatis, vel totam civitatem, vel con-* *triplex.*  
*cives.*

III. *Reſtoribus civitatis civis debet reveren-* *Erga reſto-*  
*tiam, fidelitatem, & obſequium.* Cui con- *rem civi-*  
iunctum eſt, ut idem præſenti ſtatu adqueſcat, *tatis quod?*  
neque

“ admitti, ſi prægnans hoc jubeat ratio: qualis eſt; ſi  
“ mittens callida legationis ſimulatione nos antehac  
“ decepit, & nunc ſimiles fraudes metuantur; item ſi  
“ is qui mittitur, perfidia, aut alio crimine atrociori  
“ erga eum ad quem mittitur, ſe obſtrinxerit, ut & ſi  
“ conſtet legatum non venire ut agat id quod præ ſe  
“ fert, ſed ut ad ſeditiones concitet populum, arcana  
“ noſtra exploret, prodatur, &c.

“ Admiſſum non eſſe lædendum, ſatis patet. Idque  
“ ne jure talionis quidem licet, cum qui legatum ad-  
“ miſit, juri iſti, ſi quod habuit, renunciaviſſe merito  
“ exiſtimetur. Cætera facile definiri poſſunt, ſi ad ſi-  
“ nem & naturam *legationum* attendatur. Ergo tanta eſt  
“ legatorum ſanctitas & inviolabilitas, quantam lega-  
“ tionum ſinis requirit. Hinc concludo legatum ab eo,  
“ ad quem mittitur, non poſſe puniri. Nunquam enim  
“ ſummus imperans per legatum ſe alterius imperio  
“ ſubjicit. Per legatum enim ut æqualis cum æquali,  
“ non ut inferior cum ſuperiori agere voluit. Atque  
“ id natura negotiorum, quæ à legatis tractantur exi-  
“ git. Ergo legatis immunitas ab omni imperio eſt  
“ concedenda.

“ Quod ſi ergo delinquerit, non ut cum ſubdito, ſed  
“ ut homine alterius imperio ſubjecto agendum, hoc  
“ eſt, ſi res tanti ſit, ut reparationem damni dati, vel  
“ pœnam à legato exigere noſtrâ interſit, dominus legati  
“ adeundus eſt, ſique is petitioni noſtræ ſatisfacere  
K k “ renuat

Cap. 18. neque ad res novandas animum adjiciat, neque alteri cuivis adhæreat magis, eundemve admiretur & veneretur; atque bene ac honorifice de iisdem, & eorum actionibus sentiat, atque loquatur<sup>1</sup>.

IV. *Erga totam civitatem officium boni civis*  
*Erga civitatem totum quod?* est, ut ejus salute & incolumitate nihil habeat carius; ut vitam, opes, fortunamque suas ad eandem servandam libenter offerat; ut ad

---

“renuat, ea omnia nobis licent, quæ in principem, subditorum delicta punire nolentem, concessa sunt. Quod si res nullam ferat moram, ut hostis capi, custodiri, & pro periculi magnitudine interfici potest. Finis enim legationum neutiquam requirit, ut quidvis à legatis patiamur. Nec legatorum sanctitas eorumque se extendit, ut si per territorium hostis ejus, ad quem mittuntur, transeant, non debeant violari. Finis enim legationum sine hocce jure obtineri potest. Nec obstat, quod summum imperantem referant. Namque & ipsi summi imperantes ab hoste lædi possunt; ergo multo magis qui eos repræsentant legati, nisi lex specialis, aut conventio, intercedat. Quod de ipso legato dictum, illud certa ratione etiam de comitibus famulisque ejus est intelligendum. Hi ergo si deliquerint, postulari à legato potest, ut eos dedat: si hoc facere renuat, ipse se crimine obstringit, adeoque locum habebunt, quæ antea de legati delicto diximus. Ipse legatus autem eos punire nequit, cum finis & natura legationis facultatem puniendi comites, aut servos, non requirat, legatoque adeo non concessa videtur ab eo ad quem mittitur. Bona ejus per judiciorum ordinem pignoris causa capi nequeunt, cum hoc arguat vim superiorem, à qua legatum immunem esse, demonstravimus. Si solvere debita nolit, eodem modo, ut in delictis procedendum.

“ Ut



ad eandem illustrandam, ejusque commoda Cap. 18.  
promovenda omnes ingenii & industriæ ner-  
vos intendant <sup>1</sup>.

V. *Erga concives civis officium* est amice & *Erga on-*  
pacifice cum illis vivere; commodum sese ac <sup>cives</sup>  
facilem præbere, nec morositate aut pervicacia <sup>quod?</sup>  
sua turbas dare; cæterorum commodis non  
invidere, aut eadem intervertere <sup>3</sup>.

## VI.

“ Ut vero legato jus asylum in ædibus suis constitu-  
“ endi, & quosvis eo confugientes recipiendi conce-  
“ datur, natura & indoles legationum nullatenus re-  
“ quirat. Quod si autem simile quid concessum fuerit,  
“ nullam tamen rationem video, quo minus imperans,  
“ si salus civitatis suæ hoc exigat, istud revocare possit.  
“ Unde quid de lite inter Galliæ regem, & Romanum  
“ pontificem, hac super re agitata, censendum sit, pa-  
“ tet. Interim si per consensum imperantium certa  
“ jura legatis competant, quorsum & ritus & ceremo-  
“ nias refero, hæc sine prægnanti causa illis denegari  
“ nequeunt, cum hoc ipso fama & existimatio eorum  
“ lædatur.” *Philos. Pract.* P. II. c. iv. S. 5. § 19—37.  
*Conf. GROT. De Jure B. & P. L. II. c. xviii.*

<sup>1</sup> Hoc officium non minus sacris literis quam rationi  
convenit. Vid. *Rom.* xiii. 1, & c. 1 *Pet.* ii. 17.

<sup>2</sup> De amore erga patriam multa præclara scripserunt  
veteres Romani. Audiamus CICERONEM: “ Cum  
“ omnia ratione animoque lustraris, omnium societa-  
“ tum nulla est gravior, nulla carior, quam ea quæ  
“ cum rep. est unicuique nostrum: cari sunt parentes,  
“ cari liberi, propinqui, familiares: sed omnes om-  
“ nium caritates patria una complexa est: pro qua  
“ quis bonus dubitet mortem oppetere, si ei sit prosu-  
“ turus? ” *De Off.* I. xvii.

<sup>3</sup> CICERONI iterum auscultemus: “ Multa sunt ci-  
“ vitatibus [f. civibus] inter se communia, forum, fana,  
“ porticus, viæ, leges, jura, judicia, suffragia, consue-  
“ tudines præterea & familiaritates, multisque cum  
“ multis

Cap. 18.

*Specialium  
officiorum  
lex gene-  
ralis.*

VI. *Specialia officia* vel per universam sese  
remp. velut diffundunt, vel circa certam dun-  
taxat partem occupantur. Circa quæ omnia  
hoc generale præceptum habetur: Ne quis  
ullum officium in rep. affectet aut suscipiat,  
ad quod sese ineptum deprehendit.

*Consilia-  
riorum  
principis  
officia.*

VII. *Qui consilio* suo rectoribus civitatum  
adstant, in omnes reip. partes aciem mentis  
convertant<sup>4</sup>; quæ ex usu reip. videbuntur  
esse, dextre & fideliter citra affectus ac pra-  
vos respectus exponant; salutem reip. in om-  
nibus consiliis pro scopo habeant, non pro-  
prias opes, aut potentiam; pravis affectibus  
principum adulando non velificentur; facti-  
onibus & coitionibus illicitis abstineant; nihil  
quod dici oportet dissimulent, nihil quod ta-  
ceri oportet eliminant; exterorum corruptio-  
nibus impenetrabiles sese præbeant; privatis  
suis negotiis aut voluptatibus publica negotia  
non posthabeant.

*Sacrorum  
ministro-  
rum officia.*

VIII. *Qui publice constituti sunt ad sacra*  
*obeunda*, in iisdem gravitatem & attentionem  
adhibeant; vera de cultu Numinis dogmata  
pro-

---

“ multis res rationesque contractæ. Arctior verò est  
“ combinatio propinquorum. Sanguinis autem con-  
“ junctio & benevolentia devincit homines caritate.  
“ Magnum est enim eadem habere monumenta majo-  
“ rum, iisdem uti sacris, sepulchra habere communia.  
“ Sed omnium societatum nulla præstantior est, nulla  
“ firmior, quàm cum viri boni moribus similes sunt fa-  
“ miliaritate conjuncti. In quibus enim eadem studia  
“ sunt, eademque voluntates, in his sit ut æquè quis-  
“ que altero delectetur. ac seipso; efficiturque id,  
“ quod PYTHAGORAS ultimum in amicitia putavit  
“ ut

proponant ; eorum quæ ipsi docent populo Cap. 18.  
sefe conspicuum exemplar exhibeant ; nec  
pravitate morum, muneri suo dignationem,  
doctrinæ pondus detrahant 5.

IV. QUÆ publicè injunctum variarum *Professo-*  
*Scientia* rerum animos civium imbuere, nihil *rum arti-*  
falsi aut perniciosi doceant : vera autem ita *um officia.*  
tradant, ut auditores iis assentiantur non tam  
adsuetudine audiendi, quam quia solidas eo-  
rundem rationes perspexerunt ; omnia dog-  
mata ad societatem civilem turbandam directe  
fugiant ; omnem scientiam humanam inanem  
habeant, ex qua nulla in vitam humanam &  
civilem utilitas redundat 6.

X. QUI *juri dicundo* præficiuntur, quibus *Judicum*  
vis facilem accessum præbeant ; plebem ab *officia.*  
oppressionibus potentiorum protegant ; jus  
æque pauperi & humili, quam potenti &  
gratioso dicant ; lites ultra necessitatem non  
extrahant ; a corruptelis abstineant ; in cognos-  
cendis causis diligentiam adhibeant, omnesque  
affectus sinceritatem judicii corrumpentes se-  
ponant ; recte faciendo neminem timeant 7.

## XI.

---

“ ut unus fiat ex pluribus. Magna etiam illa commu-  
“ nitas est, quæ conficitur ex beneficiis ultro citro datis  
“ acceptis ; quæ & mutua & grata dum sunt, inter  
“ quos ea sunt, firmâ devinciuntur societate.” *Ibid.*

4 “ Ad consilium de republica dandum caput est  
“ nosse rempublicam.” *Cic. de Orat. II. lxxxii.*

5 De hoc argumento leg. omnino *BURNET. de Cu-  
râ Pastoral. BUDDEI Theol. Moral. P. 2. c. iii. S. 8.*

6 Vid. *QUINTIL. Instit. L. I. c. ii.*

7 “ Summovendum utrumque est ambitûs genus, vel  
“ potentibus contra humiles venditandi operam, vel

Cap. 18. XI. *QUIBUS armorum cura commissa*, militem diligenter & tempestive exerceant, & ad tolerandos militiæ labores firment; disciplinam officia. nam militarem sartam testamque habeant; milites hosti jugulandos temere non objiciant; annonam & stipendium quantum in se promte procurent, nec de eo quidquam intervertant; milites semper ut reip. faveant curent, nec unquam eos sibi adversus rempubl. concilient.

*Militum officia.* XII. *Milites* contra stipendiis suis contenti sint; ab expilandis & vexandis paganis abstineant; labores pro tuenda rep. libenter & strenue obeant; pericula per temeritatem non arcessant, per ignaviam non defugiant; fortitudinem in hostem, non in commilitones, ostentent; stationem assignatam masculine defendant; honestam mortem turpi fugæ & vitæ præferant.

*Legatorum officia.* XIII. *Quorum opera civitas apud externos utitur*, cauti sint & circumspecti; inania a solidis, vera fabulosis discernere callidi; secretorum tenacissimi, pro utilitate suæ civitatis adversus quaslibet corruptiones obstinati.

*Præsecutorum rei nummarie officia.* XIV. *Qui opibus civitatis colligendis aut dispensandis præsumunt*, cavenat ab omni non necessaria acerbitate; nec ob proprium questum, aut per petulantiam vel malignitatem

---

“ illud etiam jactantius minores utique contra dignitatem attollendi. Non enim fortuna causas vel iustas vel improbas facit.” QUINTIL. *Instit* L. XII. c. vii.

<sup>8</sup> De legatorum jure & privilegiis, vid. *supra*, cap. xyii. § 8. not 3,

animi,

animi, oneris quid adjiciant ; publici nihil Cap. 18.  
 intervertant ; quibus de publico quid solven-  
 dum, illis citra moras non necessarias satis-  
 faciant.

XV. *Durat* autem civium speciale officium,  
 quamdiu in ea functione, ex qua illud pro- Officium  
 fluit, sunt constituti ; qua ubi abeunt, & il- civis quo-  
 lud exspirat. Generale itidem durat, quam- usque du-  
 diu cives sunt. *Cives* autem *esse desinunt*, vel ret ?  
 si consensu expresse aut tacito civitatis disce- L.VIII.c.  
 dant, & alibi sedem fortunarum figant ; vel xi.  
 si ob delictum in exilium ejiciantur, & jure  
 civitatis priventur ; vel si hostica vi oppressi  
 in victoris ditionem concedere adigantur.

F I N I S.







# INDEX Rerum\*.

## A.

- A** *Cceptatio* necessaria in promissione, 1. 9. 16.  
*Acceptilatio* tollit obligationem, 1. 16. 3.  
*Accessiones* quid sint, 1. 12. 7.  
*Acquirendi* modi diversi, 1. 12.  
*Actio* humana, 1. 1. 2. Bona, mala, licita, 1. 2. 11. Voluntaria, invita, mixta, 1. 1. 16. Imputari quæ potest, ib. 17. 18. Judicialis, 2. 12. 5.  
*Actiois* materia, forma, p. 136. n. 42.  
*Actus* dividui, individui, 1. 6. 8. not. 14.  
*Additio* in diem, 1. 15. 9.  
*Æqualitas* hominum, 1. 7. 1. Non sequitur ab æqualitate virium, 1. 7. 2. not. 3. In statu naturæ, 2. 1. 8.  
*Æqualitas* quid, 1. 17. 12. **A** diffinitione differt, 1. 2. 10.  
*Æternitas* Dei demonstratur, 1. 4. 5. not. 14.  
*Affectus*, quam vim habeant, 1. 1. 14. Eorum origo. ib. n. 36.  
*Alienatio* regni, an licita, 2. 15. 6.  
*Ambitus* quid, 1. 14. 3. not. 5.  
*Amor sui ipsius* naturalis, 1. 3. 2.  
*Analogia* à philosophia exulanda, 1. 4. 5. not. 18.  
*Anima mundi*, 1. 4. 3.  
*Animalia*, utrum jus hominibus in eorum vitas competat, 1. 12. 1. not. 1. Damnum ab iis datum à domino refarciendum, 1. 16. 12.  
*Animi* cultura necessaria, 1. 5. 2. not. 3.  
*Antichresis*, 1. 15. 15.  
*Aristocratia*, 2. 8. 3.  
*Atheismus* pœnis coercendus, 1. 4. 2. not. 6. Societatem destruit. 1. 3. 10. not. 9. 1. 4. 9. not. 24. 1. 5. 2. not. 3.

\* Primus numerus librum, secundus caput, tertius paragraphum, Pr. auctoris præfationem, not. notam designat.

*Atbeorum* juramentis nulla fides,

1. 11. 4. not. 5.

*Attributa* Dei demonstrantur, 1.

4. 5. not. 14.

*Auſilio*, 1. 15. 9.

## B.

**B** *Ellum*, 2. 16. Defensivum,  
offensivum, 2. 16. 2. So-  
lenne, minus solenne, 2. 16.

7.

*Benevolentia*, fundamentalis lex  
naturæ, 1. 3. 9. not. 9.

*Bonitas* à justitiâ differt, 1. 2.

13.

*Bonarum* quot genera, 1. 1. 11.  
not. 26.

*Bonæ fidei* possessor, 1. 13. 4.

## C.

**C** *Ausa* actionis, principalis,  
collateralis, subalterna, 1.

1. 27. not. 61.

*Civile* imperium, à Deo in quo  
sensu, 2. 6. 14. not. 8. Non  
à paterno, 2. 3. 7. not. 9.

*Civiles* leges quid, 2. 12. 1.

*Cives* originarii, adscititii. 2. 6.

13.

*Civium officium*, 2. 18.

*Civitas* quid sit, 2. 5. 1. & 2.

6. 10. Ejus causa, 2. 5. 7.

Et origo, 2. 6. 9. Et struc-  
tura, 2. 6.

*Commercium* unde, 1. 14. 1. not.

1.

Ejus leges generales, *ib.*

6.

*Commissoria* lex, 1. 15. 15.

*Commodatum* quid, 1. 15. 6.

*Compensatio*, 1. 16. 2.

*Compromissum*, 2. 1. 10. not. 12.

*Concursus* ad alienum crimen  
quoruplex, 1. 1. 27. not. 61.

*Condonatio* debiti, 1. 16. 3.

*Confusio*, 1. 16. 9. not. 14.

*Conjugium*, 2. 2. Vid. *Matri-*  
*monium*.

*Conscientia* quid, 1. 1. 5. not. 9.

Certa, dubia, erronea, pro-  
babilis, scrupulosa, *ib.* Non  
est innata nec suprema actio-  
num norma, *ib.*

*Consensus* in pactis *necessarius*, 1.

9. 8. Debet esse mutuus, 1.

9. 15. Expressus, tacitus,

1. 9. 9.

*Conservatio* sui homini naturalis,

1. 3. 2.

*Consuetudo* quantum valet, 1. 1.

13. Alteram naturam vocat

CICERO, *ib.* not. 35.

*Contractus* quid, 1. 15. 1. Be-  
neficus, onerosus, *ib.* 2. A  
pacto differt, *ib.* 8.

*Corporis* cultura necessaria, 1. 5.

8.

*Creatio* æterna impossibilis, 1. 4.

3. not. 7.

*Crimen* unde æstimandum, 1.

13. 16.

*Cultus* Dei in quo consistit, 1. 4.

7. Externi necessitas ex lege

naturæ, 1. 4. 7. n. 22.

## D.

**D** *Annum* refarciendum, 1. 6.

Per se & per alios, 1. 6. 7.

*Defensio* inculcata, 1. 5. 10.

*Delegatio*, 1. 16. 9.

*Democratia*, 2. 6. 11. & 8. 8.

*Depositum* quid, 1. 15. 7.

*Derelictum* quid, 1. 12. 6. not.

15.

*Deus* auctor legis naturæ, 1. 3.

1. 11. Attributa ejus de-

monstrantur, 1. 4. 5. not. 14.

Existentia, 1. 4. 2. not. 2.

Providentia, 1. 4. 4. not. 12.

Non



*Non extenditur*, 1. 4. 5. not. 16. *Pœnitet in quo sensu*, 1. 4. 5. not. 17. *Nequit obligari*, 1. 2. 4.  
*Dispensatio quid*, 1. 2. 9. *An lex divina admittat*, *ib.* not. 21.  
*Diffimulatio licita*, 1. 10 5.  
*Divortii causæ*, 2. 2. 6.  
*Doloris acriores stimuli quam voluptatis*, 1. 1. 13. not. 37.  
*Dominium quomodo acquiritur*, 1. 12. 2. *Eminens quid*, 2. 15. 4.  
*Dominorum officia*, 2. 4.  
*Donatio*, 1. 12. 14.  
*Duellum*, 1. 5. 13. not. 22.

## E.

**E** *Brietas non excusat delictum*, 1. 1. 15. not. 39.  
*Emphytensis quid*, 1. 12. 8. not. 23.  
*Emptio, venditio*, 1. 15. 9.  
*Error quotuplex*, 1. 1. 7. *Consensum impedit*, 1. 9. 12. & 1. 11. 6.  
*Existimatio quid*, 2. 14. 1: Simplex, intensiva, *ib.* 2.  
*Expositio infantis homicidium*, 2. 3. 4. not. 5.  
*Expromissor*, 1. 15. 14.

## F.

**F** *Alfiloquium quando licitum*, 1. 10. 5. not. 8.  
*Favorabile interpretatione extenditur*, 1. 17. 9.  
*Fidejussor*, 1. 15. 14.  
*Finis à medio distinguitur*, 1. 1. 9.  
*Fœdus*, 2. 17. *Reale, personale*, *ib.* 6. *A sponsione differt*, *ib.* 8.

*Forma mundi non æterna*, 1. 4. 3. not. 11.  
*Fructus quomodo æstimentur*, 1. 6. 6. *Ad quem pertineant*, 1. 13. 6.  
*Fungibiles res*, 1. 15. 11.  
*Furis nocturni & diurni discrimen*, 1. 5. 16. not. 25.  
*Furor impedit consensum*, 1. 9. 10.

## G.

**G** *Gratitudo*, 1. 8. 5.

## H.

**H** *Abitatio*, 1. 12. 8. not. 27.  
*Habitus quæ vis*, 1. 1. 13.  
*Hæres quis*, 1. 12. 11.  
*Harmonia præstabilita*, 1. 4. 4. not. 12.  
*Honor quid*, 1. 4. 6.  
*Humanitatis officia*, 1. 8. 1.  
*Humilitas*, 1. 7. 5.  
*Hypotheca*, 1. 15. 15.

## I.

**I** *Ignorantia quotuplex*, 1. 1. 8.  
*Imbecillitas hominum naturalis*, 1. 3. 3.  
*Immutabilitas Dei demonstratur*, 1. 4. 5. not. 14.  
*Imperantium officia*, 2. 11. 1.  
*Potestas*, 2. 7. *In rebus sacris*, 2. 7. 8. not. 11.  
*Imperium summum quid*, 2. 9. 1. *Utr. resistere liceat*, 2. 9. 4. not. 5. *Civile, in quo sensu à Deo oritur*, 2. 6. 14.  
*Jus ejus unde oritur*, 1. 2. 5.  
*Non ex potentiâ*, *ibid.* not. 10.

- Impossibile* nulla obligatio 1. *ib.* **A** natura hominū inve-  
stiganda, *ib.*
- Imputativitas* actionum, 1. 1.  
17.
- Independentia* Dei demonstratur,  
1. **4.** **5.** not. **14.**
- Induciae*, 2. **16.** **15.**
- Infinium* quid sonat, 1. **4.** **5.**  
not. 15.
- Infinita* series absurda, **1.** **4.** 2.  
not. 2.
- Ingenii* humani diversitas, 1. 3.  
**6.**
- Injuria* quomodo fit, 1. 2. **15.**
- Innoxiae* utilitatis res, 1. **8.** **4.**
- Intellectus* quid, 1. 1. **14.**
- Intemperantia* quare vitiosa, 1.  
**5.** 10.
- Internuntius*, 1. 9. **21.**
- Interpretatio* legum, 1. **17.** 1.
- Interregnum*, 2. 10. **4.**
- Judicium*, utr. ad intellectum,  
an ad voluntatem pertineat.  
p. **16.** n. **7.**
- Judicum* officia, 2. **18.** 13.
- Juramentum*, vid. *Jusjurandum.*
- Jus gentium* quid, 1. 1. 1.
- Jus imperii* unde oritur, 1. 2. **5.**  
Parentum in liberos, 2. 3. 2.  
not. 2. Maris in foeminam, 2.  
2. **4.** not. 3. Vitæ & necis,  
2. **13.** 2.
- Jus naturale* quid, Pr. § 3. &  
1. 1. 1. not. 1. Civile, *ib.*  
In quibus differunt, Pr. § **4.**  
Sibi invicem non repugnant,  
Pr. § 5.
- Jus naturale* circa externas acti-  
ones præcipue versatur, Pr.  
§ **5.** Utrum idem sit in statu  
integrali ac corrupto, Pr. § **7.**  
not. 19. Utr. existat, 1. 3. 1.  
not. 1. Varia ejus principia.  
*ib.* not. 2. Ejus auctor Deus,
- Jusjurandum* quid, 1. 11. 1. E-  
jus finis & usus, *ib.* 2. Per a-  
nimam, per salutem quid  
vult, *ib.* 3. not. **4.** Obliga-  
tionem firmat, non creat, *ib.*  
5. Vi & metu extortum o-  
bligat, *ib.* **6.** not. **10.** Affer-  
torium, promissorium, *ib.* **10.**
- Justitia* quid, 1. 2. **12.** Com-  
mutativa, distributiva, *ib.*  
**14.** Æquatoria, rectoria,  
*ib.* not. **34.** **Particularis**, u-  
niversalis, attributrix, exple-  
trix, *ib.*

## L.

- L**æſio quævis injusta, **1.** **6.** **2.**
- Legati* jura & privilegia, 2.  
**17.** 8. not. 3. Officia, 2.  
**18.** **13.**
- Lex* definitur, 1. 2. 2. An à nor-  
mâ distinguatur, *ib.* not. 2.  
**A** consilio differt, 1. 3. 10.  
not. **10.** Commissoria, 1. 15:  
3. **15.** Divina, 1. 2. 16. Hu-  
mana, *ib.* Conscientiam obli-  
gat, 2. **12.** 8. Salica, 2. **10.**  
11. Summaria, 2. **11.** **11.** E-  
jus sanctio, 2. **14.** **4.** Impe-  
rantem non obligat, 2. 9. 3.  
Vid. *Jus.*
- Liberi* omnes naturâ, 1. **7.** **6.**  
not. 10.
- Liberi* hæredes parentum, 1. **12.**  
**11.** Eorum officia, 2. 3. **12.**
- Libertas* voluntati attribuitur,  
1. 1. 9. not. 19.
- Locatio*, conductio, 1. **15.** **10.**
- Lotaria*, 1. **15.** 13.
- Lumen* naturale quid, 1. 1. **4.**

M: MA.

## M.

- M** *Agistratum officia*, 2. 8. 10.  
*Mandatarii* obligatio, 1. 9. 21.  
*Mandatum* ejusque jura, 1. 5. 5.  
*Mare* utrum jure liberum sit, 1. 12. 4. not. 10.  
*Mariti* officium, 2. 2. 10.  
*Materia* actionis à forma distinguitur, 1. 1. 17. not. 42.  
*Materia* legis quid, 1. 2. 8.  
*Materia* non æterna, 1. 4. 3. not. 13.  
*Matrimonium* quid, 2. 2. 1.  
 Quibus contrahere licet, *ib.* 7. An requirat consensum parentum, 2. 3. 10.  
*Medium* à fine distinguitur, 1. 1. 9.  
*Mendacium* illicitum, 1. 10. 8.  
*Metus* obligationem solvit, 1. 9. 14. Non solvit, 15. not. 23. In juramentis, 1. 11. 7.  
*Militum officia*, 2. 18. 12.  
*Ministrorum* sacrorum officia, 2. 18. 8.  
*Mobilia* quænam sunt, 1. 12. 6. not. 13.  
*Monarchia*, 2. 6. 11.  
*Moralis* scientiæ tres fontes, Pr. § 2.  
*Moralia* Dei attributa demonstrantur à posteriori, 1. 4. 5. not. 14.  
*Motus* non essentialis materiæ, 1. 4. 3. not. 11.  
*Mundus* non æternus, 1. 4. 3. not. 11.

## N.

- N** *Atura quid* vult, 1. 4. 3. not. 8.  
*Naturale* jus, vid. *Jus*.  
*Naufragium* quam licentiam det, 1. 5. not. 29. 33.

- Nauticæ* leges, 1. 5. 24.  
*Necessitas* non habet legem, 1. 5. 23. Jus omnibus in omnia dat, *ib.* not. 31. *Phyfica*, moralis. 1. 2. 3. not. 5.  
*Novatio*, 1. 16. 9. not. 14.  
*Noxæ* deditio servi, 1. 6. 11. *Animalis*, *ib.* 12.  
*Nummi origo*, 1. 14. 1. not. 14.

## O.

- O** *bligatio quid*, 1. 2. 3. Unde oritur, *ib.* 4. Triplex est, 1. 9. 4. not. 6. Quibus modis tollitur, 1. 16.  
*Occupatio* originarius acquirendi modus, 1. 12. 6. *Dominii origo*, *ib.* 2. not. 4.  
*Ochlocratia*, 2. 8. 11.  
*Officium* quid, 1. 1. 1. Variæ ejus species, 1. 3. 13. *Absolutum*, 1. 6. 1. *Hypotheticum*, 1. 9. 22.  
*Oligarchia*, 2. 8. 11.  
*Olla* fortunæ, 1. 15. 13.  
*Omnipotentia* Dei demonstratur, 1. 4. 5. not. 14.  
*Omniscientia*, *ib.*  
*Operæ* fervorum, 1. 12. 8. not. 28.

## P.

- P** *Actum quid* 1. 15. 1. *Necessarium*, 1. 9. 2. *Servandum*, *ib.* 3. A promisso distinguitur, *ib.* 5. Et à contractu, 1. 15. 1. *Metus* non violat, 1. 9. 14. not. 23.  
*Parentum officia* & jura, 2. 3.  
*Partus* matrem sequitur, 2. 4. 6. not. 5.  
*Passiones*, 1. 1. 14. *Reprimendæ*, 1. 5. 2. not. 3.  
*Patrum familias* jus, 2. 3. 7. Pax.

*Pax*, 2. 16. 17.  
*Peculium liberorum*, 2. 3. 5.  
*Perfectio* quid sonat, 1. 4. 5. not. 18.  
*Permissa actio*, 1. 2. 11.  
*Permutatio*, 1. 14. 1.  
*Pignus*, 1. 15. 15.  
*Pæna* quid, 2. 13. 4. De essentia legis, 1. 2. 7. Sanctio legis, 2. 12. 4. Cui usui infervit, 2. 11. 7.  
*Politicum animal homo*, 2. 5. 5.  
*Polygamia* an licita, 2. 2. 5. not. 5.  
*Positivæ Dei leges* non inutiles, 1. 2. 8. not. 20.  
*Possessor bonæ fidei* ad quæ tenetur, 1. 13. 4.  
*Præda* in bello cuius fit, 2. 16. 13.  
*Præfectorum rei nummarie officia*, 2. 18. 14.  
*Præscriptionis jus*, 1. 12. 12.  
*Pretium* quid, 1. 14. 1.  
*Primævus hominum status*, 1. 3. 3. not. 5.  
*Primogeniti* quid sit jus, 1. 12. 11. not. 37.  
*Principum officia*, 2. 11. 2.  
*Promissum* quid, 1. 9. 5. De futuro, *ib.* 6. not. 9. Perfectum, imperfectum, *ib.* Purum & sub conditione, *ib.* 20.  
*Promulgatio* de essentia legis, 1. 2. 6.  
*Protimeseos jus*, 1. 15. 9.  
*Providentia Dei demonstratur*, 1. 4. 4. not. 12.  
*Pudicitia* vi recte defenditur, 1. 5. 20.

## R.

**R** *Egnum* an possit alienari, 2. 15. 6. *Usufructuaria*, 2. 9. 7.

*Religio naturalis*, 1. 4. Non per se sufficit, 2. 5. 8. Vinculum societatis, 1. 3. 9. & 1. 4. 9. & 1. 5. 3. Ejus cura imparanti incumbit, 2. 2. 4.  
*Repressaliæ*, 2. 16. 10.  
*Retraçtus*, 1. 15. 9.

## S.

**S** *Acroorum ministrorum officia*, 2. 18. 8.  
*Salus populi suprema lex*, 2. 11. 3.  
*Sanctio pœnalis legis*, 1. 2. 7.  
*Sepultura* jus, 1. 8. 8. not. 15.  
*Sermocinantium officia*, 1. 10.  
*Servitus perfecta*, imperfecta, 2. 4. 2. not. 4. Ejus origo, 2. 4. 1.  
*Servitutes prædiorum*, 1. 12. 1.  
*Servorum officia*, 2. 4.  
*Silentium signum consensus*, 1. 9. 9.  
*Simonia* quid, 1. 14. 3.  
*Socialitas* fundamentum juris naturalis, 1. 3. 7.  
*Societas* quare instituta, 2. 5. 1.  
*Solutio obligationum*, 1. 16. 1.  
*Sors* litibus dirimendis apta, 1. 7. 4. & 1. 15. 13. & 2. 1. 10. not. 13.  
*Sponsiones*, 2. 17. 8.  
*Sponte fieri quæ dicuntur*, 1. 1. 9. not. 20.  
*Status* quid, 2. 1. 1, Naturalis, 1. 3. 3. & 2. 1. 3. Adventitius, 1. 6. 1. Civilis, 2. 5. 3. Futurus an ratione innotescit, Pr. § 5. & 1. 4. 8. 1. 5. 2. Hominum corruptus, Pr. § 6.  
*Successio linealis*, 2. 10. 10.  
*Testamentaria*, 1. 12. 13. Agnatica, cognatica, 2. 10. 11.

Sui.

*Suicidium illicitum*, 1. 5. 4. not.  
6.

*Summum jus*, *summa injuria*, 1.  
2. 10. not. 24.

*Sumptuariæ leges*, 2. 11. 11.

*Superbia* in quo consistit, 1. 7. 5.

*Superficiarium jus*, 1. 12. 8. not.  
23.

*Suspicio non justa causa belli*, 1.  
5. 15.

*Systema civitatum*, 2. 8. 13.

## T.

**T** *Empus* lapsum obligationem  
tollit, 1. 1. 6.

*Testamenti jus*, 1. 12. 13. Utr-  
ex jure naturali originem  
trahat. 1. 12. 12. not. 40.

*Testis officium*, 2. 1. 10.

*Thesaurus* quid, 1. 12. 6. not.  
17.

*Transitio* ad dominum transferen-  
dum requiritur, 1. 12. 13.  
not. 41.

*Transitus innoxius* aliis conce-  
dendus, 1. 8. 8. not. 15.

*Tributa*, 2. 11. 10. & 2. 15. 3.

*Tutela inculcata*, 1. 5. 10.

*Tyrannis*, 2. 8. 11.

## V.

**V** *Estigalia*, 2. 15. 3.

*Venditio*, vid. *Emptio*.

*Venia* danda pœnitenti, 1. 6. 13.

Aliquando delictis, 2. 13. 15.

*Veritas*, moralis, logica, 1. 10.

7. Utr. per se fit prosequen-  
da, 1. 10. 5. not. 8.

*Vindicta* illicita, 1. 6. 13.

*Vitæ jus*, vid. *Jus*.

*Vitricus* an habeat paternam  
potestatem, 2. 3. 3.

*Unitas Dei* probatur, 1. 4. 5.  
not. 19.

*Universitas* quomodo punienda,  
2. 13. 19.

*Voces* nihil certum naturâ desig-  
nant, 1. 10. 2.

*Voluntas* quid, 1. 1. 9. Bonum  
appetit, 1. 1. 11. Hypotheses  
variæ de ejus libertate, *ib.* 9.  
not. 19.

*Ufucapio* modus acquirendi, 1.  
12. 12.

*Ufusufructus*, 1. 12. 8. not. 25.

*Ufusufructuarius* regnum, 1. 9. 7.

*Ufus* quid, 1. 12. 8. not. 25.

*Ufura* licita, 1. 15. 11.

*Utilitatis* innoxie officia, 1. 8.

4.

*Uxoris* officia. 2. 2. 10.

## FINIS INDICIS.

















